


Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.4.32





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.4.32



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.4.32



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.4.32

7 *Al. 2/1*



Ex Libris Joannis Nencini
1874

C.36.

NALE CENTRALE FIRENZE
DINI
1
4
32
ALTA NEMO



182

TH

E I

De

Ap

OPVS
THOMAE CAMPEGII
BONONIENSIS,
EPISCOPI FELTRENSIS,
De Auctoritate, & Potestate Romani
Pontificis, & alia opuscula,
quæ indicantur in se-
quenti pagina.



AL

DVS



VENETIIS, M. D. LV.
Apud Paulum Manutium Aldi F.

De Officio Principis Christiani in Ecclesia.

Licere sacerdotibus temporalia bona possidere.

Licere Episcopis dominium temporale habere.

- + De residentia Episcoporum.
- + De Beneficiorum pluralitate.
- + An Papa labem simoniæ incurrere possit.
- + De Annatarum institutione, & earum defensione.
- + De Reservationibus beneficiorum.
- + De Pensionibus.
- + De omnium fructuum reservatione.
- + De Reservatione regressuum.
- + De Commendis beneficiorum.
- + De Unionibus ecclesiarum.
- + De Coadiutore Episcoporum, & aliorum.
- De Reservatione casuum absolutionis.
- De Exemptionibus.
- De Sententia excommunicationis.
- De Interdicto ecclesiastico.
- De Observatione dierum festorum.
- An Electus & consecratus à schismaticis sit uerè Episcopus.
- + An Romanus Pontifex possit dirimere matrimonium ab hæreticis contractum.

PAVLO IIII. PONT.
OPT. MAXIMO.

THOMAS CAMPEGIVS,
Episcopus Feltren. Felicitatem.



PROPTER ueritatem ,
mansuetudinem , & iu-
stitiam , deduxit te mira-
biliter dextera Domini ,
Paul e Pōt. Opt. Max. Iu-
stitia & iudicium prępa-
ratio sedis tuę . Pręuenit te Dominus in be-
nedictionibus , & posuit in capite tuo coro-
nam de lapide pretioso . Induit te Domi-
nus uestimentis salutis : & indumento iusti-
tię circundedit te , quasi sponsum decoratum
corona , & quasi sponsam ornatam monili-
bus suis . Quia dilexisti iustitiam , & odisti
iniquitatem : propterea unxit te Deus , De-
us noster , oleo lætitię prę consortibus tuis.
Dextera Domini fecit uirtutem : dextera
Domini exaltauit te . Talem decebat , ut ef-
set nobis Pontifex , sanctus , innocens , im-
pollutus , segregatus a peccatoribus . Erit
opus tuum iustitia . Pax & cultus iustitię ,
silentium & securitas . Sedebit populus tuus
in pulchritudine pacis , & in tabernaculis fi-
ducie , & in requie opulenta . Lætamini ita-

* 2

que in Domino, & exultate iusti: & iocundamini omnes recti corde. Letentur & exultent omnes: quoniam iudicabis populos in æquitate, & gentes in terra diriges. Iudicabis orbem terræ in æquitate, & populos in ueritate. Iubilare Deo omnis terra: seruite Domino in lætitia: introite in conspectu eius in exultatione. quoniam prospexit Dominus de excelso sancto suo: Dominus de coelo in terram aspexit. Exortum est in tenebris lumen rectis: lux orta est iusto, & rectis corde lætitia. Voces istæ, Beatis. Pater, psallentium, prophetantium, & lætantium, excitarunt a somno hos filiolos meos, quos quandoque infantulos uidisti: qui & ipsi sese immiscentes choro psallentium, & cuneis prophetarum, superno quodam afflati spiritu, clamantes: Iubilare Deo omnis terra: psalmum dicite nomini eius: date gloriam laudi eius; ad sanctissimos pedes tuos, nomine meo, properant, illos deosculaturi, & sanctissimam benedictionem petaturi, cum Esaia prophetantes, Ponet Dominus uisitationem tuam pacem, & præpositos tuos iustitiam. Non audietur ultra iniquitas in Dei ecclesia. Benedictus Dominus, qui fecit mirabilia solus: & benedictum nomen maiestatis eius in æternum: & repleatur maiestate eius omnis terra. fiat, fiat.

C A P. Primum. Dominus noster Iesus Christus, ascendens in cælum vicarium dimisit in terris; qui eius uice caput & rector ecclesiam regeret, & gubernaret.

- 1 Tamdiu consentaneum fuit, Christum per se ipsum regere ecclesiam, quandiu eiusdem fuit dispositionis cum membris suis.
- 2 Interpretatio illius loci Io. xx. Noli me tangere. ex Io. Chryso.
- 3 Non fuisset Christus diligens paterfamilias, si neminem dimisisset in terris, qui eius uice ecclesiam regeret & gubernaret.
- 4 Non propterea Christus existens in cœlis minus idoneus est ad regendam ecclesiam in terris, nec coadiutore indiget.

C A P. II. Petrus is fuit, quem Christus ascendens in cælum loco sui dimisit in terris.

- 1 Per illa uerba, Pasce oues meas, factus est Petrus rector & gubernator ecclesiæ.
- 2 Illa uerba, Pasce oues meas, soli Petro non omnibus Apostolis dicta.

C A P. III. Sententia asserentium Petro datam potestatem, cum ei dictum, Tu es Petrus, & super hanc petram.

- 1 Mos sacræ scripturæ ponendi modum pro modo, & tempus pro tempore.
- 2 Auctoritates Augustini, Hilarii, & Anacleti assertionem comprobantes.

3 Contraria assertio approbatur ratione , &
auctoritate Gregorii.

Cap. IIII. Petrum antequam ei dictum fue-
rit, pascue oues meas, digniorem habitum qui alijs
præficeretur.

1 Petro dictum, Et tu aliquando confirma fra-
tres tuos.

2 Solus Petrus super aquas maris ad domi-
num peruenit.

3 Soli Petro dictum, Duc in altum.

4 In solutione tributi pro domino & Petro
datum staterem.

5 Petrus in enumeratione Apostolorum ab
euangelistis omnibus primus nominatus.

6 Plura scripturæ loca, quibus Petrus alio-
rum nomine respondebat.

CAP. V. Petri dignitas & prærogativa ex
his quæ post domini resurrectionem dicta aut fa-
cta sunt.

CAP. VI. Testimonia patrum de Petri primatu.

1 Anacleti, Cyrilli, Eusebii Cesariensis, Hie-
ronymi, Augustini, Chrysostomi, & In-
nocentii.

CAP. VII. Petri auctoritas & prærogati-
ua comparata auctoritati datæ ecclesiæ, & alijs
Apostolis.

1 Confessio Petri, Tu es Christus filius Dei
uiui.

2 Responsum & confessionem Petri referri

- non posse ad omnes Apostolos.
- 3 Quod dixit dominus, Tu es Petrus &c. referri non posse ad omnes Apostolos.
 - 4 Differentia inter Petrum de se loquentem, & alieno nomine.
 - 5 Verba domini ad Apostolos, Quodcunq; ligaueritis; non tribuere æquam potestatem cæteris Apostolis cum Petro.
 - 6 Quomodo interpretandum sit quod legitur, cæteros Apostolos pari consortio cum Petro honorem accepisse & potestatem.
 - 7 Interpretatio loci Hieronymi, Christum dedisse eandem iudiciariam potestatem aliis Apostolis.
 - 8 Quando Apostoli receperunt a domino ordinis potestatem.
 - 9 Interpretatio loci Hieronymi, Christum dedisse omnem potestatem discipulis.
 - 10 Interpretatio loci Mat. x i x. Cum sederit filius hominis in sede maiestatis suæ, tunc & uos sedebitis iudicantes duodecim tribus Israel.
 - 11 Interpretatio loci Mat. x x i i. nolite uocari rabi, unus est enim magister uester: & uos omnes fratres estis.
 - 12 Item alterius loci Mat. x x i i i. Principes gentium dominantur eorum. non erit ita inter uos.

CAP. VIII. *Quæ sint clauēs ecclesiæ.*

- 1 Clauēs, una ordinis, altera iurisdictionis, siue una scientiæ, altera potestatis.
- 2 Locus Hieronymi de his qui iudicii clauem a potestate separant.
- 3 Quomodo soluantur peccata clauē scientiæ, locus Chryso.

CAP. IX. *Cui datæ sint clauēs ecclesiæ.*

- 1 Clauēs datæ sunt Petro & Apostolis, non tamen ex æquo, sed Petro, & aliis per Petrum.
- 2 Ecclesia habet clauēs, quia Petro eius capiti datæ sunt.
- 3 Locus August. Sicut quædā dicuntur, quæ ad Apostolum Petrum uidentur pertinere, neque tamen habent illustrem intellectum, nisi cum referuntur ad ecclesiam, cuius ille agnoscitur in figura gessisse personam.
- 4 Et pro se, & pro ecclesia Petrus clauēs accepit.
- 5 Quo sensu unitas non homo unus clauēs accepit, quia non unus tantum habet, omnes tamen habent ab uno.
- 6 Clauēs habet ecclesia, quia potiora eius membra habent.
- 7 Cur dicantur ecclesiæ clauēs.
- 8 A quo Papa clauēs accipiat, & cui dimittit moriens.

- 9 Testimonia patrum de clauibus datis Petro.
10 Papa non modo ouium, sed pastorum pastor : Bernar.

C A P. X . *Petrus ecclesie fundamentum.*

- 1 Quomodo Christus, Petrus, & Apostoli, nuncupentur ecclesie fundamenta.
2 Christus est fundamentum fundamentorum. August.
3 Testimonia patrum, Origenis, Cypriani, Basilii, Hilarii, Ambrosii, Hieronymi, Augustini, Cyrilli, Chrysostomi, Maximi, Leonis, & Gregorii,
4 August. uarie interpretatus locum illum, Tu es Petrus. &c. relinquit lectoris arbitrio, an per petram Petrus an Petri fides interpretanda sit.
5 Si per petram Petrum interpretamur, ubi ecclesia ante Petrum?

C A P. XI . *Petrus immediate potestatem accepit a Christo.*

- 1 Petrus primus Apostolorum, non quod ab ipso ceteri sint ordinati, sed quia ipse, sicut eorum caput, est ordinatus : omnes tamen a Christo.
2 Paulus in Episcopum ordinatus est, non tamen a Petro.
3 Iacobus Iustus ordinatus est a Petro, Ioā. & Iacobo, quantum ad uisibilem unctionem, cum prius esset inuisibiliter ordi-

* 5

natus .

4 Quomodo Apostoli Petrum principem suum esse uoluerunt , si Petrus à Christo primatum accepit .

5 Quomodo interpretandum sit concilia potestatem dedisse Rom. Pontifici .

C A P . X I I . *Dissolutio eorum , quæ obijciuntur primatui Petri .*

1 Quomodo traditæ fuerint oues pascendæ etiam aliis Apostolis .

2 Iacobus pastor Hierosolymorum , Petrus totius ecclesiæ .

3 Cur sedes prima non est posita Hierosolymis .

4 Quo sensu Socrates in Tripartita histo . nocat Iacobum Episcopum Episcoporum .

5 Ex epistola ad Galatas colligitur , pares fuisse Apostolos in unitate fidei eiusq; defensione , non in iurisdictione .

6 Reprehendit Paulus Petrum ex charitate , non ex potestate : quomodo minor maiorem corripere potest .

7 Quomodo Petrus dictus est Apostolus circumcisionis , Paulus gentium , cum tamen uterque & gentibus & Iudæis uerbum Dei prædicauerint .

8 Quomodo Petrus & Paulus quandoque simulauerint .

9 Petrus solus non elegit Matthiam & diaco-

- nos , ut uitaret seditionem , & maior fieret minor : potuit facere , & noluit .
- 10 Non omnis missio dicit superioritatem . quare potuit Petrus ab Apostolis mitti in Samariam .
- 11 Non manet ecclesia sine capite influente , qui Christus est , potest ad tempus manere sine capite ministeriali .
- 12 Ante Christum erat ecclesia , cuius caput Deus .

C A P . X I I I . *Auctoritatem datam Petro , datam etiam successoribus Petri .*

- 1 Ea ratione Christus ministros instituit , ut eorum auctoritas ad posteros continua successione usque ad finem seculi permaneret .
- 2 Amor non facit pastorem , sed pastorem bonum .
- 3 Petrus successorem habet , non ceteri Apostoli : quia pastoris officium est ordinarium , Apostolatus autem minime perpetuum .
- 4 Soli Petro data potestas gubernandi omnes & quascunque oues .
- 5 Non posset ecclesia statuere , quod essent duo summi Pontifices .

C A P . X I I I I . *Romanum Pont. esse Petri in Pontificatu successorem .*

- 1 Testimonia sanctorum patrum de Rom.

* 6

- Pont. auctoritate, & primatu.
- 2 Testimonia Rom. Imperatorum.
 - 3 Sacrorum conciliorum testimonia.
- C A P. X V. Romanum Pont. esse, & recte
appellari uniuersalis ecclesiæ Episcopum.
- 1 Sic se uocarunt Rom. Pontifices, sic ab aliis
uocati sunt.
 - 2 Damasum ante Gregorium se uocasse ser-
uum seruorum Dei.
 - 3 Cur Gregorius recusauerit uniuersalem Epi-
scopum appellari.
 - 4 Longe distare, appellari uniuersalem Epi-
scopum, & uniuersalis ecclesiæ Episcopū.
 - 5 Rom. Imperatores appellarunt Rom. Pon-
tificem uniuersalis ecclesiæ Episcopum.
- C A P. X V I. Rom. Pontifici ab omnibus Chri-
sti fidelibus deberi obedientiam.
- 1 Spirituale caput præfertur tempotali.
 - 2 Cum Christus dixit Petro, Pasce oues meas;
potestates seculares non excepit.
 - 3 In ueteri lege sacerdotes subiiciebantur re-
gibus.
 - 4 Quod præcepit Apostolus, omnem ani-
mam sublimioribus potestatibus fore sub-
iectam, non infert sacerdotes ciuilibus ma-
gistratibus subesse.
 - 5 Idem nec ex eo quod dixit Petrus, subiecti
estote omni humanæ creaturæ, propter
Deum, siue regi &c.

- 6 Interpretatio eius quod habetur ad Rom.
XIII. Qui potestati resistit, Dei ordina-
tioni resistit.
- 7 Quid tribuat Regi Francorū extrauag. Clem.
v. quæ incipit, Meruit charissimi filii.
- 8 Potestas temporalis quamuis a Deo sit, non
tamen immediate.
- 9 Quomodo Papa utrumque gladium habeat:
alterius tamen usus sit penes Cæsarem.
- 10 Gladius temporalis quando resumendus a
Pontifice.
- 11 De duobus gladiis uariæ interpretationes.
- 12 Interpretatio illius loci, Non haberes pote-
statem, nisi tibi data esset desuper.
- 13 Qui a Rom. Pontificis obedientia se malo
animo subtrahunt, nihil magis ad eccle-
siam orthodoxam pertinent, quàm Aria-
norum aut Donatistarum ecclesiæ: san-
ctus Thomas.

C A P. XVII. Rom. Pontifici nedum debi-
tam, sed etiam præstitam fuisse obedientiam ab
Episcopis, principibus, & concilijs.

- 1 Testimonia patrum, & orientalium Episco-
porum.
- 2 Constantinopolitañ. Alexandriñ. & Thessa-
loniceñ. Episcopi legati esse consueuerant
Rom. sedis.
- 3 Nestorius a Celestino monitus fuit ad co-
ram se comparandum infra ab eo prefini-

tum tempus .

- 4 Constantinopolitañ. ecclesia Romanæ sub-
dita est .
- 5 Testimonia Imperatorum etiam ethnico-
rum pro Rom. Pontificis auctoritate .
- 6 Ante concessam Germanis electionem Im-
peratoris, præstiterunt Imperatores Roma-
no Pontifici fidelitatis iuramentum .
- 7 Imperatore abrogato, paruisse electores
Rom. Pontifici mandanti, ut alium eli-
gerent .
- 8 Rom. Pontificem deposuisse regem Franco-
rum, uel potius procures a iuramento fi-
delitatis absoluisse, ut deposito inutili re-
ge alium eligere possent .
- 9 Post Federici II abrogationem, petitam a
Constantinopolitañ. Imper. a Rom. Pon-
tifice unionem occidentalis imperii cum
orientali, & denegatam .

C A P. XVIII. *Maiores causas ad Aposto-
licam sedem referendas.*

- 1 Exemplo ueteris testamenti id inductum
in ecclesia .
- 2 Testimonia & exempla sanctorum patrum .

C A P. XIX. *Licet omnibus ad sedem
apostolicam appellare.*

- 1 Testimonia sanctorum patrum .
- 2 Testimonium Sardicē. concilii .
- 3 Disceptatio & reconciliatio Africana & cc-

clesiæ cum Romana .

- 4 Aegyptiorum Episcoporum testimonium .
- 5 Testimonium Cypriani .

C A P. X X. *Nemini licere à Romano Pontifice appellare .*

- 1 Interpretatio illius canonis , Nemo iudicabit primam sedem iustitiam temperare desiderantem .
- 2 Verbum , nemo , excludere omnes etiam collectivæ , contra Panor.

C A P. X X I. *Ad Rom. Pontificem spectat , aliorum Episcoporum electiones confirmare .*

- 1 Sanctorum patrum testimonia .
- 2 Imperatores quandoque confirmatores fuerunt Episcoporum ex indulto sedis Apostolicæ , ut facilius hæreticis obsisteretur .
- 3 Quomodo & qua de causa huiusmodi privilegia antiquata fuerint , & his per Imperatores renunciatum .
- 4 Confirmatio Imper. non tribuebat Rom. Pontifici auctoritatem & iurisdictionem , sed tantum robur electioni contra seditiones & schismaticos .

C A P. X X I I. *Rom. Pontificem maiorem & superiorem fore generali concilio .*

- 1 Panormitan. Abbas negat , & exponit omnia de particularibus ecclesiis .
- 2 Sicut pastor maior est grege simul congregato , sic Rom. Pontifex maior domini-

- co grege , non tantum singulis .
- 3 Inscriptiones patrum , in quibus Rom. Pon-
tifex præponitur concilio .
 - 4 Exempla plura , Rom. Pontifices absoluis-
se quos concilia damnauerant .
 - 5 Papa a nemine iudicandus , nec etiam a con-
cilio , nisi sit a fide deuius .
 - 6 Quomodo & quo casu in generali sermone
comprehenditur uniuersitas .
 - 7 Potestas regendi ecclesiam spiritualis a solo
Deo tribui potest .
 - 8 Reseruauit sibi Christus iudicium uicarij
sui .

CAP. XXIII. Dissolutio obiectorum .

- 1 Plus ualet regnum quàm rex , uerum in re-
gno temporali .
- 2 Hominum electio designat tantum inungen-
dum : a Deo & potestate diuina ordina-
tus per eligentes deponi non potest .
- 3 Non recte colligitur : portæ inferi aduersus
ecclesiam præualere non possunt : ergo
ecclesia superior Rom. Pontifice .
- 4 Interpretatio loci Hieron. orbis maior est
urbe .
- 5 Non maior aut dignior uniuersalis ecclesia ,
quòd Rom. Pontifex illius pars sit .
- 6 Omnes Episcopi congregati cum Papa ,
non maiorem habent iurisdictionem ipso
Papa .

- 7 Mater maior est filio ueneratione , non potestate.
- 8 Ecclesia est sponsa Christi , etiam Papæ : nec sunt duo sponſi , ſed unus : ſicut una iuriſdictio , & una ſponſa.
- 9 Papa eſt miniſter eccleſiæ , non tamen minor : ita & miniſter eſt Chriſtus , & miniſtri ſunt angeli electorum .
- 10 Dic eccleſiæ , Mat. x v i i i . id eſt , ſi priuata perſona peccat , dic prælato : ſi publica , corā multitudine obiurga , uel eccleſiaſticam cenſuram adhibe .
- 11 Suprema auctoritas data eccleſiæ , a domino data eſt , cum iuncta eſt capiti ſuo Rom. Pont.
- 12 Ex loco Hierony. Episcopis datam omnem poteſtatem , non colligitur , datam auctoritatem ſupra Papam .
- 13 Ex eo quòd eccleſia irritam uidetur habuiſſe electionem Clementis factam a Petro , non colligi eccleſiam ſuperiorem Papa .
- 14 Quod procereſ ſynagogæ inſurrexerint contra Moyſem , non arguit ſuperioritatem eccleſiæ ſupra Papam .
- 15 Synodus ſubſcribit Pontifici , non quòd auctoritatem addat , ſed conſilium & firmitatem .
- 16 Quomodo Symachus & alii ſubiecerint ſe iudicio ſynodi .

- 17 Interpretatio c. Vrbes L X X X. & c. Prouin-
cia x c. di.
- 18 Ex eo quòd Rom. Pontificis sententiæ exa-
minatæ fuerint in concilio, non colligi-
tur superioritas concilii.
- 19 Declaratio loci Ambrosii: qui uidetur faue-
re auctoritati concilii.
- 20 Declaratio c. De libellis x x. di. & c. Siquis
II. q. VII. & c. Omnibus x x III. q. I.
- 21 Declaratio decreti Nicenæ synodi, quo ui-
detur Rom. Pont. non habere curam nisi
circumadiacentium locorum, sicut Ale-
xandriñ.
- 22 Licet Romana sedes prima sit propter Pe-
trum qui ei præfedit; non propterea Hie-
rosolymitañ. secunda, quia ei præfedit Ia-
cobus secundus Apostolorum.
- 23 Apostoli omnes regunt ecclesiam, sed ordi-
ne suo.
- 24 Depositi a concilio & Imperatore sunt Pa-
pæ, uel non legitimi Papæ, uel iniuria
& perperam.
- 25 Papa eget concilio, uel ut maturius & con-
sultius deliberetur, uel ipse, si opus sit,
ab errore reuocetur.
- 26 Concilium superius est, dubio & incerto
Papa.
- 27 Sede uacante, non deest ecclesiæ sua digni-
tas & auctoritas, deest minister idoneus,

qui exequatur.

CAP. XXIIII. *Examen & interpretatio
decreti Constantiensis concilij, de auctoritate con-
cilij supra Papam.*

- 1 Decretum editum fuit non integro nec ad-
huc plenario concilio.
- 2 Decretum XL sessionis statuentis, propter
quæ & quomodo Papa possit corrigi uel
deponi; designat patres non habuisse pri-
mum pro edito.
- 3 Ex literis Martini v. editis in concilio Con-
stantien. colligitur, patres non habuisse
ratum decretum huiusmodi.
- 4 Decretum carere confirmatione Martini.
- 5 Si decretum non subsistit, quomodo ualida
fuit depositio Io. XXII & electio Mar-
tini?
- 6 Declaratio literarum Martini in condemna-
tione Io. huss: ex quibus uidetur colligi,
quod error duntaxat est, negare prima-
tum summi Pontificis super particulares
ecclesias, non autem super uniuersalem,
aut concilium.
- 7 Minus ualuisse decretum Basilien. concilii.
- 8 Declarandum decretum, quod concilium
præsit Papæ in casu schismatis, in casu in-
certi capitis, item in casu notæ hæresis.

C A P. XXV. Rem. Pontifex a concilio de-
poni non potest.

- 1 Testimonia sanctorum patrum.
- 2 Declaratio sententiæ sancti Thomæ, recur-
rendum ad Deum, qui eum emendet,
uel de medio tollat, si caret superiore is,
qui deliquit.
- 3 Locus Ezechiae, Qui constituti sunt a Deo
speculatores domus Israel, tenentur clan-
gere tuba, & intimare malum.
- 4 Sedis Apostolicæ præfulem suo sine quæ-
stione Deus reservauit arbitrio.
- 5 Papa dicere potest, Dominus est qui me iu-
dicat.
- 6 Papæ culpas redarguere præsumat mortu-
um nullus.
- 7 In ecclesia aliquid specialiter constituitur,
quia nulla est ea superior.
- 8 Apostolica sedes de tota ecclesia habet iudi-
care.
- 9 Nunquam abscinditur caput, quamuis æ-
grum & ulcerosum.
- 10 Dominus non mandauit abscindi caput, si
scandalo fuerit, sicut alia membra.
- 11 Concilium causam Symmachi Papæ totam
Dei reservauit arbitrio.
- 12 Item dixit Marcellino, Tuo ore iudica cau-
sam tuam, non nostro iudicio.
- 13 Concilium sub Siluestro decreuit, Nemo

14

15

16

17

18

19

20

21

- iudicet primam sedem .
- 14 Papa deponi non potest in generali concilio , sicut nec Archiepiscopus in provinciali .
 - 15 Dicant subditi Papę quod dixit Dauid Sauli , Iudicet dominus inter te & me .
 - 16 Si deuiat terrena potestas , iudicatur a spiritali : si deuiat spiritalis , iudicatur minor a maiore : si uero suprema , a solo Deo non ab homine iudicari potest .
 - 17 Cur propter alia crimina , quę plus nocent ecclesię quàm hæresis , Papa deponi non possit .
 - 18 Tria sunt quibus non præest sed subest Papa , credenda , scilicet articuli fidei ; agenda , præcepta moralia ; medicamenta , sacramenta . His stantibus , quę tollere non potest Papa , non labitur fides nec ecclesia , licet ipse labatur .
 - 19 Et si Papę mandato , quod repugnat iuri diuino aut naturali , non sit obediendum , non tamen licebit in eum superiorem agere , & a sua sede deicere .
 - 20 Etiam si Papa culpis & erratis suis eo deueniret , ut abscisso palmiti , infructuosę arbori , & sali infatuato comparari posset : non tamen subsequitur , ergo ab hominibus iudicari aut deponi poterit .
 - 21 Non subsequitur , concilium potest iudicare

Papam hæreticum, ergo etiam in minoribus delictis: nec est locus a maiori ad minus.

22 Declaratio gl. in c. Si Papa x l. dist. quæ fuit petra scandali.

23 Non suspicio hæresis, aut hæresis non uera subiicit Papam concilio.

24 Quomodo Papa moneri possit de crimine, & denunciari ecclesiæ.

C A P. XXVI. Romanus Pont. concilio se submittere non potest ab eo iudicandus.

1 Hæc inuicem pugnant, quòd quis sit Papa, & alteri subiiciatur.

2 Non potest Papa alteri concedere potestatem eum excommunicandi.

3 Vicarius non potest uniuersam iurisdictionem in alium transferre.

4 Nemo Papam nolentem parere iudicio, cui se submisisset, cogere posset ad parendum. propterea inane foret iudicium, & elusorium.

5 Quomodo Paschalis, Damasus, & Leo III se purgauerunt in concilio.

6 Nec Adrianus Carolo, nec Leo Ottoni se submiserunt: licet illis concefferint electionis Rom. Pontificis cōfirmationem.

7 Interpretatio l. est receptum. ff. de iudi.

8 Submissio fieri potest, cum plures contendunt de pontificatu.

C A P. XXVII. Ad Rom. Pontificem spectat confirmare decreta & acta conciliorum.

- I Testimonia & exempla sacrorum conciliorum.

C A P. XXVIII. Ad Rom. Pontificem spectat, perperam celebrata concilia damnare.

- I Testimonia sanctorum patrum & conciliorum.

C A P. XXIX. Ad Rom. Pontificem spectat, ambiguitates declarare, quæ super conciliorum decretis orirentur.

C A P. XXX. Rom. Pontifex potest dispensare super decretis conciliorum.

- I In quacunque republica opus est auctoritate dispensandi in legibus suis, quod plures recipiant uarietates & uicissitudines, propter quas non possunt omni casu obseruari.
- 2 Testimonia sanctorum patrum & conciliorum.
- 3 Multorum crimina damnabilia sunt, quæ tamen ecclesia tolerat, pro tempore, intuitu personæ, pietatis, aut utilitatis.
- 4 Sicut quædam sunt, quæ nulla possunt ratione conuelli: ita multa, quæ aut pro necessitate temporum, aut pro consideratione ætatum oporteat temperare.

C A P. XXXI. Rom. Pontifex potest conciliorum decreta abolere.

- 1 Exemplum Ezechiae, qui confregit serpentem æneum, quem dominus mandauerat exaltari in deserto.
- 2 Certitudinis ueritas uariatur secundum rerum uarietatem.
- 3 Non possunt leges humanæ habere illam immutabilitatem, quam habent principia in speculabilibus propter rerum uariabilitatem.
- 4 Rectum in rebus corporalibus non dicitur absolute, sed in ordine ad utilitatem communem.
- 5 Dissolutio obiectorum.

OPVS
I
THOMAE CAMPEGII,
BONONIENSIS, EPISCO-
PI FELTRENSIS, DE AVCTO-
RITATE ET POTESTATE
ROM. PONTIFICIS IN
ECCLESIA DEI.

*Dominus noster Iesus Christus ascendens in cœlum
uicarium in terris dimisit, qui eius uice caput &
rektor ecclesiam regeret & gubernaret. Cap. I.*



CV M de auctoritate Romani
Pontificis in ecclesia dei, sit à
nobis differendum; erit susce-
pti laboris exordium expone-
re, quòd, quamuis Christus
Iesus, ut deus, & homo, caput sit uniuersæ
ecclesiæ: ad Eph. cap. I. & IIII. &, quoad
humanitatem, eiusdem sit naturæ cum ho-
minibus: consentaneum tamen fuit, & con-
gruum, ut ex mortali factus immortalis, cum
cœlum conscendit, aliquem in terris dimitte-
ret, qui eius uice caput & rektor ecclesiam
regeret, ad quem mortalem mortales, & ter-
renum terreni homines, quibus cœli aditus
ante obitum præcluditur, confugere possent,
in illis rebus, in quibus, pro humani generis
imperfectiōe, iudice egerent, & directore,
ea ratione qua Deuter. XVI. constitutum

A

DE POTESTATE

fuit, iudices sedere in portis ciuitatis, ut facilius ab intrinsecis, & extrinsecis adiri possent. Et (si licet humanis diuina conferre) sicut Moses, conscensurus montem ad dei colloquium, sui ipsius loco reliquit Aaronem, qui uices suas gereret super plebem, cui interdictum erat ascendere montem: sic decuit Christum, ascendentem in coelum, aliquem constituere, qui uices suas in terris gereret. quod hac ratione comprobatur. Tandiu decuit Christum per se ipsum in terris ecclesiam regere, quandiu eiusdem consuetudinis fuit, & dispositionis cum membris suis. cum autem post resurrectionem immortalitatem est consecutus, & alterius consuetudinis factus est; æquum fuit, & decuit, aliquem nobis loco sui dimittere, qui nobiscum humanam uiuens uitam, nos regeret & gubernaret. unde super illud, Io. xx, Noli me tangere; dixit Chrysostomus, quod uolebat mulier illa adhuc cum eo uersari, ut solebat: & præ lætitia nihil de eo magnum cogitabat. sed longe melius factus erat secundum carnem. Quare hac eam sententia abducens, & ut reuerenter se alloquatur, admonens, dixit: Noli me tangere; quia, etsi eiusdem naturæ sim, ut prius, sum tamen alterius uitæ, & alterius conuersationis. Proinde prout ex sententia Augustini in illud Ioan. xv.

Ego sum uitis, & uos palmites; æquum fuit dei filium humanam carnem assumere, ut esset illa uitis, cuius palmites esse possemus: sic æquum fuit, ex mortali factum immortalem, aliò properantem, cœlos ascensurum, quempiam nobis relinquere, qui nobis similis eius uice in terris nos regeret. Hinc dixit

3 Innocen. in c. quod super his, de uoto. Non fuisset Christus diligens paterfamilias, si non dimisisset in terra aliquem, qui uice sua posset subuenire necessitatibus ecclesiæ. cuius sententiæ fuit etiam S. Thomas lib. IIII. contra gentil. cap. LXXIII.

4 Quod si quis obiiceret: si Christus existens in cœlis eius naturæ, cuius nos palmites esse possumus, nos in terris ut præcipuum caput nostrum regit, quid opus est alio in terris capite? quasi minus idoneus sit, existens in cœlis, nos in terris uiuentes regere, adiutoreq; indigeat: is non bene colligit: quoniam eodem modo colligi posset, deus omnipotens prima est, & sufficiens causa cunctarum rerum: superuacua igitur sunt secundæ causæ: quid ergo agros colimus? plantamus arbores? domus ædificamus? procreationi filiorum operam damus? aliaq; naturæ uel artis munia subimus, si ad hæc omnia sufficit prima causa, deus omnipotens in cœlis existens? ordo ipse rerum ab ipso sum-

DE POTESTATE

mo opifice hoc exposcit, cuius sapientissimi consilii non est nostrum exquirere causas: nec idonei sumus ad illarum cognitionem peruenire. Regit Christus existens in coelis suam in terris ecclesiam, illius primus moderator & rector: uoluit tamen & per alios munus suum in terris exequi, quos capitis nomine honoramus, quod ipsius ueri capitis uices gerant.

Item quemadmodum deus omnipotens, qui ab initio creauit coelum & terram, fecitq; terram germinare herbam uiuentem, & lignum pomiferum, creauitq; cete grandia, & omnem animam uiuentem, quas produxerant aquae in species suas, & omne uolatile secundum genus suum, & nouissime hominem ex limo terrae plasmauit; potuisset postea in dies uiuentia quaeque, & animalia creare, hominesq; plasmare, quinimo solo uerbo producere: uoluit tamen haec ex propriis feminibus propagari. & sicut usque ad Noe per seipsum mundum gubernauit, deinde per sacerdotes, iudices, & reges populum suum regi uoluit, cum tamen nec minus idoneus foret, nec adiutore indigeret: sic & Christus Iesus, quamuis nobiscum in terris conuersatus, per se ipsum ecclesiam gubernauerit, ascendens tamen in coelum uoluit oues suas Petro pascendas tradere, atque

per eum ecclesiam regi & gubernari. Nec propterea colligendum, eum esse minus idoneum, & adiutore indigere.

Petrus is fuit, quem Christus, ascendens in coelum, loco sui dimisit in terris. Cap. II.

ET RV M autem eum fuisse, quem Christus, ascendens in coelum, loco sui in terris dimiserit, eidem tradens ecclesiam suam regendam & gubernandam, deducitur ex illis ipsius uerbis, Pasce oues meas: quibus impleuit, quod promiserat. Matth. xvi. Tu es Petrus, & super hanc petram ædificabo ecclesiam meam.

Quoniam pascere in sacris literis significat regere, & reges pastores dicebantur, iuxta illud Isaia xlii. Qui dico Cyro, pastor meus es: & Ezech. xxxiii. Suscitabo super eum pastorem unum, qui pascat ea, seruum meum David. cum eo quod postea dixit: & seruus meus David, princeps in medio eorum. Homerus etiam uocat Agamemnonem pastorem populorum.

Quod autem uerba illa, Pasce oues meas, soli Petro, non omnibus dicta sint, colligitur ex priori interrogatione, Diligis me plus his? quæ ad omnes referri non potest. Sic & illa uerba, Tu es Petrus, & super

A iii

DE POTESTATE

hanc petram &c. Quoniam dominus, cum omnes alloqueretur, non ad unum dirigebat sermonem, ut cum, Matth. xix, Petro interrogante, omnibus respondit: Amen dico vobis, quod vos qui reliquistis omnia, & secuti estis me: Cum Mar. viii. Vos autem quem me esse dicitis? Io. xv. Quando misi vos: Lucæ xxii, Omnes vos scandalum patiemini: Matth. xxvi, Sic ergo orabitis: Lucæ xv, Quicumque non receperit vos: Matth. x, Vos autem contristabimini.

Sententia asserentium Datam Petro potestatem, cum ei à domino dictum est, Tu es Petrus, & super hanc petram ædificabo ecclesiam meam.

Cap. III.

VNT tamen nonnulli, qui opinantur non solum promissam Petro primam in ecclesia potestatem, cum ei dictum est, Super hanc petram ædificabo ecclesiam meam, & tibi dabo claues regni cœlorum; sed etiam datam; quoniam ab eo promissa, cuius, dixisse, fecisse est; & cuius nomen est fidelis, & uerax; nec sit deus quasi homo, ut mentiatur: Num. xxi. Nec refragari uerba futuri temporis, Aedificabo ecclesiam, & tibi dabo claues: Cum mos

admodum familiaris fuerit sacrae scripturae, ponere modum pro modo, & tempus pro tempore: sicut Ezechiae xxxi, quaecunque de rege Assyriorum futura prænunciatur, quasi transacta memorantur: & de cruce, & passione domini ante prænunciatum: Foderunt manus meas, & pedes meos: quasi ovis ad uictimam ductus est: liuore eius sanati sumus: ab iniquitatibus populi ductus est ad mortem.

2 Quibus facere uidetur August. sermone cxxiiii, De temporibus, his uerbis:

» Credendae erant Petro clauēs regni coelorum: credenda quoque erat ei populorum innumera multitudo; quae esset suapte natura uitiiis, passionibus, culpis inuoluta, ac peccatis. Denique sic ad eum ait: Tibi dedi clauēs regni coelorum. & quae sequuntur. Nec enim putandum, Augustinum immemorem legi apud Mat. Tibi dabo: & non, Tibi dedi. Sed quia non dubitabat illam Christi promissionem, quam euangelista explicat uerbo futuri temporis, habuisse certum, & quasi praesentem effectum, usus est uerbo, Dedi, non, Dabo.

» Idem colligunt ex uerbis Hilarii in psalmum lxi, cum dixit, Neganti quidem Petro, clauēs regni coelorum non ademit: Si enim non ademit, prius habuerat. Et in

A iiii

DE POTESTATE

» psalmum cxxxi, dum inquit: Cum quæ-
 » dam de passione sua ad discipulos locutus
 » fuisset, & Petrus tanquam hoc indignum dei
 » filio detestaretur: cui superius claues regni
 » cœlorum dederat; super quem ecclesiam ædi-
 » ficaturus esset, aduersus quam portæ inferi
 » nihil ualerent: qui quæ in terris uel soluisset,
 » uel ligasset, ea in cœlis uel soluta, uel ligata
 » persisterent: hunc inquam detrectantem sa-
 » cramentum, tali excepit conuitio, Vade
 » post me Sathana. Super quibus uerbis in-
 » duens Chrysostomus Christi personam, sic
 » Petrum interrogat, Quid est, ô Petre?
 » tu, qui reuelationem de super habuisti, qui
 » beatificationem consecutus es, cui claues re-
 » gni cœlorum traditæ sunt, tam cito, adeoq;
 » grauius lapsus decidisti?

Adducunt etiam testimonium Anacleti,
 de quo in c. In nouo, xxi dist. cum dixit:
 » In nouo testamento, post Christum domi-
 » num à Petro sacerdotalis cœpit ordo: quia
 » ipsi primo pontificatus in ecclesia dei datus
 » est, domino dicente ad eum: Tu es Petrus,
 » & super hanc petram ædificabo ecclesiam
 » meam. Et idem Anacletus in c. Sacrosan-
 » cta. xxi dist. Sacrosancta, inquit, Ro-
 » mana & apostolica ecclesia, non ab aposto-
 » lis, sed ab ipso domino, & saluatore nostro
 » primatum obtinuit: sicut beato Petro apo-

» stolo dixit, Tu es Petrus &c.

- 3 His tamen non obstantibus, præferenda uidetur sententia eorum, qui asseruerunt, per uerba illa non fuisse Petrum constitutum ecclesiæ pastorem. nec enim, Christo cum hominibus conuersante, & gregem suum pascente, quem dirigentem ad opima pascua oues suæ adire, & sequi poterant, opus erat alio pastore. quod declarauit Gregorius in Omelia dominicæ resurrectionis,
- » cum dixit, Magnum esse actum pietatis dispensatione cognoscimus, ut is qui futurus
- » erat pastor ecclesiæ, in sua culpa disceret,
- » qualiter aliis misereri debuisset. & habetur in c. Considerandum. l. dist. Si enim futurus erat pastor tempore passionis, non utique constitutus erat, quando ei dictum fuit: Tu es Petrus. Quæ autem adducuntur testimonia Augustini, Hilarii, Chrysostomi, & Anacleti, interpretanda sunt, datam illam potestatem, quia ab eo promissa, qui nec fallit, nec fallitur, & cuius promissio pro implemento sumi potest: quemadmodum creditor putat se in marsupio habere pecuniam, quam promisit legalis debitor, qui fidem seruare consuevit. Vel dici potest, habitu potestatem recepisse, dilatam executionem: sicut in electo in episcopum dicimus, qui in electione iurisdictionem quidem recipit, iu-

DE POTESTATE

risdictionis usum, non nisi suscepto munere consecrationis.

Petrum, antequam ei dictum fuerit, Pasce oves meas; digniorem habitum, qui alijs præficeretur. Cap. II II.

- ED reuertamur, unde digressi sumus, & declaremus, priusquam ei dictum fuerit, Pasce oves meas, Petrum alijs digniorem indicatum, & à domino, & à condiscipulis dignum habitum, qui alijs præficeretur, in primis ex eo, quod dominus dixit Petro, Lucæ XXII: Et tu aliquando conuersus, confirma fratres tuos.
- 2 Ex eo quòd solus Petrus super aquas maris ad dominum peruenerit, Matth. XIIII: quod esse signum pontificii dixit Bernardus lib. de consideratione ad Eugenium.
- 3 Ex eo quod habetur Lucæ V: quòd, et si alijs discipulis imperauit, ut laxarent retia, soli tamen Petro dixit, Duc in altum. Quod annotauit Ambrosius, & habetur in c. Non turbatur. XXIII. quæst. I.
- 4 Ex eo quòd dominus in solutione tributi sibi Petrum æqualem fecit, Matth. XVI. de quo Augustinus lib. quæstionum noui & ueteris testamenti, quæstione LXXV inquit: Cum dicunt didrachmatis exactores

» ad Petrum : magister uester num soluit di-
 » drachma ? quo dicto magistrum interpella-
 » runt, ut pro omnibus solueret discipulis. Sal-
 » uator autem illud pro se & Petro dari iu-
 » bens, pro omnibus soluisse uidetur . quia si-
 » cut in saluatore erant omnes magisterii cau-
 » sæ , ita post saluatorem in Petro omnes con-
 » tinentur . quod idem annotauit Hierony-
 » mus in Matth. x viii . his uerbis : Post
 » inuentum staterem , post tributa reddita ,
 » quid sibi uult apostolorum repentina inter-
 » rogatio ? in illa hora accesserunt discipuli
 » ad Iesum dicentes , Quis putas maior est in
 » regno cœlorum ? quia scilicet uiderant à Pe-
 » tro, & domino idem tributum redditum; ex
 » æqualitate pretii , arbitrati sunt Petrum om-
 » nibus apostolis esse prælatum , qui in red-
 » ditione tributi domino fuerat comparatus .
 » ideo interrogant , quis maior sit in regno cœ-
 » lorum . Eiusdem sententiæ fuerunt , Chri-
 » sostomus in eum locum, & Orige. Ome. v.
 s Præterea ad Petri dignitatem , & præro-
 » gatiuam pertinere uidetur , quod , etsi ual-
 » rient euangelistæ in apostolorum enumera-
 » tione , omnes tamen Petrum primum ordi-
 » ne ponunt , alios non eodem ordine . An-
 » dream enim Simonis fratrem , quem secun-
 » dum nominat Matthæus ; Marcus , & Lu-
 » cas in actibus posuerunt quartum : Iacobus

DE POTESTATE

Zebedei, qui quartus est Matthæo, Marco est secundus, Lucæ uero tertius. Ioannes, eius frater, apud Matthæum quintus est, apud Lucam in euangelio quartus, in actibus secundus, apud Marcum est tertius. & sic de cæteris.

- 6 Eandem Petri dignitatem, & prærogati-
uam agnoscere possumus ex eo, quod Pe-
trus sæpius aliorum nomine respondebat.
Interroganti enim domino apostolos, an &
ipsi uellent abire, quòd multi discipulorum
retro abiissent; respondit Petrus, Ad quem
ibimus? uerba uitæ æternæ habes: Io. v. 1.
Interroganti Iesu, Vos autem quem me es-
se dicitis? Respondit Petrus, Tu es Chri-
stus filius dei uiui: Mat. xvi. Dicente do-
mino, Et uos estote parati, quia, qua hora
non putatis, filius hominis ueniet; ait ei Pe-
trus, Domine ad nos dicis hanc parabolam,
an ad omnes? Lucæ xii. Christo dicen-
te, Diuites non facile regnum cœlorum in-
gressuros; respondet Petrus, Ecce nos re-
liquimus omnia, & secuti sumus te: quid er-
go erit nobis? Mat. xix, & Lucæ xviii.
Dum impleuissent discipuli ambas nauicu-
las piscibus, procidens Petrus ad genua Ie-
su dixit, Exi à me domine, quia homo pec-
cator sum: Lucæ v. Discipulis in mari la-
borantibus apparente domino, & dicente,

Habete fiduciam, ego sum, nolite timere; respondens Petrus dixit, Domine, si tu es, iube me uenire ad te super aquas: Matth. xiiii. Transfigurante se domino in monte, dixit Petrus, Domine bonum est nos hic esse: si uis, faciamus hic tria tabernacula: Matth. xvii. De noxa remittenda accedens Petrus ad eum dixit, Domine quoties peccabit in me frater meus, & dimittam ei? usque septies? Matth. xvii.

Petri dignitas, & prerogativa ex his quæ post resurrectionem domini dicta, aut facta sunt.

Cap. v.

PETRI dignitatem, & prælationem ostendunt plura, ab eo, & apostolis acta, & dicta post domini resurrectionem, & illud in primis, quod habetur Aët. i. dixisse Petrum, Viri fratres, oportet impleri scripturam, quam prædixit spiritus sanctus per os sanctorum. Quod habetur de claudo sanato ad speciosam portam: Aët. iii. cum Petrus & Ioannes traditi sunt in custodiam, & in crastinum in concilio constituti, dixit Petrus, Principes populi, & seniores audite. si nos diiudicamur in benefacto hominis infirmi: Aët. iiii. cum Petrus ad Ananiam dixit, Cur

DE P O T E S T A T E

tentaui Sathanas cor tuum , mentiri spiritui
 sancto , & fraudare de pretio agri ? Act. v .
 cum Simoni mago cupienti pecunia emere
 » spiritum sanctum , dixit Petrus , Pecunia
 » tua tecum sit in perditionem , quoniam do-
 » num dei existimasti pecunia possideri :
 » Act. viii . cum surrexissent quidam de
 » hæresi pharisæorum , qui crediderunt , di-
 » centes , Quia oportet circumcidi eos : & con-
 » uenissent apostoli , & seniores uidere de uer-
 » bo hoc , Petrus dixit ad eos , Viri fratres ,
 » uos scitis quoniam ab antiquis diebus deus in
 » nobis elegit per os meum audire gentes uer-
 » bum euangelii , & credere : Act. xv . In
 » quo concilio , teste Hieronymo ad Aug. in
 » epistola , cuius initium est , Tres simul epi-
 » stolas : in sententiam Petri , Iacobus , & om-
 » nes presbyteri simul transiere .

Ad idem deducitur , quod Petro dictum
 fuit , Quodcunque ligaueris super terram ,
 erit ligatum & in cœlis : aliis uero , Ligatum
 & in cœlo : quasi uberior potestas data fue-
 rit Petro . quod annotauit Origenes .

Testimonia Patrum pro Petri primatu. Cap. vi.

I N TESTIMONIA sanctorum pa-
 s trum postulentur , habemus Ana-
 cletum , siue tertius , siue quartus fue-
 rit Rom. Pontifex post Petrum , qui cano-

» ne XIII dicit: In nouo testamento, post
» Christum dominum à Petro sacerdotalis cœ
» pit ordo: quia ipsi primo pontificatus in ec-
»lesia Christi datus est, dicente domino ad
» eum, Tu es Petrus, & super hanc petrā &c.
» Contestis est Cyrillus Alexandrin. Pa-
» triarcha; qui inquit. Sicut Christus acce-
» pit à patre sceptrum super omnem potesta-
» tem, & principatum, & super omne quod-
»cunque est, & ut ei omnia curuentur, ple-
»nissimam potestatem: sic & Petro, & eius
» successoribus plenissime commisit, ut etiam
» nulli alii quàm Petro Christus, quod suum
» est plenum, sed ipsi soli dedit.

His astipulatur Eusebius, Cæsariensis epi-
scopus, lib. I I ecclesiasticæ historiæ, cum
» ait: In ipsis Claudii temporibus clementia
» diuinæ prouidentiae probatissimum omni-
» um apostolorum, & maximum fidei ma-
» gnificientia, & uirtutis merito, primorum
» principem Petrum ad urbem Romam, ue-
» lut aduersum humani generis communem
» perniciem repugnaturus, deducit, ducem
» quendam & magistrum militiæ suæ, scien-
» tem diuina prælia gerere, & uirtutum ca-
»stra ductare. Iste adueniens ex orientis par-
» tibus, ut cœlestis quidem negociator, merci-
» moniam diuini luminis, si quis uelit compa-
» rare, aduexit, & salutaris prædicationis uer-

DE POTESTATE

» bo, primus in urbe Roma euangelii sui cla-
» uibus ianuam regni coelestis aperuit.

Ab his non dissentit Hieronymus, libro
de obitu, seu ortu sanctorum noui testamen-
ti, cum dixit, Petrus in Christo ecclesiae fun-
damentum, Cephas corporis Christi prin-
ceps & caput est.

August. autem super illud psalmi XLIII,
Deus deorum locutus est, post alia inquit,
» Deinde quadagesimo die scilicet ascensio-
» nis, commendauit sancto Petro ecclesiam,
» idest uocatam terram à solis ortu usque ad
» occasum, ne haberent excusationem, qui uo-
» lunt in schismate perire. Et super illis uer-
» bis, Sic eum uolo manere, donec ueniam,
» quid ad te? inquit, Duas uitas sibi diuini-
» tus prædicatas nouit ecclesia, unam in fide,
» alteram in spe: una significata est per apo-
» stolum Petrum, propter sui primatum.
» Et in libro de unico baptismo, dixit, Puto
» quòd sine sui contumelia Cyprianus episco-
» pus Petro comparetur, quantum attinet ad
» martyrii coronam. cæterum magis uereri
» debeo, ne in Petrum contumeliosus exi-
» stam. Quis enim nescit primatum cuiuslibet
» episcopatus præferendum? Et habetur in c.
Puto. II. quæst. v.

Idem August. lib. II contra Donat. ci-
» tat Cyprianum his uerbis, Commemorat
Cyprianus

» Cyprianus, quod etiam nos in scripturis san-
 » ctis didicimus, apostolum Petrum, in quo
 » primatus apostolorum tam excellenti gratia
 » præminet, aliter quàm ueritas postulabat
 » de circuncisione agere solitum, à posteriore
 » paulo fuisse correptum.

Adducamus & Ioannem Chrysostomum,
 » qui super Act. apostolorum inquit: Petrus
 » à filio super omnes, qui filii sunt, potesta-
 » tem accepit, non ut Moses in gente una, sed
 » in uniuerso orbe, dicente Petro, Pasce o-
 » ues meas.

Audiamus & magnum illum Leonem,
 quem tubam euangelicam appellarunt, ser-
 mone primo consecrationis suæ, ubi tractans
 illud, Lucæ XXII, Simon, ecce Satha-
 » nas expetiuit uos, inquit: Commune erat
 » omnibus apostolis periculum de tentatione
 » formidinis, & diuinæ protectionis auxilio
 » pariter indigebant, quoniam diabolus om-
 » nes cupiebat elidere: & tamen specialis à do-
 » mino Petri cura suscipitur, & pro fide Petri
 » proprie supplicatur, tanquam aliorum sta-
 » tus certior sit futurus, si mens principis uicta
 » non fuerit. In Petro ergo omnium fortitu-
 » do munitur, & diuinæ gratiæ ita ordinatur
 » auxilium, ut firmitas, quæ per Christum Pe-
 » tro attribuitur, per Petrum apostolis con-
 » feratur. Et in sermone III inquit, Mul-

B

DE POTESTATE

» to dignius est ad beatissimi Petri gloriam
» contemplandam aciem mentis attollere, &
» hunc diem in illius potissimum ueneratione
» celebrare, qui ab ipso omnium charismatum
» fonte ita copiosis irrigationibus inundatus,
» ut cum multa solus, nihil in quenquam sine
» eius participatione transferit.

Idem ad Anastasium scribens inquit,
» Sicut in uno corpore multa membra habe-
» mus, omnia autem membra non eundem
» actum habent: ita multi unum corpus sumus
» in Christo, singuli autem alter alterius mem-
» bra. hæc connexio totius quidem corporis
» unitatem requirit, sed præcipue exigit con-
» cordiam sacerdotum: quibus tametsi sacer-
» dotii sit dignitas communis, non est tamen
» ordo æqualis: quoniam & inter beatissimos
» apostolos, in similitudine honoris, fuit quæ-
» dam discretio potestatis: at cum omnium
» par electio, uni tamen datum est, ut cate-
» ris præmineret.

Leoni comitem demus Innocentium, li-
bro de officio missæ, cap. de primatu Ro-
» mani pontificis, dum inquit: Omnibus au-
» tem apostolis Christus unum caput præpo-
» suit, cui totius ecclesiæ principatum, & ante
» passionem, & post passionem commisit.
» Ante passionem dixit, Tu es Petrus, & su-
» per hanc petram ædificabo ecclesiam meam.

» Licet enim uniuerſis apoſtoliſ dixerit, Quo-
 » rum remiſeritiſ peccata, remittuntur eiſ, &
 » quorum retinueritiſ, retenta ſunt: princi-
 » paliter tamen Petro commiſit, cum dixit,
 » Quodcunque ligaueriſ ſuper terram. Pe-
 » trus ergo ligare poteſt cæteroſ, ſed ligari
 » non poteſt à cæteriſ. Nam & illud particu-
 » lariter dictum eſt, Quodcunque ligaueriſ ſu-
 » per terram. Circa paſſionem autem, cum di-
 » xiſſet de omnibuſ, Simon, ecce Sathanas
 » expetiuit uoſ, ut cribraret ſicut triticum: ſin-
 » gulariter tamen Petro ſubiunxit, Et tu ali-
 » quando conuerſuſ confirma fratres tuoſ. Ad
 » Petrum igitur, tanquam ad magiſtrum per-
 » tinet cæteroſ confirmare; cuiuſ fideſ in nul-
 » la tentatione deficit. Fideſ autem apoſtolicæ
 » ſediſ, ſupra firmam petram ſtabili ſoliditate
 » fundata, nulliſ unquam erroriſ ſordibuſ po-
 » tuit inquinari, ſed abſque ruga manenſ, &
 » macula, pro neceſſitate temporis maculaſ de-
 » terſit errorum. Poſt paſſionem autem, cum
 » tertio requiſiſſet à Petro: Simon Ioanniſ,
 » diligiſ me pluſ hiſ? & ille tertio reſponſiſ-
 » ſet: Tu ſciſ domine, quia amo te: tertio
 » quoque præcepit: Paſce oueſ meaſ: ſtatimq;
 » ſubiunxit: Sequere me. Petruſ autem ſe-
 » cutuſ eſt Chriſtum, non ſolum in genere
 » martiriſ, ſed etiam in ordine magiſteriſ. &
 » reliqua.

Petri auctoritas, & praerogativa comparata auctoritati datae ecclesiae, et alijs apostolis. Cap. VII.

- 1 I QVAE dicta sunt Petro à Christo Iesu, comparentur his quae dicta sunt apostolis, & ecclesiae, magis perspicua erit Petri auctoritas, & praerogativa. Et primo consideremus, quòd etsi Natanahel cum dixit, Tu es Christus filius dei, confessus fuerit eum dei filium, Io. primo. & qui in nauicula erant, cum dixere: Vere filius dei es: Matth. xiiii. Quin etiam Petrus ipse omnium nomine confessus fuerit, Et nos credimus, & cognoscimus, quia tu es Christus filius dei: putantes quòd per adoptionem, iuxta illud Ioan. primo, Dedit eis potestatem filios dei fieri. At Petrus non solum confessus est Christum filium dei, sed filium dei uerum & naturalem, cum dixit: Tu es Christus filius dei uiui. quòd uiuentis naturale sit quale est ipse gignere: quapropter promeruit illam recipere promissionem, Tu es Petrus, & super hanc petram &c. Et tibi dabo clauces regni coelorum. non autem alii. Nec ex eo quòd dominus omnes interrogauit, Vos autem quem me esse dicitis? subsequitur, post Petri responsum sermonem ad omnes dirigi: quoniam Christus sapius diuertit ser
- 2

monem à pluribus ad unum, & ab uno ad plures. Sicut cum mater filiorum Zebedæi petiit, ut sederent filii sui, unus ad dexteram, alius ad sinistram; dominus respondens, sermonem dirigit ad filios, dicens: Potestis bibere calicem? quòd autem ab omnibus ad Petrum conuersus sit sermo, attestatur Matthæi uerba; ex eo quòd cum primo & secundo interrogans discipulos, præcepit ut nemini dicerent, quòd ipse esset Iesus. quòd si priora uerba, super hanc petram ædificabo ecclesiam meam, & portæ inferi &c. directæ fuissent discipulis, non opus fuisset dicere: Tunc præcepit discipulis suis, ut nemini dicerent, quòd ipse esset Iesus: sed factum erat dixisse: Tunc præcepit, ut nemini dicerent. Nec his repugnat, quòd domini interrogatione causa reddita uideretur communis Petro & cæteris, quoniam cum hac priorì communione stat quòd ipsi Petro facta fuerit posterior promissio: sicut in communi causa tentationis, cum Lucæ xxii dictum est, Simon, ecce Sathanas expetiuit uos, ut cribraret sicut triticum. & quæ subsequuntur, Et tu aliquando conuersus confirma fratres tuos: ad uniuersos referri non possunt: propterea dixit: Rogauì pro te Petre, non, pro uobis, imò alios Petro commendauit.

- 4 Differentiam autem inter Petrum de se loquentem, & alieno nomine, annotare possumus Io. v i. quo loco Petrus pro omnibus respondens interroganti Christo, Nunquid & uos uultis abire? dixit: Ad quem ibimus? uerba uitæ æternæ habes: & nos credimus, & cognoscimus, quia tu es Christus filius dei. quæ omnia expressa sunt plurali numero. Nonne ego x i i elegi, & ex uobis unus est diabolus? Mat. autem xvi, uerba omnia à Christo dicta, singulari numero proferuntur, Tibi dabo, non, uobis: quodcunque ligaueris, non, ligaueritis: tu es Petrus, non, uos estis Petrus. Fuit tamen Petri responsio plurali numero enunciata, tanquam omnibus grata & accepta, ne singulos oporteret respondere. quod etiam superioritatem designat.
- 5 Quamuis autem quod dominus Mat. x v i: ante passionem soli Petro dixerat: Quodcunque ligaueris super terram &c. id post resurrectionem dixerit omnibus apostolis Io. x x: non propterea censendum, æquam cum Petro cæteris tributam potestatem: quoniam cum soli Petro dictum est, Pasce oues meas, soli Petro ut omnium pastori data est auctoritas alios regendi, aliis uero ut ouibus de ouili, expressa parendi necessitas; qui etsi sacerdotes forent, & episcopi, uale-

rentq; ex apostolatus officio ubique locorum uerbum dei prædicare, & dominicum gregem pascere, mandante eis domino, ut docerent omnes gentes, Mat. ultimo: Nemo tamen eorum, Petro excepto, in alterum ulla fungebatur potestate. pares itaque erant in apostolatus officio, impares dignitate, iurisdictione, & administratione.

- 6 Ex his colligere possumus, quomodo interpretari debeamus, quæ habentur in c. In nono. xxi dist. & in c. Sacrosancta. xxi dist. quod cæteri apostoli pari consortio cum Petro honorem acceperint, & potestatem. & in c. Loquitur. xxi i i i. quæst. i. cum dicitur: Hoc erant utique cæteri apostoli, quod Petrus fuit, pari consortio præditi honoris, & potestatis. quamuis nonnulli interpretentur de paritate ordinis, non autem iurisdictionis: & alii, quod pares erant, dum Christus cum hominibus conuersaretur, cui omnes subiiciebantur, non Petro: eo autem ascendente in cælum, & post traditas Petro oues pascendas, omnes Petrum ut pastorem superiorem agnouisse.

- 7 Quod uero dixit Hieronymus, super illud, Quodcunque ligaueritis, Habent quidem eandem iudiciariam potestatem alii apostoli, quibus post resurrectionem dominus dixit, Accipite spiritum sanctum, quorum

B iiii

» remiseritis &c. habet ecclesia in episcopis,
 » presbyteris, & clericis: sed ideo Petrus spe-
 » cialiter accipit, ut omnes intelligant, quod
 » quicumque ab unitate fidei, & societate eius
 » se separauerit, nec à peccatis solui, nec coe-
 » lum ingredi potest; interpretandum est de
 iudiciaria potestate ligandi in poenitentiali fo-
 ro. quod declarant uerba illa, quibus post
 resurrectionem dominus ait: Accipite spiri-
 tum sanctum, quorum remiseritis &c. Et
 quod dicit, Vt omnes intelligant, quod qui-
 cunque ab unitate fidei, & societate eius se
 separauerit, nec à peccatis solui, nec coelum
 ingredi potest. Et sic interpretanda est glo-
 super illud Matth. xvi. Quodcunque li-
 gaueris: quæ secuta Hieronymum, fatetur
 omnibus apostolis datam iudiciariam pote-
 statem, de iudicio scilicet discernendi inter le-
 pram & lepram: quæ potestas est ordinis:
 non de iudiciaria contentiosi fori. Tum quia
 illa auctoritas, Matth. xvi, loquitur de po-
 testate ligandi, & soluendi à peccatis: tum
 quia gl. subsequenter seipsam declarat, cum
 dicit: Homo reconciliatur ecclesiæ per iudi-
 cium sacerdotis. Hinc dixit sanctus Thom.
 in IIII Sententiarum, dist. xix. art. IIII,
 dum respondet ad id quod habetur Io. xx:
 ad peccatorum solutionem duplicem requi-
 ri potestatem, ordinis, & iurisdictionis: pri-

mam æqualiter habuisse omnes sacerdotes,
 non autem secundam. Et ideo dictum Ioan.
 xx. quod apostolis omnibus data est pote-
 stas dimittendi peccata, intelligendum est de
 potestate, quæ ordinem concomitatur. &
 ea de causa, in sacerdotum ordinatione illa
 proferuntur uerba, Accipite spiritum san-
 ctum, quorum remiseritis peccata &c. Et si-
 quis dixerit: Quomodo interpretari potest
 de ordinis potestate, cum illam prius rece-
 pissent, quando scilicet in cœna domini fa-
 cti fuerant sacerdotes: responsum inuenies
 à sancto Thoma, in iiii. dist. xxiiii.
 q. ii. art. iii. quod dominus dedit disci-
 pulis suis potestatem sacerdotalem, ante pas-
 sionem, quoad principalem actionem, cum
 dixisset: Accipite, & manducate, hoc facite
 in meam commemorationem: post resur-
 rectionem uero eam dedit potestatem, quæ
 ad actionem secundariam attinet, quæ est, li-
 gare & soluere. Idem sanctus Thomas con-
 tra gentiles cap. lxxii. dixit ad iudicia-
 riam potestatem duo requiri, scilicet aucto-
 ritatem cognoscendi de culpa, & potesta-
 tem absoluendi & condemnandi: & hæc
 duo nuncupari ecclesiæ clauēs, discernendi
 scilicet scientiam, & potestatem ligandi &
 soluendi, quas dominus Petro promisit,
 Matth. xvi. Tibi dabo clauēs: deinde su-

DE POTESTATE

biiciens: Sic ergo pater, quòd minister eccle-
siæ in usu clauium iudicium quoddam exer-
cet. nulli autem iudicium committitur, ni-
si in sibi subditos. Vnde manifestum est,
quòd non quilibet sacerdos potest absolue-
re à peccato, sed is qui recipit potestatem,
cui scilicet cum traditione potestatis traditur
usus illius: quod fit cum præficatur curæ
animarum, aut alias huiusmodi tribuatur
potestas.

- 9 Ex his colligi potest interpretatio alterius
loci Hieronymi, de septem gradibus eccle-
siæ, cum dixit Christum dedisse omnem po-
testatem discipulis: dedisse scilicet eis om-
nem potestatem ligandi in foro conscientiæ,
sicut apostolis; sumendo declarationem à
subiecta materia: & in hoc erit inter eos pa-
ritas: sed quoad alia, apostoli, & ex conse-
quenti episcopi sunt maiores, teste eodem
Hieronymo, cum in eadem epistola dicit:
- » Quoniam quicquid in clericis consecratum
 - » esse prædidicisti, episcopum solum habere
 - » manifestum est. In illis esse partes & mem-
 - » bra uirtutum, in episcopo plenitudinem di-
 - » uinitatis corporaliter habitare: atque ita ut
 - » in episcopis deum, in presbyteris apostolos
 - » recognoscas. Non tamen subsequitur, Da-
 - » ta est omnis potestas episcopis, ergo episco-
 - » pi maiores sunt Papa: Sicut non infertur,

Data est omnis potestas discipulis, qui presbyteros referunt, ergo sunt maiores episcopis, quos constat maiores esse presbyteris: cum Christus apostolos instituerit, tanquam maiores sacerdotes, discipulos uero minores. c. Decretis. xxi dist. Proinde Matthias ex ordine discipulorum assumptus est in ordinem apostolatus, tanquam ex minori ordine ad maiorem, & digniorem. Et si dicatur, Qui omnia dicit, nihil excludit, iuxta illud apostoli ad Heb. i i. In hoc quod omnia ei subiecit, nihil omisit non subiectum illi: respondetur, regulam illam interpretandam, secundum subiectam materiam, de ligandi & soluendi potestate in foro poenitentiali, in qua (ut diximus) apostoli sunt pares.

10 Nondum recedendo ab ista paritate potestatis, discutiamus locum Matth. x i x, cum Petro interroganti dominum, Ecce nos reliquimus omnia, & secuti sumus te, quid ergo erit nobis? dixit: Amen dico uobis, quod uos, qui secuti estis me, in regeneratione cum sederit filius hominis in sede maiestatis suæ, tunc & uos sedebitis super sedes duodecim, iudicantes duodecim tribus Israel. ex quo loco colligi uidetur non solum paritas auctoritatis, & potestatis ordinis, sed etiam iurisdictionis, cum dicatur, Sedebitis iudicantes duodecim tribus Israel. Sed dici-

DE POTESTATE

mus, quod si interpretari uolumus de regeneratione spiritus, quæ fit per gratiam in baptismo, de qua primæ Petri cap. 1. Regenerauit nos in spem uiuam: non subsequitur, Sedebitis omnes iudicantes &c. Ergo eritis omnes iurisdictione pares: cum possint omnes iudices esse, non tamen pari iurisdictione: ac etiam si pari, unus tamen principaliter, alii uero per ipsum: quemadmodum capitis operationes toti corpori tribuuntur, ut aliàs diximus. Si uero interpretari uolumus de resurrectione corporis, de qua apostolus ad Philippen. sic scribit: Reformabit corpus humilitatis nostræ, configuratum corpori claritatis suæ; nihil conducit causæ nostræ, cum nobis sit sermo de auctoritate Petri, & apostolorum, in terris, non autem in cælo.

- II Similiter ex eo, quod habetur Matthæi XXIII. Nolite uocari rabi: unus est enim magister uester, & uos omnes fratres estis: & patres nolite uocari super terram: unus est enim pater uester, qui in cælis est. nec uocemini magistri, quia magister uester unus est Christus; non excluditur unius præsentia. quoniam uoluit dominus humilitatem docere, & nequis superioritate extollatur, & superbiat: non autem quod unus non sit altero maior: quinimo, quod

unus sit alio maior, declarant quæ subse-
quuntur uerba: Qui maior est uestrum,
¶ 2. erit minister uester. Idem dicitur de eo,
» quod habetur Matthæi x x. Scitis quia
» principes gentium dominantur eorum: &
» qui maiores sunt, potestatem exercent in
» eos: non ita erit inter uos. & de eo quod
» habetur Lucæ x xii. Facta est conten-
» tio inter eos, quis eorum uideretur esse ma-
» ior, quibus dixit dominus: Reges gen-
» tium dominantur eorum, & qui potesta-
» tem habent super eos, benefici uocantur:
» uos autem non sic, sed si quis maior est in
» uobis, fiat sicut minor: & qui præcessor est,
» sicut minister.

Quæ sint clauēs ecclesiæ. Cap. viii.

¶ V M de clauibus ecclesiæ inciderit
C sermo, antequam uideamus cui, aut
quibus datæ sunt, differendum ui-
detur, quæ sint istæ clauēs. Et dicimus has
duas esse, ordinis unam, iurisdictionis alte-
ram, seu scientiæ, & potestatis. De clau-
ibus scientiæ, habemus dominum illarum
usum exprobrantem Scribis & Phariseis,
Lucæ xi: Væ uobis legis peritis, qui tu-
listis clauem scientiæ, ipsi non introistis,
& eos, qui introibant, prohibuistis.

- » De claue potestatis, ¶ Super cathedram Moy
 » si sederunt scribæ & pharisæi . omnia ergo
 » quæcunque dixerint uobis, seruate & facite .
- 2 » Hieronymus in Mat. cap. xvi . asserit eos,
 » qui iudicii clauem à potestate separant , ali-
 » quid sibi de pharisæorum supercilio assume-
 » re , ut uel damnent innocentes , uel soluere
 » se noxios arbitrentur : cum apud deum non
 » scientia sacerdotis , sed reorum uita quæra-
 » tur . Legimus in Leuitico de leprosis , ubi iu-
 » bentur , ut ostendant se sacerdotibus , & si le-
 » pram habuerint , tunc à sacerdote immundi
 » fiant : non quòd sacerdotes leprosos faciant ,
 » & immundos , sed quo habeant notitiam le-
 » prosæ , & non leprosi , & possint discernere ,
 » qui mundus , qui ue immundus sit . Quem-
 » admodum igitur leprosum sacerdos , mun-
 » dum uel immundum facit , sic & hic alligat
 » uel soluit episcopus , uel presbyter : non eos
 » infantes facit , aut noxios , sed pro officio suo ,
 » cum peccatorum audierit uarietates , scit quis
 » ligandus sit , quis ue soluendus . Hæc Hie-
 » ronymus .
- 3 Quomodo autem soluantur pec-
 » cata claue scientiæ , habemus à Chrysostomo ,
 » libro 111 de sacerdotio , his uerbis : Intelli-
 » ge quanto sacerdotes honore , quanta digni-
 » tate spiritus sancti gratia dignata fuerit . Ete-
 » nim qui terram incolunt , atque in ea uersan-
 » tur , his datum est , ut potestatem habeant ,

» qua
 » lis,
 » que
 » uer
 » Hal
 » cul
 » Id
 » ipl
 » ut
 » fe
 » ac
 » la
 » ru
 » san
 » mi
 » que
 » nan
 » ter
 » ho
 » inf
 » no
 » ter
 » cor
 » mi
 » niu
 » acce
 » tiofi
 » præ
 » riun

» quam deus optimus maximus neque ange-
 » lis, neque archangelis datam esse uoluit. ne-
 » que enim illis dictum est: Quæcunque liga-
 » ueritis super terram, erunt ligata & in cœlo.
 » Habent quidem & terrestres principes uin-
 » culi potestatem, uerum corporum solum.
 » Id autem, quod dico, sacerdotum uinculum
 » ipsam etiam animam contingit, usqueadeo
 » ut quæcunque operati fuerint sacerdotes in-
 » ferne, illa eadem deus superne rata habeat,
 » ac seruorum sententiam dominus confirmet.
 » Iam quid ipsum esse dicit, nisi omnem re-
 » rum cœlestium potestatem illis à deo conces-
 » sam? Quorumcunque enim, ait, peccata re-
 » miseritis, remittuntur eis, & quorumcun-
 » que retinueritis, retenta sunt. cedo, quæ-
 » nam potestas hac una esse maior queat? pa-
 » ter omne iudicium dedit filio: at uideo à fi-
 » lio totum sacerdotibus esse commissum. Et
 » infra: Rex aliquis si cui ex subditis suis ho-
 » norem hunc impartitus fuerit, ut potesta-
 » tem habeat quoscunque uelit in carcerem
 » coniiciendi, eosdemq; rursus relaxandi, is ni-
 » mirum beatus, & admirandus iudicio om-
 » nium erit. at uero qui à deo tanto maiorem
 » accepit potestatem, quanto cœlum terra pre-
 » tiosius est, quanto etiam animæ corporibus
 » præstant, num is contemnendum ministe-
 » rium accepisse putandus est? certe insania

» manifestaria est, tantum despicere principa-
 » tum, sine quo neque salutis, neque promif-
 » forum bonorum compotes fieri possumus.
 » nam & præter baptismum, & sacrosanctam
 » eucharistiam, quæ manibus sacerdotum per-
 » ficiuntur, condonandorum etiam peccato-
 » rum facultatem habent. Idem Chrysost. in
 » illud Matth. x v. Tibi dabo clauces regni
 » cœlorum, inquit: Huiusmodi mortali, cœ-
 » li, & terræ, & omnium quæ in eis sunt,
 » commisit potestatem deus, ut ecclesiam ua-
 » lidiorẽ cœlo demonstrauit. quòd Trape-
 » zuntius sic uertit: Vt quamuis homo esset
 » mortalis, cœlesti tamen potestate polleret,
 » & clauces haberet regni cœlorum: ita Petrus
 » ecclesiam per uniuersum orbem amplifica-
 » tam, cœlo etiam ipso ualidiorẽ monstrauit.

Cui datæ sint clauces ecclesiæ. Cap. IX.

N VNC autem uideamus, cui datæ
 sint clauces ecclesiæ, utrum Petro so-
 li, an omnibus apostolis ex æquo,
 an uero Petro principaliter, aliis uero per
 Petrum, ut ex hoc magis perspicua sit Petri
 auctoritas, & dignitas. Et quidem probabi-
 lis sententia uidetur, soli Petro datas huius-
 modi clauces, quoniam soli Petro reuelatum
 fuit, Christum esse filium dei uiui, ex quo
 solus dixerat, Tu es Christus filius dei uiui:
 & ei

& ei soli dictum fuit, Beatus es Simon: non autem aliis, beati uos estis. Et licet omnes interrogati fuerint, Quem uos me esse dicitis? & Petrus pro omnibus responderit: non tamen omnibus ex æquo, sed Petro daræ, & aliis per Petrum. & quemadmodum

2 corpus à capite dependet, & quod capiti tribuitur, & corpori in suo capite datum censetur: itidem quod dicimus Petrum accepisse claues, non excludit, quin potius infert, ecclesiam illas accepisse, ut à Petro ipsius capite significatam. & sic interpretandum quod habetur in c. Quodcunque XXIII.

» q. i. ex August. super Io. quodcunque li-

» gaueris super terram, erit ligatum & in cœlis.

» si hoc Petro tantum dictum est, non hoc fa-

» cit ecclesia: si autem in ecclesia sit, Petrus,

» quando claues accepit, ecclesiam sanctam si-

3 gnificauit. & quod dixit in psalm. c. viii.

» Sicut quædam dicuntur, quæ ad apostolum

» Petrum uidentur pertinere, neque tamen ha-

» bent illustrem intellectum, nisi cum referun-

» tur ad ecclesiam, cuius ille agnoscitur in fi-

» gura gessisse personam, propter primatum,

» quem in discipulos habuit: sicut est, Tibi da-

» bo claues regni cœlorum: & si qua huiusmo-

» di: ita Iudas personam quodammodo susti-

» net inimicorum Christi. Illustris enim in-

» tellectus, Petrum recepisse claues: illustrior,

C

ecclesiam per eum significatam recepisse,
cum datae fuerint Petro propter ecclesiam,
principaliter tamen Petro. Et hoc est, quod
dixit idem August. de agone Christiano:

- » Non sine causa inter apostolos ecclesiae ca-
» tholicae personam sustinet Petrus. Huic e-
» nim ecclesiae claves datae sunt, cum Petro da-
» tae sunt. Et, de doctrina Christiana, capite
» XVIII. Has claves dedisse ecclesiae suae.

Quamuis autem Petrus sustineat perso-
nam ecclesiae, & eam representando uidea-
tur quodammodo illius figura: non tamen
subsequitur, non pro se, sed tantum pro ec-
clesia suscepisse claves; ut res figurato, non
figurae tribuatur. quoniam, etsi cum aliquid
significatur per uiam parabolae, sicut filius
prodigus significat peccatorem, operarii ad
uineam conducti cultores dei in ecclesia, &
huiusmodi; nulla sit cura de significantibus
personis, cum tantum ad significationem as-
sumantur: secus tamen, cum res uere gesta
aliam significat: sicut transitus Iudaeorum
per mare rubrum, nostrum de uitiis ad uir-
tutem transitum praefigurat: Magorum ad-
uentus ad Christum adorandum, uiatorum
progressum ad coelestem patriam: & aliae plu-
res figurae uaria praefigurarunt, firma ma-
nente historiae ueritate: quoniam tunc opus
est primum res gestas de hismet, de quibus

in historia fit mentio, ueras esse; deinde elici spiritualem sensum, quo aliud quid præfiguratur. Hoc secundo modo Petrus repræsentat, & figurat ecclesiam. propterea uerba illa, Tibi dabo clauēs regni cœlorum, referenda primum sunt ad Petrum ipsum, & censendum ipsi factam promissionem clauium: deinde admittendus mysticus sensus, promissas ecclesiæ clauēs in persona Petri.

- 5 Nec his repugnat quod dixit idem Aug.
 » sermone de apostolis: Has clauēs non homo
 » unus, sed unitas accepit. quoniam illud
 intelligendum est, quod non homo unus clauēs accepit taliter, quod nullus alius nisi ipse: sicut de sole dici potest, quod non solus lucet, quia lucem suam aliis communicat: tamen solus dicitur esse, & solis nomen sortitur, quia solus propria luce lucet. Sic Petrus solus recepit clauēs, quia principaliter, & immediate; alii uero per ipsum; à quo in alios potestas clauium deriuatur. Propterea Gelasius, & habetur in c. Legatur. XXIII.
 » q. II. de Christo sentiens dixit: Et qui tantum faciendi solus habuit potestatem, beato Petro apostolo principaliter mandauit,
 » Quodcunque ligaueris &c. Et Alex. II. & habetur in c. Audiuius. XXIII. q. I. quod
 » cum omnibus discipulis parem ligandi atque soluendi potestatem dominus daret, Pe

» tro pro omnibus, & præ omnibus clau-
 » gnæ coelorum se daturum promisit. Quibus
 » concordat text. in c. Decretis in fi. xxi.
 » dist. cum dicit, quod dominus Petrum qua-
 » si in summum sacerdotem elegit, dum ei pro
 » omnibus, & præ omnibus clau-
 » lorum se daturum promisit. & text. in c. In
 » illis. lxxx dist. iuncta gl. dum in fine di-
 » citur, Quoniam neque inter apostolos par
 » fuit institutio, sed unus præfuit omnibus.
 » quod glosator declarat præfuisse omnibus
 » administratione, etsi consecratione pares
 » extiterint.

His se subscribit sanctus Tho. in ii. sen-
 » ten. dist. xxi. q. iii. art. ii. cum in-
 » quit, quod quamuis omnibus apostolis da-
 » ta sit communiter potestas ligandi atque sol-
 » uendi; tamen ut in hac potestate ordo ali-
 » quis significaretur, primo soli Petro data
 » est; ut ostendatur, quod ab eo in alios de-
 » bet ista potestas descendere. Et in ii.
 » contra gent. cap. lxxvi. dicit, quod
 » dominus soli Petro promisit, Tibi dabo cla-
 » ues regni coelorum, ut ostenderet, quod po-
 » testas clauium erat per eum ad alios deriuan-
 » da, ad conseruandam ecclesiæ unitatem.
 6 Quod autem habetur in c. firmiter §.
 » unam sanctam. de summa Trinit. quæ fuit
 » constitutio Lateranensis concilii sub Innoc.

III. quòd Christus concessit ecclesiæ clau-
 ues, apostolis eorumq; successoribus: &
 » quod ibi dixit Io. An. quòd non soli Petro
 » clauces concessit, sed & cæteris apostolis: non
 interpretandum datas ecclesiæ, quòd scilicet
 fideles omnes à Christo susceperint, cum te-
 ste Ambros. lib. de poenit. & Magistro sent.
 in IIII. dist. XIX. ius hoc soluendi & li-
 gandi solis sacerdotibus competat: sed cen-
 feri datas ecclesiæ, quia datæ potioribus mem-
 bris ecclesiæ, ut inquit Hier. in episcopis, pre-
 sbyteris, & clericis. quoniam, ut est etiam
 Philosophi sententia ethic. IX. id commu-
 nitas facere censetur, quod faciunt principes
 7 aut optimates, & qui reip. præfunt. Vocan-
 tur etiam ecclesiæ clauces, quia potestas, quæ
 in uno perpetua esse non potest, in pluribus
 per successionem dici consuevit communita-
 tis potestas, etsi non omnibus de communi-
 tate tribuatur. quod in simili dicimus de pri-
 uilegio perpetuo dato uniuersitati. Dicit eti-
 am possunt ecclesiæ clauces, quoniam datæ à
 Christo ad bonum, & commodum ecclesiæ,
 Petro & eius successoribus: quemadmodum
 sacramenta, dicuntur ecclesiæ sacramenta,
 quòd ad eius utilitatem sint instituta: licet
 eorum collatio nec singulis, nec uniuersis,
 sed ministris ecclesiæ tributa sit. Vel quia
 præcipue concessæ Petro ecclesiæ capiti, aliis

DE POTESTATE

» uero mediante Petro, iuxta illud Leonis,
 » Ita dominus huius muneris fundamentum
 » ad omnium apostolorum officium pertine-
 » re uoluit, ut in beatissimo Petro, apostolo-
 » rum omnium summo, principaliter collo-
 » caret, & ab ipso, quasi à quodam capite, do-
 » na sua uelut in corpus omne diffunderet.
 Et habetur in c. Ita dominus. xix dist. &
 in c. Fundamenta. de elect. lib. vi.

Similiter interpretandum est, quod dixit
 Hostiens. in c. Noua. de poeniten. & remiss.
 duas esse clauces, unam fori poenitentialis, al-
 teram contentiosi, & utrasque datas aposto-
 lis: datas quidem, sed ordine suo, primum
 quidem Petro, aliis uero per Petrum.

8 Inanis autem est quaestio, à quo Papa
 clauces acceperit, uel cui moriens relinquat:
 quoniam cum Papa eligitur, neque secum
 clauces affert, neque ab ecclesia accipit, sed à
 Christo, non noua traditione, sed antiqua,
 ea scilicet, quam dedit Petro. Ecclesia enim
 electione personam designat, quæ succedat
 Petro: Christus autem in beato Petro, cui-
 libet successori clauces tradidit. Quod exem-
 plo declaramus. Princeps peregre profectur-
 us, uices suas alteri committit: his uero, qui
 à concilio sunt, potestatem tribuit, ut illo dece-
 dente, uel male administrante, successorem,
 qui uices suas gerat, deligant. Constat enim,

hunc successorem non ab eligentibus, sed ab ipso principe potestatem suscipere, & illa auctoritate, quam abiens consiliariis suis reliquit: nec prioris obitu euanuisse iurisdictionem; etsi ante electionem deesset, qui eam exerceret.

- 9 Si præter ea, quæ diximus, alia desideramus testimonia, legamus August. in sermone de Petro & Paulo, cuius initium est, Ecce fortis, & humilis; cum inquit: O' mirapotentia, & inæstimabilis gratia saluatoris. Quis plebeium piscatorem facile crederet principem, regibus obsistere, reges sanctificare, regnis omnibus imperare, mundum frenare legibus, dæmones calcare sub pedibus, iubere uirtutibus, cœlum hominibus aperire, cum uellet, claudere, cum placeret: immortale regnum conuersis donare, negare peruersis: merita mundi cognoscere: culpas & crimina hominibus relaxare? ò inæstimabilis; ò immensa potestas, hominem in terra positum, tenere cœlum. Ecce ad nuntium Petri, diuini uerbi claustra patefcunt. Accepit enim clauces regni cœlorum à Christo, ut solutis uinculis delictorum, aperiret credentibus cœlum.

His subscribit Beda Omel. super illud Matthæi xvi. Quodcunque ligaueris &c. cum inquit: Qui enim regem cœlorum maiori

C iiii

» dilectione præ cæteris confessus, merito præ
 » cæteris collatis regni cœlestis clauibus dona-
 » tus est. Sed non frustra uni conceduntur,
 » quod omnibus intimatur. Petra enim sin-
 » gulariter creditur, qua cunctis ecclesiæ re-
 » ctoribus Petri forma præponitur.
 » Pro coronide addamus Bernard. ad Eu-
 » genium libro secundo, de consideratione,
 » cum dixit: Age indagemus diligentius,
 » quis sis, quam geras pro tempore personam
 » in ecclesia dei: qui es sacerdos magnus, sum-
 » mus Pontifex: tu princeps episcoporum,
 » tu hæres apostolorum. Tu primatu, Abel:
 » gubernatu, Noe: patriarchatu, Abraham:
 » ordine, Melchisedech: dignitate, Aaron:
 » auctoritate, Moyse: iudicatu, Samuel: po-
 » testate, Petrus: unctione, Christus. Tu
 » es, cui clauis tradita, cui oues creditæ sunt.
 » Sunt quidem & alii cœli ianitores, & gre-
 » gum pastores: sed tu tanto gloriosius, quan-
 » to & differentius utrunque præ cæteris no-
 » men hæreditasti. Habent illi sibi assignatos
 » greges, singuli singulos: tibi uniuersi cre-
 » diti, uni unus: nec modo ouium, sed etiam
 » pastorum tu unus omnium pastor.

Petram esse ecclesiae fundamentum. Cap. X.

T RANSEAMVS nunc ad aliam Pe-
tri prærogatiuam, qua eum funda-
mentum ecclesiae appellamus.

I Quamuis enim uerum, & principale eccle-
siae fundamentum, sit ipse Christus Iesus, iux-
ta illud Pauli Corint. III. Fundamentum
aliud nemo potest ponere, præter id quod
positum est, quod est Christus Iesus: & ali-
bi, Bibebant autem de spiritali conſequentē
eos petra: petra autem erat Christus: & Pe-
trus ipse cap. II. ſuæ primæ epistolæ, ap-
pellet Christum lapidem ſummum, & angu-
larem; docens, ut ſupraædificemus in do-
mum ſpiritualem: Petrus tamen pro eximia
ſua fide, & ardenti charitate, etiam petra di-
citur: recteq; conſortium meretur nominis,
qui conſortium meretur & operis teſte Am-
broſio, ſermone XLIII. quod etſi cæteri
apoſtoli fundamenta etiam nuncupentur ec-
cleſiæ, iuxta illud Eph. II. Superædificati
ſupra fundamentum apoſtolorum: & Apo-
cal. XXI. Murus ciuitatis, habens funda-
menta duodecim, & in ipſis duodecim no-
mina apoſtolorum: Petrus tamen ſolidioris,
& principalioris fundamenti denominatio-
nem ſortitus eſt: cum ei ſoli, non aliis di-
ctum fuit, Tu es Petrus &c.

2 Quatenus autem ponamus aliud fundamentum, quàm Christum Iesum, quod uidetur contra apostolum, legamus August.
 » super psalmo L X V I, cum dicit: Vt no-
 » ueritis, quòd Christus sit primum & maxi-
 » mum, Fundamentum, inquit apostolus,
 » nemo potest ponere, pràter id quod posi-
 » tum est, quod est Christus Iesus. quo ulte-
 » rius nihil est. Quomodo putamus, nisi quem
 » admodum aperte dicitur sanctus sanctorum,
 » sic figurate fundamentum fundamentorum?
 » Si ergo sacramenta cogites, Christus sanctus
 » sanctorum: si gregem subditum cogites,
 » Christus pastor pastorum: si fabricam cogi-
 » tes, Christus fundamentum fundamentorū.

Comprobantur hæc quàm plurimis testi-
 moniis. Origenes enim in Matth. de cano-
 » ne noui testamenti differens, inquit: Petrus
 » uero, super quem Christus fundauit eccle-
 » siam, duas tantummodo epistolas scribit. &
 » in cap. v i. epistolæ ad Rom. Petro, in-
 » quit, cum summa de pascendis ouibus, &
 » super ipsum, tanquam super petram, funda-
 » retur ecclesia, nullius confessio uirtutis alte-
 » rius, nisi charitatis exigitur. Idem Omel. v.
 » in Exod. inquit: Magno illi ecclesiæ funda-
 » mento, petræq; solidissimæ: super quam
 » Christus fundauit ecclesiam.

Idem Cyprianus lib. de simpl. prælat.

Tract. i i i. cum dixit: Manifestum est, ubi,
 & per quos remissio peccatorum dari possit.
 Nam dominus primum Petro, super quem
 ædificauit ecclesiam suam, & unitatis origi-
 nem instituit, & ostendit; potestatem istam
 dedit. Et infra: Christus ecclesiam suam,
 quæ una est, fundauit super unum. Et in e-
 pistola ad Quintium: Quem primum do-
 minus elegit; & super quem ædificauit eccle-
 siam suam. Cum Paulus de circumcisione
 postea disceptaret, se uindicauit. Et ad Cor-
 nelium: Petrus, super quem ædificata ab
 eodem domino ecclesia fuerat, unus pro om-
 nibus loquens, & ecclesiæ uoce respondens,
 ait: Ad quem ibimus? uerba uitæ æternæ ha-
 bes. Basilius etiam aduersus Eunomium,
 de quibusdam signis Petrum exprimentibus
 loquens, inquit: Vocem intelligimus Ionæ
 filium, qui fuit ex Berthsaida, Andreæ fra-
 trem: qui ex piscatore in apostolatus ministe-
 rium uocatus est: qui quoniam fide præsta-
 bat, ecclesiæ in se ædificationem suscepit.
 Item Hilarius in Matth. dicta Christi uer-
 ba explicat in hunc modum: Editis itaque,
 quæ diuersæ de eo erant, hominum opinio-
 nibus; quid ipsi de se sentiant, quærit. Pe-
 trus responderet: Tu es Christus, filius dei ui-
 ui. Et dignum quidem confessio Petri conse-
 cuta est præmium. quia dei filium uidisset in

» homine, beatus hic est; & ultra humanum
 » modum oculos intendisse, & uidisse lauda-
 » tus est: non id, quod ex carne & sanguine
 » est, contuens, sed dei filium cœlestis patris re-
 » uelatione conspiciens: dignusq; iudicatus,
 » qui, quod in Christo dei esset, primus cogno-
 » sceret. O' in nuncupatione noui hominis,
 » felix ecclesiæ fundamentum: digna ædifica-
 » tione illius petra; quæ inferni leges, & tar-
 » tari portas, & omnia mortis claustra dissol-
 » ueret. O' beatus cœli ianitor; cuius arbitrio
 » clauēs regni æterni aditus traduntur: cuius
 » terrestris iudicium, præiudicata auctoritas sit
 » in cœlo. & quæ in terris ligata sunt, aut solu-
 » ta, statuti eiusdem conditionem obtineant &
 » in cœlo.

Quid Ambrosius? nonne in natali Petri
 » & Pauli, inquit? Diximus frequenter ipsum
 » Petrum à Domino petram nuncupatum, si-
 » cut ait: Tu es Petrus, & super hanc petram
 » ædificabo ecclesiam meam. & sermone
 » XLVII. de Petri fide differens, inquit: Pe-
 » trus denique pro soliditate deuotionis. eccle-
 » siarum petra dicitur: sicut ait dominus: Tu
 » es Petrus &c. Petra enim dicitur, quòd pri-
 » mum in nationibus fidei fundamentum po-
 » suerat: & tanquam saxum immobile, totius
 » operis Christiani compagem, molemq; con-
 » tineat. Idem in lib. de uocat. omnium gent.

» inquit: Quis ignorat hanc firmissimam pe-
 » tram, quæ ab illa principali petra commu-
 » nionem & uirtutis sumpsit, & nominis, hoc
 » desiderium semper habuisse, ut sibi morien-
 » di pro Christo daretur constantia? & lib. i.
 » Omel. & habetur in c. Fidelior. l. dist. Fi-
 » delior factus est Petrus, postquam fidem se
 » perdidisse defleuit: atque ideo maiorem gra-
 » tiam reperit, quam amisit. Tanquam enim
 » bonus pastor, tuendum gregem accepit: ut
 » qui sibi ante infirmus fuit, fieret omnibus fir-
 » mamentum: & qui in se interrogationis ten-
 » tatione nutauerat, cæteros ueræ fidei stabili-
 » tate fundaret.
 » Idem attestatur Hieronymus in Mat-
 » th. qui dicta Christi uerba exponens, in-
 » quit: Dico tibi, quid est, quod ait, Et ego
 » dico tibi, quia tu dixisti, Tu es Christus fi-
 » lius dei uiui: & ego dico tibi, non sermone
 » casso, nec ullo opus habente: sed dico tibi,
 » quia meum dixisse, fecisse est; quia tu es Pe-
 » trus &c. Sicut ipse lumen apostolis dona-
 » uit, ut mundi lumen appellarentur, cæte-
 » raq; ex domino fortiti sunt nomina: ita &
 » Simoni, qui credebat in Christum, largitus
 » est, nomen, ac secundum metaphoram pe-
 » træ, recte dicitur ei, super te ædificabo ec-
 » clesiam meam. Et contra Iouinian. qui ex

eo detrahebat uirginitati, quòd non super
 Ioannem fundata erat ecclesia; admittit super
 Petrum fundatam ecclesiam, addens ratio-
 nem, Super Petrum, dicens, fundatur ec-
 clesia; licet id ipsum in alio loco super apo-
 stolos fiat: ut cuncti clauēs regni cœlorum
 accipiant; & ex æquo fortitudo ecclesiæ soli-
 detur: tamen propterea inter duodecim unus
 eligitur, ut capite constituto, schismatis tol-
 latur occasio.

In eandem sententiam scripsit August. in
 sermone de cathedra Petri, his uerbis: Insti-
 tutio solennitatis hodiernæ, à senioribus no-
 stris cathedræ nomen accepit, ideo quòd pri-
 mus apostolorum Petrus, hodie episcopa-
 tus cathedram suscepisse referatur. Recte igitur
 natalem sedis illius colunt, quam aposto-
 lus pro ecclesiarum salute recepit, dicente do-
 mino, Tu es Petrus. Petrum itaque ecclesiæ
 fundamentum nominauit. Et ideo digne
 hoc fundamentum ecclesia colit: super quod
 ecclesiastici ædificii altitudo consurgit. Vnde
 conuenienter psalmus, qui lectus est, di-
 cit: Exaltent eum in ecclesia plebis, & in ca-
 thedra seniorum laudent eum. Bene ergo de-
 us eum in ecclesia exaltari præcepit: quia di-
 gnum est, ut fundamentum hoc in ecclesia
 honoretur, propter quod in cœlum ascen-
 ditur.

Accedat Cyrillus lib. ii. in Io. qui affirmat, Christum in noui nominis, Petri scilicet, impositione, significasse quòd in hoc, tanquam in petra, lapideq; firmissimo, suam esset ædificaturus ecclesiam: idem confirmans lib. xii. Thesaurorum: & lib. de spiritu sancto: & alibi sæpius.

Subsequatur Chrysostomus in Omel. de diuite & paupere: qui Petrum uocat principem apostolorum; super quem Christus fundauerit ecclesiam suam, uere immobilem petram, utq; pro hamo piscatorio, acciperet claues regni cœlorum.

Nec omittamus Maximum, in sermone apostolorum Petri & Pauli; qui dixit:

- » Hic est Petrus, cui Christus dominus communionem nominis libenter indulgit. Ut
- » enim (sicut apostolus Paulus edocuit) petra autem erat Christus: ita per Christum petrus factus est petra, dicente domino: Tu es
- » Petrus, & super hanc petram ædificabo ecclesiam meam. Nam sicut in deserto iussu
- » dominico sitienti populo aqua fluxit e petra;
- » ita uniuerso mundo perfidiæ ariditate laxanti, de ore Petri fons salutiferæ confessionis
- » emerfit.

Item Leo iii. sermone de passione dominica, inquit, Unus de toto mundo eligitur Petrus; qui & uniuersarum gentium uo

» cationi, & omnibus apostolis, cunctisq; ec-
 » clesiae patribus praepōnatur: ut quamuis in
 » populo dei multi sacerdotes sint, multiq; pa-
 » stores: omnes tamen regat Petrus, quos prin-
 » cipaliter regit & Christus. Magnum & mi-
 » rabile huic uiro, dilectissimi, consortium po-
 » tentiae suae diuina tribuit dignatio; ut siquid
 » commune ceteris tribuit esse principibus,
 » nusquam nisi per istum dedit, quicquid cæ-
 » teris non negauit. Omnes denique aposto-
 » los, quid de se opinentur homines, interro-
 » gat: & tandiu respondentium communis
 » est sermo, quandiu humanae intelligentiae
 » explicatur ambiguitas. At ubi, quid sensus
 » habebat discipulorum, exigitur, primus est
 » in domini confessione, qui est primus in apo-
 » stolica dignitate & potestate: qui cum dixisset,
 » Tu es Christus filius dei uiui; respondit ei Iesus:
 » Beatus es, Simon Bariona: quia
 » caro & sanguis non reuelauit tibi, sed pater
 » meus, qui in coelis est. ideo beatus es, quia
 » pater meus te docuit: nec terrena te fefellit
 » opinio, sed inspiratio te coelestis instruxit:
 » & non caro & sanguis, sed ille tibi, cui sum
 » filius unigenitus, indicauit. & inquit: Ego
 » dico tibi, hoc est, sicut pater intus manife-
 » stauit tibi diuinitatem meam: ita & ego no-
 » tam tibi facio excellentiam tuam; quia tu es
 » Petrus, idest, cum ego sum inuiolabilis pe-
 » tra,

» tra, ego lapis angularis, qui facio utraque u-
 » num: ego fundamentum, præter quod ne-
 » mo potest aliud ponere: tamen & tu quo-
 » que petra es, quia mea uirtute solidaris; ut,
 » quæ mihi potestate sunt propria, tibi sint par-
 » ticipatione communia. Et super hanc petram
 » ædificabo ecclesiam meam: & portæ inferi
 » non præualebunt aduersus eam. Et super
 » hoc, inquit, saxum, hanc soliditatem & for-
 » titudinem, æternum constituam templum;
 » & ecclesiæ meæ cœlo inferenda sublimitas,
 » in huius firmitate confurget. Quod idem
 » paucis immutatis uerbis repetit in Omel.
 » quæ sabbato post dominicam quadragesimæ
 » legitur.

His subscribit Gregor. lib. iiii. epistola
 » xxxii. ad Mauritium, his uerbis: Cun-
 » ctis euangelium scientibus liquet, quod uo-
 » ce dominica sancto, & omnium apostolo-
 » rum principi, Petro apostolo, totius eccle-
 » siæ cura commissæ est. Ipsi quippe dicitur:
 » Petre, amas me? pascere oues meas. ipsi dici-
 » tur: Ecce Sathanas expetiit cribrare uos, si-
 » cut triticum. & ego rogaui pro te, Petre,
 » ut non deficiat fides tua: & tu aliquando con-
 » uersus, confirma fratres tuos. ipsi dicitur: Tu
 » es Petrus, & super hanc petram &c. Et in-
 » fra: Ecce clauis regni cœlestis accepit: po-
 » testas ei ligandi, atque soluendi tribuitur: cu-

D

DE POTESTATE

» ra ei totius ecclesiæ, & principatus com-
» mittitur.

Quòd etfi August. uarie interpretatus sit
locum illum, Tu es Petrus, & super hanc
petram &c. quandoque petram Petrum,
quandoque Petri fidem, & quandoque ip-
sum Christum; quem dixerat filium dei ui-
ui: in retractationibus tamen, postquam
meminit libri à se scripti aduersus Nouatum,
» adiecit hæc uerba: In hoc libro dixi in quo-
» dam loco de apostolo Petro, quòd in eo,
» tanquam in petra, fundata sit ecclesia: qui
» sensus etiam cantatur in ore multorum, in
» uersibus beati Ambrosii, in matutinis laudi-
» bus, in quibus de galli cantu loquens, hoc
» inquit: petra ecclesia canente culpam diluit.
» Sed scio me postea sæpissime sic exposuisse,
» quod à domino dictum est, Tu es Petrus, &
» super hanc petram ædificabo ecclesiam me-
» am; ut super hanc intelligeretur, quam con-
» fessus est Petrus dicens: Tu es Christus fi-
» lius dei uiui: ac si Petrus ab hac petra appel-
» latus, personam ecclesiæ figuraret, quæ su-
» per petram ædificatur: & accepit claues re-
» gni cœlorum. Non enim dictum est illi, Tu
» es petra; sed, Tu es Petrus. petra autem
» erat Christus; quam confessus Simon, sicut
» cum tota ecclesia profitetur, dictus est Pe-
» trus. Harum autem sententiarum, quæ sit

- probabilior, eligat lector. Hæc Augustin. Ex quibus uerbis colligitur, minime errare, qui per petram, Petrum ipsum interpretati sunt.

Et quòd petra illa figura Christi non fuerit, persuaderi posset ex eo, quòd Christi personæ minime conuenit, quòd super eam esset ædificaturus, cum iam ædificaret, sicut & super ecclesiæ fidem. Item impertinenter præmisisset dominus, Tu es Petrus; nisi quod subsequitur, & super hanc petram ædificabo ecclesiam meam, ad Petrum referatur. quod tamen subiecit dominus, quasi uices referens eius, quod dixerat Petrus, Tu es Christus filius dei uiui.

Sed dicet aliquis: Si Petrus fundamentum est ecclesiæ; nusquam igitur erat ecclesia ante Petrum; cum ante fundamentum non sit ædificium. sed si hoc recte colligetur, nec Christus Iesus, ut deus & homo, ecclesiæ foret fundamentum; quæ à iusto Abel initium habuit, & ante Christum fuit. Respondemus tamen quòd Petrus propter fidei soliditatem, & illius confessionem, fundamentum est ecclesiæ explicite credentium in Christum: quæ ut habens hanc qualitatem, non fuit ante Petrum: nec ante Christum: licet eadem sit ecclesia, continua successione, quæ cœpit ab Abel, & forte ab

D ii

Adam. quod sub aliis uerbis dicunt nonnulli, quòd est fundamentum ecclesiæ, idest, ecclesiasticæ potestatis & iurisdictionis, quæ ab eo habuit exordium.

Petrus immediate potestatem accepit à Christo.

Cap. XI.

X præmissis colligitur, Petrum potestatem, & auctoritatem immediate à Christo recepisse; alios uero mediante Petro: non quòd à Petro alii apostoli in episcopos ordinati fuerint; sed quòd ipse principaliter, ut eorum pastor & rector, cæteri uero apostoli, ut dignitate proximi, fuerint ordinati. Nec placet illorum sententia, qui censuerunt Petrum à domino episcopum consecratum, alios apostolos ab ipso Petro. sed magis credimus, quòd sicut à domino simul facti fuerunt sacerdotes, siue cum eis dictum fuit: Hoc facite in meam commemorationem, Lucæ XXII. siue cum dictum fuit: Accipite spiritum sanctum: quorum remiseritis peccata &c. Io. XX. sic & simul facti fuerunt episcopi; secuti Augustinum lib. Quæstionum no. & uet. testamenti; qui dixit, Christum omnes apostolos ordinasse episcopos. Interpretari autem episcopos. i. sacerdotes, ut plerique interpretantur, est Augustinum de inscitia redarguere,

quasi ignorauerit differentiam esse inter episcopum, & sacerdotem: etsi Paulus quandoque unum pro altero, & pro utroque nominauerit; prout utrique id, de quo loquebatur, conueniebat. quod secus est de uerbis Augustini. nec solum in hanc sententiam

2 nos adducit Augustini auctoritas: sed etiam ratio. quoniam Paulus, qui episcopus fuit, (nec enim Timotheum episcopum ordinasset, si ipse episcopus non fuisset) nequaquam à Petro factus fuit episcopus, ipsomet proficiente ad Gal. 11. se nihil à Petro accepisse. Quòd si Paulus à Petro non fuit ordinatus, multo minus alii, qui Christum in terris cum hominibus conuersantem sequebantur. Accedit quòd Paulus ad Eph. 111. attestatur, dominum dedisse nobis quosdam quidem apostolos, quosdam autem prophetas, alios uero euangelistas, alios autem pastores. qui autem sunt pastores, nisi episcopi? Ipsi igitur à domino, non à Petro constituti episcopi. His astipulatur Dionys. de ecclesiast. hierar. cum

» inquit, quòd Christus sacerdotalem con-

» summationem, ducens discipulos in sanctis-

» simum patrem suum, retulit hierarchiæ per-

» fectionem. Quid autem est ista perfectio, nisi episcopalis ordo, qui in ecclesia supremus est? Igitur Christus ipse episcopos constituit & ordinauit. Eidem sententiæ subscri-

D iii

DE POTESTATE

bere uidetur canonum aggregator c. i. dist. xxi. cum dixit, quòd Christus xii apostolos, tanquam maiores sacerdotes constituit. Maiores autem sacerdotes sunt episcopi.

Nec his repugnat quod dixit Anacletus, & habetur in c. In nouo. ead. dist. xxi.

- » quòd in nouo testamento, post Christum
- » dominum à Petro sacerdotalis cœpit ordo:
- » quòd ipsi primo pontificatus in ecclesia Christi
- » isti datus est. quoniam his non repugnat, quòd ceteri apostoli in episcopos à Christo ordinati sint; licet ipse Petrus dignitate anterior, & primus fuerit. Quod designant quæ paulo post sequuntur uerba, quòd ceteri apostoli cum eodem pari consortio honorem & potestatem acceperunt: pari scilicet, quoad ordinem, & dignitatem episcopalem: impari uero, quoad iurisdictionem, & ecclesiæ gubernationem. Nec ex eo, quòd soli Petro plene & immediate commissæ est pastoralis cura totius dominici gregis; subsequitur: ergo ipse solus ordinatus est episcopus à domino; alii uero à Petro.

3 Quod uero dixit idem Anacle. & habetur in c. Porro. lxxvi. dist. quòd beatus Iacobus, qui Iustus dicebatur, etiam secundum carnem frater domini nuncupatus, à Petro, Iacobo, & Ioanne apostolis fuit ordinatus; interpretandum est de uisibili un-

ctione, & exteriori ceremonia ordinationis ; cuius tunc forma data fuit ab apostolis : licet prius fuerit interiori unctione à domino consecratus : uel quòd tunc fuerit ordinatus episcopus Hierosolymorum , & eam haberet dioecesim ; cui præesset episcopus : uel tunc data forma ordinationis , quòd scilicet non nisi à tribus episcopis fieret . nec propterea Iacobus bis in episcopum ordinatus fuit : quoniam non eadem unctione inunctus fuit.

4 Si quis uero obiiceret , Petrum non immediate à domino , sed ab apostolis ipsis accepisse suæ potestatis prærogatiuam , ex eiusdem Anacleti uerbis , de quibus in d. c. In nouo. quòd ipsi apostoli Petrum principem eorum esse uoluerunt ; quasi eorum , institutione , & non diuina , primatum sit consecutus . respondetur ; intelligendum est , apostolos uoluisse , Petrum eorum principem esse , idest , eis placuisse , quòd eorum princeps à domino fuerit constitutus : quam non nulli uocant uoluntatem consecutiuiam . & quòd taliter interpretandum sit , declarant eiusdem Anacleti uerba ; quæ recitantur in c. Sacrosancta . x x i i . dist. cum inquit :

- » Inter beatos apostolos quædam fuit discretio potestatis : & licet omnes essent apostoli ;
- » Petro tamen à domino concessum est , &
- » ipsi inter se uoluerunt idipsum ; ut reliquis

D iiii

omnibus præfset apostolis. Quòd itaque Petrus aliis præfset, ideo fuit, quia à domino concessum fuit: & ipsi inter se uoluerunt, quia à domino concessum fuerat: non autem ideo præfuit, quòd ipsi idipsum uoluerint: nec à deo concessum quòd præfset, quòd ipsi præfse uoluerunt.

Eodem modo interpretandum est, quod dixit Iulius, & habetur in c. Dudum. iiii. q. vi. quòd apostoli, & eorum successores sanctam Rom. ecclesiam primatum omnium ecclesiarum esse uoluerunt.

5 Et si quandoque legatur concilia dedisse Rom. Pontifici potestatem in ecclesia dei, interpretandum est non cumulative, sed priuatiue ad alios: quia multa subtraxerunt ab episcopis, & ministris ecclesiæ, & uoluerunt ad solum Papam pertinere. c. Dudum. iiii. q. vi. & c. Quamuis. ead. cau. & q. Olim enim poterat prouinciale concilium ex causa deponere episcopum. c. Siquis. c. Si autem. xv. q. viii. sed postea per concilia decretum, quòd licet apud prouinciales episcopos possint examinari causæ episcoporum, diffiniri autem nequaquam absque Rom. Pontificis auctoritate, ut in c. Quamuis iiii. q. vi.

Dissolutio eorum, quæ obijciuntur primatui Petri.

Cap. XII.

VPEREST pro uberiori declaratione potestatis, & præeminentiæ Petri in ecclesia, ut diluamus plura, quæ illi obijciuntur: etsi multa hucusque sublata fuerint.

I Primo obijcitur, ex illo loco, Io. ultimo, Pasce oves meas; non probari Petri præ aliis apostolis prærogatiuam: cum idem aliis apostolis demandatum uideatur. quoniam trifariam censetur quis Christi oves pascere, doctrina salutari, exemplari uita, & disciplina seu correctione: & hæc omnia demandata uideantur omnibus apostolis, non soli Petro: quibus etiam omnibus à domino dictum fuit, Mat. v. Vos estis lux mundi: sic luceat lux uestra coram hominibus. & cap. ultimo: Euntes docete omnes gentes. Item Io. ultimo: Quorum remiseritis &c. His respondemus, quòd etsi hæc omnia demandata fuerint etiam cæteris apostolis, ordine tamen quodam commissa, principalius scilicet & plenius Petro, aliis uero minus, quòd Petro minores essent, uelut oves sub pastore. Nec consequitur: hæc omnia omnibus demandata sunt: ergo æquali mensura: ergo omnes pari funguntur potestate.

DE POTESTATE

- Secundo obiiciunt, quòd si quis maior inter apostolos censendus foret, is fuisset Iacobus Alphæi, episcopus Hierosolymorum: ubi Christus Pontifex fuit; & suo sanguine, pro humani generis redemptione, ecclesiæ illius fundamenta iecit. Sed respondetur, Iacobum successorem fuisse Iesu Christi in regimine ecclesiæ Hierosolymitanæ, Petrum autem in regimine uniuersalis ecclesiæ; qui & Hierosolymis sua usus est auctoritate, ut in Matthiæ electione, cum dixit: Oportet ex his uiris, qui nobiscum sunt congregati &c. cum, loquentibus apostolis uariis linguis, qui ut ebrii irriderentur, Petrus eleuans uocem suam, ex Iohelis testimonio ostendit eos non ebrios, sed spiritu sancto repletos. cum Ananiam & Saphyram mentientes spiritui sancto, damnavit. cum Simonem magum reprehendit, & sententiam condemnationis protulit, dicens: Pecunia tua tecum sit in perditionem: quia donum Dei existimasti pecunia possideri. cum super obseruatione legalium, in concilio Hierosolymitano exorsus est sermonem. & aliàs sæpius. Quod autem Petrus, non Iacobus, nec alius quispiam successerit Christo in regimine uniuersalis ecclesiæ, declaratum est supra.
- 2
- 3
- Cur autem Christus Iesus, qui Hierosolymis salutem humani generis operari digna-

tus est: Hierosolymis legem docuit: Hierosolymis primum de crucis mysterio prædicationum; & ubi primum apostoli sanctissimam congregarint ecclesiam: noluerit in ea primam Petri sedem statuere: forte ratio est, quia evertenda funditus erat, nec relinquendus in ea lapis super lapidem: uel ut confunderet Iudæorum peruiaciam, expectantium Messiam regnaturum in Hierusalem; in quo forsitan errore uidentur fuisse apostoli post resurrectionem: quod indicat matris filiorum Zebedæi postulatio, ut sederent in regno suo, unus à dextris, alter uero à sinistris: discipulorum in Emaus euntium cum Iesu sermo: & interrogatio illa apostolorum omnium, cum dominus ascensurus esset in cælum, num in tempore illo esset restitutus regnum Israel.

- 4 Quod autem Socrates lib. IX. cap. XIII. Trip. hist. uocet Hierosolymitan. ecclesiam, matrem omnium ecclesiarum: & Clemens in suis epistolis appellet Iacobum fratrem domini, episcopum episcoporum: fortasse ob mysterium passionis, & quod Iacobus frater domini fuerit: apostolorum tamen ordinatione, non solum inter principales sedes locum non habuit: sed subiecta fuit Metropolitano Palestin. quod indicat
 • decretum Niceni concilii, quo decernitur,

DE POTESTATE

» episcopo Hierosolymorum antiquitus tradi-
 » ta honoris prærogatiua seruaretur, manen-
 » te nihilominus & Metropolitanus ipsius pro-
 » uinciæ dignitate. Cur autem diuina dispen-
 » satione Petrus & Paulus non in Hierusalem,
 » sed in urbe Roma martyrium pertulerint;
 » causam dixit sanctus Ambrosius esse, ut ubi
 » erat caput superstitionis, illic caput quiesce-
 » ret sanctitatis: & ubi gentilium principes ha-
 » bitabant, illic ecclesiarum principes more-
 » rentur. & habetur in c. Beati. 11. q. VII.

Tertio impugnatur Petri auctoritas, ex
 loco Pauli, Gal. 11. cum dixit, quod hi qui
 » uidebantur esse aliquid, nihil sibi contule-
 » runt. quod sibi creditum fuit euangelium
 » præputii, sicut & Petro circumcisionis: quod
 » Iacobus, Cephas, & Ioannes dexteram de-
 » derunt sibi & Barnabæ societatis: quod,
 » cum uenisset Petrus Antiochiam, restitit ei,
 » quia reprehensibilis erat. quæ omnia ar-
 » guunt Petrum non fuisse Paulo maiorem,
 » immo uero in aliquibus inferiorem. Sed re-
 » spondemus, ex eo, quod Petrus & alii nihil
 » Paulo contulerint; quodq; dexteram iunxe-
 » rint societatis; inferri paritatem in unitate fi-
 » dei, & illius defensione; de qua etiam Mat.
 » XXIII. cum dicitur, Vos omnes fratres
 » estis: quæ non excludit Petri in alios iurisdic-
 » tionem, & auctoritatem. Dicitur autem Pe

trum, & alios nihil Paulo contulisse in doctrina fidei, quia ipse cœlitus edoctus, nihil ab eis discrepabat, qui ab ipso domino, dum in terris conuersabatur, doctrinam hauserant: & in ea re, ut pares, dexterarum iunxisse societatis. Reprehensio autem facta à Paulo ipsi Petro, quia reprehensibilis erat; officium fuit charitatis: quo etiam minor reprehendere potest maiorem: ut de fraterna monitione aliàs dicendum erit.

At quòd Paulus ad Petrum uenerit, signum fuit reuerentiæ, & uenerationis, ut recte annotauit Hieronymus in epistola ad Aug. xxi. his uerbis: Denique tantæ auctoritatis Petrus fuit, ut Paulus in epistola sua scribat: Deinde post tres annos ueni Hierosolymam uidere Petrum: & mansi apud eum diebus xv. rursusq; in sequentibus: Post annos xiiii. ascendi iterum Hierosolymam, assumpto etiam Tito. ascendi autem secundum reuelationem, & exposui eis euangelium, quod prædicaui inter gentes; ostendens non habuisse securitatem euangelii prædicandi, nisi Petri, & eorum qui cum Petro erant, fuisset sententia roboratum. Hæc Hieronymus. At quòd Paulus uocauerit Petrum apostolum circumcisionis, se uero gentium; non arguit eorum parem auctoritatem, diuisumq; inter se onus prædicandi

DE POTESTAT 2

euangelium : quoniam uterque & gentibus
& iudæis euangelium prædicauit , Petrus e-
nim (ut habetur Act . x .) prædicauit euan-
gelium Cornelio gentili , & domui eius :
quod etiam perspicuum est ex his , quæ de
» Petro habentur Act . x v . cum dixit : Vos
» scitis , quòd ab antiquis diebus Deus in no-
» bis elegit per os meum audire gentes uerbum
euangelii , & credere . & de Paulo Act . i x .
» habetur : Quoniam uas electionis est mihi ,
» ut portet nomen meum coram gentibus , &
regibus , & filiis Israel . & infra , Et conti-
» nuo ingressus synagogas , prædicabat Iesum ,
quoniam hic est filius dei . Vterque igitur
& Iudæis , & gentibus prædicauit euange-
lium . Sed ex eo Paulus uocauit Petrum a-
postolum circumcisionis , se uero gentium :
quoniam Petrus acceptior fuit Iudæis : qui-
bus oportebat primum loqui uerbum dei . at
ipse Paulus licet prius euangelizauerit uer-
bum dei Iudæis : eis tamen minus fuit acce-
ptus . propterea cum sibi , & Barnabæ indi-
uiduo comiti ubique contradiceretur , dixit :
» Vobis oportebat loqui uerbum Dei : sed
» quoniam repulistis illud , & indignos uos iu-
» dicatis æterna uita , ecce conuertimur ad gen-
tes . hinc etiam non inscripsit nomen suum
epistolæ , quam ad Hebræos scripsit .

De reprehensione tamen Pauli , quòd re-

stiterit Petro, quia reprehensibilis erat; nonnulli euadere conantur, auctore Clemente Alexandrin. Origenis præceptore, non fuisse illum Petrum, apostolorum principem, sed ex LXX discipulis quempiam alium, nomine Petrum: cuius meminit Eusebius lib. primo Ecclesiast. hist. cap. XIIII.

- 8 Hieronymus autem aduersus Aug. non dubitauit asserere, simulatam fuisse illam reprehensionem Pauli, quod scilicet sicut Petrus, cæteri; apostoli, atque etiam ipse Paulus ob scandalum Iudæorum simulate seruauerunt legalia: ita eadem simulatione, quæ fuerat necessaria ad seruandos Iudæos à scandalo; ne scandalizarentur gentes, ei gentium scandalo occurrerit Paulus simulata reprehensione. Quod autem etiam Paulus simulauerit seruare legalia, habetur Act. xv.
- » cum dicitur: Paulus peruenit in Derben &
 - » Lystram: & ecce discipulus quidam, nomine
 - » Timotheus, filius mulieris uiduæ fidelis,
 - » patre gentili; cui testimonium perhibebant
 - » qui in Lystris erant, & Ionio fratres: hunc
 - » uoluit Paulus proficisci secum, & assumens
 - » circumcidit eum propter Iudæos, qui erant
 - » in illis locis. Sciebant enim omnes, quod pater eius erat gentilis. Eodem modo totondit sibi caput in Cenchreis, tanquam persoluens uotum. Et Act. xx. cum assumptis illis

DE POTESTATE

quatuor uiris, de quibus murmurabant Iu-
dæi, purificatus cum illis intrauit in tem-
plum, nuncians expletionem dierum purifi-
cationis, donec offerretur pro unoquoque il-
lorum oblatio. Hieronymi sententiam secu-
ti sunt Chrysostomus, & Theophylactus.
Nobis tamen magis placet illorum sententia,
qui censuerunt serio, non simulate Petrum
a Paulo reprehensum: cum liceat, & deceat
in iis, quæ ad fidem attinent, etiam ab infe-
rioribus quemcunque reprehendi, & corri-
pi. Hinc dixit Gregorius, & habetur in c.
» Paulus. i i. q. v i i. Paulus dicit, Seniore
» ne increpaueris. Sed hæc regula reseruan-
» da est in eo, cum culpa senioris suo exem-
» plo non trahit ad interitum corda iuniorum.
Qua ratione dixit sanctus Tho. secunda se-
cundæ. Paulus licet esset subditus Petri,
propter imminens scandali periculum circa fi-
dem Petrum publice arguit. & sicut glo. di-
cit ad Gal. i i. Petrus exemplum maioribus
tribuit, ut sicubi forte rectum reliquissent,
non dedignarentur etiam à posterioribus
corrigi.

Quarto obijciunt: uerbum ædificari, uer-
bum est spiritus, significans per fidem incor-
porari, & crescere in Christo: quod incon-
grue transfertur ad potestatem regendæ ec-
clesiæ; quæ sine fide, & charitate in Papa
malo

malo esse potest: quare auctoritatem illam,
 Tu es Petrus, & super hanc petram ædifica-
 bo ecclesiam meam; nihil facere ad Petri pri-
 matum. & interpretari ædificare, idest, re-
 gere, est extorquere literam ad extraneum
 sensum. Sed nos negamus, ædificari esse in-
 corporari per fidem, & crescere in Christo:
 quod iam ædificatus super petram, incorpo-
 ratur Christo per fidem, sicut Hier. cap. i.
 dicitur: Ecce constitui te hodie super gentes,
 & super regna; ut euellas, & destruas, di-
 sperdas, & dissipes, ædifices, & plantes.
 & cap. xviii. Subito loquar de gente &
 regno, ut ædificem, & plantem. Nec dici-
 mus, ædificare esse regere: nec in mystico
 corpore pugnant, quæ in naturali sunt re-
 pugnantia.

- 9 Quinto obiciunt primatui Petri, de electio-
 ne Matthiæ apostoli Act. i. in qua non o-
 pus fuisset aliorum auctoritate, & consensu,
 si Petrus caput fuisset, & princeps apostolo-
 rum. itidem de electione vii diaconorum:
 de qua dicitur Act. vi. quod elegerunt Ste-
 phanum, plenum fide & spiritu sancto, &
 Philippum &c. quos statuerunt ante con-
 spectum apostolorum, & orantes imposue-
 runt eis manus. Ad quod respondetur, non
 recte colligi, Petrum non habuisse supre-
 mam in ecclesia auctoritatem, ex eo quod in

E

electione Matthiae, & diaconorum accesserit
 aliorum consensus. quoniam ea ratione id ac-
 ctum est, ut uitaretur contentio, ut aliis de-
 bitus honor daretur, utq; seruaret Petrus,
 quod dominus praeceperat: Qui maior est
 uestrum, fiat sicut minister. Quae solutio
 colligitur ex Chrysostomo, in eum locum
 Act. apostolorum cum dixit: Petrus ut in-
 flammatus, & sicut ille, cui à Christo com-
 missum erat ouile, & ut princeps apostolo-
 rum, semper primus incoepit sermonem. Vi-
 de autem, quia Petrus omnia facit communi
 omnium uoluntate: nihil agit principaliter,
 aut dominatiue. & infra, Oportet ergo ex
 his, qui nobiscum sunt, uiris in omni tem-
 pore &c. Quare ita palam omnibus loqui-
 tur, ne contentiose res fierent, & ad litem
 deuenirent: & ideo scandala uitabat. qua-
 propter incipiens, dixit: Viri fratres, oportet
 ex uobis. multitudini populi electionem
 concedit, ut & ipse à contentione liberaretur,
 & aliis honor exhiberetur. & infra:
 Quid ergo? eum eligere non poterat? uti-
 que poterat; sed, ne uideretur ipse gratiam
 dare, ideo non fecit. & deinde, Centum &
 uiginti erant, & unum quærit ex omni mul-
 titudine. Opportune uero primus Petrus hu-
 iusmodi rei dominatur, quia ipse omnes in
 potestate acceperat. ad eum enim dixit Chri-

» stus : Et tu aliquando conuersus confirma
 » fratres tuos. hæc Chrysostomus.

- 10 Sexto obiciunt, de eo, quod habetur Act.
 VIII. quòd, cum audissent apostoli, quòd
 recepit Samaria uerbum dei, miserunt ad il-
 » los Petrum & Ioannem. quod superiorita-
 » tem designat, iuxta illud Io. XIII. Non est
 » seruus maior domino suo, neque apostolus
 » maior est eo, qui misit illum : & Lucæ VIII.
 cum dixit centurio : Nam & ego homo sum,
 sub potestate constitutus, habens sub me mi-
 lites : & dico huic, uade ; & uadit. non erit
 itaque Petrus superior his qui miserunt eum.
 Respondetur, non semper missionem supe-
 rioritatem designare. & ut humana omitta-
 mus exempla, diuina recenseamus. Nonne
 cum æquales, & consubstantiales sint pater,
 filius, & spiritus sanctus ; pater tamen misit
 filium, & spiritus sanctus missus est ab utro-
 » que ? habetur enim Io. XIII. Paracletus au-
 » tem spiritus sanctus, quem mittet pater in no-
 » mine meo, ille uos docebit omnem uerita-
 » tem. & c. x v. Hæc omnia facient uobis
 » propter nomen meum, quia nesciunt eum,
 » qui misit me. & paulo post : Cum uene-
 » rit paracletus, quem ego mittam uobis à pa-
 » tre, spiritum ueritatis, qui à patre procedit.
 » & cap. x v i. Si non abiero, paracletus non
 » ueniet ad uos : si autem abiero, mittam eum

E ii

» ad uos. item act. iiii. Petrus ad Iudæos: Pœ-
 » nitemini, & conuertimini; ut deleantur pec-
 » cata uestra: ut, cum uenerint tempora refrige-
 » rii à conspectu domini, & miserit eum, qui
 » prædicatus est uobis, Iesum Christum &c.
 uel dicendum, missum consilio, non auctori-
 tate. At etiam dici potest, Petrum legationem
 ab apostolis suscepisse, subsecutū monita do-
 mini; ut qui maior erat, fieret aliorū minister.

Septimo obiiciunt, quòd Petrus non fue-
 rit caput ecclesiæ, quoniam cum capitis neces-
 saria sit connexio ad corpus, & abscisso capi-
 te necesse sit & corpus interire; nusquam ef-
 fet ecclesia defuncto Petro, aut sede uacante
 per sui successoris obitum, uel priuationem.

¶ Respondetur, non posse ecclesiam consiste-
 re, uel quoduis aliud corpus, sine capite,
 quod motum influat, & corpus dirigat inter-
 iori influxu; qui est Christus, cuius solius
 est gratiam influere; non Petrus, aut succes-
 sor eius, quòd solum exteriori gubernatio-
 ne corpus mysticum ecclesiæ dirigit. Est igitur
 Christus caput præcipuum ecclesiæ, mo-
 tum & sensum spirituales in membra eccle-
 siæ influens, per modum efficientis causæ,
 inquantum deus; & per modum meriti,
 inquantum homo. Petrus autem, & pro-
 tempore eius successor, est caput minus prin-
 cipale, quod ministeriale appellare possu-

mus : sine quo esse potest ecclesia. Non enim omnimoda est similitudo corporis ueri, & corporis mystici, nec utriusque capitis.

Quòd si quis ulterius urgeret, ergo ante Christum, ut deum & hominem, non erat ecclesia, aut caruisset utroque capite. respondetur, quòd licet careret capite, quod eam dirigeret per modum meriti, deus tamen eam dirigebat per modum causæ efficientis. Et deum etiam esse caput ecclesiæ, colligitur ex Paulo, primæ Corinth. xi. cum dixit : Omnis uiri caput, Christus est : caput autem mulieris, uir : caput uero Christi, deus ; sic colligendo : Christi caput est deus : Christus ecclesiæ : igitur deus caput est ecclesiæ. propterea non sine capite erat ecclesia ante Christum, ut deum & hominem. Plura alia obii- ciuntur, quæ consulto omittimus, quoniam eorum dissolutio ex iis, quæ dicta sunt, facile colligi potest.

*Auctoritatem datam Petro, datam etiam succes-
soribus Petri. Cap. XIII.*

AE C autem suprema Petri aucto-
ritas, non soli Petro à Christo Iesu data fuit, sed eius etiam successoribus. quoniam si soli Petro tributa fuisset ; eo uita functo, careret ecclesia capite, ad quod in terris recurri possit. Nec censendum post

E iii

DE POTESTATE

Petrum diuersum fore regimen ecclesiæ ab eo, quod fuit eo uiuente: & ex monarchia factam aristocratiam, aut oligarchiam: minusq; ad alios, quàm Petri successores, transisse ecclesiæ regimen. Quod comprobauit sanctus Thomas, lib. I I I I contra gentiles, cap. LXXVI. hac ratione: Satis constat, Christum ecclesiam constituisse in seculum permanfuram, iuxta illud Esaïæ IX. Super solium Dauid, & super regnum eius sedebit, ut confirmet illud, & corroboret in iudicio & iustitia, à modo usque in sempiternum. Igitur ea ratione ministros instituit, ut eorum auctoritas ad posteros continua successione usque in finem seculi perueniret. aliter non impleretur, quod pollicitus est dominus, Matth. ultimo: Ecce ego uobiscum sum usque ad consummationē seculi: cum de his, qui tunc uiuebant, & breui erant morituri, dici non possit, quòd secum foret in perpetuum. Et hoc est, quod dixit August. super Io. & habetur in c. Quodcunque XXIIII. q. I. Petrus quando claues accepit, ecclesiam sanctam significauit: quia scilicet non tantum pro se, sed etiam pro omnibus successoribus accepit, usque in finem seculi, quousque duratura est ecclesia: ut etiam aliàs diximus.

Præterea cum auctoritas Petri & ecclesiæ

data sit in ædificationem, ut dixit Paulus secundæ Corinth. cap. x. indigeatq; ecclesia ædificatione usque in finem seculi, in quo electorum numerus complebitur: subsequitur datam pro successoribus. Quod autem ecclesia ædificatione indigeat usque in finem seculi, colligitur ex Hieronymo, super illud psalmi, Hierusalem quæ ædificatur ut ciuitas; in qua (inquit) Adhuc non est impletum ædificium, sed continue ædificatur super fundamentum apostolorum & prophetarum, ab ipso summo angulari lapide Christo Iesu. Quod etiam testatur Chrysostomus in illud Matth. xxi. Coelum & terra transibunt, uerba autem mea non transibunt; cum dixit, quod uerba illa ad Petrum Matth. xv. Tu es Petrus, & super hanc petram &c. in æternum mansura sunt. Item sententia fuit eiusdem Chrysost. quod sicut Christus accepit à patre sceptrum ecclesiæ gentium, & Israel, egrediens super omnem principatum, & potestatem, & super quodcunque, ut ei omne genu curuetur: sic & Petro, & eius successoribus plenissime commisit. & Cyrilli, Hierosolymitani patriarchæ, ubi personam Christi inducens, inquit: Tu cum fine, & ego sine fine cum omnibus, quos loco tui ponam, pleno & perfecto sacramento, & auctoritate cum eis ero, sicut sum te-

E iiii

cum. Nec mirum, si Adrianus I (ut in actis
 septimæ synodi habetur) ad Constantinum
 & Irenem Imper. scribens de ueneratione
 » sanctarum imaginum, inquit : Nam ipse
 » princeps apostolorum, beatus Petrus, qui
 » primus apostolicæ sedi præsedet, sui aposto-
 » latus principatum, ac pastoralis curæ, succes-
 » soribus suis, qui in sua sanctissima sede suc-
 » cessuri sunt perenniter, dereliquit : quibus &
 » auctoritatis potestatem, quemadmodum à
 » saluatore nostro, & domino deo ei concessa
 » est, ipseq; tradidit diuino iussu successoribus
 » suis : quorum traditione, Christi sacram ima-
 » ginem, sanctæq; genitricis eius, apostolo-
 » rumq; , & omnium sanctorum uenerantur
 » imagines. Quod etiam confessus est Igna-
 » tius, Constantinopolitan. patriarcha, ad eun-
 » dem Adrianum scribens, his uerbis : Tales
 » enim beatas uoces non secundum quandam
 » utique sortem apostolorum principi Petro
 » solum circumscripsit, & definiuit, sed per
 » eum & ad omnes, qui post illum secundum
 » ipsum efficiendi erant summi pastores, & di-
 » uinissimi, sacriq; pontifices senioris Romæ.
 2 Nec ex eo, quod aliqui ex Petri successo-
 ribus gregem dominicum nec ament, nec pa-
 scant, subtrahitur eis pascendi, aut regendi
 auctoritas & potestas : etsi deceret eum, qui
 Petri locum tenet, maiori amore Christum

prosequi. quoniam cum diuersæ res sint, potestas, & amor, alter ab altero seiungi potest, adesseq; amor sine primatu, ut in Petro, antequam foret aliorum pastor; & primatus sine amore; si Petrus post susceptam potestatem, ante missionem spiritus sancti à iustitia defecisset: quod poterat. propterea non subsequitur, desiisse in Petri successore potestatem, si defuerit in Christum amor. quod ideo est, quoniam quod dictum fuit Petro: Tu es Petrus, & super hanc petram ædificabo ecclesiam meam: quia ad pontificatum totius ecclesiæ pertinet; oportet & ad successorem pertinere: oportetq; Petri successorem, esse Petrum, idest, in fide solidum. Quod uero apud Io. dictum est Petro, Amas me? diligis me? ad rectitudinem pastoralis officii spectat, etiam ad successorem dictum censetur, non ut sit pontifex & pastor, sed ut sit bonus pontifex, & pastor bonus: quemadmodum & aliàs docuit dominus, qualis esse deberet bonus pastor. At cætera quæ dicta sunt Petro, cuiusmodi sunt: Vade post me Sathana: Non sapis quæ dei sunt: Cum esses iunior, cingebas te: Tu aliquando conuersus: Antequam gallus canter, ter me negabis: Vade, & mitte hamum; nec ad pastorale officium, nec ad illius rectitudinem spe-

stant. propterea soli Petro, non successoribus dicta.

At licet quod dictum est soli Petro, Tibi dabo claves &c. Pasce oves meas; minime dictum censeatur aliis apostolis: non tamen subsequitur, ad successores non extendendum. quoniam ad innumeros successores pertinere potest, quod uni ratione officii tribuitur: cuius gratia omnes unum censentur: quod tamen pluribus eodem tempore tribui non potest: sicut unius ouilis successiuo ordine plures pastores esse possunt, quos tamen non decet esse plures uno eodemq; tempore.

Si canones quærimus, quibus decretum sit, dicta Petro, censi dicta & successoribus, habemus c. Solitæ. de maior. & obed. c. Per uenerabilem qui fil. sint legit. c. Ad apostolicæ. de re iud. lib. vi. c. i. de homi. lib. vi.

3 Ratio autem, cur Petrus successorem habet, non cæteri apostoli, est; quoniam pastoris officium est ordinarium, cuius est successorem habere: apostolatus autem, qui missio seu legatio interpretatur, iuxta illud secundæ Corint. cap. v. Legatione pro Christo fungimur: & Ephes. vi. Legatione fungor in cathena ista; minime perpetuum est officium: nec ei successorem dari oportet: licet episcopi eis successerint in episcopali auctoritate, & dignitate; de quibus interpreta-

mur illud psalm. XLIII. Pro patribus tuis
 nati sunt tibi filii. Quin etiam nec Petrus suc-
 cessorem habuit in apostolatus officio: tum
 quia apostolatum suscepit cum aliis commu-
 nem, in quo omnes pares fuere: tum quia
 nullius Petri successoris libellos, quantum-
 cunque sanctos, inter sacras recipimus scri-
 pturas: cum tamen etiam epistola Pauli ad
 Philemonem, quamuis unius fugitiui serui
 commendatitia, inter sacras scripturas com-
 putetur: non autem decreta, aut epistolæ suc-
 cessorum Petri. Veruntamen quia Petri suc-
 cessor in pastoralis officio ouium Christi, ex
 hoc ipso succedit in præcipuo apostolatus of-
 ficio: quod, teste sancto Thoma, erat catho-
 licam ecclesiam gubernare, & quod commu-
 niter omnibus apostolis delegatum fuerat,
 hoc ipsum Petri pastoralis officio datum,
 cum illi dictum est: Pasce oues meas. quod
 nulli alteri soli dictum fuerat. propterea hoc
 soli Petri successor, successionis quodam iu-
 re tribuitur: non autem potestas faciendi mi-
 racula; quæ in uniuersum data fuit omnibus
 apostolis. Hinc solius Petri sedes, apostolica
 dicta est, quod in ea sola sit auctoritas guber-
 nandi catholicam ecclesiam. hinc Petri suc-
 cessor, apostolicus: hinc eius sedes & aucto-
 ritas, apostolica nuncupata. Et quamuis om-
 nibus apostolis data fuerit potestas gubernan-

di oues Christi, easq; undique ad Christi ouile cogendi: nulli tamen data est potestas gubernandi omnes, & quascunque oues: quia soli Petro in uniuersum data est potestas in omnes; & tam lata, ut etiam in ceteros apostolos potestatem haberet: non sic aliis, quorum unus alteri non subiiciebatur: sed omnes cum essent oues ouilis Christi, subiiciebantur Petro, pastori constituto.

Nec propterea unus est pastor totius ecclesiae, quia unus episcopus maior sit alio, cum omnes in episcopali ordine pares existant: sicut nec unus presbyter, si ordinem respiciamus, maior est alio. Sed ideo unus est pastor totius ecclesiae, aliis praelatus episcopis, & presbyteris, quia unus est Petri successor in pastoralis officio. quo modo intelligenda sunt quae dixit Hieronymus in epistola ad Euagrium, & habetur in c. Legimus. xciii. dist. & in c. Olim. xc v. dist. & quae dixit Cyprianus in c. Loquitur. xxiiii. q. i. ubi non solum apostoli cum Petro pares constituntur, sed & presbyteri cum episcopis. In tantum autem unus est Petri successor, & unus Papa, quod non posset concilium, non tota ecclesia, non ipse Papa statuere, quod essent duo Romani pontifices: quia non possunt esse duo apostolici. glo. in c. Non autem. vii. q. i. Ex quo infert Rosellus in

sua monarchia, in discussione illius quæfiti, Cui fuit data potestas illa suprema, an ecclesiæ, uel Petro? q̄ tempore schismatis non potuisset concilium statuere, quòd uterque eorum qui de pontificatu contendebant, ut pontifex summus in sua obedientia federet: licet secus in inferiori episcopatu, ut d.c. Non autē.

Romanum Pont. esse Petri in pontificatu successorē. Cap. XIII.

ROMANVM autem pontificem, **R**eum esse qui Petri in pontificatu successor sit, satis comprobatum erit, si recensebimus testimonia sanctorum patrum, sacrorum conciliorum, & Rom. Imperatorum; quæ id constanter asseuerarunt: siq; ostenderimus eum esse uniuersalis ecclesiæ episcopum, omnes ei subesse ab exordio Christianæ ecclesiæ, & ei paruissē non minus orientalis, quàm occidentalis ecclesiæ episcopos: maiores causas ad eius sedem & delatas, & deferendas: licere cuique ad eum, eiusq; sedem appellare: ab eo neminem appellare posse: consueuisse insuper iam inde ab initio nascentis & adolescentis ecclesiæ, aliorum episcoporum electiones confirmare: aliaq; gerere, & mandare, quæ superioritatem, plenam iurisdictionem, & supremam auctoritatem facile ostendant.

I Quod attinet ad sanctorum patrum testi-
 monia, habemus Cyprianum epistolarum li-
 bro III. ad Antonianum; qui de Cornelio
 Rom. pontifice scribens, post alia subiicit:
 » Factus est Cornelius episcopus, de dei & Chri-
 » sti eius iudicio, de clericorum pene omnium
 » testimonio: de plebis, quæ tunc affuit, suffra-
 » gio, & de sacerdotum antiquorum, & bono
 » rum uirorum collegio: cum nemo ante se fa-
 » ctus esset: cum Fabiani locus, idest, cum lo-
 » cus Petri, & gradus cathedræ sacerdotalis ua-
 » caret: quo occupato, & dei uoluntate, atque
 » omnium nostrum consensione firmato, quis
 » quis iam episcopus fieri uoluerit, foris fiat
 » necesse est. & habetur in c. Factus est Corne-
 lius. VII. q. I.

Contestis est Cypriano Hieronymus, qui
 ad Damasum Rom. pontificem scribens,
 » inquit: Quoniam uetusto oriens inter se po-
 » pulorum furore collisus, indiuisam domini
 » tunicam, & desuper contextam minutatim
 » discerpit, & Christi uineam exterminant uul-
 » pes, ut inter lacus contritos, qui non habent
 » aquam: & difficile, ubi fons signatus, & hor-
 » tus conclusus sit, possit intelligi. ideo mihi
 » cathedram Petri, & fidem apostolico ore lau-
 » datam. & postea: Nunc in occidente sol iu-
 » stitiæ oritur, in oriente autem lucifer ille,
 » quo ceciderat, supra sydera posuit thronum

» suum. Vos estis lux mundi: uos estis sal ter
 » ræ: uos uasa aurea & argentea. Hic testea ua
 » sa, uirga ferrea & æterno operiuntur incen-
 » dio. Quanquam igitur tui me terreat magni-
 » tudo, tamen inuitat humanitas. A sacerdote
 » uictima salutem, à pastore præsidium ouis
 » flagito: fatiscat inuidia, Romani culminis re-
 » cedat ambitio. cum successore piscatoris, &
 » discipulo Christi loquor. Ego nullum præ-
 » mium, nisi Christum sequens, beatitudini
 » tuæ. i. cathedræ sancti Petri communione
 » confortior: super illam petram fundatam ec-
 » clesiam scio: quicumque extra hanc domum
 » agnum comederit, prophanus est. si quis in
 » arca Noe non fuerit, peribit regnante dilu-
 » uio. & habetur in c. Quoniam uetusto ori-
 » ens XXIIII. q. i. Et alibi ad eundem
 » Damasum scripsit: Hæc est fides, Papa bea-
 » tissime, quam in catholica didicimus ecclesia,
 » quamq; semper tenuimus: in qua si minus
 » perite, aut parum caute aliquid positum est,
 » emendari cupimus à te, qui Petri sedem & si-
 » dem tenes. Si autem hæc nostra confessio,
 » apostolatus tui iudicio comprobatur, qui-
 » cunque me culpæ uoluerit, se imperitum
 » & maleuolum, uel etiam non catholicum,
 » sed hæreticum comprobabit. & habetur in
 » c. Hæc est fides. ead. cau. & .q.

Item Xystus epistola prima ad Gratum,

DE POTESTATE

» & habetur in c. Memor. XXIIII. q. I. in-
 » quit: Memor enim me sub illius nomine ec-
 » clesie præsidere, cuius à domino Iesu Chri-
 » sto est glorificata confessio: & cuius fides
 » nullum unquam fallit, sed omnes quidem
 » hæreses destruit.

Et Syritius ad Himerium Tarraconen.
 » dixit: Pro officii nostri consideratione, non
 » est nobis dissimulare, non est tacere libertas:
 » quibus maior cunctis christianæ religionis ze-
 » lus incumbit, portamus onera omnium qui
 » generantur: quinimo hæc portat in nobis
 » beatus Petrus apostolus: qui nos in omni-
 » bus (ut confidimus) administrationis suæ pro-
 » regit, & tuetur hæredes.

Concordat Marcellus pontifex, ad uni-
 » versos per Antiochiam prouinciam constitu-
 » tos Episcopos, cum inquit: Rogamus uos,
 » fratres, ut nō aliud doceatis ac sentiat, quā
 » quod à beato Petro apostolo, et reliquis apo-
 » stolis ac patribus accepistis. ab illo enim pri-
 » mum instructi estis. Ideo non oportet uos de-
 » relinquere primum patrem, & alios sequi.
 » Ipse enim est caput ecclesie: cui dominus ait:
 » Tu es Petrus &c. Eius enim sedes primum
 » apud uos fuit: quæ postea iubente domino
 » Romam translata est: cui adminiculante gra-
 » tia diuina præsidemus. Et habetur in c. Ro-
 » gamus. XXIIII. q. I.

Eusebius

cti Cypriani epistolæ, se inscripsit: Stephanus, sanctæ apostolicæ & uniuersalis ecclesiæ episcopus, omnibus per diuersas prouincias episcopis. Et Marcellinus se inscripsit: Marcellinus, episcopus sanctæ ecclesiæ catholicæ urbis Romæ. non quòd censuerint Rom. ecclesiam uniuersalem esse, cum, tanquam Romana, pars sit uniuersalis ecclesiæ, sed ut designarent eum, qui Romanus foret episcopus, esse & uniuersalis ecclesiæ. Quo modo etiam se inscripsit Marcellus episcopus, in epistola ad Maxentium, cum dixit: Marcellus, episcopus sanctæ apostolicæ & catholicæ urbis Romæ ecclesiæ, Maxentio. Item Eusebius cum dixit: Eusebius, Rom. & apostolicæ ecclesiæ episcopus.

Siluester autem se in hunc modum inscripsit: Siluester, episcopus sanctæ & apostolicæ sedis, præsul urbis Romæ. & Felix II, qui factus est pontifex anno CCC LXII, in epistola ad Athanasium, & uniuersos Aegyptiorum, Thebaidorum, Libyorum episcopos, in Alexandriñ. synodo congregatos, sic exorditur: Felix, almæ urbis & uniuersalis ecclesiæ episcopus. & in alia epistola ad reliquos domini sacerdotes, de patienti sufferentia persecutionum & tribulationum, se uocauit Felicem, uniuersalis ecclesiæ Papam, ac propter gratiam dei catholicæ & apostolicæ

F iiii

urbis Romæ episcopum. Item Vigilus, qui pontifex fuit anno D X L, quandoque se inscripsit episcopum sanctæ ecclesiæ catholicæ urbis Romæ; quandoque episcopum catholicæ ecclesiæ. 2 Diuus Gregorius, & post eum alii pontifices se inscripsere: seruus seruorum dei. Reperio tamen Damasum primum, epistola I I I etiam ante Gregorium se inscripsisse: Damasus, seruus seruorum dei, atque per gratiam eius, episcopus sanctæ catholicæ ecclesiæ urbis Romæ, Stephano archiepiscopo concilii Mauritanæ, & uniuersis episcopis Africanæ prouinciæ.

Nec solum ipsi Romani pontifices, se uniuersalis ecclesiæ episcopos nominarunt: sed etiam ab aliis, & ab ipsis sacris conciliis eodem titulo appellati sunt. A beato enim Athanasio, Alexandrin. episcopo, & uniuersis Aegyptiorum episcopis, inscribitur epistola: Marco Rom. & apostolicæ atque uniuersalis ecclesiæ Papæ. Item in alia ipsorum epistola ad Liberium Papam, post plura dixere: Huius rei gratia uniuersalis uobis à Christo Iesu commissa est ecclesia, ut pro omnibus laboretis, & cunctis opem ferre non negligatis. Et in act. quintæ synodi Constantinopolitanæ, habetur epistola Mariani presbyteri, & primatis monasteriorum regie ciuitatis, hoc titulo inscripta: Domino no-

» uniuersi orientalis tractus subiicere sedi ue-
 » stræ sanctitatis properauimus. & infra: Nec
 » enim patimur quicquam, quod ad ecclesia-
 » rum statum pertinet, quamuis manifestum
 » & indubitatum sit, & non etiam uestre inno-
 » tescat sanctitati; quæ caput est omnium eccle-
 » siarum sanctarum. Per omnia enim prope-
 » ramus honorem & auctoritatem crescere ue-
 » stræ sanctæ sedi.

3 Hoc idem sacra approbarunt concilia, &
 præcipue patres Chalcedonen. concilii, qui
 in relatione actorum beato Leoni professi
 sunt, eundem Leonem præfuisse synodo,
 sicut membris caput. Patres etiam sextæ sy-
 nodi, in sermone prosphonetico ad Constan-
 tinum Imper. gratias agentes deo, quod per
 apostolicam sedem ipsis refulsisset orthodo-
 » xa fides, hæc protulere uerba: Nobiscum
 » concertabat apostolorum princeps: illius e-
 » nim imitatore, & sedis successorem, habui-
 » mus fautorem: & diuini sacramenti mysterii
 » illustrante per literas confessionem sibi à deo
 » inscriptam illa Romana antiqua ciuitas obtu-
 » lit. & quæ sequuntur. Hoc idem definiuit
 » Florentin. synodus, his uerbis: Definimus
 » sanctam apostolicam sedem, & Rom. pon-
 » tificem in uniuersum orbem tenere prima-
 » tum: & ipsum Rom. pontificem, successo-
 » rem esse beati Petri, principis apostolorum;

F iii

DE POTESTATE

» & uerum uicarium Iesu Christi, totiusq; ec-
 » clesiae caput, & omnium Christianorum pa-
 » trem & doctorem existere: & ipsi in beato
 » Petro pascendi, regendi, & gubernandi uni-
 » uersalem ecclesiam, à domino Iesu Christo
 » plenam potestatem traditam esse. & reliqua

*Romanum pontificem esse, & recte appellari uni-
 uersalis ecclesiae episcopum. cap. XV.*

ROMANVM autem pontificem ef-
 R fe, & recte appellari uniuersalis ec-
 clesiae episcopum, colligitur ex epi-
 stolis sanctorum pontificum primitiuae ec-
 clesiae, & aliorum ad eos. & primo ex episto-
 la Xysti primi, qui Rom. pontifex fuit ante
 annos M CCC, ad episcopos: quam sic in-
 scripsit: Xystus, uniuersalis ecclesiae episco-
 pus, omnibus episcopis in domino salutem.
 Item Victor, non ultra LXX annum post
 eum pontifex, ad Theophilum, Alexandrin.
 episcopum, his uerbis: Victor Rom. &
 uniuersalis ecclesiae archiepiscopus, Theo-
 philo episcopo, & cunctis fratribus in Ale-
 xandria deo famulantibus. Item Pontia-
 nus, non multo post pontifex, uniuersis
 Christi fidelibus scribens, exorditur: Pon-
 tianus, sanctae & uniuersalis ecclesiae episco-
 pus, omnibus recte dominum colentibus.
 Item Stephanus primus, ad quem extant san-

» nerandam synodum, te auctore maxima pax
 » circa omnes episcopos fidei catholicæ fiat, ab
 » omni scelere pura, & intemerata consistens.

In epistola Gallæ Placidia, matris Theo-
 dosii iunioris, ad Eliam Pulcheriam, Augu-
 » sti filiam, habetur: Cum beato apostolo
 » Petro nostram præsentiam dedissemus, illic
 » multitudine sacerdotum reuerendissimus Leo
 » Papa circumdatus pro dignitate sui loci nos
 » prius adiit, qui propter impositam gemitus
 » sui tristitiam, desiderium pene suum uerbis
 » insinuare non poterat. uicit tamen constan-
 » tia sapientiæ sacerdotis, ut lacrymas pau-
 » lulum retineret, & causam uiolatæ fidei tan-
 » quam uindex manifesto sermone proferret:
 » in quo sermone cognouimus à nostris catho-
 » licam fidem esse turbatam, quam à diuo pa-
 » tre nostro Constantino nostri generis paren-
 » tes hactenus seruauerunt. Et infra: Igitur
 » tua clementia secundum catholicam fidem,
 » (quod semper nobiscum fecit) & nunc simi-
 » liter conspirare dignetur: ut quicquid in illo
 » tumultuoso, miseroq; concilio constitutum
 » est, omni uirtute submoueatur, & omni-
 » bus integris permanentibus ad apostolicæ se-
 » dis iudicium, in qua primus beatissimus apo-
 » stolorum Petrus, qui etiam clauis regno-
 » rum coelestium suscipiens, sacerdotii princi-
 » patum tenuit; episcopatus causa mittatur.

In alia epistola eiusdem ad Theodosium
 » iuniorem filium habetur : Hac gratia tua
 » mansuetudo tantis turbationibus resistens ,
 » ueritatem immaculatam catholicæ fidei & re
 » ligionis seruare præcipiat : ut secundum for
 » mam & definitionē apostolicæ sedis , quam
 » & nos præcellentes similiter ueneramur in
 » statu sacerdotii illæso manente per omnia
 » Flauiano , ad concilii & apostolicæ sedis iu
 » dicium mittatur ; in qua primus ille , qui cœ
 » lestes claues fuit dignus accipere , principa
 » tum episcopatus ordinauit . Hæc ex primo
 » tomo conciliorum , cum acta Chalcedonen.
 » concilii referuntur .

Non minus pie Iustinianus Imper. in au
 » ren. de eccl. tit. in principio . col. i x. dixit :
 » Sancimus itaque uicem legum obtinere san
 » ctas regulas , quæ à sanctis conciliis quatuor
 » synodorum , sicut sacras scripturas accepi
 » mus , & regulas sicut leges seruamus . Itaque
 » sancimus , secundum eorum definitiones ,
 » sanctissimum senioris Romæ Papam pri
 » mum esse omnium sacerdotum : beatissi
 » mum autem archiepiscopum Constantino
 » poleos , nouæ Romæ , secundum habere lo
 » cum post sanctam apostolicam sedem senio
 » ris Romæ . & in l. Inter claras. C. de sum.
 » trinit. & fid. cathol. Ad Ioannem Romanæ
 » sedis præfulem inquit : Omnes sacerdotes

Eusebius etiam, Marcelli immediatus successor, epistola ad Thusciam & Campaniam
 » episcopos, inquit: Benedictus dominus de-
 » us noster, qui per misericordiam suam Ro-
 » manam ecclesiam beati Petri, apostolorum
 » principis, sacerdotio ditauit.

Quod si quis suspectum habeat testimo-
 nium Rom. pontificum, nec acquiescat au-
 ctoritati Cypriani, & Hieronymi; quod La-
 tini fuerint: legat etiam Græcos auctores, Cy-
 » rillum scilicet lib. Thesaur. cum inquit: Vt
 » membra maneamus in nostro capite aposto-
 » lico, Rom. pontifice, in quo nostrum est
 » quærere, quid credere, & quid tenere debea-
 » mus; ipsum rogantes, illum uenerantes præ
 » omnibus. quoniam ipsius solius est repre-
 » hendere, corrigere, statuere, disponere, liga-
 » re & soluere loco illius, qui eam ædificauit,
 » & nulli alteri quod suum est, plenum, sed
 » ipsi soli dedit: cui omnes iure diuino caput
 » inclinant, & primates mundi tanquam ipsi
 » domino nostro Iesu Christo obediunt. &
 » Eusebium, qui lib. III. cap. XXI. eccle-
 » siast. hist. inquit: Qua tempestate in urbe
 Roma Clemens quoque tertius post Pau-
 lum & Petrum pontificatum tenebat.

2 Transeamus ad Romanorum Imperato-
 rum testimonia, & audiamus Valentinia-
 num ad Theodosium Imperatorem, cum

F

» inquit: Cum aduenissem ad urbem Ro-
 » mam, ad diuinitatem placandam, sequenti
 » die ad basilicam apostoli Petri accessi: & ibi
 » post uenerabilem noctem diei apostoli, à
 » Rom. præfule, & aliis cum eo ex diuersis
 » prouinciis congregatis rogatus sum scribere
 » uestre consuetudini de fide, quæ cum sit con-
 » seruatrix omnium fidelium animarum, dici-
 » tur conturbata; quam nos à nostris maiori-
 » bus traditam debemus cum omni competen-
 » ti deuotione defendere, & dignitatem pro-
 » priæ uenerationis beato Petro apostolo inte-
 » meratam, & in nostris temporibus conserua-
 » re, quatenus beatissimus Romanæ ciuitatis
 » episcopus, cui principatum sacerdotii super
 » omnes antiquitas contulit, locum habeat, &
 » facultatem de fide, & sacerdotibus iudicare.

Item Valentinianus iunior, & Martia-
 » nus ad Leonem pontificem dixere: Pro re-
 » uerentia, & catholica religione Christiano-
 » rum fidei, cuius auxilio uirtutem nostræ po-
 » tentiæ credimus gubernari, tuam sanctita-
 » tem, principatum in episcopatu diuinæ fidei
 » possidentem, sacris literis iustum credimus
 » alloquendam, & inuitantes, atque rogantes,
 » ut pro firmitate & statu nostri imperii æter-
 » nam diuinitatem tua sanctitas deprecetur, ut
 » & tale propositum & desiderium habeamus;
 » quatenus omni impio errore sublato per ue-

4 Si quis secundo obiecerit, dicens: præcepit apostolus omnem animam sublimioribus potestatibus subditam esse debere, & debitam eisdem præstare obedientiam: igitur & summus sacerdos subdi debet sublimioribus potestatibus. respondemus, ex hoc minus recte colligi subiectionem sacerdotii magistratibus secularibus, sed id solum, quòd quisque inferior subditus esse debet superiori suo. quoniam non de ciuilibus tantum magistratibus dixit, sed in uniuersum de omnibus: ita ut iuxta illam apostoli sententiam, serui dominis, famuli & ancillæ patrifamilias, uxor marito, monachi abbati suo obedi re teneantur. Quòd uero generalius illam sententiam in ciuilibus, & huius seculi potestatibus, uelut in exemplo, diligentius executus est: hoc fecit, ut obstrueret ora quorundam loquentium iniqua: propterea quòd apud gentes blasphemabatur nomen Christi, & Christiana religio: quasi doceret subditos rebellare magistratibus, seruos dominis.

5 Ex eo autem, quod Petrus dixit: Subiecti estote omni humanæ creaturæ, propter deum, siue regi, tanquam præcellenti, siue ducibus, tanquam ab eo missis, ad uindictam malorum: quia sic est uoluntas dei; perperam colligitur, sacerdotes, & ipsum summum sacerdotem secularibus magistratibus

subditos esse. Sed potius colligendum est, omnes magistratus, qui membra sunt ecclesiæ, summo sacerdoti, ut superiori, obedientiam debere. Regi autem obediendum est in his, quæ ad regium munus spectant. quod si limites sui officii transgrediatur, non amplius obediendum: sicut filii Israel, qui sub rege Babylonio uiuebant, quibus à deo præceptum erat, ut regi obedirent; obediebant regi externo in his, quæ ad officium regis pertinebant: sed cum statuam adorare iussi sunt: maluerunt in fornacem ardentem conici, quàm obedire.

6 Eodem modo quod habetur Rom. XIII. Omnis potestas est à deo: & qui potestati resistit, dei ordinationi resistit: non igitur ei resistendum, quia minister dei est; interpretandum est, non resistendum ei, sed parendum, tanquam dei ministro, in his, quæ ad eius officium spectant.

7 Aduertat tamen diligens lector, ne in errorem incidat, propter extrauag. Clem. v. quæ incipit: Meruit charissimi filii. quoniam non decernit Franciæ regem, cum suæ ditionis hominibus, non teneri credere, se esse subiectum Rom. pontifici. id enim pugnaret cum constitutione Bonifacii VI I I. quæ incipit: Vnam sanctam. sed hoc decernit ea constitutio, nullum regi, aut regno præiudicium

cerdotibus subiicerentur : quin potius in ueteri lege regia maiestas maior erat sacerdotali . Legimus enim quòd Salomon rex deiecit Abiatar de sacerdotio , qui erat summus sacerdos : quòd constituit , iuxta dispositionem patris sui , officia sacerdotum in ministeriis suis . II . Paralip . x x v i i i . quòd Iosaphat in Hierusalem cōstituit Leuitas , & sacerdotes , & principes familiarum ex Israel , ut iudicium , & causam domini iudicarent habitatoribus terræ . II . Paralip . x i x . quòd Ezechias non modo instaurauit ualuas domus domini , sed etiam sacerdotes corrigere conatus est . Paralip . x x i x . quòd Iosias , bonus ille rex , cum templi oblationes ingurgitari uideret à sacerdotibus , scribam suum exigendis rationibus præfecit . sicq; hi omnes , in ueteri lege , in sacerdotes usi sunt iurisdictione & potestate . respondeamus , quòd lex illa carnalis erat , & terrena , ea promittens , quæ ad ueterem hominem duntaxat respiciunt . & ideo lex uetus dicta est , secundum August . in quæst . noui & ueter . testa . Lex autem noua , spiritualis est , coelestia præcipue respiciens : propterea tanta eius pontifici à Christo Iesu data est auctoritas & dignitas , quòd reges & principes non dedignantur capita ei submittere , ut legitur in c . Valentinianus l x i i i . dist .

DE POTESTATE

Sunt tamen nonnulli, qui uoluere etiam in ueteri lege regiam potestatem non fuisse maiorem sacerdotali: idque colligi Deuter. II. ubi cum de regis electione sermo fieret, denunciatur quòd postquam federit rex in folio regni sui, describet scribi deuteronomium, idest, reintegrationem uel rescriptionem legis, accipiens exemplar à sacerdotibus. Nam si historiae scholasticae credimus, nihil debebat facere rex sine consilio pontificis, & seniorum. In Iudæa enim ante reges erant iudices, & à iudicibus recurrebatur ad sacerdotium. Quia (ut habetur Deuteron. xvii.) Si difficile & ambiguum apud te esse perspexeris, ueniens ad sacerdotes Leuitici generis &c. ubi notant ecclesiasticae historiae, quòd iudices sedentes in portis ciuitatis, iudicantes intrinsecos & extrinsecos, si contingeret iudices illos ambigere, quid decernendum, ad summum sacerdotem ascenderent; & quod iudicaret, exequerentur. propter quod subiicitur, quòd qui superbie-rit, nolens obedire sacerdotis imperio, & iudicis decreto, moriatur homo ille. ubi marginalis glo. addit, quòd Christus, qui est sacerdos, uicarios sibi constituit, quibus dixit: Qui uos spernit, me spernit; iure concludens, damnationis sustinet sententiam, qui contemnit diuinitatis potentiam.

- » uersali principe pastorum simul cum ipso di
 » uinitus loquente &c. Quod idem colligi-
 tur ex text. in c. In nomine domini . XXIII.
 dist. cum dicitur : Obeunte Rom. et uniuersalis ecclesie antistite .

Romano pontifici deberi ab omnibus Christi fidelibus obedientiam . Cap. XVI.

VM secundum Apostolum, ad Ro
 ma. XI. quæ à deo sunt, ordinata
 sint, nec nisi à deo sit potestas : & se-
 cundum Dionys. in li. de angel. hierar. lex di-
 uinitatis sit, ut infima in suprema per media
 reducantur : subsequitur, ut ordo sit in uni-
 uerso, temporalem gladium in spiritualem re-
 duci : ne inordinate plura ponantur capita,
 æque principalia. Quod autem spirituale caput
 id sit, quod temporali præferatur, deducitur
 ex eo, quod sicut in uniuersali rerum regimine
 corpora præfunt corporibus, & uniuersali-
 ter quod terrenum est & corporeum spiritui
 sublit : sic in hominum regimine temporales
 domini spiritualibus subesse debent : & om-
 nes uicario Christi, ut in omnibus domine-
 tur Christus, iuxta illud Aug. lib. III. de tri-
 nit. cap. IIII. cum dixit, quod quemad-
 modum corpora crassiora & inferiora per
 subtiliora & superiora quodam ordine re-
 guntur : ita omnia corpora per spiritum, et

uniuersa creatura per creatorem.

Confirmantur quæ diximus, quoniam ex quo tota Christiana uita principaliter ad spirituales finem, non autem temporalem ordinatur, summus pontifex, qui Iesu Christi in terris uices gerit, cui huiusmodi commissæ est ordinatio, plenam habere debet potestatem præcipiendi Christi fidelibus, pro hoc fine assequendo; cum ad eum, ad quem pertinet cura finis ultimi, pertineat & cura eorū, quæ ad finem ordinantur: Sicut in architectonicis artibus deprehenditur, si ad inferiores comparentur. At quia affectio cœlestis gloriæ, finis est dignissimus, ecclesiæ sacerdotium dignius erit, & sublimius quacūque terrena potestate. Qua de re dicitur ecclesia regale sacerdotium, cui omnes reges, omnesq; populi subiici debent, sicut ipsi domino nostro Iesu Christo, à quo regale hoc sacerdotium

2 deriuatur. Idem colligitur ex uerbis Christi, cum dixit Petro: Petre, amas me? pascue oues meas. nec enim reges, & potestates seculares excepit. Sunt itaque reges sub Petri successore, tanquam oues sub pastore.

3 Quod si dixeris, in ueteri lege eatenus habitam rationem sacerdotii, ut deus reges eligeret ministerio sacerdotum, uolueritq; eosdem à sacerdotibus inungi; non tamen quod pro huiusmodi rerum statu, reges sa-

- stro sanctissimo, & beatissimo archiepiscopo antiquæ Romæ, & œcumenico patriarchæ, Agapito. Quin etiam in Chalcedonenſi ſynodo acclamatum eſt Leoni, patriarchæ œcumenico. de quo meminit D. Gregorius in epistolis ad Mauritium Imper. ad Eulogium Alexandrinum, & Anaſtaſium Antiocheñ. episcopos. Qui etſi huiusmodi recuſauerit titulum (ut habetur in c. Ecce. xcix. diſt.) id ex humilitate fecit, declinans dominationis nomen, memor illius dominici præcepti, Qui maior eſt in uobis, fiat ſicut miniſter; illiq; prætulit nomen ſerui ſeruorum. At etiam dici poteſt Gregorium eo loco ſcribentem ad Eulogium, patriarcham Alexandrinum, uoluiſſe taxare ambitum Ioannis Conſtantinopolitañ. qui uolens imitari Romanum pontificem, uſurpauit titulum uniuerſalis episcopi, non nominans ſe uniuerſalis eccleſiæ episcopum, ſed uniuerſalem episcopum: inter quæ longa eſt differentia: quoniam, ut dixit Pelagius, & habetur in c. Nullus. xcix. diſt. Qui ſe uniuerſalem facit episcopum, omnibus aliis episcopatus honorem detrahit, quem ſibi arrogat uniuerſum. ſecus qui ſe uniuerſalis eccleſiæ episcopum nominat. et eſt id, quod uoluit dicere S. Thomas in tract. contra impug. relig. quòd Papa prohibet ſe nominari uniuerſalem episcopū, non

DE POTESTATE

quia non fit pastor, et rector, et caput uniuersalis ecclesiæ, uniuersalis pastor ouium Christi, aut quod non habeat iurisdictionem in omnes fideles: sed prohibere, quia non præficitur cuilibet particulari ecclesiæ, ut proprius & specialis illius rector, & immediatus administrator. sic enim cessaret omnium episcoporum potestas.

Legimus etiam in actis eiusdem Chalcedonen. concilii, in pluribus libellis contra Dioscorum, super iniuriis à Dioscoro illatis, hanc inscriptionem: Sanctissimo, & deo amantissimo, & uniuersali archiepiscopo, & patriarchæ magnæ Romæ, Leoni, & sanctæ uniuersali Chalcedonen. synodo. Et legati Leonis sic subscribere: Item Paschasius episcopus, uice domini mei, beatissimi atque apostolici uniuersalis ecclesiæ Papæ urbis Romæ, Leonis; synodo præsidens statui &c. Lucentius, episcopus ecclesiæ Esculan. uicarius domini mei, beatissimi atque apostolici uiri, uniuersalis ecclesiæ Papæ.

5 Quin etiam Imperatores Romanum pontificem appellarunt uniuersalis ecclesiæ episcopum. Constantinus enim sextus in gratulatoria epistola ad occidentis episcopos, qui Romæ cum Agatone Rom. pontifice conuenerant, ex sententia synodi, his uerbis usus est: Interfuiſtis nanque & uos cum uni-

dicium fieri : nec regem , nec regni incolas
magis Rom. pontifici post eam constitutio-
nem subiici , quàm ante subiicerentur : cum
id solum intenderet , nulli patere salutis uiam ,
nisi subdito pastori ouilis Christi . Longe e-
nim differt , dicere esse omnibus ad salutem
necessarium , credere omnem humanam crea-
turam subiici Rom. pontifici , quod falsum
est : (quoniam sicut qui extra ecclesiam
sunt , minime illius iurisdictioni subsunt : sic
nec id credere tenentur , subesse) & dicere ,
omni humanæ creaturæ esse ad salutem ne-
cessarium , ut Romano subfit pontifici : quod
uerum est , & definitum per illam extrauag.
Vnam sanctam .

Quod habetur in c. Cum ad uerum. xcvi.

- » dist. Cum ad uerum uentum est , ultra sibi
- » nec Imperator iura pontificatus arripiat : nec
- » pontifex iura Imperatoris usurpet : quoni-
- » am idem mediator dei & hominum , Chri-
- » stus Iesus , actibus propriis , & dignitatibus
- » distinctis , officia potestatis utriusque discer-
- » nit ; probat quidem imperium , sicut sacerdo-
- » tium , processisse à domino deo ; à quo etiam
- 8 aliæ inferiores potestates procedunt : non ta-
- men probat immediate à deo procedere ,
- cum ordine , & intermedio quodam proce-
- dat , per debitam scilicet , & subalternatam e-
- manationem à uicario Christi . Dicit etiam

G

DE POTESTATE

potest, quòd quatenus consideratur potestas temporalis, respectu exercitii, est ex dei uoluntate penes secularem magistratum, duosq; fore gladios, alterum altero maiorem, ea scilicet ratione, ut unus sit supremus in militanti ecclesia, sicut unus supremus princeps est in triumphanti.

- 9 Quòd etsi Papa utrunque habeat gladium, alterius tamen executionem Cæsari delegauit, habitu retinens temporalium iurisdictionem. & ea de causa saluator mandauit Petro, ut gladium reponeret, non ut abiiceret. Quapropter scire Bernardus ad Eugen. dixit: Aggredere subditos uerbo, sed non ferro. quid usurpare gladium tentas, quem iussus es mittere in uaginam? & primæ ad Timoth. cap. iiii. Episcopum oportet non esse percussorem. item: Minister noui testamenti, minister est mansuetudinis, & sacramenti unitatis, cum altaris sacramentum unionem representet Christi & ecclesiæ, quam significat animæ unio cum corpore: & sicut anima corpus uiuificat, sic Christus per huiusmodi sacramentum, ecclesiam. Et ideo materialis gladii usus, qui animam diuidit à corpore, penes unitatis ministrum esse non debet. Hinc eodem loco dixit Bernard.
- » Gladium materiale habet Papa nutu, Imperator iussu, miles usu uel manu. Quod

etiam innuit extrauag. Vnam sanctam; cum
 » dixit: Vterque, spiritualis scilicet gladius,
 » & materialis, in potestate Petri est: sed is
 » pro ecclesia; ille uero ab ecclesia exercen-
 » dus: ille sacerdotis; is manu regia & mili-
 » tum, sed ad nutum & patientiam sacerdotis.
 Oportet tamen gladium sub gladio esse, &
 temporalem potestatem subiici spirituali.
 nam (ut apostolus dicit) Non est potestas,
 nisi à deo. sed subiicit: Quæ autem à deo
 sunt, ordinata sunt.

Quod si dicatur: ad quid ergo ualet ista
 maioritas, & prærogatiua summi sacerdotis,
 si perturbare nequit, aut non debet secularis
 principis iurisdictionem? ut in c. Si Impera-
 tor. & in c. Cum ad uerum. xcv. dist. c.
 Nouit. de iud. c. Causam. qui fil. sint legit.
 & ipse Christus usum interdixerit, cum man-
 dauit Petro, ut gladium reponeret? respon-
 10 detur, reponendum quidem, sed non abii-
 ciendum, sed quandoque resumendum: pri-
 mo ut Imperatorem, aut alium quemuis re-
 gem & principem, si se tyrannum, perturba-
 torem, rebellem, aut hostem ecclesiæ præ-
 stiterit; deponat, alio eius loco suffecto:
 quod legimus quandoque factum. Secundo
 utilis est, quoniam potest summus pontifex
 in arduis negociis, & maximis difficultati-
 bus, imminente scandalo, hac uti potesta-

te, & iurisdictione sibi à deo tributa: ut in c. Pro humani. de homicid. lib. v i. Clemen. Pastoralis. de re iudic. c. Alius. x v. q. v i. c. Venerabilem. de elect. quemadmodum Christus cum facto è funiculis flagello, de templo eiecit eimenes & uendentes, quòd res illa scandalo foret, & prohibere ad decorem ecclesiæ pertineret. Si modo eorum sequimur sententiam, tunc usum temporali iurisdictione, non autem Ostiarii officio: quibus astipulatur Innocen. in c. Super his. de uoto; cum inquit, quòd ubi deest necessitas, habent locum iura generaliter loquentia summum pontificem spiritualibus, Imperatorem temporalibus præesse.

- II Ex his subsequitur, recipiendam esse illam allegoricam interpretationem de duobus gladiis, ut scilicet intelligamus Petro & successoribus utriusque gladii datam potestatem, spiritualis scilicet, & terreni. alias uero interpretationes potius laudandas putamus, quàm admittendas: qualis fuit illa Chrysostomi, & Theophylacti; qui mystice interpretantur gladios, pro animi fortitudine: quòd scilicet non agnoscentes discipuli uim præcepti domini, cum mandauit, ut diuendito pallio gladios emerent, duos ferreos gladios attulere: dominum uero, cum cerneret discipulos non posse à corporeis &



carnalibus discedere, dixisse, fatis est: quasi diceret: de his in præsentia fatis, aliud agamus; & statim in montem oliueti ascendisse. Et quod alii pro gladio uerbum dei intellexere, quod penetrabilius sit omni gladio ancipiti: nec non quod Ambrosius interpretatus est, duos gladios significasse discipulis, gladiatorum usum etiam pro defensione usque ad euangelium licitum fuisse, post euangelium non licere: atque ideo dixisse, fatis est. quodq; adiungit duos esse gladios, congruentes euangelio, unum spirituales, eripientem ea, quæ circa nos sunt, cum uendere omnia iubemur, & dare pauperibus: alium corporeum, uitam hanc etiam ipsam nobis auferentem, quam nos pro Christo deponere debemus non inuiti, ut multo beatorem assequamur. quodq; alii dixere, duos gladios fore duo testamenta, nouum & uetus, quibus, uelut duobus gladiis, armamur aduersus diaboli insidias. Cum his annumeramus interpretationem nunquam satis laudati uiri, Iacobi Cardinalis Sadoleti, qui interpretatus est, dominum uoluisse tempore passionis adesse gladios, ut causam aliquam præberet, qua ueluti iure inter iniquos posset connumerari; præuidens, si ad eos cœtus nocturnos, quos frequentes habebat, gladii in suo

comitatu reperirentur, Scribas & Phari-
 fæos probabiliter apud plebem & præfi-
 dem calumniam ei adornaturos. Ridiculum
 autem existimamus, quod alii dixere ironi-
 ce dictum, satis esse; quasi diceret: nempe
 duobus gladiis cohortem armatam deterrebi-
 mus? & quod alii somniauere, quæritos gla-
 dios, ut daretur locus miraculo sanandæ au-
 riculæ: quasi & prius quamplura miracula
 non ediderit: & si eo temporis uoluisset, non
 defuissent aliæ occasiones: quæ etiam exti-
 tere. nam & miracula edidit: ut cum interro-
 ganti quem quærent, respondentes Iesum
 Nazarenum, abierunt retrorsum, & cecide-
 runt in terram.

12 Quòd autem Pilato iactanti suam in Chri-
 stum dominum potestatem responderit, nul-
 lam in se potestatem habiturum fuisse, nisi
 ipsi datum esset desuper; non indicat Pilati
 potestatem in Christum Iesum, nec potesta-
 tem à deo habuisse: sed ipsum Christum pa-
 ti, quia uoluit, non quia ille huiusmodi pote-
 statem in se haberet; quasi innuens: non ha-
 beres, Pilate, quam iactas in me potestatem,
 nisi uellem, nisi à me & patre ea tibi permit-
 teretur, nisi desuper concederetur, ut ea uti
 posses.

Quamuis autem ex prærogatiua, quæ à
 Christo data est Petro, Rom. pontifici obe-

dientia debeat: non propterea peccant, nec hæretici censendi sunt, qui primatum hunc non agnoscunt, si id fecerint nec malo, nec pertinaci animo: quoniam simplicitas eos excusabit, quod non aduerterint, uel obedientiam ab eis non exegerit Rom. pontifex. sicut non peccarunt Corinthii, quod uictum, diuino iure Paulo debitum, non præstiterint, cum non exegerit Paulus: quem si exegisset, & præstare recusassent, aut quispiam non præstandum docuisset, plane peccassent.

Quod etsi Petrus, & eius successores, in uniuersum orbem sua non fungantur auctoritate, & iurisdictione, quod plures sint prouinciæ, & populi plures, qui ecclesiæ Romanæ nec obediunt, nec illius agnoscunt superioritatem: non propterea subsequitur, non recepisse à domino plenam in omnes auctoritatem, nec impletum quod à propheta prænunciatum fuerat de apostolis: In omnem terram exiit sonus eorum, & in omnes fines terræ uerba eorum: quoniam etsi hucusque impletum non sit, implebitur tamen, & fiet quandoque unum ouile, & unus pastor: omnia Christo subiicientur: & sic ubi euangelium prædicatum hucusque non fuit, prædicabitur tamen: fientq; reliquæ Israel saluæ, & gentes omnes conuerterentur ad Christum. Qui autem à Romani pontificis obe-

G iiii

DE POTESTATE

dientia malo prauoq; animo se subtrahunt, ex sententia D. Thomæ nihil magis ad ecclesiam orthodoxorum pertinent, quàm Arrianorum, aut Donatistarum ecclesiæ, quæ Sathanæ potius conciliabula dicendæ sunt, quàm ecclesiæ Christi. Qui tamen simplices nunquam de hac re disceptatum audierunt, nec edocti, implicite crediderunt cuncta, quæ Christus docuit, libenter hanc ueritatem suscepturi, si fuisset eis prædicata, non facile sunt condemnandi.

Romano pontifici nedum debitam, sed etiam præstitam fuisse obedientiam ab episcopis, principibus, & sacris concilijs. Cap. XVII.

CONSEQUENS est, ut doceamus ex antiquorum patrum monimentis, ab exordio nascentis ecclesiæ, continuata plurium seculorum serie, non solum ab episcopis orientis, & occidentis, sed à principibus, regibus, & ab ipsis Imperatoribus, ac etiam à sacris concilijs Rom. pontifici præstitam obedientiam, & reuerentiam. Et in primis citemus Eusebium, & Tripart. histor. scriptores, qui de orientis episcopis scribentes, memoriæ prodidere, Athanasium ad Marcum Rom. pontificem scribentem, conquestum fuisse de uiolentia Arria-

norum, quòd, ablati ei omnibus bonis, e-
 tiam libros, & Nicenam Synodum, qua cle-
 rus & populus imbuebatur, eripuissent:
 postulasse, sibi transmitti LXX illius syno-
 di capitula, per Victorem & Vincentium
 presbyteros apostolicæ sedis apochryfarios
 missa: implorantemq; in auxilium, Rom.
 sedis auctoritatem, eam uocasse matrem, &
 caput omnium ecclesiarum: quodq; cum ab
 Arrianis Alexandria pulsus, Romam ad Iu-
 lium pontificem confugisset, Eusebius Nico-
 mediens. eiusq; consortes legationem mise-
 runt ad Iulium, calumnias in Athanasium fa-
 ctas referentes: qui ecclesiasticam sequens re-
 gulam (ut eius uerbis utamur) etiam ipsis
 Romam uenire, præcepit: & uenerabilem
 Athanasium etiam ad iudicium regulariter
 euocauit: quodq; ille continuo euocatione
 suscepta uenit: calumniarum uero farcina-
 tores Romam non accessisse, scientes facile
 suum posse capi mendacium. hæc Tripart.
 histor. lib. IIII. cap. VII. capite uero
 XV. habetur: Athanasius relinquens Ale-
 xandriam, Romam profectus est. Conti-
 git autem eodem tempore etiam Paulum,
 Constantinopolitanum pontificem, illic u-
 nà concurrere, & Marcellum Anyræ,
 Asclepiumque Gazæ, qui dum Arria-
 nis esset aduersus, inscriptionem passus ab

DE POTESTATE

» his, quasi subuertisset altare, damnatus est :
 » pro quo Gazeorum ecclesia Quintiano com-
 » mittitur. Lucianus autem, Adriapolitis epi-
 » scopus, ob aliam occasionem ecclesia sua pri-
 » uatus, degebat in urbe Romana. Cognoscens
 » igitur Romanus episcopus, singulorum cri-
 » mina, & omnes Niceno concilio concordare
 » comperiens, eos in communionem suscepit :
 » tãquam omnium curam gerens, propter se-
 » dis propriæ dignitatem : singulisq; reddidit
 » suas ecclesias, & orientalibus scripsit episco-
 » pis, culpans quia non recte tractassent uiros
 » inculpabiles, de suis ecclesiis eos expellentes:
 » & quòd constituta Niceni concilii minime
 » conseruassent : quorum paucos ad certum
 » diem sibi met adesse præcepit, ut coram eis
 » ostenderet, iustum se super eis protulisse de-
 » cretum : & de cætero non se passurum inter-
 » minatus, nisi ab huiusmodi turbis & nouita-
 » tibus cessassent.

Ex comminatione etiam orientalium epi-
 scoporum, quæ habetur in epistola, quam
 ad Iulium scripsere; constat eos paruissse Ro-
 mano pontifici, cum dixere : Si uero aliter
 egeritis (rogabant enim, ut ratam haberet
 depositionem Athanasii, & aliorum) & am-
 plius eis, quàm nobis assentire iudicaueritis,
 contraria celebrabimus : & deinceps uobis-
 cum nec congregari, nec uobis obedire, nec

uobis uestrisq; fauere uolumus : sed per nos, quicquid melius elegerimus, agere conabimur.

Quid Aegyptiorum episcopi ? nonne in » epistola ad Felicem dixere ? Nec enim fas » est, supplicum apostolicæ sedis scripto aut » sine scripto preces oblatas despicere : sed (ut » condecet, & priuilegium uestræ sedis est) & » nos, & illi canonicaliter conuocemur : & ante uos de nostris obiectionibus cum omni » probitate concertemus : sicut prædecessores » nostri penes uestros fecerunt antecessores, & » sicut canonica in dicta sancta synodo docent » instituta. & infra : Scimus, ut semper uestræ sedis præsules, primo apostoli, deinde » successores eorum fecerunt, uos uniuersalis » ecclesiæ, & maxime episcoporum, qui oculi » li propter contemplationem, & speculationem uocantur, domini curam gerere.

- 2 Item plane colligitur ex eo, quod consueuerunt Thessaloniceñ. episcopi esse Rom. pontificum in oriente legati, & quandoque post eos Constantinopolitañ. & Alexandriñ. episcopi. De Thessaloniceñ. habemus epistolam LXXXII. Leonis ad Anastasium, Thessalonicensem episcopum, his uerbis : » Quanta fraternitati tuæ à beato Petro commissa sunt, & qualia etiam nostro fauore ponderantes multum possemus de iniuncta tibi

DE POTESTATE

» solitudinis deuotione gaudere. quoniam si
 » cut prædecessores mei prædecessoribus tuis,
 » ita etiam ego dilectioni tuæ, priorum sequens
 » exemplum, uices mei moderaminis delega-
 » ui: ut curam, quam uniuersis ecclesiis princi-
 » paliter ex diuina institutione debemus, imita-
 » tor nostræ mansuetudinis adiuuare: & lon-
 » ginquis ab apostolica sede prouinciis, præsen-
 » tiam quodammodo nostræ uisitationis inten-
 » deres. & reliqua. Quòd autem Constantino
 » politan. & Alexandrin. episcopis huiusmo-
 » di data fuerit auctoritas, ostendunt Simplicii
 » ad Achatium Constantinopolitan. & Boni-
 » facii ad Eulalium Alexandrin. episcopos, &
 » aliorum ad alios datæ epistolæ; ea scilicet ra-
 » tione, ne aut illis tam longe distantibus eccle-
 » siis deesset cura, aut illæ è tam longinquo ad
 » Rom. sedem tam sæpe uenire cogerentur.

Consentit cum his epistola beati Celestini
 » ad Venerum, aliosq; Galliarum episcopos,
 » aduersus Pelagianos, qua attestatur: pluri-
 » mos fuisse tunc toto orbe orthodoxos episco-
 » pos, anathematizantes Pelagium, & Celesti-
 » num, secundum apostolicæ sedis in eos iudi-
 » cium: uehementer tamen improbantes eorū
 » studium, qui aduersus eorum errores multis
 » uoluminibus disputarunt: re ipsa experti ad-
 » uersus hæreticos non inutilem solum, uerū
 » etiam perniciosam esse de scripturis collucta-

» tionem : quin potius absque aliqua disputa-
 » tione simpliciter omnes sequi oportere, quæ
 » sacratissimi beati Petri, apostolorum princi-
 » pis, sedes contra inimicos gratiæ deifanciuit,
 » & docuit per suorum præsulum ministerium.

3 Eandem auctoritatem ostendit, quod le-
 gimus Nestorium, Constantinopolitañ. epi-
 scopum, duas personas in Christo ponen-
 tem, à Celestino monitum infra certum tem-
 poris spacium sanæ fidei libellum porrigere,
 seq; hæreseos suspicione liberare; non obse-
 quentem, anathematis maledictione irreti-
 tum, à domo ecclesiastica eiectum: rece-
 ptamq; & approbatam hanc sententiam ab
 uniuerſa Ephesina synodo: & ab ea damnatū
 Nestorium cum suo impio dogmate: idem-
 q; euenisse Euthyci Archimandrite, duas per-
 sonas, humanam & diuinam, confundenti
 in domino nostro Iesu Christo, eius humani-
 tate negata; à Leone dānato: approbatamq;
 Leonis sententiam à Chalcedoneñ. concilio.

3 De Constantinopolitana ecclesia, quod
 subdita sit Rom. pontifici, habemus text. in
 c. De Constantinopolitana ecclesia. XXI I.
 dist. & in auten. de eccles. tit. in princ.

Consulto omittimus recitare priorum il-
 lorum Romanorum pontificum testimonia:
 ne culpent nos, qui se subduxere ab obe-
 dientia Rom. pontificis, quod eos in testes

DE POTESTATE

admittamus, in asserenda Rom. pontificis auctoritate: & si uitæ sanctitate, & martyrio plane docuerint, tantum carere debere omni suspitione, quantum longe abfuere ab omni ambitione, fastu, & mendacio. Qui tamen ea legere concupierit, uideat tomo primo conciliorum, epistolam primam Victoris Papæ ad Theophilum episcopum: Fabiani epistolam secundam ad orientales episcopos: primam Stephani primi, & secundam ad Gratum episcopum. item epistolam secundam Xysti, inscriptam fratribus per Hispaniarum provincias constitutis: Dionysii secundam ad Seuerum episcopum: Felicis primi epistolam primam, Syritii ad Himerium Tarraconensem episcopum. Insuper ut recentiores prætereamus, Damasi ad Theophilum Alexandrinum. Simplicii epistolam secundam ad Ioannem Rauennatem episcopum, & Theodori Cæsareæ Cappadociæ episcopi à Vigilio pont. damnationem.

- 4 At Romanorum Imperatorum testimonia non præteribimus. Gratianus enim (ut habetur lib. IX. tripar. hist. cap. II.) cupiens orthodoxæ fidei sinceritatem, quæ priorum Imperatorum, & aliquorum episcoporum culpa labefactata erat, restituere; edixit, ut quicumque Rom. pontifici Damaso communionem & fide non sociarentur, te-

nere non possent ecclesias, sed ab eis expellerentur. edictum legitur in l. cunctos populos. C. de sum. trinit. & fide cath.

Retium autem, Augustanensem episcopum, à Constantinopolitano Imper. sub Siluestro episcopo ob causam Montensium missum Romam scribit Hieronymus, ubi de Tharsis disputat, tomo IIII. fol. XXXIII.

Item notatu dignum est, quod de Aureliano Imper. refert Eusebius Cæsariensis. lib. VII. cap. XXVII. ecclesiast. hist. his verbis: Domino igitur in episcopatu surrogato, Paulus & sacerdotio abscissus, & communione, cum de domo ecclesie nollet exire; interpellatus Imper. Aurelianus religiose satis de hoc sancteque; decernit, his precipiens ecclesie domum tradi, quibus Italiae sacerdotes, & Romanus episcopus subscriberent.

5 Insuper principes paruisse Rom. pontifici, colligitur ex eo, quod etiam ante concessam auctoritatem principibus Germanis eligendi Imperatorem, Imperatores Rom. præstabant ecclesie Romanæ fidelitatis iuramentum: ut de Ottone primo habetur in c. Tibi domino. LXIII. dist. quodque cum inter Henricum VII. & Robertum Siciliae regem graues ortæ forent contentiones, & bella; cupiens Clemens V. pacem inter eos conciliare, utrique scripsit, quod cum essent

DE POTESTATE

Romanæ ecclesiæ specialissimi filii, sibiq; iuramento fidelitatis, & aliter multipliciter astricti, sua arma non in mutuum perniciem, sed in communis matris defensionem conuerterent. Henricus malo ductus consilio, ægre ferens quòd in literis de fidelitatis iuramento dicebatur, quasi hoc ad maiestatis sue derogationem pertineret, accitis tabellionibus palam contestatus est, se nulli fidelitatis iuramento astrictum: quo tamen non obstante Clem. v. declarauit, quæ Rom. pontifici ab imperatore præstantur, fore fidelitatis iuramenta. Paruerunt etiam Rom. pontifici Imperii electores, cum eius mandato abrogatis ob demerita Imperatoribus, alium elegerunt. Exemplum habemus Henrici III. Ottonis III. Federici II. Henrici VII. & Ludouici Bauari. Nec Germani solum, sed Galli etiam paruerunt, & parent Rom. Pontifici: ut de Hilderico rege legimus in c. Alius. xv. q. II. à Zacharia Rom. pontifice abrogato, si modo à pontifice abrogatus fuit: non autem solum à iuramento datam proceribus absolutionem, ne tenerentur fidelitatis iuramento, eoq; non obstante possent alium regem eligere. Extat etiam Emanuelis, Constantinopolitani Imperatoris, exemplum, qui summis precibus ab Alex. III. impetrare contendit, ut diuisum redintegraret

tegraret imperium, translato in eo Federici ab eo abrogati occidentali imperio. quod minime procurasset, si auctoritatem Romani pontificis non agnouisset. et si spe frustratus fuerit, respondente Alex. se nolle in unum coniungere, quod eius maiores ex industria diuississent. Alter etiam Emanuel Constantinopolitan. Imperator, imperii confirmationem à Gregorio X. in Lugdunens. concilio recepit.

Maiores causas ad Romanam & apostolicam sedem referendas. Cap. XVIII.

QUOD autem maiores causæ ad Romanam & apostolicam sedem referendæ sint, inductum fuit ex eo, quod habetur Exod. XVIII. ubi mandatum fuit Moyfi, prouideret de omni plebe uiros sapientes, ac deum timentes, in quibus esset ueritas, & odissent auaritiam; qui iudicarent populum omni tempore. quicquid autem maius foret, referretur ad Moysen, perinde maiorem: & ipsi tantum minora iudicarent. & ex eo quod habetur Deuter. I. ubi inquit Moyfes: Si difficile uobis uisum aliquid fuerit, referte ad me: & ego audiam. Quod etiam plurimorum testimonio comprobatur. & primo Anacleti, Petri discipuli, & successoris, epistola prima decernentis,

H

DE POTESTATE

» quod si difficiliores quæstiones ortæ fuerint,
 » aut episcoporum, uel maiorum iudicia, aut
 » maiores causæ fuerint, ad maiorem sedem re
 » ferantur, si appellatum fuerit: quoniam apo
 » stoli hoc statuerunt iussione saluatoris.

Item Euaristus ea epistola, qua responder
 consultationibus episcoporum Africæ, his
 » uerbis: Consulentibus uobis, fratres cha
 » rissimi, quid super his, quæ in uestris con
 » tinebantur scriptis, uisum nobis esset, uel
 » quid docibilis ratio persuaderet, aut quid à
 » beatis apostolis nobis traditum, aut custodi
 » tum remaneret; optantes (ut retulistis) no
 » stris institui documentis, hæc uobis rescribi
 » mus. si quidem dilectio uestra, normam se
 » cuta prudentium, ad sedem apostolicam re
 » ferre maluit, quasi ad caput, quid deberet de
 » rebus custodire potius, quàm usurpatione
 » præsumere.

Alexander primus, eius successor, episto
 la prima ad omnes orthodoxos, per diuersas
 » prouincias Christo famulantes, inquit: Re
 » latum est ad huius sanctæ & apostolicæ sedis
 » apicem, cui summarum dispositiones cau
 » sarum, & omnium negocia ecclesiarum ab
 » ipso domino tradita sunt; quasi ad caput: ip
 » so dicente principi apostolorum Petro: Tu
 » es Petrus, & super hanc petram ædificabo
 » ecclesiam meam. quod quidam æmuli Chri

» sti, e
 » dote
 » man
 » caus
 » nari
 » X I.
 » I
 » Luc
 » cau
 » ap
 » ru
 » qu
 » be
 » Qu
 » hab
 » qua
 » I
 » tum
 » lica
 » fas
 » ste
 » nu
 » c.
 » m
 » Ser
 » ab
 » qu
 » per

» sti, eiusq; sanctæ ecclesiæ infidiatores, sacer-
 » dotes dei ad iudices publicos accusare præsu-
 » mant : cum magis apostolus Christianorum
 » causas ad ecclesias deferri, & ibidem termi-
 » nari præcipiat. & habetur in c. Relatum.
 » x i. quæst. i.

Idem testatus est Zepherinus, his uerbis :
 » Iudicia episcoporum , maioresq; ecclesiæ
 » causæ à sede apostolica, & non ab alia (sicut
 » apostoli, & sancti successores eorum statue-
 » runt) cum aliis episcopis sunt terminandæ :
 » quia licet in alios transferantur episcopos ,
 » beato tamen apostolo Petro dictum est :
 » Quæcunque ligaueris super terram &c. &
 » habetur in c. Ad Romanam ecclesiam. i i.
 » quæst. v i.

Deinde Xystus i i. in epistola ad Gra-
 » tum episcopum , testatur dispositioni aposto-
 » licæ sedis omnes maiores ecclesiasticas cau-
 » sas , & episcoporum iudicia antiquam apo-
 » stolorum, eorumq; successorum, atque cano-
 » num auctoritatem reseruasse . & habetur in
 » c. Omnes episcopi. i i. q. v i. licet sub no-
 » mine Gregorii .

Post eum Felix epistola i i. inquit :
 » Semper dubia & maiora negocia terminum
 » ab hac sancta sede à tempore apostolorum ,
 » qui eam suis documentis instruxerunt, acci-
 » pere consueuerunt .

H ii

Item Marcellus ad episcopos Antio-
 » chensis prouinciæ, testatur non oportere à
 » dispositione sanctæ Romanæ ecclesiæ de-
 » uiare, ad quam cuncta maiora negocia ec-
 » clesiastica, diuina disponente gratia, iussa
 » sunt referri: ut ab ea canonice disponan-
 » tur. & habetur in c. Rogamus. xxi. quæst. i.

Si tædet lectorem legere Romanorum
 pontificum decreta, ut qui adducantur te-
 stes in causa propria, legat epistolam Ae-
 gyptiorum episcoporum ad Felicem Pa-
 » pam, cum inquirunt: Pater beatissime,
 » quia semper antecessores nostri, & nos à
 » uestra apostolica sancta sede auxilium hau-
 » simus, & nostri uos curam habere cogno-
 » uimus, præfatam apostolicam, & sum-
 » mam expetimus, iuxta canonum decreta,
 » sedem, ut inde auxilium capiamus, unde
 » prædecessores nostri ordinationes, & dog-
 » mata, atque subleuationes ceperunt: ad eam
 » quoque, quasi ad matrem recurrimus, ut
 » eius uberibus nutriamur. Quoniam non
 » potest mater obliuisci infantem suum: sic
 » & uos nolite obliuisci nos uobis commis-
 » sos: quoniam non leuibus nos inimici no-
 » stri implicauerunt, & quotidie facere mo-
 » liuntur, afflictionibus, & apprehendere, aut
 » ferris nos constringere minantur; nisi nos

» eorum consentiamus erroribus . quod ne-
 » quaquam uobis inconsultis agere præsumi-
 » mus , canonibus quippe iubentibus , absque
 » Romano nos de maioribus causis nihil de-
 » bere decernere pontifice .

Legat etiam epistolam Stephani archi-
 » episcopi , & trium conciliorum Africæ , ad
 » Damasum Papam , in qua habetur : No-
 » tum uestræ facimus beatitudini , quòd qui-
 » dam fratres , in confinio nobis positi , quos-
 » dam fratres nostros , uenerabiles uidelicet
 » episcopos , uobis inconsultis à proprio de-
 » iiciunt gradu , & deicere moluntur : cum
 » uestræ sedi episcoporum iudicia , & sum-
 » morum finem ecclesiasticorum negotio-
 » rum , in honorem beatissimi Petri , pa-
 » trum decreta omnium cunctam seruare sen-
 » tentiam inquirendi reuerentia de dei re-
 » bus , quas omni cura , & solitudine ob-
 » seruare debemus ; maxime uero ab ipso
 » debent præsulum examinari uertice apo-
 » stolico ; cuius uetusta sollicitudo est , tam
 » mala damnare , quàm releuare laudanda .
 » Antiquis enim regulis sancitum est , ut quic-
 » quid horum , quamuis in remotis agere-
 » tur prouinciis , non prius tractandum ,
 » uel accipiendum sit , nisi ad notitiam al-
 » mæ sedis uestræ fuisset pronunciatum , fir-
 » maretur .

H iiii

DE POTESTATE

In responsione autem eiusdem Damasi,
ad eundem Stephanum archiepiscopum, ha-
» betur : Discutere episcopos, & summas ec-
» clestasticorum negotiorum causas, metro-
» politanis unâ cum omnibus suis prouincia-
» libus, ita ut nemo ex eis desit, & omnes in
» singulorum concordent negociis, licet: sed
» definire eorum, atque ecclesiasticarum sum-
» mas querelas causarum, uel damnare episco-
» pos, absque huius sanctæ sedis auctoritate
» nemini licet.

Recte igitur ab Innocentio decretum est :
» Quoties fidei ratio uentilatur, arbitror om-
» nes fratres, coepiscopos nostros, non nisi
» ad Petrum, idest, sui nominis & honoris
» auctoritatem referre debere : ueluti nunc re-
» tulit uestra dilectio, quod per totum mun-
» dum possit ecclesiis omnibus in commu-
» ne prodesse. & habetur in c. Quoties.
» XXIIII. q. I. & Pelagius idem testatur,
» cum dixit : Maiores uero & difficiliores cau-
» sæ, & quæstiones (ut sancta synodus sta-
» tuit, & beata consuetudo exigit) ad aposto-
» licam sedem sunt referendæ. & habetur in
c. Multis. dist. XVII.

Propterea etiam Gregor. rescripsit : Nulli
» dubium esse, non solum pontificalem ac-
» cusationem, sed omnem sanctæ religionis
» relationem, ad sedem apostolicam, quasi ad

» caput ecclesiarum, debere referri: & inde nor-
 » mam accipere, unde sumpsit exordium: ne
 » caput institutionis uideatur omitti: cuius au-
 » ctoritatis sanctionem tenere debeant sacerdo-
 » tes, qui nolunt ab apostolicæ petra solidita-
 » te diuelli. & habetur in c. Præceptis. XII.
 dist. cui concordat c. Maiores. de baptis.

*Licetum est omnibus ad apostolicam sedem appel-
 lare. Cap. XIX.*

Q UOD deinde polliciti sumus, pro
 asserenda Romani pontificis aucto-
 ritate, licere omnibus ad sedem apo-
 stolicam appellare; deducitur ex Xysti pri-
 » mi epistola II. his uerbis: Si quis uestrum
 » pulsatus fuerit aliqua aduersitate, licenter
 » hanc sanctam & apostolicam appellet se-
 » dem: & ad eam, quasi caput, refugium ha-
 » beat. & habetur in c. Siquis uestrum. II.
 quæst. v.

Comprobauit hoc idem Victor primus
 » epistola II. his uerbis: Statutum liquet à
 » tempore apostolorum, & deinceps placuit,
 » ut iudicatus à comprouincialibus in aliqua
 » causa episcopis, licenter appellet, & adeat
 » apostolicæ sedis pontificem; qui aut per se,
 » aut per uicarios suos eius retractare nego-
 » cium procuret.

Zepherinus subsequitur epistola prima,

H iiii

» cum inquit : Ad Romanam ecclesiam ab
 » omnibus , maxime tamen oppressis , est ap-
 » pellandum , & concurrendum , quasi ad ma-
 » trem ; ut eius uberibus nutriantur , auctori-
 » tate defendantur , & à suis oppressionibus re-
 » leuentur . quia non potest , nec debet ma-
 » ter obliuisci filium suum . & habetur in c.
 » Ad Romanam . i i . q . v i .

» Item Fabianus epistola i i i dixit : Pla-
 » cuit etiam , si episcopus accusatus appellaue-
 » rit ad apostolicam sedem , id statuendum ,
 » quod eiusdem sedis pontifex statuerit . &
 » Cornelius epistola i i . cum prohibet , ut
 » nullus sacerdotum causam suam alieno com-
 » mittat iudicio , nisi ad sedem apostolicam fue-
 » rit appellatum .

» Habemus decretum Stephani (incertum
 » an primi , uel secundi) quod ultra prouin-
 » ciæ terminos accusandi licentia non progre-
 » diatur : sed omnis accusatio intra prouinciam
 » audiatur , & à comprouincialibus termine-
 » tur : nisi ad apostolicam sedem appelletur .
 » Registratum i i i . quæstio . v i . c . Ultra
 » prouinciæ .

» Item Xystus secundus ad Gratum episco-
 » pum rescripsit : Dudum à multis episco-
 » pis constitutum erat ; & modo ad uestrum ,
 » & cæterorum fratrum auxilium est denuo
 » roboratum ; ut omnes episcopi , qui in qui-

» busdam grauioribus pulsantur, uel crimi-
 » nantur causis, quoties necesse fuerit, libe-
 » re apostolicam appellent sedem: atque ad
 » eam, quasi ad matrem, confugiant. &
 » habetur in c. Omnes episcopi. 11. quæ-
 » stio. vi.

In secunda epistola Marcelli Papæ ad
 » Maxentium legitur: Synodum, absque
 » huius sanctæ sedis auctoritate, episcopo-
 » rum (quamuis quosdam episcopos possitis
 » congregare) non potestis regulariter face-
 » re: neque ullum episcopum, qui hanc ap-
 » pellauerit apostolicam sedem, damnare,
 » antequam hinc sententia finitiua procedat.
 » & habetur in c. Synodum. xvi. distin-
 » ctione.

2 Qui uero decreta Rom. pontificum ne-
 glexerit, legat decretum Sardicensis concilii,
 capite tertio, his uerbis: Osus episcopus
 » dixit, quod si aliquis episcopus adiudica-
 » tus fuerit in aliqua causa, & putat se bonam
 » causam habere, ut iterum iudicium renoue-
 » tur, si uobis placet, sancti Petri memoriam
 » honoremus; ut scribatur uel ab his, qui e-
 » xaminauerunt, uel etiam ab aliis episco-
 » pis, qui in propinquo morantur, Roma-
 » no episcopo: & si iudicauerit renouandum
 » esse iudicium, renouetur, & det iudices: si
 » autem probauerit talem causam, ut ea non

» refricentur, quæ acta sunt, decreuerit; con-
 » firmata erunt. & habetur in c. Osius. 11.
 » quæst. 1111.

Item cap. v. subiicitur: Gaudentius epi-
 » scopus dixit: Addendum est, si placet, huic
 » sententiæ, quam plenam sanctitate protuli-
 » stis; ut cum aliquis episcopus depositus fue-
 » rit, eorum episcoporum iudicio, qui in uici-
 » nis commorantur locis, & proclamauerit a-
 » gendum sibi negotium in urbe Roma, alter
 » episcopus in eadem cathedra post appella-
 » tionem eius, qui uidetur esse depositus, om-
 » nino non ordinetur, nisi causa fuerit in iudi-
 » cio Rom. episcopi determinata.

Deinde cap. vii. habetur: Osius episco-
 » pus dixit: Placuit autem, ut si episcopus ac-
 » cusatus fuerit, & iudicauerint congregati epi-
 » scopi regionis ipsius, ut de gradu suo eum
 » deiecerint; si appellauerit qui deiectus est, &
 » confugerit ad episcopum Romanæ eccle-
 » siæ, & uoluerit se audiri: si iustum putauerit,
 » ut renouetur iudicium, rescribere his episco-
 » pis dignetur, qui in finitima & propinqua
 » prouincia sunt: ut ipsi diligenter omnino re-
 » quirant, ut iuxta fidem ueritatis definiant.
 » Quod si is qui rogat causam suam iterum au-
 » diri, deprecatione sua mouerit Rom. episco-
 » pum, ut e latere suo presbyterum mittat;
 » erit in potestate episcopi, quid uelit, & quid

» existimet . et si decreuerit mittendos esse ,
 » qui præsentes cum episcopis iudicent, haben
 » tes eius auctoritatem , à quo destinati sunt ;
 » erit in suo arbitrio. Si uero crediderit episco-
 » pos sufficere , ut negotio terminum impo-
 » nant , faciet quod sapientissimo iudicio iu-
 » dicauerit .

3 Relatu dignum est, quod in sexta Africa-
 ni synodo legitur , missos in Africam à Zo-
 zimo pontifice Rom. Philippum & Asel-
 lum presbyteros, ob id, quòd quidam Afri-
 canus presbyter, Faustinus nomine, inibi da-
 mnatus, prouocauerat ad Rom. pontificem .
 mandatum hi Zozimi obtulerunt ; in quo
 habebatur , statutum fuisse à Nicena syno-
 do , posse à sententia episcopi sui presbyte-
 rum , & episcopum à sententia synodi pro-
 uocare ad Romanum pontificem . Carthagi-
 neñ. episcopus ob eam causam scripsit Cyril-
 lo , episcopo Alexandriñ. & Attico , Con-
 stantinopolitañ. ut ei mitterent integra & in-
 corrupta decreta Nicenæ synodi . Miserunt
 illi x x canones, qui extant ; in quibus nul-
 la de ea re fit mentio : quibus acceptis nolue-
 runt Carthagineñ. admittere prouocationem
 illius Faustini presbyteri ad Rom. pontifi-
 cem : quinimo statuerunt , quòd , si quis-
 piam prouocaret ultra mare , nec acquiesce-
 ret iudicio conciliorum Africanorum ; nul-

DE P O T E S T A T E

lus in Africa ei cōmunicaret. quæ inter Africanam, & Rom. ecclesiã discordia initium sub Zozimo pont. habuit. Sub Bonifacio deinde, & Coelestino decreta fuere, quæ dicta sunt cōtra apostolicę sedis auctoritatem. Durauit hæc rebellio usque ad Bonifacium posteriorem; sub quo Carthagineñ. ecclesia damnans decreta à prædecessoribus suis facta, Aurelio episcopo Carthagiñ. & Africę primatē; Bonifacio Rom. pont. se submitit, & ad unionem rediit.

- 4 His, quæ in Sardiceñ. concilio decreta sunt, consentiunt Aegypti episcopi, epistola ad Felicem Papam, referentes à Nicenæ synodi patribus definitum consonanter, ut si quisquam episcoporum, aut Metropolitan. aut comprouinciales iudices haberet suspectos, ad sanctam Rom. interpellaret sedem; cui ab ipso domino ligandi atque soluendi potestas speciali priuilegio super alios est concessa. & paulo post: Fuit semper uestrę sanctę & apostolicę sedis licentia, iniuste damnatos, uel excommunicatos, sua auctoritate restituere, & sua eis omnia reddere: & eos, qui illos excōmunicauerunt, & condemnauerunt, apostolico punire priuilegio. & infra: Non enim fas est, supplicū apostolicę sedis scripto aut sine scripto preces oblatas, despicerē: sed (ut condecet, & priuilegium uestrę sedis est) & nos, & illi canonicaliter conuocemur, &

» ante uos de nostris obiectionibus cum omni
 » probitate cōceremus : sicut p̄decessores no
 » ltri penes uestros fecerunt antecessores, & si-
 » cut canonica in dicta synodo docent instituta.

5 De hoc instituto confugiendi ad Rom. se-
 dem, meminit Cyprianus lib. i. epistola iii.
 contra Nouatianos, cum dixit: Post ista ad-
 huc insuper, pseudoepiscopo sibi ab hæreti-
 cis constituto, nauigare audent ad Petri ca-
 thedram, atque ecclesiam principalem, un-
 de unitas sacerdotalis exorta est, à schismati-
 cis & prophanis literas ferre: nec cogitare
 eos esse Romanos, quorum fides apostolo
 prædicante laudata est; ad quos perfidia
 non possit habere accessum.

Impie negligent Rom. pontifices, qui uo-
 luerint. non omittemus decretum Gelasii,
 quod habetur in c. Ipsi sunt canones. i x. q.
 i i i. Ipsi sunt canones, qui appellationes to-
 tius ecclesiæ ad huius sanctæ sedis examen
 uoluerunt deferri: ab ipsa uero nusquam
 prorsus appellari sanxerunt. & aliud in c.
 Cuncta per mundum. ead. cau. & q. Cun-
 cta per mundum nouit ecclesia, quod sacro-
 sancta Rom. ecclesia fas habet de omnibus iu-
 dicandi, neque cuiquam de eius liceat iudi-
 care iudicio. Siquidem ad illam de qualibet
 mundi parte appellandum est: ab illa autem
 nemo appellare permissus.

DE POTESTATE

Nemini licere à Romano pontifice appellare .

Cap. XX .

- E** **x** his subsequitur, quòd si omnibus appellare licet ad apostolicam sedem, siue Rom. pontificem; nemini licebit à Romano pontifice ad aliquem appellare: cum appellatio ad maiorem fiat. §. Illo. 11. q. vi. l. Præfetti. ff. de minori. l. 1. §. penult. ff. de appel. Et cum ex hoc, quòd omnibus liceat ad Rom. pontificem appellare, constet ipsum omnibus superiorem, subinfert Innoc. in c. Nemo. 1 x. q. 111. quòd nemo iudicabit primam sedem, iustitiam temperare desiderantem. quæ uerba: Iustitiam temperare desiderantem, non conditionem habent; quasi, ea deficiente, liceret iudicare: sed causam reddunt, non licere iudicare, quia iustitiam temperare desiderat. Nec admittendus cauillus Panormitani, uerbum, nemo, excludere singulos, non collectivè omnes: quoniam decretalis illa prohibet neque ab omni clero, neque à populo iudicari. Collectiua autem nomina sunt clerus, & populus, significantia uniuersum Christianum populum; qui in duo hominum genera partitur, clerum scilicet, & populum c. Duo sunt. xcvi. dist. Nec obstat, quòd distributiua nomina ex propria

signi
cong
rum
quia
moc
funt
nor
gni
in
do
III
&
xx
ben
eccl
II.
ma,
cler
tatu
qu
tu
» xi
» pe
» ful
Si
pra
lice
in

significatione tribui non possunt fidelium congregationi, quæ unica est, & (ut aliorum utamur uocabulo) implurificabilis : quia dicimus quòd nomina siue signa huiusmodi, adiecta collectiuis nominibus, qualia sunt, domus, populus, clerus, & similia, non distributiue sed collectiue uniuersum significat : sicut in simili dicitur : Fidelis fuit in omni domo sua. quod exponitur, in tota domo, scilicet synagoga. Et quod habetur III. Reg. IIII. Conuertit Rex faciem suam, & benedixit omni ecclesiæ. & illud I. Paral. XXIX. Præcepit autem uniuersæ ecclesiæ, benedicite deo nostro : & benedixit omnis ecclesia domui patrum suorum. item Mat. II. Turbata est cum illo omnis Hierosolyma, idest, tota. Sic quod dicitur, ab omni clero, exponitur, à toto clero : ut interpretatur glo. illum locum ; quæ recte colligit, quòd concilium non potest iudicare Papam.

Idem approbavit Symmachus, & habetur in c. Aliorum. ead. cau. & quæst. cum dixit : Aliorum hominum causas deus uoluit per homines terminari : sed sedis istius præfulem suo sine quæstione reseruauit arbitrio.

Si enim nemo nec primam sedem, nec eius præfulem iudicare potest : utique ab eis non licebit appellare. quod comprobatur Gelasius in his, quæ paulo ante adduximus, locis,

DE POTESTATE

uidelicet c. Ipsi sunt canones. & c. Cuncta
per mundum . ea cau. & quæst.

Siquis autem obiiceret, hanc esse fallaci-
am petitionis principii, qua quis nititur pro-
bare consequens ex antecedenti, & antece-
dens ex consequenti: (præfati enim sumus,
nos probaturos Rom. pontificis supremam
in ecclesia auctoritatem ex eo, quod ab ipso
nemini licet appellare: & modo deducimus,
ab eo appellari non licere, ex eo, quod pri-
mam tenet sedem, & neminem habet supe-
riorem.) respondemus, non esse principii
petitionem, sed conuersionem quandam,
quæ à dialecticis admittitur, cum quid pro-
batum est ex aliquo: deinde digressionem fa-
cta, eodemq; aliis adminiculis comproba-
to, circulo quodam conuertimur ad proban-
dum quod prius pro antecedenti desumpsi-
mus: ut in exemplo, ab effectu deducimus
causam; qua aliis adminiculis comprobata,
regredimur ad probandum effectum per
causam: quæ firmitior est ratiocinatio ea,
qua processimus ab effectu ad causam: ut
differuit Aristoteles lib. primo Analyt. po-
sterior. cap. v.

Ad

Ad Romanum pont. spectat aliorum episcoporum electiones confirmare. Cap. XXI.

VPEREST ex his, quæ polliciti sumus, ut ostendamus, Rom. pontificis munus & officium esse, aliorum episcoporum electiones confirmare.

Quod primum colligitur ex epistola xxxi. Leonis Papæ ad Anatolium, episcopum Constantinopolitanum. scribit enim se nolle Anatolium confirmare, nisi prius ea se credere & tenere profiteretur, quæ in sua ad beatum Flavianum, & Cyrilli ad Nestorium epistolis continebantur.

Hoc idem colligitur ex eo, quod legitur in breuiario Liberati, archidiaconi Carthaginei. quod habetur i i. tomo conciliorum, post quintam synodum, cum scribit, » quod post Achatium, Constantinopoli- » tanum. episcopum, ordinatur Flavianus presbyter, qui fuit à sancta Tecla: & quod is » non sustinuit sine Rom. episcopo inthronizari: sed transmisit synodicam Papæ Rom. Felici; qui modico uiuens tempore, moritur, » non accipiens epistolam ipsius. & factus est » Euphemius episcopus, genere Alexandrinus. » qui & suscepit à Papa Romano scripta. Hæc Liberatus.

Item cum Achatius, Constantinopoli-

tañ. episcopus , apostolicæ sedis in oriente
 delegatus , mortuo Timotheo , beati Pro-
 cherii successore , cum orthodoxus populus
 Ioannem surrogasset , restitit Achatius , &
 Zenonis Imper. quem sibi malis artibus de-
 uinxerat , fauore & auxilio , Petrum per
 apostolicam sedem damnatum restituere co-
 nabatur , Imperatori suggerens non recte
 damnatum . quo etiam inuito Simplicius
 Ioannis electionem confirmauit , qui Ale-
 xandriñ. ecclesiam obtinuit : etsi Urbanus
 subadiuuua Imperatoris literas Simplicio de-
 tulisset , ut in Ioannis confirmatione super-
 sederet . Defuncto deinde Achatio , cum illi
 per electionem surrogatus fuisset Ioannes ;
 egissetq; Ioannes , cum Rom. pontificibus ,
 Gelasii successoribus , & nouissime cum Hor-
 misda , pro electionis confirmatione : Hor-
 misda Ioannem & scripto & nunciis monuit,
 ut Achatium prædecessorem suum , eiusq; a-
 cta damnaret : aliàs non daturum confirma-
 tionem , nec eum inter catholicos episcopos
 habiturum : qua in re Imperatoris metu uel
 parere noluit , at certe distulit . Sed Anasta-
 sio Imperatore iusto dei iudicio perempto ,
 Iustinus successor per legatos Hormisdæ , et
 apostolicæ sedi debitam præstitit obedi-
 tiam , & reuerentiam : ad quem Rom. pon-
 tifex uicissim legatis destinatis , condiciones

præscripsit, quibus Constantinopolitañ. ecclesia, & Ioannes episcopus cum Romana conuenirent: quibus receptis data est Ioanni confirmatio, & secuta prius dissidentium ecclesiarum reconciliatio.

At beatus Gregor. de Maximo, sine apostolicæ sedis auctoritate ordinato Salonitañ. ecclesiæ episcopo, ad Constantinum Aug. » in hæc uerba rescripsit: Salonitañ. ecclesiæ » episcopus, me ac responsali meo nesciente ordinatus est: & facta est res, quæ sub nullis » anterioribus principibus euenit. & habetur in c. Salonitañ. LXIII. dist.

- 2 Quamuis autem olim Rom. pontificis, & aliorum episcoporum electiones, ex apostolicæ sedis priuilegio ab Imperatore confirmarentur, propter hæreticorum & schismaticorum dissidia & contentiones; quibus sæpe periclitabatur ecclesia: & cum apud eos parum prodesse ecclesiasticæ censuræ; catholicorum principum prouidebat auctoritas. Verum cum Imperatores, & eorum in Italia uices agentes, quos exarchas uocabant, concesso abuterentur priuilegio: & qui optulari debuissent electioni Rom. pontificis, illi erant impedimento: quin etiam quandoque minus idoneos intrudebant; opus fuit eorum auctoritatem præterire. Qua etiam ratione Constantinus IIII. sponte priuile-

gio renunciavit. Innouato autem deinde priuilegio ab Adriano pont. qui Carolo Imperat. concessit ius & potestatem eligendi pontificem, & ordinandi apostolicam sedem, ut habetur in c. Adrianus. LXIII. dist. cum Adrianus II. sine præsentia & assensu oratorum Ludouici Imperat. in pontificem foret electus, etsi ægretulerint eius oratores, Ludouicus tamen sponte priuilegio renunciavit: & ea occasione ab Adriano decretum, ut deinceps nullus laicorum principum, uel potentum, sese electionibus ingererent episcoporum, ne inordinata, & incongrua fieret electio, ut habetur in c. cum Adrianus. & in c. Nullus laicorum LXIII. distinct. & idem innouatum in octaua synodo. At cum postea simile priuilegium concessum fuisset Othoni primo à Leone VIII. & illius successores priuilegio abuterentur, eaq; occasione etiam postquam Imperatores priuilegio renunciarunt, inter Henricum IIII. & Rom. pontifices Alexandrum II. & Gregorium VII. graues ortæ essent dissensiones, & plurium annorum perniciosum schisma subsecutum, coactus est idem Henricus prætenso priuilegio renunciare, & ab inuestituris episcoporum, quas per transmissionem anuli, & baculi pastoralis faciebat, abstinere. Quod priuilegium cum

4

He
li
fcha
legi
rau
ti,
Ge
pa
ue
ec
ni

4
ex
rin
cis
ius
qua
beat
alia
mi
qu
ne
ciu
ma
eni
trib
der
aut
firm

Henricus v. eius filius, per dolum Paschali i i capto, innouari extorsisset; idem Paschalis habito ad Lateranum concilio, priuilegium illud irritum, & ui extortum declarauit. Nec desistens Henricus priuilegio abuti, & ea occasione aliud schisma excitasset, Gelasio Paschalis successore pulso, & Antipapa intruso, tandem à Germanorum conuentu v vicemburg habito coactus est pacem ecclesiæ dare; & prætenso priuilegio renunciare.

- 4 Quamuis etiam Imperatores quandoque ex priuilegio apostolicæ sedis, ius habuerint confirmandi electionem Rom. pontificis: non tamen ea confirmatione, qua datur ius & potestas administrandi: quæ illa est, quæ superioritatem designat: cum eam habeat Rom. pontifex ex sola electione, nec alia egeat confirmatione. c. In nomine domini. x x i i i. dist. sed ea confirmatione, qua robur tribuitur ex aliorum approbatione. quemadmodum dicimus integrum iudicium, quod plurimorum sententis confirmatur. c. extra l x i i i i. dist. Imperatores enim sua approbatione robur & firmitatem tribuebant electioni; propter quam non auderent schismatici & hæretici contradicere, aut turbas, & seditiones excitare. Quæ confirmatio nullam unquam tribuit superiorita

tem, nec ex ea subsequitur, quandoque Imperatores superiores fuisse Romanis pontificibus.

Romanum pontificem maiorem & superiorem fore generali concilio. Cap. XXII.

I VI minus detrahunt supremæ auctoritati Romani pontificis, fatentur eum præferri singulis particularibus ecclesiis, sed non uniuersali ecclesiæ, & generali concilio illam repræsentanti; generali concilio tribuentes iurisdictionem & potestatem supra Roman. pontificem: inter quos fuit Abbas Panormitan. in tract. de potestate concilii & Papæ, cuius initium est, Quoniam ueritas. qui interpretatus est quod dicitur in c. Considerandum. l. dist. de Petro, quem Christus cunctæ ecclesiæ præferre constituerat; idest, cunctis ecclesiis particularibus: & quod habetur in c. Petrus II. q. VII. Petrum potestatem regni accepisse; quoad particulares ecclesias, non autem quoad uniuersalem ecclesiam, quæ corpus est mysticum, cuius caput est Christus. similiter illud quod habetur in c. Beati eadem II. q. VII. quod meritis apostolorum Petri & Pauli, Romana ecclesia principatum & caput obtinuit nationum; interpretatur, referri ad particulares ecclesias in toto orbe

constitutas, non ad uniuersalem: & quod habetur in c. In istis. lxxx. dist. quod inter apostolos non fuit par institutio, sed unus omnibus præfuit; referri ad ministeriū particularium ecclesiarum: & quod dicitur, Romanam ecclesiam esse matrem omnium ecclesiarum. c. Non decet. xii. dist. interpretatur solum de particularibus ecclesiis.

In hoc articulo superioritatis Papæ, aut concilii, glossæ trepidantes plurimum uariarunt in c. In istis. llll. dist. c. Sicut. xlii. dist. c. Si papa. xl. dist. c. Legimus. xciii. dist. c. Ecce. xcix. dist. c. Nemo. ix. q. lll. c. Quodcunque. & c. A' recta. xxliii. q. i. Clemen. Ne Romani. de elect. Clem. Ad nostrum. de hæreti. c. Significasti. c. Licet. de elect. c. Proposuit. de concess. præbend. c. Ad honorem. de auctor. & usupal. c. Quanto. de translat. prælat.

Nos autem asserimus Romanum ponticem superiorem nedum singulis particularibus ecclesiis, sed etiam ipsi uniuersali ecclesiæ, si de congregatione fidelium sine Romano pontifice sit nobis sermo; & eadem ratione generali concilio uniuersalem ecclesiam representanti, si contingeret concilium à Romano pontifice dissidere. Sicut enim minus recte diceretur, singulas oues pastorem

I llll

- habere, non autem uniuersas: & singulos regem habere, non autem regnum, aut populum: sic nec recte dici potest, singulas ecclesias caput habere, non uniuersalem ecclesiam. Cum itaque pastor auctoritate & potestate maior sit grege, cuius est pastor, & Petrus ac eius successores pastores sint dominici gregis ex eo, quod dictum est Petro, Io. ult. Pasce oues meas: subsequitur Romanum pontificem, Petri successorem, fore superiorem ecclesia uniuersali, & concilio generali illam repræsentanti. Quod etiam deprehenditur ex ordine scripturæ in inscriptione, qua dicitur: Leo episcopus, & sancta synodus. Idem in epistola Athanasii ad Marcum Romanum pontificem: in epistola Stephani archiepiscopi ad Damasum: in epistola Aurelii Carthaginienensis ad Innocentium. c. Ego Berengarius de consecrat. dist. 11. c. Cum haberet. de eo qui duxit in matrem. quam polluit per adult. c. Theugualdum. x1. q. 111. Licet quandoque Rom. pontifex ex humilitate se postposuerit. c. Dilectissimi. x11. quæst. 11. c. Victor. lxxvii. distinct. c. De decimis. xv1. quæst. 1.
- 4 Ex eo autem potissimum cognoscitur Romani pontificis supra concilia auctoritas, quod absoluit, & suis ecclesiis restituit epi-

scopos, quos synodus damnauerat, & expu-
 lerat, ut habetur in epistola Pelagii ad uni-
 uersos episcopos per Dardaniam constitu-
 » tos, cum dixit: Sed nec illa præterimus,
 » quòd apostolica sedes more maiorum, e-
 » tiam sine ulla synodo præcedente, absoluen-
 » di quos synodus iniqua damnauerat; & da-
 » mnandi, nulla existente synodo, quos oportuit,
 » habuit facultatem. & hoc nimirum pro
 » suo principatu, quem beatus Petrus aposto-
 » lus domini uoce & tenuit semper, & tene-
 » bit. Sanctæ quippe memoriæ Athanasium
 » synodus orientalis abdixerat: quem tamen
 » exceptum sedes apostolica, quia non con-
 » sensit, absoluit. Itaque & sanctum Flauia-
 » num, pontificem Græcorum, damnatum
 » pari tenore; quoniam sola sedes apostolica
 » non consensit, potius qui illic receptus fue-
 » rat, secundæ sedis præfulem sua auctoritate
 » damnauit: & impiam synodum non con-
 » sentiendo sola submouit: & auctoritatem,
 » ut synodus fieret Chalcedonen. sola decre-
 » uit. Hæc Pelagius in decretali, ex qua sum-
 » ptum est c. Cuncta per mundum. ix. q. iiii.
 » quem secutus Nicolaus pont. in epistola ad
 » patriarcham, & totum clerum Constantino
 » politan. inquit: Necnon & patrum, &
 » prædecessorum nostrorum secuti uestigia,
 » qui soliti sunt etiam numerosorum concilia

» nequiter celebrata cassare pontificum : quin
 » potius non solum hæc, sed omnia scripta uel
 » aduersum fratrem, & coepiscopum nostrum,
 » Ignatium, & inique conficta, uel aduersus
 » nos, causam illius canonice prosequentes,
 » furiose deprompta sunt, perenni damnatio-
 » ni mandamus.

- 5 Præterea cum exceptio sit de regula, & il-
 lam firmare dicatur in non exceptis casibus.
 & in c. Si papa. XL. dist. habeatur: Hu-
 iusmodi culpas (Romani scilicet pontificis)
 » redarguere præsumit mortalium nullus :
 » quia cunctos ipse iudicaturus, à nemine est
 » iudicandus, nisi deprehendatur à fide de-
 » uius : & quando deuiat, à concilio iudice-
 tur. c. Nunc autem. XXI. dist. §. Hinc e-
 tiam. XV II. dist. glo. in c. Sicut. III. q.
 V II. subsequitur, quòd aliis casibus à con-
 cilio non iudicabitur : quodq; non erit con-
 6 cilium supra Romanum pontificem. Nec
 obstat quod dixit Panor. quòd sicut in ge-
 nerali lege non comprehenduntur Cardina-
 les, ut colligitur ex c. unico. de schismat.
 & ex c. Nemo deinceps. de elect. lib. VI.
 sic nec comprehendetur concilium. quia re-
 spondetur, ea interpretari debere secundum
 subiectam materiam, & ex identitate ratio-
 nis admitti extensionem ad maiora : ut colli-
 gitur ex c. Pro humani. de homi. lib. VI.

ubi tex. de principe locutus, extenditur ad quemcunque principem, etiam quoad pœnam, quam delinquenti imponit. Minus etiam obstat, quòd in generali sermone non comprehendatur uniuersitas. auten. Item quæcunque. C. de episc. & cler. & ibi Bal. & in c. Romana. §. Vniuersitatem. de sentent. excom. lib. vi. quia responderetur, sæpe etiam ex ui uerborum comprehendi uniuersitatem, ut in casu l. Metum. ff. Quod met. cau. ubi edictum quod metus causa, generaliter conceptum, complectitur uniuersitatem. quod etiam adnotauit Bald. in c. i. de noua forma fidelit. & in l. Quicunque in III. col. de ser. fugiti. Et quòd uerbum, à nemine, comprehendat uniuersitatem, & concilium; colligitur ex concilio Romæ habito tempore Marcellini Papæ: de quo in c. Nunc autem. XXI. dist. & alio, coacto tempore Symmachi, de quo in §. Hinc etiam xvii. dist. cum Marcellino dictum fuit:

» Tuo ore iudica causam tuam: prima sedes
 » non iudicatur à quoquam. & Symmacho:
 » Symmachus Papa, apostolicæ sedis præful,
 » ab huiusmodi oppositionibus impetitus,
 » quantum ad homines respicit, sit immunis
 » & liber: cuius causam totam dei iudicio
 » referuamus. Vtrobique enim patres concilii
 » de Romano pontifice iudicare nolue-

runt. Nec mirum, si Bonifacius VIII. in
 » extrauag. Vnam sanctam, decreuit: Si de-
 » uiat terrena potestas, iudicabitur à potestate
 » spirituali: sed, si deuiat spiritualis, minor
 » à suo superior i: si uero suprema, à solo deo,
 » non ab homine poterit iudicari. quod Eze-
 chielis testimonio comprobatur, qui cap.
 XXXIII. inquit: Dixit dominus, quòd
 » si is, qui præest, in officio suo fuerit negli-
 » gens, & per eius negligentiam anima pereat:
 » sanguinem eius de manu speculatoris requi-
 » ram; subiiciens: Non populus terræ, sed
 » ego. ex quibus uerbis plane colligitur, quòd
 suo iudicio reseruat deus punitionem culpæ
 super speculam præfidentis. Hinc Innoc. in
 sermone anniuersarii consecrationis suæ, cu-
 ius initium est, Quem putat fidelis seruus;
 » dixit: In tantum enim est mihi fides neces-
 » saria, ut cum de cæteris peccatis solum de-
 » um iudicem habeam; propter solum pec-
 » catum, quod in fide committitur, possum
 » ab ecclesia iudicari.

7 Item, concilium non esse supra Papam,
 comprobatur ex eo, quòd communitas ho-
 minum ad ea se extendit, quæ ad finem sibi
 conuenientem spectant; qui, secundum
 Philosophum, est humana felicitas statui
 huic terreno conueniens, & quam in hac
 mortali uita consequi ualeamus. propterea

potest cui placuerit, auctoritatem, & ius tribuere; ut ipsam regat legibus ad hunc scopum spectantibus. et hinc orta est regalis potestas. At spiritualis & ecclesiastica potestas, suis legibus & præceptis non solum hominem dirigit ad humanam felicitatem, quæ est uiuere secundum uirtutem, sed ad perpetuam etiam & æternam; quæ à solo deo est expectanda. propterea necesse est talem potestatem à deo, non ab hominibus tribui; & à solo deo, à quo pendet, iudicari.

- 8 Præterea quemadmodum terreni principes illius iudicium sibi reseruant, cui uices suas commiserint: sic rationi congruere uidetur, coelestem dominum, Christum Iesum, nulli dedisse supra uicarium suum iudicii potestatem: pro cuius fide, ut non deficeret, rogauit patrem: & cui fratrum confirmationem demandauit: non autem quòd coram eis iudicio sisteret.

Dissolutio obiectionum. Cap. XXIII.

- I RO firmiori Romani pontificis supra concilium auctoritate stabilienda, sunt à nobis dissoluenda aduersantium obiecta: quorum primum est. in omni regno bene instituto illud in primis desiderari, ut plus regnum possit, quàm rex. si contra reperiatur, id non regnum,

DE POTESTATE

sed tyrannidem esse, teste philosophorum
 principe Aristotele. sic in ecclesia esse de-
 bere, ut plus ualeat cœtus fidelium, quàm
 Papa: si eum ecclesiæ principem agnoscere
 uelimus. Sed respondemus: quod sumitur
 ex sententia Aristotelis, uerum esse de huma-
 no principatu, qui ab hominibus datur: ut
 cum populus in principem suum transfert
 potestatem. At Papæ potestas à deo est,
 non ab hominibus: ut quæ ad ea se exten-
 dit, quæ humanam transcendunt potesta-
 tem; & à deo immediate proueniat: ut su-
 pra differuimus. propterea sicut princeps
 alium principem habens superiorem, à quo
 principatum, non autem à populo suscepe-
 rit; à superiori principe, non à populo iu-
 dicatur: ita Papa non à cœtu fidelium, seu
 ecclesia, aut concilio illam repræsentante de-
 poni, aut iudicari potest: sed à deo solo, à
 2 quo suscepit potestatem. Nec officit quòd
 ab hominibus fuerit electus: quoniam hi so-
 lum ministerium præstiterunt, illum designan-
 do, à deo potestatem suscepturum. quem-
 admodum & episcopus à canonicis & capi-
 tulo eligitur: quem tamen non possunt ab-
 rogare: quòd non ab ipsis, sed à lege, aut
 ecclesia accipiat potestatem.

Secundo obiciunt, penes ecclesiam su-
 premam esse potestatem, & iurisdictionem

etiam in Rom. pontificem : quòd ea sit, ad-
 uersus quam portæ inferi præualere non
 possint . Ex Hieronymi enim sententia, por-
 tæ inferi peccata designantur : quæ si neque-
 unt expugnare ecclesiam , nec poterunt ma-
 ligni spiritus , qui nullam in humanum ge-
 nus potestatem habent , nisi propter pecca-
 ta . Quòd si maligni spiritus , quorum po-
 testati (teste Iob) nulla potestas super ter-
 ram comparatur , non prævalent aduersus
 ecclesiam , sequitur habere ecclesiam pote-
 statem omnibus maiorem . Hinc interpretan-
 tur illud : Rogavi pro te, Petre, ut non de-
 ficiat fides tua ; non de Petro , sed de eccle-
 sia ; ex eo , quod alibi apud Ioannem ipse
 dominus dicit : Ego pro his rogo , quos mi-
 hi dedisti : & uolo , ut ubi ego sum , & isti
 sint mecum . ex quo fit , ut in Petro omnes
 contineantur : & per Petrum sæpius eccle-
 3 siam intelligamus . Huic obiectioni respon-
 demus, non recte colligi : portæ inferi, pec-
 cata , maligni spiritus non prævalent aduer-
 sus ecclesiam : ergo ecclesiæ auctoritas est
 omnibus maior . quoniam ista dona , non
 errare , nec peccare , & aliis præesse , diuersi
 sunt ordinis : & unum ab altero seiungi po-
 test : cum possit uir bonus esse , & in gratia
 constitutus sine auctoritate : & plures aucto-
 ritate fungentes, carentes dei gratia, & pecca

tores : quinimo non separantes unum ab altero , inciderent in errorem asserentium ecclesiasticam auctoritatem penes bonos duntaxat esse ; improbatum etiam à pluribus ex his, qui supremæ auctoritati Romani pontificis aduersantur. Quod uero dixit Iob , nullam potestatem comparari potestati maligni spiritus, nequaquam accipiendum de maiori-
 4 ritate, aut iurisdictione ; sed de uiolentia quadam, & ui ei permissa à deo, propter præu-
 ricationes nostras . Propterea in æquiūoco laborant, qui huiusmodi utuntur exemplis .

Tertio obiiciunt illud Hieronymi, ad Eua-
 grium , & habetur in c. Legimus . XCIII .
 dist. Si auctoritas quæritur, orbis maior est
 urbe ; exclamantes , Magnus est Papa ,
 quia Romanæ præest ecclesiæ : magna est
 eius auctoritas : maior tamen est uniuersalis
 ecclesia, quæ non urbem unam , sed totum
 complectitur orbem. ex quo inferunt : ergo
 ipsa ecclesia, & generale concilium illam re-
 præsentans , maior est Rom. pontifice . Et
 sicut totum maius est sua parte , ita ecclesia
 uniuersalis maior est Romana ecclesia , &
 illius præside . sed respondetur , Hierony-
 mum non loqui de auctoritate iurisdictionis
 orbis, comparata auctoritati Romanæ eccle-
 siæ , seu apostolicæ sedi ; sed de auctoritate
 consuetudinis ; quæ tanto maior est , quan-
 to

to generalior fuerit , & à pluribus recepta . & ideo præferendam orbis consuetudinem , qua presbyteri maiores habentur diaconis, consuetudini unius urbis, qua diaconi ob eorum paucitatem præferuntur presbyteris : nec inferendum à consuetudine ad auctoritatem, & iurisdictionem : quoniam consuetudo vires sumit ab obseruatione , auctoritas , & prærogatiua à dignitate dantis , & obtinentis .

S Nec dignior uniuersalis ecclesia Romano pontifice, quòd Romanus pontifex illius pars sit: quoniam cum Romanus pontifex , ut ecclesiæ caput , plenitudinem habeat potestatis, & ab ipso omnis aliorum potestas & iurisdictio pendeat , & deriuetur ; non potest illius potestas , qui non solum episcopus est urbis , sed totius orbis , inferioribus comparari , sicut pars uniuersi comparatur aliis partibus ; ex quibus etiam cum eo totum resultat : sed ut totum uirtute comprehensens quicquid potestatis est in aliis . quemadmodum dicit Boetius , superiorem uirtutem in se continere inferiores : & sicut dicunt Geometræ , trigonum esse in tetragono .

6 Proinde omnes episcopi congregati cum Papa , quoad iurisdictionem & potestatem , non maiorem habent iurisdictionem ipso Papa . Et est simile ei , quod dixit Diuus

K

Thomas, quòd omnes creaturæ, & deus; simul consideratæ non plus habent bonitatis, & perfectionis, quàm deus ipse solus. Et si ex eo, quòd Papa pars est concilii, colligitur concilium esse maioris auctoritatis Papa: simili modo colligi poterit, ecclesiam maioris esse auctoritatis Christo Iesu; quòd Christus illius caput sit, & caput sit pars corporis, etiam mystici.

- 7 Quarto obiciunt: Tanto superior est ecclesia Romano pontifice, quanto maior est mater filio: ecclesia autem mater est omnium fidelium: igitur & Romano pontifice. Quòd autem mater sit, habetur c. Non decet. x i i. dist. quod est sumptum ex prima
 » decretali Calixti Papæ, cum dixit: Sicut fi-
 » lius uenit facere uoluntatem patris, sic &
 » uos implete uoluntatem matris nostræ, quæ
 » est ecclesia. & c. Qui abstulerit. x i i. q. i i.
 » cum dixit Anacletus: Mater nostra ecclesia
 » est: quæ nos in baptismo regenerauit. Quod
 » comprobatur Aug. in sermone de Paulo, cum
 » dixit: Mater nostra pariendo non discernit
 » ætates: ipsa genuit Petrum, & Paulum pa-
 » riebatur. & infra: Beate Petre, benedic pa-
 » trem, & suscipe fratrem: & habes quo pos-
 » sis defendere matrem. Igitur ecclesia ma-
 » ior Petro, & eius successoribus. Responde-
 » mus, ea ueneratione & honore, quo filius,

etiam iure diuino, tenetur honorare matrē ; mater superior est filio : nil tamen prohibet, quin filius administratione, & iurisdictione maior sit matre ; & à matre filio præstandam obedientiam : de quo exemplum habemus de rege habente matrem ; cui, ut rex est, omnes maiorem obedientiam præstant, quàm matri ; quin etiam ipsa mater. Diuersa itaque ratione, uicissim & mater maior est filio, & filius matre. quod in his mysticis corporibus nequaquam absonum uidetur : sicut aliàs diximus, idem esse caput, & fundamentum.

- 8 Quinta obiectio est, Christus ecclesiæ sponsus est, iuxta illud Apocal. x x i. Et
 » uenit ad me unus ex septem angelis, dicens :
 » Veni, & ostendam tibi sponsam uxorem
 » agni. & sustulit me in spiritu, in montem
 » magnum & altum, & ostendit mihi ciuitatem magnam, sanctam Hierusalem, descendentem de cœlo, habentem claritatē dei &c.
 & de eo sanctus Thomas in tract. contra impugnantes religionem, interpretatus est illud Io. iiii. qui habet sponsam, sponsus est ; subiiciens : Romanus autem pontifex, paranympus & minister est ecclesiæ, quæ & regina dicitur, iuxta illud prophetæ : Astitit regina à dextris tuis, in uestitu deaurato, circumdata uarietate : psalm. x l i i i. dici-

K ii

tur enim assidere à dextris Christi, ad denotandum eius potentiam : sicut de filio dicitur, quòd sedet ad dexteram patris . dicitur uestita uestitu deaurato, propter eius præ aliis excellentiam . describitur circumdata uarietate, propter diuersitatem prælatorum, & aliorum membrorum ecclesiæ. Sunt enim in hac ecclesia militanti, sicut in triumphanti, diuersi ordines, inferiores, & superiores : & habetur in c. Ad hoc. lxxxix. dist. dicitur esse ecclesia, domina & princeps, ut in deploratione Hieremiæ : Domina gentium, facta est sub tributo : & habetur in c. Non minus. de immu. eccl. quòd si ecclesia sponsa est domini sui, regina, domina, & princeps maior erit, & superior Romano pontifice. Huic obiectioni, quæ est priori germana, similem damus responsionem ; nequaquam indecens fore, in his mysticis corporibus, idem fore maius & minus, alia tamen, & alia ratione . exemplum habemus de eo, qui uices gerit absentis regis, qui maior censetur regina, & eius mandata præferuntur reginæ iussionibus . regina tamen, quòd uxor sit regis, cui omnis uiri dignitas communicatur, & dignitate, & ueneratione maior censetur uicerege, cui tamen & ipsa ratione iurisdictionis & officii parere tenetur . His addimus ex sententia glo. in illud Esa. xli.

Dedit me quasi sponsum, decoratum coro-
 na, & quasi sponsam ornatam monilibus
 suis; non dedignari Christum Iesum eccle-
 siæ sponsum eodem nomine appellare, per-
 fectos in ecclesia. Propterea mirandum non
 est, si non solum Rom. pontifex dicitur ec-
 cliæ sponsum, sed etiam episcopi sponsi di-
 cantur ecclesiarum suarum. c. Sicut alterius
 uxor. vii. q. i. c. Ecclesiæ meæ. xc vii.
 dist. c. Quoniam. de immunit. eccl. lib. vi.
 hinc sanctus Thomas in illud Io. iii. quod
 » supra citauimus, qui habet sponsam, spon-
 » sus est; subiicit: Ipse enim de ecclesia no-
 » mine suo filios generat. alii autem dicuntur
 » sponsi, sicut ministri sponsi exterius coope-
 » rantes ad generationem spiritualium filio-
 » rum: quos quidem non sibi, sed Christo ge-
 » nerant: & qui in tantum sponsi dicuntur, in
 » quantum uicem ueri sponsi tenent. & ideo
 » Papa, qui obtinet uicem ueri sponsi in tota
 » ecclesia, uniuersalis sponsus dicitur. Hæc
 sanctus Thomas. & in iii. sentent. dist.
 xx vii. dicit, quod episcopus, cui cura
 ecclesiæ committitur, uirgines desponsat,
 non sibi, sed Christo, quasi sponsi paronym
 » plus & amicus; subiiciens, quod et si epi-
 » scopus suæ diocesis sponsus sit, & presbyter
 » suæ ecclesiæ, unde diocesis sponsus est Pa-
 » pa, & parochiæ episcopus; non tamen pre-

» pter hoc sequitur, quòd sint plures sponfi
 » unius ecclesiæ: quia sacerdos suo ministerio
 » cooperatur episcopo, tanquam principali,
 » & episcopus Papæ, & Papa ipsi Christo.
 » Vnde Christus, Papa, & sacerdos non com-
 » putantur nisi pro uno, cum una sit iurisdic-
 » tio, & unus sponsus, sicut una sponsa. pro-
 » pterea minime inter se pugnant, quòd Pa-
 » pa sponsus sit, & paranympus. . .

9 Sexto obiicitur: auctoritas concessa Ro-
 mano pontifici, illi data est, non tanquam
 domino, sed tanquam ministro sponfi, &
 sponsæ, hoc est Christi & ecclesiæ. c. Illud.
 viii. q. i. c. Quodcunque. c. omnibus.
 xxiiii. q. i. iuxta illud apostoli: Sic
 nos existimet homo, ut ministros Christi,
 & dispensatores mysteriorum dei. ideo cum
 esset contentio inter discipulos domini, quis
 eorum esset maior, audierunt à domino:
 » Reges gentium dominantur &c. non ita erit
 » inter uos: sed qui maior fuerit, sit tanquam
 » minister. Ex quibus uerbis colligit Bernar.
 Sanctam Romanam ecclesiam, non domi-
 nam esse aliarum ecclesiarum, sed matrem;
 quæ filios suos non grauari, nec opprime-
 re, sed pietatis uberibus nutrire tenetur: ut
 c. Ad Romanam. & c. Ideo. ii. q. vi. c.
 Prædicator. xv. q. i. Si itaque Roma-
 nus pontifex minister est ecclesiæ; non uti-

que erit maior illa, nec generali concilio illam repræsentanti. Respondetur, non semper ministerium inferiorem denotare; ut cum designat auxilium, subsidium, aut opem salutarem: quo modo angeli ministri dicuntur hominum, testante apostolo ad
 » Hebr. x i. eos in ministerium missos, pro-
 » pter illos, qui hæreditatem capiunt salutis.
 » quinimo & ipse Christus minister est, iuxta
 » illud Matth. x x. Non ueni ministrari, sed
 » ministrare. quo modo etiam qui maior est, dicitur minister: licet minister, qui alterius uirtute operatur, et alterius, qui principalis sit, uices gerit; minor sit eo, cuius est minister, et eo modo Papa non est ecclesiæ minister, sed Christi; cuius auctoritate fungitur, iuxta illud primæ Corinth. i i i i. Sic nos existimet homo, ut ministros Christi. propterea non sequitur: Papa minister est ecclesiæ: ergo Papa minor est ecclesia. aliàs implicaret quod dixit dominus: Qui maior est uestrum, sit tanquam minister.

Septimo obiiciunt, catholicam ecclesiam illam esse, cuius confessio in symbolo continetur: huius ecclesiæ tantam esse auctoritatem, ut sola Christi euangelia dicantur, quæ illa recipit, iuxta illud Aug. Euangelio non crederem, nisi me ecclesiæ auctoritas commoueret. hanc esse tanto priuilegio à Chri-

K iiii

DE POTESTATE

sto Iesu donatam, ut eam errare non posse credamus: hoc solum natura deo competere, ecclesiae uero priuilegio: hoc munus nulli unquam datum, non angelis, non hominibus, non summis pontificibus; quorum aliqui in haereses lapsi sunt: ecclesiam solam sine ruga et macula, illam esse quae errare non possit in his, quae ad salutem necessaria sunt: cum ea pollicitum dominum se permanens usque ad finem seculi: eidem pollicitum se missurum spiritum sanctum, qui omnem doceret ueritatem: in ista nos omnes regenerari, roborari, nutrir, et uiuificari: neminem extra eam deo placere, neminem saluari posse: esse coeli ianuam, per quam solam ad coelum sit aditus: solam Christi sponsam nuncupari: unicam pulchram, sine macula, et sine ruga, sororem, amicam, columbam, formosam, speciosam, perfectam, hortum conclusum, fontem signatum, puteum aquarum uiuentium, suauem, montem terribilem, denique, ut castrorum aciem, ordinatam. respondeamus, ex his non recte colligi, ecclesiam, quam generale concilium repraesentat, maiorem et superiorem uicario Christi in terris; quoniam haec dona, esse pulchram, esse formosam, esse sine macula et ruga, non posse errare, adesse ei spiritum promissum,

et alia quæ enumerantur, diuersa sunt à primatu, et iurisdictionis auctoritate: unumq; sine alio subsistere potest, ut aliàs diximus. propterea ex his non recte colligitur, ecclesiam superiorem Romano pontifice, suo in terris capite: sicut etiam non recte colligetur, si dicatur: Beata uirgo, illa est, quæ tota pulchra est, tota formosa, sola sine peccato, plena gratiæ, repleta spiritu sancto, et omni laude digna: et his de causis maior et dignior omnibus in terris: ergo ei data iurisdictione, et auctoritas in omnes, qui sunt de ecclesia filii sui, et domini nostri Iesu Christi; quæ non ipsi, sed Petro data est, cum ei dictum fuit, Pasce oues meas, pasce agnos meos. Omittimus autem, quòd forte non omnia dona illa terrenæ huius nostræ ecclesiæ, sed supercœlesti illi data sunt. non tamen approbamus glosam in c. sponsus. **LVI.** dist. quæ dixit, ecclesiam uocari Christi sponsam, quia adhuc per delictum separari potest ab ipso, sicut sponsa à sponso ante consummatum matrimonium: sed quòd in futuro seculo dicetur: **Vxor**, quæ modo sponsa. Nec enim censemus ecclesiam militantem, hanc scilicet nostram terrestrem, errare posse.

Octauo, obiicitur illud, quod dixit dominus Petro, Matth. xvi. Si te non au-

dierit, dic ecclesiæ: si ecclesiam non audierit, sit tibi sicut ethnicus & publicanus. Amen dico uobis, quæcunque alligaueritis super terram &c. subdens post pauca: Vbi duo, uel tres congregati sunt in nomine meo, ibi sum in medio eorum: ex his colligentes auctoritatem esse attributam ecclesiæ, & uniuersali concilio: supra quemcunque fidelem, cuiusuis fuerit dignitatis; cum ad ecclesiæ iudicium, etiam Petrum, & in eo quemcunque successorem iubet recurrere, atque illius acquiescere iudicio. Respondemus, monitionem illam fraternam, de qua Matth. XVIII. minime interpretari posse de uniuersali ecclesia, nec de generali concilio. quoniam aut nunquam, aut rarissime fieri posset: nunquam, quod impossibile foret, dicere uniuersali ecclesiæ, per uniuersum orbem dispersæ: rarissime, quoniam rarissime generalia concilia congregantur. Sed dicendum, quod illius præcepti sensus est: Dic ecclesiæ, idest, coram congregatione seu multitudine eum obiurga, ut sic maiorem erubescerentiam habeat: & (ut dixit sanctus Thomas in eum locum) ut confundatur; & qui noluit sine confusione corrigi, cum confusione corripiatur. Possumus etiam interpretari, Dic ecclesiæ. i. adhibe disciplinam, aut censuram ecclesiasticæ disci-

plinæ, ut sic, quemadmodum dixit Hiero-
 nymus in glo. multorum detestationi habi-
 tus, opprobriis saluetur, qui pudore saluari
 non potuit. quomodo intelligere possumus
 quod dixit Gregorius in registro, epistola
 CCC LXV. ubi reprehendens Ioannem, Con-
 stantinopolitanum episcopum, eo quod se
 uniuersalem episcopum uocauerat, inquit:
 » Nos quidem, in quibus talis tantaq; per au-
 » sum temerarium culpa committitur, serua-
 » mus quod præcepit ueritas, dicens: Si pec-
 » cauerit in te frater &c. deinde subiicit: Ego
 » quidem per responsales meos, semel, & bis,
 » uerbis humilibus hoc, quod in tota ecclesia
 » peccatur, corripere studui: per me scribo:
 » quicquid humiliter facere potui, non omisi.
 » si in mea correptione despiciar, restat quod
 » ecclesiam habeam adhibere; idest, ecclesia-
 sticam censuram. quod etiam impleuit,
 cum suis responsalibus (sic enim legatos ap-
 pellabat) quos Constantinopolim destina-
 bat, mandauit, ne illi in diuinis communi-
 carent.

Nono, ex modo traditionis potestatis ec-
 clesiæ, colligunt supremam auctoritatem ec-
 clesiæ, non Romano pontifici attributam;
 quod mentio semper fiat alicuius specialis
 gratiæ, uel auxilii, cum de ecclesia locutus
 est dominus; non sic, cum Petro data est

DE POTESTATE

auctoritas. Cum enim Lucæ x. dicitur:

» Ecce ego mitto uos; mox subiicitur: Qui
 » uos audit, me audit. Mat. xviii. Quæ-
 » cunque alligaueritis &c. subiicitur: Vbi
 » duo uel tres congregati fuerint in nomine
 » meo; ibi ego sum in medio eorum. Ioan.
 » xvi. Adhuc habeo multa uobis dicere:
 » sed non potestis portare modo; subiicitur:
 » Cum autem uenerit ille spiritus ueritatis, il-
 » le docebit uos omnem ueritatem. & Ioan.
 » xiiii. Paracletus autem spiritus, quem
 » mittet pater in nomine meo, ille docebit uos
 » omnia, & suggeret omnia. Item: Roga-
 » bo patrem: & alium paracletum dabit uo-
 » bis: ut maneat uobiscum in æternum, spiri-
 » tum ueritatis, quem mundus non potest ca-
 » pere: quia non uidet eum, nec scit eum.
 » Io. xx. Pax uobis: sicut misit me pater,
 » & ego mitto uos. & cū hoc dixisset, insuffla-
 » uit: & dicit eis: Accipite spiritum sanctum:
 » quorum remiseritis peccata &c. Matth. ult.
 » Euntes docete omnes gentes. & statim sub-
 » iunxit: Et ecce ego uobiscum sum usque
 » ad consummationem seculi. At in potesta-
 » te data Petro, non sic fit mentio pacis, secu-
 » ritatis, gratiæ, spiritus sancti, & assistentiæ
 » Christi: ut cum Io. primo dictum est Pe-
 » tro: Tu uocaberis Cephas. Matth. xvi.
 » Tibi dabo clauēs regni cœlorum. & cum di

- » Etum fuit: Rogabo pro te, Petre, ut non
 » deficiat fides tua: & Io. ult. Pasce oues me-
 as. item cum in figura locutus est, Lucæ v.
 Duc in altum: de solutione stateris, Mat.
- 11 XVII.** & similia. Respondemus, quæ di-
 cta sunt apostolis, cum dicta sunt, affuisse &
 Petrum. Nos autem fatemur supremam au-
 thoritatem datam ecclesiæ, cum iuncta est ca-
 piti suo. Dici etiam potest, quæ enumeran-
 tur gratiæ, eas pro maiori earum parte datas
 singulis apostolis, ut singulis, non ut colle-
 gio, aut uniuersitati. quoniam aliàs opus fo-
 ret in earum executione semper eos in unum
 conuenire: cum tamen singuli potestatem
 habeant docendi gentes, remittendi peccata,
 eiiciendi dæmonia; & similia.
- 12** Decimo, adducunt Hieronymum, in qua-
 dam ad Damasum epistola, in qua de supre-
 mo ecclesiæ ordine locutus, inquit, dominū
 discipulis omnem potestatem dedisse, ean-
 demq; datam episcopis, qui in eorum locum
 successerunt; colligentes, cum illam potesta-
 tem congregatis apostolis tradiderit, eandem
 concessam episcopis in unū conuenientibus,
 & concilio, neminemq; exceptum: ex conse-
 quenti nec Rom. pontificem, iuxta illud apo-
 stoli ad Heb. i i. Omnia subiecisti sub pedi-
 bus eius. in eo, quod omnia ei subiecit, ni-
 hil dimisit non subiectum ei. Respondemus,

prout sæpius diximus , potestatem datam apostolis simul cum Petro , & ordine quodam : primū Petro , cui plene concessa fuit , et aliis sub Petro , qui et uocati sunt in partem sollicitudinis . nec Petrus hac ecclesia inferior dici potest : aliās se ipso inferior foret : sicut nec deus solus , nec inferior , nec imperfectior est seipso cum uniuerso orbe : sicut sæpius diximus .

- 13 Undecimo obiiciunt , apostolos & ecclesiam , irritam habuisse electionem Clementis , à Petro factam : quod fieri non potuisset , nisi ecclesia maiorem auctoritatem habuisset Rom. pontifice . Respondemus , id actum consentiente Clemente , spiritus sancti instinctu , & eo iuri suo cedente ; ne res in exemplum traheretur . Et fuit sententia glo. in c. Si Petrus. viii. q. i.

- 14 Duodecimo obiiciunt illud Nume . xvi .
 » q Synagogæ procures insurrexerunt contra
 » Moysem . & cap. xvi . cum reprehende-
 » runt dicentes : Cur deduxisti ecclesiam dei in
 » solitudinem , ut nos & iumenta nostra moriamur ? colligentes id ad superiorem pertinere : ex consequenti ecclesiam maiorem Moyse , summo sacerdote . Respondemus id male colligi : etiam si Moyses summus sacerdos fuisset . quoniam quod inique , & minus recte factum fuit , in exemplum trahi

non debet. Nec enim iuste populus & ecclesia de Moyse conquerebantur. Quod etiam si recte, & iuste actum fuisset, superioritatem minime designat: cum etiam inferiores de male actis à superiore, conqueri possint, & illum redarguere, exemplo Pauli reprehendentis Petrum, quia reprehensibilis erat.

- ¶ Decimo tertio obiiciunt illud Hilarii Papæ, quod habetur in c. Quod quid. x x x v. q. i x. cum post editum decretum condemnationis quorundam excessuum, synodum allocutus, subiecit: Quod ut possit tenacius
 » custodiri, sancta synodus sententiam accommo
 » det: & omnes proprias subscriptiones, ut sy
 » nodali iudicio aditus claudatur illicitus; col
 ligentes ex eo, supremam concilii auctorita
 tem. Respondemus, requiri synodi subscrip
 tionem, non quòd synodus maior sit pon
 tifice; sed ut res consultius acta, facilius reci
 piatur & (ut Hilarii utamur uerbis) tenacius
 et firmiter teneatur.

Similiter respondemus ad id, quod decimo quarto loco obiici potest, de Symachi Papæ uerbis, quæ habentur in c. Bene quidem. x c v i. dist. qui synodo præsidens, cum disceptaretur, robur ne haberet scriptura Basilii, Odoacris regis locum tenentis: qua decernebatur sine imperatoris consultatione non celebrandam Rom. pontificis ele-

tionem : uoluit illam in medium adduci, & legi, ut, cuius esset uigor, decerneretur : nec inde disputaretur, unde possit synodi iudicare consilium. quoniam uoluit in medium adduci, ut eorum reciperet consilium, non ut ipsi, tanquam superiores, decernerent, an scriptura illa recipienda foret. sed ut si eorum consilio reiicienda esset, ut de re consultius acta, omnibus constaret reiiciendam. quin potius responsio patrum Rom. pontificis astringit auctoritatem. Cum enim omnes respondissent nullius esse roboris, rationem reddentes dixere, quia apostolicæ sedis, quæ statutis synodalibus consuevit firmitatem tribuere, non erat auctoritate roborata.

Decimo quinto, obijciunt illud Symachi Papæ, de quo in §. Item Symachus. 11. q. vii. Item Symachus Papa, in Romana synodo dignitate sua spoliatus, prius statui pristino restitui decernitur, & tunc uenire ad causam : & si ita recte uideretur, accusantium propositionibus responderet. digna res uisa est magno numero sacerdotum, ac meretur effectum. Et cum postea ordinaretur, quomodo esset accusandus prædictus Papa, ut causam diceret, occurrebat : sed ab æmulis impeditus &c. ex eo colligentes, Papam subesse concilii iudicio. Sed respondemus, uel

uel Symachum se sponte submisisse iudicio concilii, prout de Leone IIII. legitur. in c. Nos si incompetenter II. q. VII. cuius est pars §. Item Symachus. & de Damaso, ex testimonio Hieronymi. uel ibi de hæresi imputabatur: ut interpretatus est illum locum Turrecrem. quo casu non negamus Papam, uel potius eum, qui fuit Papa, subesse concilio, cum propter hæresim ipso iure censetur priuatus pontificatu.

Decimo sexto, obiciunt de eo, quod habetur in c. Prouinciæ. XCIX. distinct. ubi Anacletus; & in c. Vrbes. LXXX. distinct. ubi Lucius Papa asserunt non solum Petrum, sed apostolos omnes diuisisse prouincias: patriarchas, archiepiscopos, & episcopos posuisse; ex eo colligentes, Petrum minorem apostolorum collegio, & Roman. pontificem episcoporum concilio. Respondemus, nec in his locis haberi, apostolos simul congregatos id fecisse. Quod si apostoli diuisi per mundum prædicando, & ad fidem populos conuertendo, ecclesias erexerunt, & constituerunt episcopos, id fecere uel apostolatus auctoritate sibi à Christo domino commissa, uel beati Petri, eorum capit. Et quoniam quod per Rom. ecclesiæ caput factum fuit, per ipsam Romanam ecclesiam factum censetur, dixit Nicolaus Papa,

L

quod habetur in c. Omnes. x x i i. distinct.
Omnes, siue patriarchæ cuiuslibet apicem,
siue Metropoleon primatus, & episcopa-
tuum cathedras, uel ecclesiæ, siue cuiuscun-
que ordinis dignitatem instituit Romana ec-
clesia: illam uero ipse solus fundauit, & su-
pra petram fidei mox nascentis erexit, qui
beato Petro, æternæ uitæ clauigero, terreni
simul & cœlestis imperii iura commisit.

- 17 Decimoseptimo, obiiciunt de eo, quod
habetur in c. Quamuis i i i. q. v i. ubi
Eleutherius Papa dicit à coetu apostolorum
definitum esse, non licere expedire episco-
porum causas, sine sanctæ Rom. sedis aucto-
ritate. quòd si apostolorum auctoritati,
& non solius Petri, id concessum fuit, uide-
tur utique maior auctoritas coetus apostolo-
rum ipso Petro. Respondemus, id non fuis-
se auctoritatis traditionem, sed illius declara-
tionem. quemadmodum aliàs interpretati
sumus illud Anacleti, de quo in c. In nouo.
x x i. distin. quòd apostoli ipsum Petrum
principem eorum esse uoluerunt; qui non
ab ipsis, sed à Christo domino auctoritatem
suam susceperat: cum potius alii ab eo. c. Ita
dominus. x i x. distinct. & c. Loquitur.
x x i i i i. q. i.

- 18 Decimo octauo, improbant Rom. pon-
tificis auctoritatem ex eo, quòd quandoque

in conciliis examinata fuerint Romanorum pontificum sententia, ut Dioscori depositio per Leonem examinata & discussa fuit in Chalcedonenſi concilio : & quæ à Martino Pyrrhi, & Sergii in Constantinopolitana ſynodo : necnon Photii per Nicolaum & Adrianum in octaua ſynodo ; cum examinatione, recte quid, uel perperam factum fuiſſe, ad ſuperioritatem ſpectet. Sed reſpondeamus, examinationem huiusmodi ad ſuperioritatem minime referendam, ſed ad id, ut omnibus innotefceret, & ab omnibus reciperetur, quod colligitur ex actione VII. ſynodi ſextæ, cum Gregorius, archiepiſcopus Constantinopolitanus, & ſynodus dixerunt ad Imperat. Petimus ueſtram tranquillitatem, ut ſuggeſtiones directæ ad à deo inſtructam ueſtram fortitudinem, tam ab Agathone, ſanctiſſimo Papa apoſtolice ſedis antiquæ Romæ, quàm ab eius ſynodo relegantur ; ut auditum capiamus, quatenus & nos cognitionem accipiamus totius uirtutis, quæ in iſſis continetur. et actione IIII. octauæ ſynodi ; ubi cum Bahanes, magniſcentiſſimus patritius, diceret, quod Photius, & complures ex ſuis ignorarent iudicium factum per Roman. pontificem contra eos ; & ideo deberet coram iſſis condemnationis ſententia recitari : dixerunt uicarii

L ii

» Nicolai Papæ: Nobis non licet rescindere
 » iudicium sacrorum Rom. pontificum. Hoc
 » enim contrarium est canonicis institutis. quo
 » niam præsentibus illic per proprios missos, &
 » Romæ demorantes, contra se sententiam, &
 » prolatam damnationem in Photium, & in
 » manus impositionem eius, & audierunt li-
 » quide, & didicerunt. Veruntamen, ut mani-
 » festiorem eis iustam iudicationem sanctę Ro-
 » manę ecclesię faciamus; ingrediantur, & au-
 » diant legi synodicas definitiones, & iudicia
 » beatissimi Nicolai Papæ; ut certificentur ma-
 » gis & magis. Magnificentissimi & gloriosis-
 » simi dixerunt: Hoc probum, & bonum est.
 » Et in actio. v. habetur, quod, cum Photius
 » ductus in præsentia synodi interrogatus, an
 » apostolicę cathedrę iudicia tam de se, quàm
 » de Ignatio promulgata amplecteretur: & il-
 » le taceret; uicarii senioris Romæ dixerunt:
 » Ecce homo, qui obturat aures, sicut aspis
 » surda: & non audit uocem, quam ei sancta
 » synodus obiicit: sed uult per hoc silentium
 » effugere condemnationem, quam sancta
 » Romana ecclesia ante multos annos pro-
 » mulgavit aduersus eum. Veruntamen le-
 » gantur epistolę, quę de eo missę sunt à san-
 » cta Romana ecclesia. Placet ergo omnibus,
 » ut legantur? sancta synodus dixit: placet.
 » Ex quibus synodi uerbis iam satis constat,

lectas huiusmodi epistolas, non ut examina-
rentur, aut de eis discussio fieret; sed ut ad
ad omnium notitiam peruenirent. Et quam-
vis recitatis prioribus literis legatur Papæ ui-
carios ad synodum dixisse: Ad hæc quid di-
cit sancta synodus? est canonica expositio-
ne plena hæc epistola, uel non? & responde-
rit sancta synodus: Canonicam legem com-
plet, & synodicam præceptionem & legis-
lationem: nihilominus nequaquam hæc aut
facta, aut dicta per uiam examinationis, aut
confirmationis, quæ ad superiorem spe-
ctent, sed potius approbationis. quomodo
canones in conciliis per Romanum pontifi-
cem promulgati, dicuntur sanciti sacro ap-
probante concilio. nec facta illa interroga-
tio, quod dubia forent quæ legebantur, sed
ut calumniam tollerent aduersariorum:
quemadmodum Iesus interrogauit de La-
zaro, quem suscitaturus esset à mortuis, ubi
eum posuissent; non quod id ignoraret,
sed ut ostendentes sepulchrum non possent
negare Lazarum mortuum, propterea non
resuscitatum. Et Io. baptista cum discipulis
suis mandauit, ut interrogent, Tu es, qui
uenturus es, an alium expectamus? Matth.
x i. non id mandauit, quod ignoraret quem
digito ostenderat: sed ut per hanc interro-
gationem uidentes signa atque uirtutes, cre-

derent in eum . sic illa facta est interrogatio ,
ut ex synodi responso cessaret aduersario-
rum calumnia . propterea complacitum est
eis , ut damnati audirentur à synodo , ad ob-
turandum loquentium ora . quoniam con-
querebantur se inauditos . dicebant enim :
Audiamus depositionem nostram : damne-
mur nobis audientibus .

- 19 Decimo nono , contra auctoritatem Ro-
mani pontificis citant epistolam Ambrosii ,
lib. x. epistolarum , ad Theophilum & Ani-
sium scribentis : in qua refert Damasum Ro-
manum pontificem dixisse , quòd si syno-
dus integra fuisset , idest , si causam alteri
non delegasset , potuisset ipse de causa cogno-
scere : sed quia synodus alteri delegando pre-
uenerat , non posse se iudicandi onus susci-
pere , cum delegati synodi uices tenerent :
non conuenire autem , se de synodi auctori-
tate iudicare : quod conueniret , si synodo
foret superior . Respondemus , papam non
necessitate , sed honestate quadam permisit
se iudices à synodo datos iudicare . & si ratio
illa procederet , cum illud Capuan. conci-
lium , de quo Ambrosius & Damasus locu-
ti sunt , prouinciale fuerit , sequeretur &
prouinciale concilium superius esse Roma-
no pontifice : quod nullus unquam so-
mniauit .

Vigesimo, obiiciunt illud eiusdem Ambrosii, in dedicatione altaris maioris Mediolan. ecclesie, cum dixit: Per Christum dominum nostrum, qui eminentiam potestatis acceptae ecclesie contulit, quam pro honore suscepto reginam constituit, & sponfam, cuius sublimitati omnia subiacent. Respondemus, id non excludere superioritatem supremi in terris ecclesie capitis, nec recte colligi, omnia ei subiacent, ergo & caput: sicut nec recte colligeretur, omnia deo subiacent, ergo deus sibi ipsi subditus. uel dici potest (ut aliàs sæpe diximus) hanc ecclesie excellentiam, cuius sublimitati omnia subsunt, esse ecclesie, quæ iuncta est capiti suo, & cœlesti, & terreno; non illius, quæ diuisa ab altero eorum foret.

Vigesimo primo, obiiciunt illud Augustini, in epistola ad Glorium Eleusinum, & Felicem grammaticum, cum inquit: Ecce putemus illos episcopos, qui Romæ iudicarunt (qui scilicet Cecilianum episcopum restituerant) non bonos iudices fuisse: restat adhuc plenarium uniuersalis ecclesie concilium: ubi etiam cum ipsis iudicibus causa posset agitari: & si male iudicasse conuicti fuerint, eorum sententia solueretur. ex quibus uerbis sane constare uidetur uniuersalis concilii suprema potestas. Respon-

L iiii

demus, nequaquam intentionis Augustini
fuisse, ponere uniuersale concilium maioris
auctoritatis apostolica sede: sed posse quidem
reuocari sententiam maturiori patrum consi-
lio: cum (ut aliàs dixerat) particularia conci-
lia, quale fuit illud Romæ habitum, cedere
debeant uniuersali, quod ex episcopis totius
orbis fit. nec indecens foret, Rom. pont. ma-
turiore consilio sententiam mutare: cum &
solus id possit. c. Sententiam. xxxv. q. ix.
nec consilarii maiores sunt principe, quod
eorum consilio princeps mutet sententiam,
quam uel solus, uel cum paucis decreuerat.

20 Simili modo respondemus ad id, quod
uigesimo secundo loco obiici potest de eo,
quod habetur in c. De libellis. quod fuit
Leonis III. & c. De quibus. quod fuit Inno-
cent. I. xx. dist. ubi instruimur, si qua orta
fuerit controuersia, recurrendum primum
ad sacram scripturam ueteris, & noui testa-
menti: deinde ad canones apostolorum, &
conciliorum: postremo ad regulas Ro. pon-
tificum. quo loco, ex ordine scripturæ, con-
ciliorum decreta præferri uidentur regulis
Rom. pontificum. quoniam præferuntur
tanquam maturiori consilio constituta, ut ex-
plicauit idem Innoc. in d. c. De quibus. cum
dixit: Facilius nanque inuenitur, quod à
pluribus quæritur; cum tamen & priora

sint Rom. pontificum decreta, uel ab eis confirmata, uel de consilio patrum sancita.

Vigesimo tertio, inferiorem constituunt Rom. pontificem concilio ex eo, quod dixit Gregorius, & habetur in c. Siquis. 11. q. » VII. Siquis super hoc nos redarguere uoluerit, uel extra auctoritatem facere nos contenderit, ueniat ad sedem apostolicam, & ibi ante confessionem beati Petri mecum iuste disceptet, quatenus unus ibi ex nobis suscipiat sententiam suam. quo loco uidetur suum iudicem agnoscere concilium. Responderemus, id, exemplo Petri, ex humilitate fecisse. quoniam (ut dixit idem Gregor.) & habetur in c. Petrus. 11. q. VII. Petrus postestatem regendi acceperat: & tamen idem apostolorum primus, querimoniam contra eum à fidelibus factam, cur ad gentes intrasset; non ex potestate officii, qua potuisset dicere, oues pastorem suum non accusent, nec reprehendant; sed ex auctoritate diuinæ uirtutis, qua gentiles acceperant spiritum sanctum, respondit, & se purgauit.

Vigesimo quarto, obiici potest de eo, quod dixit Hieronymus, & habetur in c. Omnibus. XXIII. q. I. Siquis hanc domum, scilicet ecclesiam, corrigentem corripientemque contempserit, sit tibi sicut ethnicus &c. Igitur ecclesia corrigens & corripuens, est etiam

DE POTESTATE

Rom. pontifice maior. Respondemus, id referri ad fraternam monitionem, qua, ex charitate, etiam inferior corripere potest superiorem, &, ut se corrigat, monere: quæ monitio pro correptione sumitur.

- 21 Pene oblitus eram illius obiectionis, quam magni æstimant: & propterea inter primas annumeranda fuerat; cui, nè prætermittatur, uigefimum quintum locum nunc damus. Obiiciunt enim de canone v i. Niceni concilii, & habetur in c. Mos antiquus
- » L x v. dist. Mos antiquus perdurat in Aegypto, uel Lybia, ut Alexandriñ. episcopus horum omnium habeat potestatem: quoniam quidem & episcopo Romano parilis mos est; ex eo colligentes: si Alexandriñ. episcopus æquatur Romano: si Romanus pontifex curam habet circumadiacentium locorum, sicut Alexandriñ. Aegyptiorum; quonam modo dicendum est, Romanum pontificem omnibus præesse, & uniuersorum curam gerere? Respondemus, hanc Niceni concilii sententiam interpretandam, ut Romana sedes una est patriarchalium. Romanus enim pontifex, episcopus est urbis Romæ, & episcopus est uniuersalis ecclesiæ. & hanc fuisse Niceni concilii mentem colligere possumus ex canone x v i i. octauæ synodi, his uerbis: Primum, quòd Me

» tropolitani super uniuersos episcopos, qui
 » ab ipsis promouentur, & siue per manus im-
 » positionem, siue per pallii dationem, episco-
 » palis dignitatis firmitatem accipiunt, habeant
 » potestatem, uidelicet ad conuocandum eos,
 » urgente necessitate, ad synodalem conuen-
 » tum, uel etiam ad coercendum illos, & cor-
 » rigendum, cum fama eos super quibusdam
 » delictis forsan accusauerit: quia in Roma-
 » na ciuitate huiusmodi mos præualuit. ex
 » quo canoneprehenditur, Nicenum con-
 » cilium de Romano pontifice mentionem fe-
 » cisse, ut unus est Metropolitanorum. & hoc
 » uidetur innuere Nicolaus, ad Bituricē. ar-
 » chiepiscopum scribens, & habetur in c. Con-
 » questus. 1 x. q. 111. cum dixit: primates,
 » uel patriarchas nihil priuilegii habere præ-
 » ceteris episcopis, nisi quantum sacri cano-
 » nes concedunt, & prisca consuetudo illis an-
 » tiquitus contulit. definimus itaque, ut se-
 » cundum Nicenas regulas sua priuilegia ser-
 » uentur ecclesiis. Non placet autem interpre-
 » ratio glo. in d. c. Mos antiquus. l x v. dist.
 » id intelligi debere de Constantinopolitano
 » episcopo, qui nouæ Romæ est episcopus.
 » quoniam tempore Niceni concilii, nec Con-
 » stantinopolitana ecclesia erat patriarchalis:
 » nec Bizantium, Constantinopolis, aut no-
 » ua Roma appellabatur. Magis placet quod

DE POTESTATE

asseruit Marcellus ille Ceruinus, Cardinalis sanctæ crucis, qui unus est ex præfidentibus concilii Tridentini, Nicenum canonem non de Rom. pontifice, sed de Metropolitana. locutum: uerioresq; forte translationem esse iuxta antiquissimum codicem, quem se habere asseuerabat: Mos antiquus perduret in » Aegypto, uel Lybia, & Pentapoli, ut Ale » xandri. episcopus horum omnium habeat » potestatem: quoniam quidem Metropolita. » ta. episcopo. hoc idem moris est.

Vigesimo sexto, si Petrus maior, & primus est apostolorum, & propterea Rom. ecclesia prima inter ecclesias: eadem ratione, & Compostellana erit secunda, propter Iacobum, secundum apostolum: & Ephesina tertia, propter Ioannem, qui tertius connumeratur. Cum itaque nec Compostellana sit secunda, nec Ephesina tertia: sequitur nec Romanam fore primam, nec Petrum primū apostolum, aut aliis superiorem. Respondemus, Iacobum non esse secundum apostolorum, nec Ioannem tertium: sed euangelistas diuerso ordine apostolos nominasse: nec Iacobum aut Ioannem, successorem habuisse in apostolatu: quin etiam nec Petrum: & in apostolatu omnes pares fuisse: Petrum tamen in administratione, & pastoralis officio successorem habuisse Rom. pontificem.

Vigesimo septimo, obiiciunt: Si Ro. ecclesia diuino iure est prima ex eo, q̄ Petrus diuino monitu, aut instinctu transtulit sedem suam ex Antiochia Romā: eodem iure Alexandriñ. erit secunda, & Antiochena tertia. At cum nec Alexandrina diuino iure secunda sit, nec Antiochena tertia (quoniam hunc ordinem non immutassent duo Constantinopolitañ. & Chalcedoneñ. concilia: subsequitur, nec Romanam diuino iure primam, nec Petrū diuino iure esse maiorem aliis. **22** Respondemus, q̄ etiam si concesserimus Rom. ecclesiam primā esse diuino iure: non tamen cogimur fateri, & secundam diuino iure esse secundam, & tertiā diuino iure tertiam: nec unum ex alio recte colligi, apertissimum est.

Vigesimo octauo, ex eo, quod habetur act. xx. Attendite uobis, & uniuerso gregi, in quo uos spiritus sanctus posuit episcopos, regere ecclesiam dei, quam acquisiuit sanguine suo; colligunt: Non ergo Ro. pontifex, sed apostolorum cœtus ecclesiam regit, ex consequenti maior illo. Respondemus, intelligendum, apostolos illam regere, sed ordine suo. quoniam apostolus, qui ad Rom. cap. xiiii. dixit: Non est potestas nisi à deo; subiecit: Quæ à deo sunt, ordinata sunt. stat igitur, quòd omnis potestas à deo sit, & tamen non immediate, sed or-

dine suo. quemadmodum Io. cap. i. dicitur :
Omnia per ipsum facta sunt. & tamen non
à deo omnia immediate, sed secundis causis
mediantibus. sic apostoli ecclesiam regunt,
sed ordine suo : ut sæpius dictum est.

24 Vigesimo nono, obiciunt plures Ro-
manos pontifices ab Imperatoribus, & con-
cilio eiectionis fuisse pontificatu : quod supe-
rioritatem & concilii, & Imperatoris defi-
gnat. Respondemus, id non iure, sed iniu-
ria, & perperam factum, si de uero ponti-
fice est nobis sermo ; aut cum incertum fo-
ret, quis esset uerus pontifex. Eiecti autem
fuere Felix i i. à Constantio ; & perperam
factum, quòd nollet Arrianis consentire :
Constantinus i i. à concilio Romæ depo-
situs, & in carcerem coniectus, quòd Paulo
uita functo, ui tyrannica minus legitime
Pontificatum inuasisset, anno septingente-
simo decimo ; Christophorus, qui Leonis
pontificis presbyter, fraude & ui Leone in
carcerem coniecto, sedem apostolicam inua-
serat, anno noningentesimo quinto. Ioan.
x i i. qui sordidis, & prauis moribus, om-
nibus scandalo existens, Rauennæ depofi-
tus fuit à concilio, Leone quodam surroga-
to : cuius tamen depositionem irritam fecit
subsequens Romanum concilium. Benedi-
ctus v. à seditiosis pontifex factus, auctore

Othone Imper. ut minus legitimus deiectus, Leone IIII. surrogato. Ioannes XXIII. & Benedictus XIII. quod incertum foret, quis eorum Pontifex esset: quod iuramentum & uotum emissum seruare recusarent, à Constantiensi concilio abrogati.

Trigesimo, obiiciunt quod habetur in octaua synodo Constantinopolitana: Si synodus uniuersalis fuerit congregata, & facta
 » fuerit, etiam de sancta Romana ecclesia,
 » quæuis ambiguitas, & controuersia; oportet uenerabiliter, & cum conuenienti reuerentia de proposita quæstione sciscitari, &
 » solutionem acquirere, aut proficere, aut profectum facere, non tamen sententiam audacter dare contra summos pontifices; quasi non audacter, sed cum conuenienti reuerentia posset synodus sententiam proferre. Respondemus, argumentum à contrario sensu cessare, ubi absurdum subsequatur: sicut in simili dixit Innocen. in c. Non debet. x i i. dist. super illis uerbis, Præceptis apostolicis non dura superbia resistatur; uacat hic argumentum à contrario sensu: quia non esset humilitas, sed superbia; non discretio, sed indiscretio, si eis resistatur.

Trigesimo primo, obiiciunt illud Ioel II.
 » Canite tuba in spiritu: sanctificate ieiunium: uocate coetum: congregate populum: sancti

» ficate ecclesiam : coadunate fenes : congre-
 » gate paruulos, & fugentes ubera. quibus uer-
 bis uidetur multum tribui multitudini, mi-
 nus autem sacerdotibus; cum subiicitur :
 » Inter uestibulum, & altare plorabunt sacer-
 » dotes, ministri domini, & dicent: Parce
 » domine, parce populo tuo : & ne des hære-
 » ditatem tuam in opprobrium. Responde-
 mus, nihil ex his detrahi auctoritati summi
 pontificis, uel quia in ea multitudine conu-
 meratur summus sacerdos : uel quia non re-
 cte colligitur, Sanctificanda est ecclesia, plo-
 rabunt sacerdotes, & ministri domini : ergo
 sacerdotes, & ipse summus sacerdos iudican-
 dus est à multitudine.

Trigesimo secundo, obiiciunt: Non opus
 est concilio, si Papa est supra concilium.
 quid uociferamur, concilium, concilium?
 uociferandum est, Papa, Papa. Responde-
 mus id non recte colligi : quoniam eadem
 ratione superuacua foret pontificis auctori-
 25 tas, si supra Papam sint concilia. nec uerum
 frustra haberi concilium, si maior, aut æ-
 qualis est auctoritas Romani pontificis au-
 ctoritati concilii : quoniam, quæ in concilio
 à Rom. pontifice decernuntur, aut à concilio,
 auctoritate Romani pontificis, maiori
 auctoritate, & maturius decreta censentur,
 cum integrum sit iudicium, quod plurimo-
 rum

rum sententiis roboratur. c. Prudentiam. de offic. delegat. quæ etiam censentur instinctu spiritus sancti decreta. c. Si quis diaconis. c. Si ille. l. dist. & act. xv. Visum est spiritui sancto, & nobis. & iuxta illud: Si duo, uel tres fuerint congregati in nomine meo, in medio illorum sum. & alia etiam ratione: quoniam si forte in errorem declinaret pontifex, plurimorum iudicium eum facile ab errore retrahere posset, & in uiam ueritatis reducere.

Trigesimo tertio, obiiciunt quod dixit Io. And. insignis doctor in c. i. de renunc. lib. vi. in nouella; quod si Papa in secreto consistorio, pontificatu se abdicaret, nec alii forent testes, quàm Cardinales, deinde negaret se renunciassse; huius controuersie concilium futurus est iudex: quod superioritatem etiam in Papam designat. Respondemus, eo casu incertum esse & dubium, illum esse Papam; nec mirum, si eo casu iudex sit concilium, sicut in c. Si duo forte contra fas. l. xxix. dist. Si duo forte contra fas electi fuerint, concilium iudicem fore, quis eorum sit pontifex; non Cardinales, qui eum elegerunt. propterea non recte colligitur: concilium iudex est, dubio & incerto Papa: ergo superius Papa.

Trigesimo quarto, obiiciunt illud Am-
M

DE POTESTATE

brofii, quod habetur in c. Quæ dignior.
XXIIII. q. I. quòd non elt dignior do-
mus prædicationis ingreffu, quàm fancta
Romana ecclefia. quòd fi fancta Romana
ecclefia dignior elt, eadem ratione uniuerfa-
lis, quæ Romanam complectitur ecclefiam,
& alias. Respondemus, id fore ratione capi-
tis fui, Petri fuffefforis: nec recte colligi: ec-
clefia Romana dignior elt quacunque alia:
ergo multo magis uniuerfalis, quæ Roma-
nam complectitur, & cæteras omnes: eo
exemplo, quod aliàs dedimus, deum cum
uniuerfo orbe nequaquam fe maiorem, aut
perfectiorem fore, quàm ante mundi crea-
tionem. Dicimus etiam, Ambrofium com-
parare Romanam ecclefiam, ut catholicam,
ecclefie hæreticorum: non autem ecclefiam
fuo capiti, Romano pontifici. propterea ina-
nis elt huiufmodi ratiocinatio.

Trigefimo quinto, ad probandum fupre-
mam auctoritatem penes ecclefiam fore, af-
sumunt illud Ioan. Apocal. XX I. Et ego
Ioannes uidi fanctam ciuitatem nouam, de-
fcendentem de cœlo, à deo paratam, ficut
fponfam ornatam uiro fuo. Et audiui uocem
magnam de throno dicentem: Ecce taber-
naculum dei cum hominibus: & habitabit
cum eis: & ipfi populus meus erunt; & ip-
fe deus cum eis erit eorum deus. Item de ec-

clesia, quæ domus dei est, adducunt ex libro
 » psalmorum: Domine dilexi decorem do-
 » mus tuæ, & locum habitationis gloriæ tuæ.
 » Qui habitare facis unanimes in domo. Læ-
 » tatus sum in his, quæ dicta sunt mihi, in do-
 » mum domini ibimus. Beati qui habitant in
 » domo tua domine; in secula seculorum lau-
 » dabunt te. Ecce quàm bonum & quàm iu-
 » cundum, habitare fratres in unum. Sed ad
 hæc sæpius responsum est aliis satisfaciendo
 obiectis, ab hac ecclesia nequaquam excludi
 caput suum, Roman. pontificem: cum quo
 hæc omnia, & alia plura ei conueniunt. sine
 eo (si contumaciter, & sine causa ab eo sepa-
 retur) non erit Hierusalem illa sancta, de-
 scendens de cœlo: non domus dei, non alia,
 quæ hic, & alibi enumerantur de ea. Simili-
 ter respondemus ad id, quod habetur Ioan.
 » xvii. dominum Iesum subleuatis in cœ-
 » lum oculis dixisse: Pater sancte, serua eos
 » in nomine tuo, quos dedisti mihi. & infra:
 » Ego dedi eis sermonem tuum: & mundus
 » eos odio habuit; quia non sunt de mundo,
 » sicut & ego non sum de mundo. Non rogo,
 » ut tollas eos de mundo; sed ut serues eos à
 » malo. Sanctifica eos in ueritate. Sermo tuus
 ueritas est. Sicut tu me misisti in mundum;
 ita & ego misi eos in mundum: & pro eis
 rogo. Ego sanctifico meipsum, ut sint &

M ii

DE POTESTATE

ipſi ſanctificati in ueritate . non pro eis autem rogo tantum , ſed & pro eis , qui credituri ſunt per uerbum eorum in me : ut omnes unum ſint , ſicut tu pater in me , & ego in te : ut et ipſi in nobis unum ſint : et credat mundus , quia tu me miſiſti : etc. Non enim cenſendum eſt , pro apoſtoliſ rogaffe dominum , et pro hiſ qui credituri erant duntaxat , ut ſimul congregati faciebant eccleſiam ; ſed etiam pro ſinguliſ , nec pro eiſ , niſi cum capite eorum in terris , eiſ ſcilicet uicario , conſentientibuſ ; & niſi omneſ unanimieſ eſſent , & unum in eo : quo deficiente , deficit omniſ eorum dignitaſ : nec ex ea argui poteſt aliqua auctoritaſ , uel iuriſdictio maior auctoritate ſui capitiſ . ſi tamen eo deficiente (uacante ſcilicet ſede) unanimieſ ſint qui ſuperſunt , non deficit eccleſiæ hæc dignitaſ , non auctoritaſ : non inaneſ & uacueſ manent preceſ Chriſti ad patrem pro ea ; ſed tantum deeſt , qui ea auctoritate in uniuerſum utatur : qui illiſ totiuſ ſit miniſter , & executor .

Examen, & interpretatio decreti Constant. concilij, de auctoritate concilij ſupra Papam.

Cap. XXIII.

ED quoniam Conſtantiæ . ſynodi
^S decretum cum hiſ , quæ expoſuiſimus ,
 pugnare uidetur , operæpretium duximus ,

de ipsius uiribus perquirere ; cuius uerba
 » subsequuntur. Primo declarat , quòd ipsa
 » in spiritu sancto congregata concilium gene-
 » rale faciens , & ecclesiam catholicam repræ-
 » sentans, potestatem à Christo immediate ha-
 » bet ; cui quilibet cuiuscunque status, uel di-
 » gnitatis, etiam si Papalis existat, obedire te-
 » netur in his quæ pertinent ad fidem , & ex-
 » tirpationem dicti schismatis , & reformatio-
 » nem dictæ ecclesiæ in capite, & in membris.
 » Item declarat, quòd quicunque, cuiuscun-
 » que status uel dignitatis, etiam si Papalis
 » existat, qui mandatis, statutis seu ordinatio-
 » nibus huius sacræ synodi, & cuiuscunque al-
 » terius concilii generalis legitime congregati ,
 » super præmissis, seu ad ea pertinentibus, fa-
 » ctis , uel fiendis obedire contumaciter con-
 » temperit; nisi resipuerit, condignæ pœniten-
 » tiæ subiiciatur , & debite puniatur ; etiam ad
 » alia iuris remedia (si opus fuerit) recurrēdo.
 Quod decretum ad literam innouauit Basi-
 lienſe concilium, sessione 11 .

Qui tuentur auctoritatem Rom. pontifi-
 cis, omnes fere non recipiunt decretum, & il-
 lud improbare nituntur pluribus rationibus.

Primo, ex eo, quòd tempore, quo factum
 fuit decretum, nondum erat integrum & ple-
 narium concilium , uniuersali consensu coa-
 ctum ; sed unius tantū obedientiæ : cum tres

M iii

DE POTESTATE

forent, qui se gererent pro Romano pontifice; cuius signum fore, quod sess. xxi. & xxxv. dum & aliae nationes accesserunt, opus fuit denuo concilium indicere: quæ tacita fuit confessio, ante nouam illam indiCTIONem non fuisse concilium.

- 2 Secundo, si concilium Constantiën. post accessionem aliarum nationum, quæ non agnoscebant Ioannem xxiii. pro uero pontifice, existimassent se prius constituisse uerum concilium, non opus fuisset, iam statutum decernere statuendum, propter quæ scilicet, & quo modo possit Papa corrigi & deponi: sessione tamen xl. constitutum fuit, Papam teneri obedire concilio in his, quæ pertinent ad fidem, & extirpationem schismatis, & reformationem generalem ecclesiæ dei; puniendumq; si obedire contempserit. ex quibus constare uidetur, propter quæ, & quomodo corrigi possit, & deponi.

- 3 Tertio idem colligunt ex literis Martini v. approbante sacro concilio, ad Germaniæ episcopos; in quibus exposito prius tenore articulorum Io. vicleff, & Io. Hus, quæ prius in concilio damnata fuerant, præcipitur interrogari suspectos de fide, utrum credant, quod beatus Petrus fuerit uicarius Christi, habens potestatem ligandi & soluendi.

item utrum credant, quòd Papa canonice electus, qui pro tempore fuerit, sit successor beati Petri, habens supremam auctoritatem in ecclesia dei. Si enim ratum habuissent decretum, hæc pugnarent inuicem, quòd Papa habeat supremam auctoritatem in ecclesia dei, & quòd teneretur obedire concilio: cum non possit is, qui minoris auctoritatis est, eum, qui maioris est potestatis, suis iudiciis adiicere, aut propriis definitionibus subiugare. c. Inferior. xxi. dist.

Quarto, idem deducunt ex reprobatione alterius erroris Io. Hus, quòd non est scintilla apparentiæ, quòd oporteat esse unum caput in spiritualibus regens ecclesiam, quod semper cum ipsa ecclesia militante conuerfetur. Si enim oportet, quòd sit unum caput ecclesiæ, quod semper cum ea conuerfetur, quod est Papa, non tenebitur is concilio obedire; minusq; poterit ab eo corrigi & puniri.

4 Quinto idem confirmari uidetur ex eo, quòd nullibi constat Martinum confirmasse, aut ratum habuisse decretum: quin potius contrarium deprehenditur, quando destinauit præsidentes ad Senense concilium. quoniam duntaxat dedit concilio auctoritatem circa reformationem ecclesiæ in membris suis, nulla de capite facta mentione; & cætera agendi, quæ statui suo non derogarēt.

M iiii

5 Occurrentes autem obiectioni, quæ fieri potest: Si decretū uiribus non subsistit, non potuisset Io. XXIII. à concilio deponi, iurisdictionis defectu, quam à decreto consequebatur: Ioanne autē non rite abrogato, nec Martinus in pontificem eligi potuisset; dicunt ualuisse Martini electionē, non quia uacaret sedes ex Ioannis priuatione, sed ex illius libera renunciatione: quoniā etsi facta fuerit ab eo sub custodia retento, ratam tamen habuit, cū sui iuris esset, nulla ui aut impressione: Florētiæq; professus est, se sponte, non coacte, nullaq; ui aut impressione celsisse, & renunciasset. Addunt etiam Io. iure depositum, propter hæresim: quoniam in eius suspensione sess. X. uocatur notorius hæreticus, & incorrigibilis: quod etsi in sententia non exprimitur, fat tamen esse, si dictum fuerit, q̄ propter illa crimina tunc expressa, & alia in processu deducta & contenta, tanq̄ indignū, inutilem, & damnosum, sancta synodus eū priuabat.

6 Respondent etiam alteri obiectioni, quæ fit eo, q̄ Martinus V. in condemnatione errorum Io. Hus, & aliorum, declarauit, q̄ error est, non credere, Ro. ecclesiam esse supremā inter alias ecclesias: si per Ro. ecclesiam, intelligimus ecclesiam uniuersalem, uel cōcilium uniuersale, aut pro quanto negat primatum summi pont. super particulares ecclesias. Ex

quo uidetur colligi: ergo non est error, negare primatū Ro. pont. super uniuersalem ecclesiam: & iure decretum, Papam teneri parere mandatis ecclesiæ, & generalis concilii illā repræsentantis. dicentes non recte id colligi per locum à contrario sensu; qui quandoque inutilis est: sicut si diceremus, fumus est, ergo ignis; recte colligitur: tamen si dicamus, ignis est, ergo fumus; nō subsequitur, nec recte colligitur à contrario sensu: sicut etiam cū quid exorbitans colligitur, rationibus etiā aliās per nos deductis. Citant etiam pro assertionis suę probatione, Rodericum, ep̄m Calaguritan. in dialogo, de auctor. & potesta. Rom. pont. asserentem se audiuisse à non paruæ auctoritatis uiris, qui interfuere concilio, decretum illud præter id, quòd factum fuit à sola obedientia Io. XXIII. nec etiam cōcorditer factum ab omnibus eiusdem obedientiæ, cum reclamauerint complures sanctæ Ro. ecclesiæ Cardinales, complures prælati, & doctores, affirmantes decretum minus iuridicū fore; daturumq; quandoque occasionē schismatis; contraxisse & ipsum Io. XXIII. & ea de causa infelicitè fugam arripuisse. Citant & Abb. Siculum in tract. cui tit. est, Sententia finalis; in quo retractauit quæ scripserat contra auctoritatem Ro. pont. referentem F. Zabarellam, Cardinalem Florent. cū in sess. IIII. recitaret

decretum, substituisse, cum ad ea uerba deuenit, & ad generalem reformationem &c. noluisseq; illa uerba legere, tanquam præter communem deliberationem addita.

- 7 De in nouatione uero decreti, facta per Basiliense concilium, asserunt illam minime obesse supremæ Romani pontificis auctoritati: quoniam etsi Basiliense concilium & Martini, & Eugenii auctoritate legitime indictum, & inchoatum fuerit: & ex literis Eugenii annulationis, dissolutionis, seu translationis legitime continuatum: non tamen ualuisse decretum ex eo, quod ab apostolicis legatis & præfidentibus reclamatum fuerit: quemadmodum irrita fuerunt decreta secundi Ephesini concilii, etsi legitime congregati: & irrita sunt quæcunque decernunt & alia concilia, si ab apostolica sede confirmata non fuerint, ut aliàs erit differendum.

Quod si istos sequi uolumus, miramur Ioannem Gerson, cancellarium Parisinum, uirum acerrimi ingenii, & summæ eruditionis, exultasse de huiusmodi decreto, & gratias deo egisse, quod tandem decisa & sublata fuerit controuersia superioritatis inter Papam & concilium. quoniam si ante decretum dubium erat, quis eorum foret superior: dubium etiam erat, quis eorum potuisset id declarare: ex consequenti non ui-

demus, quonam modo id cenferi potest declaratum ab eo, de quo dubitabatur, an esset superior, maxime in suimet fauorem, cum id decernere ad superioritatem pertineret.

- 8 Nos tamen putamus decretum illud robur obtinere, nec eo imminutam auctoritatem Rom. pontificis: quoniam si is (quod deus auertat) in hæresim lapsus sit, non in eum habet concilium potestatem, qui sit pontifex, sed in eum, qui fuerit pontifex: quòd hæresis omni eum auctoritate & potestate spoliauerit. In casu uero schismatis, cum scilicet duo, uel plures de pontificatu contendunt, cum ignoretur, quis eorum sit pontifex, concilium in eos habet potestatem, qui pro pontificibus non habentur. Sicut enim quod nescitur consecratum, pro non consecrato habetur, & consecratione eget. c. Veniens. de presby. non bapt. c. Solennitates. de conse. dist. 1. sic qui ignoratur, an uerus sit pontifex, habendus est pro non pontifice: & in eum habens potestatem, non censetur habere potestatem in pontificem. His astipulantur uerba. c. Si duo forte contra fas. l. x x i x. dist. & decreti, de quo est nobis sermo. Ex quibus perspicue colligi potest, illis duobus casibus concilio tribui potestatem in Rom. pontificem. Nec te

DE POTESTATE

deterreant uerba , cui quilibet , cuiuscunque status uel dignitatis , etiam si papalis existat , obedire tenetur . quoniam is Papa præmissis casibus , in quem concilium potestatem obtinet , sic Papa nuncupatur , ut homo mortuus , aut pictus , homo appellatur . quod satis ex præmissis colligitur . Præterea illi patres decretum illud locum habere uoluerunt tempore schismatis ; non autem cum fuerit unus uerus & indubitatus pontifex . Et quod dicitur in secunda parte decreti : Item declarat , quòd quicunque , cuiuscunque conditionis , status uel dignitatis , etiam si Papalis , qui mandatis , statutis , seu ordinationibus huius sacræ synodi , & cuiuscunque alterius concilii generalis legitime congregati super præmissis &c. referendum est ad similem casum schismatis , aut hæresis Romani pontificis ; quo , recte concilio subiicitur . Nec quod dicitur , Ad reformationem dictæ ecclesiæ in capite , & in membris ; referendum est nisi ad deformationem ratione schismatis , aut hæresis , cum desit uerus pontifex , cuius est ecclesiam reformare . Sic quod dicitur : In capite , & in membris ; interpretandum de capite dubio , & incerto : cum super eo concilium habeat iurisdictionem , non autem si certum fuerit & indubitatum .

Sed quia negare non possumus, uerba decreti esse ambigua, & in utranque partem interpretari posse, & iure timendum, datum quandoque occasionem schismati, pro ut experientia edocti sumus in Basiliens. concilio: recte uideretur consultum reip. Christianæ, ne metu similis inobedientiæ, & schismatis, Rom. pontifices retrahantur ab indicatione conciliorum: & ne quod uoluit Constantiens. synodus frequentius fieri, ex suo decreto infrequentius fiat: expediret decretum huiusmodi declarari: quæ forte mens fuit, & propositum Constantiensis concilii, cum sessione XL. decreuit decernendum fore, & statuendum propter quæ, & quomodo Papa possit corrigi, & deponi. Subsequentibus igitur quod decreuit Constantiens. synodus, declarandum uideretur decretum, & conceptis uerbis finienda controuersia hæc superioritatis inter Papam, & concilium: ut omnes intelligerent, coercionem datam concilio fore cum, pluribus se gerentibus pro Romano pontifice, iustis de causis dubitatur, quis eorum sit pontifex: & cum pontifex in hæresim damnatam lapsus foret, & monitus in ea perseveraret. Similiter habere concilium potestatem reformandi ecclesiam in capite, & in membris; duobus iam dictis casibus, non autem cum

DE POTESTATE

unus foret catholicus & indubitatus pontifex, nisi eo presente in concilio, aut super id speciali data auctoritate. Et proculdubio hæc fuit mens & intentio Constantien. concilii, quam Basilienses perperam interpretantes, in errorem lapsi sunt, prætextu reformationis ecclesiæ, usurpantes omnem pontificiam potestatem. Maiores enim causas in concilio tractabant, de causis cathedralium ecclesiarum iudicium sibi assumentes: prouisiones per pontificem factas irritabant, & nullas decernebant: beneficia ecclesiastica conferbant & commendabant: legatos de latere ad regendas prouincias destinabant: causas à Romana curia auocabant: decimas imponebant: indulgentias plenarias & perpetuas elargiebantur: & alia fere omnia faciebant, quæ ad supremam Romani pontificis spectant auctoritatem. quo factum est, ut Eugenius, tanta rei indignitate commotus, concilium iterum dissolueret, & Ferrariam transferret: & subsecutum horrendum schisma, nedum duorum pontificum, sed & duorum (ut ipsi prætendebant) generalium conciliorum; quorum alter alteri minime deferbat, uicissim sese censuris & maledictis impetentes: & quod ioco dixit Antoninus, archiepiscopus Florentinus, Basileam peperisse Basiliscum. Quapropter iterum clara uo-

ce denunciamus , opus fore declaratione ,
quam honestiorem existimamus reuocatione.
quandoquidem Parisiensis schola, & alii
plures, non obstante concilii Florentini decreto
mordicus retineant decretū illud Constantien.
& Basilien.

Rom. pont. à concilio deponi non potest.

Cap. XXV.

X his subsequitur, Papam à concilio
nec deponi, nec iudicari posse :
quod etsi ex præmissis perspicuum
existimemus, aliis tamen rationibus adhuc
comprobamus.

Primo, si Papa posset propter crimina &
excessus deponi, sicut alii episcopi, frustra
dixisset Anacletus, quod habetur in c. Electionem.
LXXIX. distin. Electionem summorum pontificum
sibi dominus reservauit.

Secundo, ex eo, quod dixit Eusebius Papa
in c. Oues. II. q. VII. Oves, quæ suo
pastori commissæ sunt, eum nec reprehendere,
nisi à fide exorbitauerit, nec ullatenus
accusare possunt.

Tertio ex dicto Anterii Papæ & martyris,
quod habetur in c. Facta. IX. q. III.
Facta subditorum iudicantur à nobis, nostra
uera uero à domino.

Quarto ex sententia Bedæ, quæ habetur

» in c. de episcopo . i x . q . i i i . Sola Ro-
 » mana ecclesia sua auctoritate ualet iudicare
 » de omnibus : de ea uero nulli iudicare per-
 » mittitur .

- 2 Quinto citatur sanctus Thomas in i i i i .
 sentent. distin. x i x . q . i i . art . i i . cum
 » dixit, quod quamuis praelati sint corripien-
 » di à subditis, non est eis tamen poena inuren-
 » da, sed recurrendum ad superiorem ; uel si
 » caret superiore, ad deum, ut eum emendet,
 » uel de medio tollat . Et si obiiciatur : qui sic
 orat ad deum, iudicat actiones eius esse per-
 uersas : aliàs iniusta esset petitio. Quod si iu-
 dicat actiones suas esse peruersas, & sic cum
 deo agendum, tanquam homines audiant :
 subsequitur, non solum secrete in oratione,
 sed ubi foret opportunū, licere fidelibus uer-
 bo exprimere sententiam, quam de summo
 pontifice iudicant . Respondemus, id recte
 colligi non posse : quoniam frustra id fieret,
 & sine fructu, cum superiore careat : quin
 potius seditiones commoueret, & scandala,
 à quibus omnino abstinendum . propterea
 licet hoc à deo expetere bonum sit : non ta-
 men fas erit, ad id faciendum alios cohortari
 & impellere : quin etiam nec his licebit, qui-
 bus in ecclesia prædicandi officium est de-
 3 mandatum . Et quod dicitur Ezech. i i i . &
 » x x x i i i . quod hi, qui constituti sunt à
 deo

» deo speculatores domus Israel, tenentur
 » clangere tuba, & intimare ecclesiæ malum
 » &c. de inferiorum malo, pro quibus consti-
 tuti sunt super speculam, intelligi debet: non
 quod inferior teneatur denunciare delicta
 superiorum, & clangere buccina. Vel dici
 potest, quod etiam si liceret fidelibus uerbo
 exprimere sententiam, quam de summo
 pontifice iudicant, id liceret, non ut illum
 coherceant, aut puniant, sed ut & ipsi orent
 ad deum, ut eum emendet, uel de medio
 tollat.

Sexto, citant illud Symachi Papæ, quod
 » habetur in c. Aliorum. IX. q. 111. Aliorum
 » hominum causas deus uoluit per homines
 » terminari: sed sedis istius præfulem suo fine
 » quæstione reseruauit arbitrio. Et quod lo-
 » quatur de excessibus, & erratis, ostendunt,
 » quæ sequuntur uerba, cum dixit: Voluit
 » beati Petri successores cœlo tantum debere
 » innocentiam, & subtilissimi discussoris in-
 » dagini inuiolatam habere conscientiam.

Septimo, citari potest glo. in c. Siquis pe-
 cunia. LXXIX. dist. cum dicit Papam di-
 cere posse: Dominus est, qui me iudicat.
 & Ostien. in c. Quanto. de translat. prælat.
 cum dixit, idem fore consistorium Papæ
 & Christi, & citra fidem à nemine posse
 iudicari.

N

Octauo, citatur Bonifacius martyr, & habetur in c. Si Papa. x l. dist. Si Papa suæ, & fraternæ salutis negligens deprehenditur, inutilis & remissus in suis operibus, & insuper à bono taciturnus, quòd magis officit sibi & omnibus: nihilominus innumera-
 6 biles populos cateruatim secum ducit primo mancipio geennæ, cum ipse plagis multis in æternum uapulaturus, huius culpas istic redarguere præsumat mortali-
 um nullus.

Nono, citatur Lateranens. concilium, de quo in c. Licet. de elect. ubi legitur:
 7 In ecclesia Romana aliquid specialiter constituitur; quia non potest ad superiorem haberi recursus. ubi glo. Ostien. quia nulla est superior ipsa: sed ipsa super omnes est. cui Ioann. Andr. addidit. Ideo iudicio dei relinquitur. c. Nemo. ix. quæ-
 stio. iii.

Decimo, citatur illud Gelasii Papæ, quod habetur in c. Ipsi sunt canones. ead. cau. & quæst. quòd apostolica sedes de tota ecclesia habet iudicare: ipsam uero ad nullius commeare iudicium.

9 Vndecimo, quemadmodum periti medici nunquam abscindunt caput, quamuis ægrum, ulcerosum, & multis morbis affectum: sic in mystico corpore uidetur sem-

per caput tolerandum, nec amouendum, etiam si criminofum, & malum extiterit.

Quòd si dicatur non fore parem rationem: quoniam humano corpori, abscisso capite, aliud aptari non potest: secus in mystico, quod successiue plura habere potest capita, & cuius interitus non formidatur, amoto capite: conuertimus hoc, quod dicitur, quòd etiam si ex amotione capitis à naturali corpore, non subsequeretur ipsius ægri interitus, non absunderetur, sed conseruaretur: quemadmodum non refecantur membra paralyfi debilitata, & prorsus officio suo inutilia: quamuis eis refecatis non subsequeretur ægri interitus.

IO Duodecimo, quamuis dominus mandauerit, ut si nos oculus, aut pes, aut dextera scandalizauerit, eruatur & absindatur: nullatenus mandat caput absindi: qui tamen de mysticis membris loquebatur.

II Decimo tertio, Synodus auctoritate Symachi Romæ coacta, clara uoce pronunciauit: Simachus Papa, sedis apostolicæ præful, ab huiusmodi oppositionibus impetitus, quantum ad homines respicit, sit immunis & liber; cuius causam totam dei iudicio reseruamus. & habetur in §.

Hinc etiam. decima septima distinctione.

N ii

12 Similiter synodus Sinuessæ congregata dixit Marcellino: Tuo ore iudica causam tuam, non nostro iudicio. & iterum: Noli audiri in nostro iudicio, sed collige in sinu tuo causam tuam. & rursus: Quoniam ex te, inquit, iustificaberis. & iterum dicunt: Prima sedes non iustificabitur à quoquam. & habetur in c. Nunc autem, XXI. distinct.

13 Decimo quarto, citatur canon. XX. concilii Romani sub Syluestro Papa, cum dicitur: Nemo etiam diiudicet primam sedem: quoniam omnes à prima sede iustitiam desiderant temperari: neque quoque ab Augusto, neque ab omni clero, neque à regibus, neque à populo iudex iudicabitur. repetitum ab Innocentio, ut habetur in c. Nemo. IX. q. III.

Decimo quinto, quemadmodum Metropolitani. qui caput est prouincialis concilii, puniri non potest, nec deponi in prouinciali concilio. c. Graue. & ibi not. doct. de præben. sic nec Rom. pontifex puniri, aut deponi poterit à generali concilio, etiam si grauib. criminibus infectus, incorrigibilis sit.

Decimo sexto, citatur quod legitur. I. Reg. c. XXI III. & c. XXVI. quòd licet Saul se regno reddidisset indignum; & propter sua

crimina, & mandatorū de transgressionem,
 pluries datus fuerit in manus Dauid, quem
 persequabatur: nunquam tamen Dauid in
 eum insurgere uoluit: quinimo uocabat
 eum dominum suum, & Christum domini,
 » dicens: Nisi dominus percusserit eum, aut
 » dies eius uenerit, ut moriatur, aut descen-
 » dens in prælum perierit; propitius sit mihi
 » dominus, ne faciam hanc rem domino meo,
 » Christo domini, ut mittam manum meam
 » in eum: quia Christus domini est. Dicant
 igitur Papæ subditi, ut Dauid dixit Saulo:
 Iudicet dominus inter me & te: & liberet
 me de manu tua, & de omni angustia.

Decimo septimo, legamus Extrauagan-
 tem Bonifacii VIII. cuius initium est,
 » Vnam sanctam. dum inquit: Si deuiat
 » terrena potestas, iudicatur à spirituali: si
 » deuiat spiritualis, iudicatur minor à superio-
 » ri: si uerò suprema, à solo deo, non ab ho-
 » mine potest iudicari.

Præmissa tamen uidentur impugnari pos-
 se: primo, quoniam si odio habere deum,
 grauius est peccatum hæresi, ut asseruit fan-
 ctus Tho. secunda secundæ. q. LXXIII. ar. II.
 & si magis nocet ecclesiæ Papa omnia uen-
 dens beneficia, prauos homines extollens,
 bonos deprimens, tyrannice fauens, seu
 aliis inuolutus criminibus, quàm si in hære-

sim lapsus sit : per locum à maiori uidetur colligi posse , quòd si propter hæresim aut deponendus sit , aut iure ipso depositus : multo magis propter quæ diximus crimina , potissimum si incorrigibilis foret . Respondemus , id non recte colligi : quoniam hæresis non ratione grauitatis criminis , sed ratione mutationis status , constituens de Christiano non Christianum , reddit Papam deponendum , uel ipso iure depositum : licet amissa fide caracterem retineat . At etiam , dici posset , quòd licet alia crimina maioris sint effectus quoad alios , non tamen quoad se : nec semper , quando cætera sunt paria , subsequitur : quis potest quod maius est : ergo poterit quod est minus . sicut nec sequitur : intellectus potest in actum maiorem , qui est intelligere : ergo poterit & olfacere : uisus potest in obiectum maius , quod est lucidum : ergo poterit in minus , quale est sonus , aut aliud quid simile .

Secundo , si minus recte consulisset dominus ecclesiæ suæ , si neminem loco sui in terris constituisset ; ad quem pro rerum , & temporum necessitate recurri posset : nonne minus recte eidem consulisset , si ad nullum tribunal in terris recurri posset , periclitante ecclesia , uicarii sui culpa ? Respondemus , ecclesiam illam , quæ errare non possit , in

unum conuenire non posse, ad Papam iudicandum.

Tertio, eadem ueritas impugnatur ex eo, quod si Papa malus, & incorrigibilis à nemine puniri, aut iudicari posset, periclitaretur ecclesia, læderetur fides, omniaq; in deterius laberentur: adeo ut dicerent infideles, Vbi est deus Christianorum? Respondemus, id minime formidandum: quoniam ecclesiæ regimen à deo institutum, diuinum censendum est, non humanum, diuinoq; inniti auxilio, iuxta illud: Ego uobiscum sum usq; ad consummationem seculi. propterea non diffidendum de diuina prouidentia, nec præsumendum, quod ob unius noxam periclitetur ecclesia. Persuadere etiam nobis possumus ex spiritus sancti directione, deum non permissurum, Papam ratione humanitatis infirmum, & seducibilem; ratione diuinitatis ipsum regentis, insuperabilem. Quodq; etsi quandoq; permissurus sit eum tentari: non tamen ut in profundum tentationis præceps cadat: uel non permissurum, quod eo cadente, secum trahat ecclesiam, quæ (teste Apostolo) columna est, & firmamentum ueritatis. cui consonat, quod præclare dixit sanctus Tho. cap. ult. octauæ quolibet, dum quærit, An in sanctorum canonizatione ecclesia er-

rare possit; firmiter credendum, quòd si accideret, Papam uelle finaliter procedere ad aliquod cōtra fidē, deus aliquod ei præstaret impedimentum, manum à scriptura retinendo, uel linguam à loquendo: sicut præstitit Baalam; quem uolentem maledicere populo, coegit benedicere. quod etiam præfiguratum fuit in Petri nauicula, uentis agitata, non tamen naufragium passa. Item præfiguratum futuros humanos defectus in Petri successoribus, subleuandosq; non ab homine, sed à Christo; sicut Petrum per seipsum, ne mergeretur, erexit.

18 Alia etiā ratione persuaderi potest, nō periclitari ecclesiam ex malis moribus, & grauib; delictis Papæ, etiam si desit emendationis spes. quoniam Papæ potestas ad ea se porrigit, quæ supra fundamenta ecclesiæ sunt: fundamenta autem ipsa lædere non potest; quæ tria complectuntur, quid credendum, quid agendum, quo medendum. Primum articulos fidei concernit; qui non à Papa, sed à spiritu sancto dictati & editi, uires Pontificiæ potestatis superant: etsi explicari, & ad compendium, facilioris memoriæ causa, redigi possunt, quod & symbolum appellari potest. Secundum moralia continet præcepta; quæ de iure naturæ sunt; supra quæ Papa auctoritate caret. Et ideo, si-

quid mandaret agendum, quod alicui ex præceptis decalogi repugnaret, non esset ei parendum. Et quia sæpe contingit, ut homo circa hæc duo fundamenta se male gerat, scilicet minus recte credendo, uel male agendo: ideo diuinitus data sunt sacramenta, quasi medicamenta sanantia illa uulnera; quod erat tertium, supra quod nec ipse Papa potestatem habet, sed remanet, sicut & cæteri mortales. Hinc est, quòd in his se subiicit confessori, medicamenta suscepturus. Quibus saluis fundamentis, quæ euertere non potest Papa, nequaquam timendum est, ex illius prauis moribus, & inemendabili uita periclitaturam ecclesiam; cui pollicitus est dominus, quòd portæ inferi non præualebunt aduersus eam. Non igitur ea de causa dandus Pontifici superior, qui eum corrigat, puniat, aut Pontificatu eiiciat.

Quarto, argumentantur nonnulli: Si licet non solum impune, sed etiam meritorie occidere tyrannum, propter reipub. bonum, ut censuit sanctus Tho. secundo sent. dist. ult. q. ult. à fortiori uidetur licere concilio, si non occidere, saltem deponere Papam tyrannum: qui in malo perseverans, & incorrigibilis, scandalo fit cunctis hominibus, & plus noceat ecclesiæ, et fidelium saluti, quàm qui uis sæuissimus tyrannus iis, quibus do-

minatur. Sed respondemus, quòd etiam si
liceret populo impune tyrannum occidere
(quod non fatemur) non tamen subsequitur,
ergo civili morte, quæ est depositio, poterit
occidere malum pontificem. quoniam non
est utriusque par ratio: cum rex, aut prin-
ceps à populo, pontifex à deo suscipiat po-
testatem; in hoc pares, quòd utrique adimit,
qui dedit, regi aut principi populus, ponti-
fici deus.

Quinto, & hac impugnant ratione: Si li-
cet gladium de manu furiosi auferre; si lege
naturæ, quæ cuncta animalia docuit, uim ui
repellere: liceret Papam inuasorem, se de-
fendendo, occidere: uidetur etiam licere au-
ctoritatem à Papa auferre, qua uelut gladio
furiosus abutitur in ecclesiæ perniciem, lice-
re se ab eo defendere, & defendendo exar-
mare, spoliare, & spiritualiter occidere, au-
ferendo sibi omnem auctoritatem, & nocen-
di facultatem. Respondemus, quòd sicut li-
cet gladium è manu furiosi eripere, non ta-
men licet, uim repellendo, iudicis aut princi-
pis officium usurpare: sic etsi Papæ man-
danti, quod sine peccato fieri non potest,
aut quod iuri diuino, aut naturali repugnat,
obediendum non sit, quinetiam sit ei resi-
stendum; non propterea licebit, in eum ius di-
cere, superioré agere, nec à sede sua deicere.

20 Sexto inquit: Si arbor non faciens fructum excidenda est, & in ignem mittenda, Mat. iii. si auferendum malum ex nobis, primæ Cor. v. si palmes abscissus à uite arefcens in ignem mittendus est, Io. xv. si sal qui euauerit, mittendus foras, & conculcandus ab hominibus: cur non licebit Papam, suis criminibus à uera uite abscissum, sal insipidum & infatuatum, factum arbori infructuosæ similem, ab ecclesia foras mittere, conculcare, & pontificia auctoritate spoliare? Respondemus, id non recte colligi: quoniam etiam si quis culpis et erratis eò deueniret, ut meritò abscisso palmiti, infructuosæ arbori, & sali infatuato comparari posset; non id à concilio, nec id ab hominibus fieri posset: sed id expectandum ab eo, cui subest, cui soli habet rationem reddere: qui iustus iudex eum impunitum minime permittet.

Similiter responderi potest ad septimam rationem, qua præmissa impugnari possent: Si in sacerdotibus fides cum uita præeligenda est, multo fortius in summo sacerdotum, cum fides sine operibus mortua sit, testante

» Iacobo. Vulnerato nanque pastore, quis
 » curandis ouibus adhibet medicinam? aut
 » quomodo populum orationis clypeo tueatur,
 » qui iaculis hostium sese feriendum ex-

» posuit? aut qualem fructum de se productu-
 » rus est, cui graui peste radix est infecta? Ma-
 » ior ergo metuenda est locis illis calamitas,
 » ubi tales intercessores ad locum regiminis
 » adducunt, qui dei magis iracundiam prouo-
 » cant, quàm per se ipsos placare debuerant.

Verba fuere Gregorii ad Theodoricum, & Theodebertum Francorum Reges, & referuntur in c. Fertur. i. q. i. Similis inquam responsio dari potest, non propterea sequi: ergo summus sacerdos ab hominibus aut concilio iudicandus erit; quamuis se feriendum hostibus exposuerit: quamuis eius preces exaudiendæ non sint, & magis ad iracundiam prouocandam, quàm placandam porrectæ. Quæ tamen uerba non de summo pontifice, sed de his episcopis et sacerdotibus dicta sunt, qui per simoniacam prauitatem, dignitatis gradum adepti fuerant.

Octauo opponitur, quòd cū non legatur in sacra scriptura, dominum dedisse maiorem potestatem apostolis in causa fidei, quam aliis, cum dixit Mat. xvi. Quodcunque ligaueritis &c. quòd subsequi uidetur, quòd, si dedit ecclesiæ potestatem iudicandi Papam; si à fide deuius fuerit, & aliis casibus, ab ecclesia iudicari poterit. qui uidetur locus à maiori ad minus, si in maiori
 21 ri causa potest, poterit & in minori. Re-

spondemus, id minime subsequi: quoniam diuersa est utriusque casus ratio. In causa enim hæresis non iudicatur is qui est, sed qui fuit Papa: propterea locus est à minori ad maius: non è contra, scilicet, potest ecclesia iudicare non Papam, ergo poterit iudicare Papam.

- 22 Nono, opponitur ex glo. in c. Si Papa. xl. dist. asserente se credere, quòd, si notorium est crimen, per quod scandalizetur ecclesia, & incorrigibilis sit; quòd inde accusari possit. Respondemus in primis, glossam illam, quæ fuit petra scandali concilii Basiliens. non fuisse receptam, & repugnare ipsius textui, cum dicitur: Huiusmodi culpas istic redarguere præsumit mortalium nullus; & pluribus aliis glo. glossæ scilicet, in. c. Mandastis ii. q. v. asserenti Papam ab aliquo iudicari non posse, nec ab uniuersali concilio: et glossæ in c. Nemo. ix. q. i i i. super uerbo, ab omni clero; quæ dicit argumentum, quòd concilium non potest Papam iudicare. necnon & glossæ in c. Si quis pecunia lxxix. dist. asserenti Papam accusari posse de hæresi, si errat circa articulos fidei, non etiam, si latiori uocabulo de hæresi accusaretur, qualis est simonia. Alii dicunt glo. id pro uero non affirmare, sed uti uerbo credulitatis. quidam quòd in-

terpretanda est, quando Papa defenderet crimen, de quo emendari noller, non esse peccatum. Dicitur etiam posset, Papam accusari posse à concilio, non ut eum pontificatu eiiciat, aut aliàs puniat; sed ut per subtractionem obedientiæ in his, quæ perperam mandaret, indemnitati ecclesiæ provideretur: ne quod ex delicto Papæ respublica Christiana detrimentum patiatur.

Decimo, propter uiri auctoritatem, non omittamus rationem inductam per Roma. cons. 523. quamuis debilis & infirma uideatur. Inquit enim, Papam notorio crimine irretitum, ecclesiam scandalizantem, incidere in hæresis suspensionem, per c. Nullus » XXXVII. dist. ubi habetur: Qui enim » rebelliter uiuit, & ediscere, atq; agere bona » recusat, magis diaboli, quam Christi membrum esse ostenditur, & potius infidelis, » quàm fidelis esse monstratur. & per tex. in c. Si qui sunt. l. XXXI. dist. & in c. Scien » dum. v. q. 1. ubi dicitur: Peccatum » ariolandi est, nolle obedire: & scelus idolatriæ, nolle acquiescere: ac peccatum pagani » tatis incurrere eum, qui se Christianum esse » asserit, & mandatis ecclesiæ parere contemnit. Addit c. fi. de poen. ubi legitur, » quòd qui ecclesiæ parere pertinaciter renuit, clauis illi commissas contemnendo,

» non caret scrupulo hæreticæ prauitatis ; ex his colligens , quòd si Papa propter notoria sua crimina scandalizaret ecclesiam , & corrigentem ac corripientem contemneret , profecto ex præmissis hæresis suspicionem incurreret : propter quam uocari posset , responsurus de fide . Sed (sicut diximus) infirma & debilis est ratiocinatio . quoniam non ob quodcunque delictum , quod latiori uocabulo hæresis nuncupatur , qualia sunt excommunicatio , contumacia , simonia , & alia pleraque , potest Papa ecclesiæ denunciari , & ab ea iudicari ; sed ob eam , quæ uera est hæresis , circa fidei articulos errorem continens , ex sententia glo. in c. Siquis pecunia. LXXIX. dist.

24 Non displicet sententia Gemin. in illam gl. c. Si Papa. ex dictis Ostien. in c. Magnæ. de uoto. & in c. Per tuas . qui distinguendo dixit , quòd aut Papa peccando facit contra legem positiuam , & cum supra illam sit , ea de causa nec denunciari potest ecclesiæ , nec iudicari : aut peccat in legem diuinam , & articulos fidei ; & tunc si crimen notorium sit , & scandalosum uniuersali ecclesiæ , moneri poterit per quemcunque inferiorem , secundum glo. ibi . quòd si crimen nec notorium nec scandalosum sit , pro dubio habet , an Papa moneri possit , ut se corrigat , & se

DE POTESTATE

emendet : et fieri posse uidetur secundum euangelicam legem, cui Papa subditus est, sicut & alii Christiani. xi. q. i. c. Ad mensam. Si autem quærat, nunquid Papa moneri possit de occulto crimine ex lege euangelica; ut si monitus non se correxerit, dicendum sit ecclesiæ, & de eo corrigi & emendari; & dicit, quòd non : quoniam quando crimen est occultum, deest iudex, cui denunciari possit, ut se corrigat & emendet, non ut eum puniat, secundum ueriores sententiam: cum euangelica monitio, officium sit charitatis, non iurisdictionis : quod etiam inferior facere potest.

Romanus pontifex concilio se submittere non potest, ab eo iudicandus. cap. XXVI.

E C V N D O subsequitur ex eo, quòd Rom. pontifex superior sit concilio, quòd nec sponte, concilii, aut alterius iurisdictioni se submittere potest, ab eo iudicandus : quoniam causam superiori reservatam, nemo potest alteri committere. Iudicium autem in summum pontificem fore deo reservatum, satis constat ex c. Aliorum. ix. q. i. i. & aliis iuribus sæpius citatis. et quemadmodum clericus non potest iurisdictioni alterius se subiicere. c. Si significasti. de foro comp. etiam si foret iudex eccle-

- ecclesiasticus ; sine sui episcopi licentia : nec potest consentire , ut quis eum percutiat , quin sententiam excommunicationis incurrat ; ex eo quòd nemo potest iuri publico derogare . c. Si diligenti . de foro comp. sic nec Papa poterit se alterius iudicio submittere : quoniam hoc esset iuri publico derogare , & apostolicæ sedis priuilegio , in fauorem ecclesiæ concessio .
- 1 Quin potius hæc inuicem pugnant , quòd quis sit Papa , & alteri subiiciatur : quia si Papa nemini subiicitur , si cui subiicitur , non est Papa ; & aliud incongruum sequeretur ; quòd idem foret seipso inferior : quia si superior est ei , cui submittitur respectu eiusdem erit superior , & inferior , per regulam , Si uinco uincens te .
- 2 Propterea dixit sanctus Tho . in 1111. dist. XIX. quòd licet Papa , uel episcopus in foro conscientiae possit alteri committere absolutionem , quam sibi ipse impartiri non potest , quòd confessionis iudicium dei , non hominum sit : non tamen potest alteri concedere ut in exteriori foro utatur in eum clauium potestate , eum excommunicationis censura innodando . Quæ confirmantur ex eo , quod dixit idem sanctus Tho . Quolib. ult.
- 3 quòd uicarius non potest uniuersam suam iurisdictionem transferre , licet in sui auxilium possit particularem commissionem fa-

O

cere . quoniam præsumptio est, uoluisse superiorem eum uti sua potestate: permittere tamen, si onere grauiatur, partem oneris alteri demandare, non autem totum . quia aliàs uicarius uicarium daret: quod iura inhibent. Sic Papa episcopos in partem sollicitudinis uocat, nunquam integram potestatem committit: quod faceret, si alteri sui ipsius iudicium committeret, se illi subdendo. Episcopos autem uocatos in partem sollicitudinis, habetur in c. Decreto. 11. q. vi. & in c. Ad honorem. de aucto. & usupallii.

4 Deinde alia ratione probatur, Papam se alteri submittere non posse: quoniam cum sententiæ debeat executioni 1. Minorem xxv. annis. ff. de mino. 1. Si prætor. ff. de iudi. elusorium foret iudicium, si a submissione resiliendo, nollet illam executioni mandari. Nemo enim eum nolentem, & iurisdictionem suam resumentem cogere posset: cum ex submissione, supremam potestatem a se non abdicauerit, licet per renunciationem se in ordinem redigendo, alteri se subicere possit. c. 1. de renunc. lib. vi. quoniam eo casu desineret esse pontifex.

5 Nec repugnat his, quæ dicta sunt; quod se purgauerint, Pascalis primus de imputata cæde, coram xxx episcopis: Damasus de adulterio coram xlii. & Leo iiii. co-

ram concilio, quòd in subditis iustæ legis
tramitem non obseruauerit. c. Mandastis.
c. Auditum. II. q. IIII. c. Nos si incom-
petenter. II. q. VII. quia respondetur, il-
lis casibus non se submisisse dictos pontifi-
ces, nisi ex quadam modestia & humilitate,
non in iudices agnoscendo, sed ut testes suæ
innocentiæ inuocando & adhibendo: quod
fit in canonica purgatione. quod denotant
uerba Leonis ad concilium, cum dixit:

» Ego Leo pontifex sanctæ Romanæ eccle-
» siæ, purifico me in conspectu uestro, coram
» deo, & angelis eius; quia istas criminosas
» & sceleratas res, quas illi mihi obiiciunt, nec
» perpetraui, nec perpetrare iussi: hoc autem
» faciens, non legem præscribo cæteris, qua id
» facere cogantur. & habentur in c. Audi-
» tum. II. q. IIII. & uerba Xisti, quæ ha-
» bentur in c. Mandastis. ead. cau. & q. cum
» dixit: Facto concilio cum magna exami-
» natione satisfaciens omnibus, licet euadere
» aliter potuissem, suspensionem tamen fugi-
» ens, coram omnibus me purgaui, scilicet a
» suspitione & æmulatione me liberans; sed
» non aliis, qui noluerint, aut sponte hoc
» non elegerint, faciendi formam dans.

» Quæ uero Leo dixit: Nos si incompe-
» tenter aliquid egimus, & in subditis iustæ
» legis tramitem non conseruauimus, uestre

» ac uestrorum uolumus emendare iudicio ;
 quæ uerba iudicium, non purgationem de-
 notare uidentur. sed interpretanda sunt, iu-
 dicio, idest, discretioni ; quia scilicet offe-
 rebat se ad eorum discretium iudicium e-
 mendare, & non de iudicio contentioso :
 quia dixisset, uolumus emendari, non, emen-
 dare : adeo quod correctio nulli uidetur con-
 cessa : quod denotant uerba Leonis supra
 recitata, purgationem, non iudicium.

6 Minus etiam repugnant, quæ habentur
 in c. Adrianus. L X I I I. dist. ubi Adrianus,
 propter hæreticorum, & tyrannorum uitian-
 dos terrores, se & uniuersam ecclesiam Ca-
 rolo imperatori subiecit, quoad apostolicæ
 sedis ordinationem, & episcoporum inue-
 stituras : & idem Leo Othoni, ut habetur
 in c. In synodo. ead. cau. quoniam ex indul-
 tis illis, & priuilegiis non subsequitur, Ca-
 rolum, aut Othonem iurisdictionem ha-
 buisse in Romanum pontificem : etsi ipsius
 electio non nisi ex eorum approbatione ra-
 ta haberetur : sicut nec in præsens Cardina-
 les, ad quos translata est auctoritas eligendi
 Romanum pontificem, ex eo sunt illius iu-
 dices, aut superiores.

7 Postremo nec obstat l. Est receptum. ff.
 de iud. disponens superiorem iudicem pro-
 rogare posse iurisdictionem iudicis inferio-

ris, quoniam id intelligi debet, quando inferior capax est iurisdictionis. At nullus capax est iurisdictionis in Ro. pontificem. Alii respondent, quòd l. Est receptum, loquitur in magistratibus, qui etsi forent de superioribus, ipsi tamen superiores habent, qui eos cogere possent, si recusarent stare decreto iudicis, cui se submisissent. At nullus compelleret Papam, si recusaret stare sententiæ eius, cui se submisisset: propterea nec ulli se submittere potest.

- 8 Si tamen fuerint duo, aut plures de pontificatu contendentes, fatentur Doct. in c. Ecclesia. de constit. & in c. Cum super. de cau. possess. & propr. fieri posse submissionem per c. Si duo forte contra fas. LXXIX. dist. quoniam ex submissione non iudicatur Papa, sed penes quem sit Papalis dignitas.

Ad Romanum pontificem spectat, confirmare decreta, & acta sacrorum conciliorum.

Cap. XXVII.

- 1 TERTIO ex præmissa superioritate subsequitur, quòd ad Rom. pontificem spectat, confirmare statuta, & ordinationes sacrorum conciliorum: quoniam superior est, qui confirmat acta inferiorum. c. 1. & 11. de confir. util. uel

O iii

inutil. l. fi. C. de legi. not. recentiores in c.
 1. de treug. & pace. propterea dixit Ostien.
 in c. Qualiter. el 11. de accusat. concilium
 non confirmare constitutiones, sed appro-
 bare; ad Papam uero pertinere confirma-
 tiones. quoniam confirmatio actus est supe-
 rioritatis: proinde plura concilia postula-
 runt acta sua confirmari a Romano pontifi-
 ce. Patres enim Niceni concilii postularunt
 acta sua confirmari a beato Siluestro, de
 quo extat epistola his uerbis: Beatissi-
 mo episcopo urbis Romæ, cum omni re-
 uerentia colendo, Osius, episcopus pro-
 uinciæ Hispaniæ ciuitatis Cordubæ, & Ma-
 carius, episcopus ecclesiæ Constantinopo-
 litanæ, & Victor, & Vincentius presby-
 teri ex directione urbis Romæ, & cæteri
 episcopi cccxviii. in domino salutem.
 Quoniam omnia corroborata de diuinis
 mysteriis ecclesiasticæ utilitatis, quæ ad ro-
 bur pertinent sanctæ ecclesiæ catholicæ &
 apostolicæ, ad sedem tuam explanata, &
 de græco in latinum redacta scribere confi-
 temur: nunc itaque ad uestræ sedis augmen-
 tum occurrimus roborari. itaque constat
 uestra apostolica doctrina totius uestræ apo-
 stolicæ urbis in unum conuenire, uestrum-
 que habere consilium, sicut docet mystica
 ueritas: & deinde quicquid statuimus in Ni

» ceno concilio , precamur ut uestri oris con-
 » sortio roboretur . Confirmationis autem
 » decretum fuit : Siluester , episcopus catho-
 » licæ & apostolicæ sedis , præsul urbis Ro-
 » mæ , quicquid in Nicena lychina constitu-
 » tum est ad robur sanctæ matris ecclesiæ ca-
 » tholicæ & apostolicæ , a sanctis sacerdoti-
 » bus CCCXVIII. nostro ore confortes fir-
 » mamus . Omnes qui ausi fuerint dissoluere
 » definitionē sancti magni concilii , quod apud
 » Niceam congregatum est sub præsentia piis-
 » simi , & uenerandi principis Constantini Au-
 » gusti . anathematizamus . De Ephesino con-
 » cilio testatur Aymarus lib. de synodis , quod
 » in eo legati apostolicæ sedis , beatissimus Cy-
 » rillus , & Arcadius episcopus , ex Italia , ui-
 » ce Celestini Papæ , præfuerant , & ipsum
 » apostolica auctoritate roborarunt . Ex ge-
 » stis etiam eiusdem synodi habetur , quod
 » Theodosius iunior , ad perfectionem diui-
 » nitus statutorum , petiit apostolicæ cathe-
 » dræ apponi confirmationem . Sub Euse-
 » bio Nicomedien . episcopo Arriano , xc
 » episcopi Antiochiæ conuenere , qui Iulio
 » scripsere , ut acta a se rata haberet , & loco
 » damnatorum in episcopos ordinatos confir-
 » mare dignaretur . quod nequaquam fecis-
 » sent , nisi ab omnibus receptum fuisset , abs-
 » que Rom. pontificis confirmatione factas

ordinationes non subsistere. De quibus etiam refert Amianus Marcellinus lib. xv. de Constantio Cæsare, quòd cum iam cognosceret Athanasium electum a sua sede per synodum hanc episcoporum, adhuc ardenti desiderio nitebatur id fieri per Liberium urbis Romæ, credens (inquit Amianus) minus ratum quod fiebat per synodum, nisi auctoritate, qua potiuntur æternæ urbis episcopi, firmaretur.

In Chalcedonen. vero concilii actione x. legitur: Postulantibus iudicibus, ut doceret synodus, quid placeret de Iba episcopo, quia missi apostolici semper in synodis prius loqui & confirmare sunt soliti: uicarii apostolici per Paschasium dixerunt &c. Et in relatione eiusdem synodi de gestis in ea, cuius exordium est: Repletum est gaudio os nostrum, & lingua nostra exultatione; professa est synodus Leonem Papam præfuisse synodo, sicut membrum caput, petiitq; acta synodi confirmari.

Legitur etiam in actis eiusdem Chalcedonen. concilii, epistola Martiani & Valentiniani Aug. ad Leonem archiepiscopum apostolicæ ecclesiæ, his uerbis: Miramur maxime quòd post synodum Chalcedonensem, & literas uenerabilium episcoporum, quæ ad tuam deo amicitiam missæ sunt, per

» quas omnia in ipsa facta uobis renuncia-
 » runt, nequaquam a tua sanctitate literæ mis-
 » sæ sunt; quæ uidelicet in sanctissimis eccle-
 » siis ad omnium notitiam peruenirent: quod
 » quorundam animabus, quæ Euthicis adhuc
 » prauam opinionē sectantur, ambiguitatem
 » immisit, utrum scilicet tua beatitudo ea, quæ
 » in synodo sancta edita sunt, confirmauerit.
 » Quapropter uestra reuerētia suas literas mit-
 » tere dignetur; per quas omnibus ecclesiis &
 » populis notum sit, uniuersa quæ in sancta sy-
 » nodo gesta sunt, à tua beatitudine esse con-
 » firmata. & infra, Nouerit autem tua deo
 » amicitia, catholicam & uere orthodoxam fi-
 » dem Chalcedonē. synodum omnibus epi-
 » scopis consentientibus fore secutam: propter
 » quod & tua uenerabilitas suas proprias &
 » speciales literas uelocissime mittere digne-
 » tur; per quas confirmare uos ipsam, quæ in
 » Chalcedona est, synodum manifestissime
 » ostendatis: ut illi qui eam desiderant ignomi-
 » niosam, non possint habere suspensionem de
 » iudicio tuæ sanctitatis.

Comprobat hoc idem Aug. qui epistola
 xc. ab Inno. pont. postulat statutis in Aphri-
 cañ. concilio editis apostolicæ sedis adhiberi
 auctoritatem. Quod etiam fecerunt illius sy-
 nodi patres; qui congregati aduersus Pela-
 gium & Coelestium, post actorum synodi

relationem ad eundem Innocentium dixere, Hæc gesta, domine frater, charitati tuæ duximus intimanda, ut statutis nostræ metropolitane apostolicæ sedis adhibeatur auctoritas, pro tuenda salute multorum, & quorundam etiam peruersitate corrigenda.

Rationem huius confirmationis dedit synodus Romæ coacta sub Symacho pontificis cuius uerba recitantur in c. Bene quidem. XCVI. dist. cum dicitur, Si cuiuslibet provincie sacerdotes, inter suos terminos concilio habito, quicquid sine Metropolitanis sui auctoritate tractauerint, irritum esse debere sancti patres sanxerunt; quanto magis quod in apostolica sede stante præfule, qui, merito beati Petri apostoli, per uniuersum orbem primatum obtinens, statutis synodalibus consuevit tribuere potestatem.

Ex gestis etiam septimæ synodi legitur, quod Tarasius, ecclesiæ Constantinopolitanæ præful, integrum processum eiusdem synodi summo pontifici retulit, ut concilium sua auctoritate confirmaret, asserens se id agere, quod mos erat aliorum conciliorum.

Citemus cum his D. Hieronymum, qui aduersus Luciferianos inquit, Conatus est beatus Cyprianus contritos lacus fugere, nec de aliena aqua bibere: & iccirco hæretico-

» rum baptisma approbans , ad Stephanum
 » urbis Romæ episcopum , qui a Petro uige-
 » simus sextus fuit , super hoc Aphricanam sy-
 » nodum direxit: sed conatus eius frustra fuit,
 » non probante hoc ipsum apostolica sede .
 His igitur testimoniis satis constat, ad Rom.
 pontificem spectare acta sacrorum concilio-
 rum confirmare . Nec his obstat , quòd hu-
 mana non egeant confirmatione , quæ in-
 stinctu spiritus sancti gesta sunt ; sicut quæ
 superioris sunt , non egent inferioris confir-
 matione . conciliorum autem canones spiri-
 tus sancti instinctu conditos esse , docemur
 Act. x v . Visum est spiritui sancto , & no-
 bis , & c. Violatores . x x v . q. i. quoniam
 non omne quod spiritus sancti illustratione
 fit , omnes obligat ad sui obseruantiam : sed
 opus est , ut instituat , uel approbetur ab
 eo , qui habet auctoritatem . quemadmo-
 dum electiones spiritus sancti instinctu fa-
 ctæ censentur ; nec tamen ratæ habentur ,
 nisi à superiore comprobentur . Vel dica-
 tur , opus esse confirmatione , ut ab haben-
 te auctoritatem legis condendæ , exhibeatur
 testimonium per confirmationem , quòd
 instinctu spiritus sancti sint decreta , sicut de
 » euangelio dixit Augustinus, Non crederem
 » euangelio , nisi ecclesia attestaretur illud esse
 » euangelium .

DE POTESTATE

Ad Rom. pont. spectat, perperam celebrata concilia damnare. Cap. XXVIII.

Q VARTO ex Rom. pontificis suprema auctoritate, & ex his, quæ dicta sunt, subsequitur, quod quemadmodum ad Rom. pontificem pertinet, acta & decreta conciliorum confirmare: sic ad eundem pertinere debet, ea concilia, quæ in fidei perniciem, aut ecclesiæ perturbationem celebrata fuerint, infirmare, corrigere, reprobare, & cassare: quemadmodum Damasus damnauit, & irritum fecit Ariminens. concilium, & Leo primus Ephesinum secundum.

Idem confirmat quod legimus in actis octauæ synodi de Nicolao pont. his uerbis,
 » Tunc cognoscens quæ fecerat Photius contra Ignatium, & scrutans omnia, fecit synodum, & conuocauit omnes occidentales episcopos, archiepiscopos, Metropolitans, & omnem clerum sanctæ Rom. ecclesiæ, atque totum senatum principum Romanorum, & damnauerunt Photium, & concilium malignantium, quod factum est aduersus sanctum uirum Ignatium &c. De quo idem Nicolaus in epistola ad archiepiscopos Metropolitans, & episcopos Constantinopolitanæ sedis dixit, Necnon & patrum, &

» pra
 » qui
 » nec
 » col
 » sta
 » xit
 » pa
 » ze
 » tif
 » fu
 » ue
 » le
 » ce
 » tun
 » giu
 » lyne
 » com
 » Cor
 » fau
 » ran
 » cæ
 » gat
 » fals
 » tiu
 » nio
 » exe
 » mo
 » Ch
 » run

» prædecessorum nostrorum secuti uestigia,
 » qui soliti sunt etiam uniuersorum concilia
 » nequiter celebrata cassare pontificum. Ni-
 » colao uero uita functo, synodus Romæ coa-
 » cta ad Adrianum I. Nicolai successorem di-
 » xit, Quapropter oramus te, angelice Pa-
 » pa, ut eundem habens spiritum, eundemq;
 » zelum pietatis, quem & fratres tui feruen-
 » tissimi præsules, conciliabulum cum gestis
 » suis, quod Constantinopoli nuper contra
 » ueritatem sub tyrannice imperante Michae-
 » le congregatum est, ita sententiæ uestræ fal-
 » ce rescindatur, ut nullum de eo monimen-
 » tum, nullum de eo remaneat omnino uesti-
 » gium: sed ad sui damnationem Arimineñ.
 » synodo, & Ephesino latrocinio sit omnino
 » comparandum. Cui Adrianus respondit,
 » Conciliabulum uanitatis a Photio, & huius
 » fautore, Michaelis scilicet, tyrannice impe-
 » rante, Constantinopoli aduersus apostoli-
 » cæ sedis reuerentiam & priuilegium congre-
 » gatum, utpote ueritatis inimicum, & omni
 » falsitate repletum, quod & sibi consentien-
 » tium animas interficiens, Ephesino latroci-
 » nio comparandum esse statuimus: & ipsius
 » execranda gesta, quibuscunque habeantur
 » monumentis inserta, summi iudicis, Iesu
 » Christi, sanctorumq; principum apostolo-
 » rum, Petri & Pauli, & nostræ mediocrita-

» tis auctoritate penitus abolenda decerni-
 » mus, ita ut igni uoranda tradantur, &
 » anathemate perpetuo percellantur.

His etiam astipulatur Greg. qui (ut in re-
 gistro habetur) in epistola ad Eulogium &
 » Anastasium episcopos inquit, Ante hos
 » quidem annos octo, sanctæ memoriæ Pela-
 » gii, prædecessoris mei, tempore, frater &
 » coepiscopus noster, Ioannes, in Constanti-
 » nopolitana urbe, ex alia causa occasionem
 » quærens, synodum fecit, in qua se uniuersa
 » lem episcopum appellare conatus est: quod
 » mox ipse decessor meus ut agnouit, directis
 » epistolis, sancti Petri apostoli auctoritate,
 » eiusdem synodi acta cassauit. Quod ipse Pe-
 lagius attestatus est in epistola ad uniuersos
 episcopos per Dardaniam constitutos: quam
 supra citauimus, dum differuimus de supe-
 rioritate Roma. pontificis.

*Ad Rom. pontificem spectat ambiguitates decla-
 rare, quæ super conciliorum decretis oriren-
 tur. Cap. XXIX.*

VINTO ex huiusmodi Rom. pon-
 » tificis suprema auctoritate sequitur,
 » ad Rom. pontificis officium perti-
 » nere, declarare ambiguitates, quæ de conci-
 » liorum decretis orirentur. Ad superiorem
 » enim pertinet, dirimere controuersias, quæ

super gestis inferiorum oriuntur : quod de-
 clarauit Gregorius, & habetur in c. Nec li-
 » cuit x v i i. dist. his uerbis : Quoties aliqua
 » de uniuersali synodo aliquibus dubitatio na-
 » scitur; ad recipiendam de eo, quod non in-
 » telligunt, rationem, ad apostolicam sedem
 » pro recipienda ratione conueniant.
 » Idem comprobatur ex eo, quod habe-
 » tur in c. Sicut enim. §. Ex his. x i. q. i. cum
 » dicitur, Sicut enim solus ille habet ius in-
 » terpretandi canones, qui habet potestatem
 » condendi eos: ita ille solus ciuiliū legum
 » debet esse interpres, qui eis ius & auctorita-
 » tem impartitur. Et in. §. His omnibus.
 » x x v. q. i. habetur, Sancta Rom. ecclesia
 » ita canonibus auctoritatem præstat, ut seip-
 » sam non subiiciat eis: sed sicut Christus qui
 » legem dedit, ipsam legem carnaliter imple-
 » uit, octauo die circumcissus, quadagesimo
 » die in templo cum hostiis est præsentatus;
 » ut in seipso eam sanctificaret. postea uero,
 » ut se dominum legis ostenderet, contra le-
 » gis literam leprosum tangendo mundauit;
 » apostolos quoque contra literam sabbato
 » per fata prætergredientes, spicas uellentes,
 » & confricantes manibus suis, probabili ex-
 » emplo Dauid, & circumcisionis, & templi,
 » excusauit dicens: Non legistis quid fecerit
 » Abimelech, quando uenit ad eum Dauid.

» & dedit ei panes propositionis ; de quibus
 » non licebat edere , nisi solis sacerdotibus : &
 » comedit ipse , & pueri eius ? Fuerunt enim
 » legis interpretationes , quod declarat repeti-
 » tum uerbum contra literam : poterit itaque
 » & uicarius suus , cui plenam in terris dedit
 » potestatem , dubia legis , siue concilii , siue
 » prædecessorum suorum interpretari .

Prædicta comprobauit sanctus Tho. in
 » quæstionibus de potentia, quæstione x. ar.
 » iiii. cum dixit , quòd sicut posterior syno-
 » dus potestatem habet interpretandi symbo-
 » lum à priori synodo editum , aut aliqua ad-
 » dendi ad illius explanationem : ita Roma-
 » nus pontifex hoc sua auctoritate potest , &
 » à quo sententia synodi confirmatur , & à sy-
 » nodo appellatur . Quæ omnia patent ex ge-
 » stis Chalcedonen. synodi : nec est necessa-
 » rium , quòd ad eius explanationem facien-
 » dam uniuersale concilium congreget : cum
 » quandoque id fieri prohibeant bellorum
 » dissidia , sicut in sexta synodo legitur , quòd
 » Constantinus Aug. dixit , quòd propter im-
 » minentiabellam uniuersaliter episcopos con-
 » gregare non potuit : sed tantum illi , qui
 » conuenerant , quædam dubia in fide exor-
 » ta , sequentes sententiam Agathonis , deter-
 » minauerunt , scilicet quòd in Christo sint
 » duæ uoluntates , et duæ actiones . Similiter
 patres

- » patres in Chalcedonenſ. ſynodo congregati,
- » ſecuti ſunt ſententiam Leonis Papæ ; qui
- » determinauit Chriſtum eſſe in duabus natu-
- » ris poſt incarnationem. Hæc ſanctus Tho.

Romanus pontifex poteſt diſpenſare ſuper de-
cretis conciliorum . Cap. XXX .

EXT O, ex ſuprema Romani pon-
tificis auctoritate ſubſequitur , ad
Romanum pontificem pertinere
diſpenſationem ſuper decreta per ſacra con-
cilia : quod ex hoc etiam deducitur , quo-
niam in quacunque repub. ut recte guber-
netur , opus eſt auctoritate diſpenſandi in
legibus eius ; quæ cum inſtitutæ ſint ad re-
gulandum humanas actiones , quæ plures
recipiunt uarietates & uiciſſitudines , non
poſſunt in omni caſu obſeruari . Propter
quod Ariſtoteles VII. Ethic . dixit , in
principe uirtutem ἐπιμέλειαν requiri , quam
nos æquitatem & moderationem dicimus :
ut , ſi qua eueniunt , in quibus cognouerit
non expedire reipub. legem ſeruare ; rece-
dendo a uerbis legis , quod æquum & bo-
num fuerit , decernat : ne quod in uniuer-
ſum iuſtitia foret , fiat particulari caſu iniu-
ria ; propter quod dicitur eccleſiaſt. VII.
Noli eſſe iuſtus multum : neque plus ſapias
quàm neceſſe eſt . ne ſcilicet plerunque ſub
P

auctoritate iuris perniciose erremus. Cum
 itaque plura ad utilitatem et bonum reipub.
 quandoque uergerent in eius damnum, &
 perturbationem, tunc à legibus deflecten-
 2 dum est ad facilitatem, & æquitatem. Hinc
 Gelasius dixit, & habetur in c. Neccessaria.
 » I. q. v i i. Neccessaria rerum dispensatio-
 » ne constringimur, & apostolicæ sedis mo-
 » deramine conuenimur, sic canonum pater-
 » norum decreta librare, ut ea quæ præsen-
 » tium neccessitas temporum in restaurandis
 » ecclesiis relaxanda deponit, diligenti con-
 » sideratione, quantum potest fieri, tempe-
 » remus. Et Innoc. in eo, quod sequitur c.
 » inquit, Quod pro remedio arcta neccessita-
 » te temporis statutum est, constat primitus
 » non fuisse. Quod ergo neccessitas pro reme-
 » dio reperit; cessante utique neccessitate, de-
 » bet cessare pariter quod urgebat. Hinc e-
 » tiam Leo i i i. & habetur in c. Requiritis.
 » ead. cau. & q. dixit, se in patrum senten-
 » tias conuenire, nisi rigor disciplinæ quan-
 » doque relaxaretur ex dispensatione miseri-
 » cordiæ; subiiciens: Multorum enim cri-
 » mina sunt damnabilia; quæ tamen ecclesia
 » tolerat pro tempore, intuitu personæ pie-
 » tatis, aut utilitatis. Et in c. Sicut. x i i i.
 » dist. habetur, Sicut quædam sunt, quæ
 » nulla possunt ratione conuelli; ita multa

- » sunt, quæ aut pro necessitate temporum,
 » aut pro consideratione ætatum oporteat
 » temperare.

*Romanus pontifex potest conciliorum decreta abo-
 lere, & reuocare. Cap. XXXI.*

EPTIMO, ex suprema Romani
 pont. in ecclesia auctoritate subse-
 quitur, quod non solum potest
 interpretari canones, quod non est tollere
 obligationem canonis; sed declarare præ-
 cipientis intentionem: ne dum potest in sa-
 cris canonibus dispensare, quod est illos
 tollere in particulari casu; sed etiam reuoca-
 re, & irritos facere, quod est obligationem
 tollere quoad omnes, si ratio temporum
 suaderet, quod non expediret reipublicæ
 illos obseruare, ut habetur in c. Non de-
 ber. de consang. & affin. quemadmodum
 Ezechias confregit serpentem æneum; quæ
 dominus mandauerat exaltari in deserto, ut
 in eum aspicientes sanarentur à morsibus
 serpentum; cum filii Israel postea adole-
 rent incensum. II II. Reg. cap. XII. Cum
 enim eius sit destruere, amouere, &
 abrogare, cuius est condere l. i. C. de leg.
 & c. Cum uenissent. de in integ. restit. &
 ad Romanum pontificem spectet iura con-
 dere, & à conciliis editis constitutionibus

DE POTESTATE

- robur tribuere, sequitur ad eundem spectare, illa tollere & abrogare. Et, cum (teste Aristotele primo lib. de anima, & primo Ethicorum) certitudinis ueritas uarietur secundum rerum uarietatem; & omnis mensura regulatiue dicatur ad mensuratum; non opus est, nec fieri potest, ut omnis mensura aut regula sit æqualis certitudinis, aut firmitatis, nec omnes possunt esse infalibiles; sed quantum possibile est in suo genere. Et ideo cum in regulanda lege humana sint contingentia singularia, multipliciter uariabilia, non possunt leges humanæ habere illam immutabilitatem, quam habent principia prima in speculabilibus: immo propter huiusmodi rerum uariabilitatem, quibus oportet mensuras & regulas coaptari, ad salutem reipublicæ est necessarium ipsas mutabiles fore: cum lex, quæ tempore uno est iusta & utilis, alio tempore seruata esset iniusta & nocua. Ideo dixit sanctus Thomas secunda secundæ.
- q. LVII. quod rectum in rebus corporalibus non dicitur absolute, sed in ordine ad utilitatem communem; cui non semper proportionatur una & eadem res. et ideo talis rectitudo mutatur. Hinc dixit Aug. lib. primo de libero arbit. quod lex temporalis quamuis iusta sit, mutari tamen per tem-

pōra iuste potest.

Nec his obstat quod habetur in c. Sicut.

xv. distinct. ubi beatus Gregor. inquit:

- » Sicut sancti euangelii quatuor libros, sic
 » quatuor concilia suscipere & uenerari me
 » fateor. et deinde, Cunctas uero perso-
 » nas, quas prædicta ueneranda concilia re-
 » spiciunt, respuo: & quæ uenerantur, am-
 » plector: quia dum uniuersali consensu sunt
 » constituta, consensu se & non illa destruit,
 » quisquis præsumit absolvere quos ligant,
 » aut ligare quos absoluunt. quoniam non
 » sequitur, Roman. pontificem mutare, aut
 » abrogare non posse statuta uniuersalium
 » conciliorum: quia de his intelligenda sunt,
 » quæ sancita fuere ad declarationem articu-
 » lorum fidei. Similiter quod habetur in c.
 » Sancta octo uniuersalia concilia. xvi. di-
 » stinct. ubi enumeratis octo uniuersalibus
 » conciliis, subsequitur in professione Rom.
 » pontificis, quod promittit illa usque ad u-
 » num apicem inuiolata seruare, & pari ho-
 » nore & ueneratione habere: & quæ statue-
 » runt & prædicauerunt, modis omnibus se-
 » qui: & quæcunque damnauerunt, ore &
 » corde damnare; intelligendum est de his,
 » quæ pertinent ad articulos fidei, ad genera-
 » lem statum uniuersalis ecclesiæ, & ad ea quæ
 » ad æternam salutem sunt necessaria. Et hoc

P iii

modo interpretandum, quod habetur in §.
 Hoc autem. dist. x i x. secundum Archid.
 in eum locum; qui dixit, Aliter non ap-
 probo quod dicit magister hic. Propterea
 sanctus Tho. in tract. contra impugn. re-
 ligio. c. respondens ad illud Zozimi Papæ,
 quod habetur x x v. q. i. Contra statuta
 patrum condere aliquid, uel immutare, nec
 huius quidem sedis potest auctoritas; dicit,
 » id uerum in his, quæ statuta patrum decla-
 » rarunt esse de iure diuino, sicut fidei articu-
 » li, qui determinati sunt per concilia: sed il-
 » la quæ sancti patres determinarunt esse de
 » iure positiuo, relicta sunt sub dispositione
 » Papæ, ut possit illa commutare, uel in eis
 » dispensare secundum opportunitatem tem-
 » porum, uel negotiorum. Sancti enim pa-
 » tres in conciliis congregati, non potuissent
 » aliquid statuere, nisi auctoritate summi
 » pontificis interueniente: sine qua etiam
 » congregari non potest. Nec tamen Papa
 » quando aliquid facit aliter, quàm statutum
 » est; facit contra statuta: quia seruatur inten-
 » tio statuentium, quæ est utilitas ecclesiæ;
 » sicut & in omni iure positiuo accidit. De-
 » rogatur enim prioribus statutis per statuta
 » sequentia. Hæc sanctus Thomas. Qua-
 » propter licet uiolatores canonum reprehen-
 » dendi sint, & damnandi c. Violatores. xxv.

q. 1. Romanus tamen pontifex ; si illa utilitate uel necessitate urgente reuocauerit ; nec uiolator dici poterit : quandoquidem omnis absit uis , si adsit reuocationis causa . Quomodo etiam intelligendum est , quod dixit Leo primus in epistola ad Martianum imperatorem , de Nicenis canonibus , quod ii nulla possunt probabilitate conuelli , nulla nouitate uiolari ; subiiciens , In quo opere , auxiliante Christo , fideliter exequendo , necesse est me perseverantem exhibere famulatum : quoniam dispensatio mihi credita est ; & ad meum tendit reatum , si paternarum regulæ sanctionum , quæ spiritu dei inspirante sunt conditæ , me (quod absit) conueniente uiolentur .

- s Nec etiam præmissis obstat quod habetur in c. In istis 1111. dist. ex August. lib. de uera relig. cum dixit : In istis temporalibus legibus , quanquam de eis iudicent homines , cum eas constituunt : tamen , cum fuerint institutæ , non licebit iudici de ipsis iudicare , sed secundum ipsas . quoniam non id de legum conditoribus , nec de eorum maioribus intelligitur , sed de inferioribus , qui parere tenentur , nec legi aduersari possunt : at legum auctores , & eorum maiores , si quod prius utile fuit , deinceps uer-

P iiii

DE POTESTATE

gat in detrimentum & incommodum rei-
publicæ, reuocare possunt etiam multa ra-
tione sancitam legem: cum eius sit destrue-
re, amouere, & derogare, cuius est con-
dere. l. i. C. de leg. et c. Cum uenisset.
de in integ. restit.

DE OFFICIO PRINCIPIS
CHRISTIANI IN
ECCLESIA.



X quatuordecim conditio-
nibus boni principis, quas
posuit Augustinus libro v.
de ciuit. dei. cap. xiiii.
colligi potest, quod sit prin-
cipis officium, cum inquit:

Reges felices dicimus, si iuste imperat, si in-
ter linguas sublimiter honorantium & obse-
quio nimis humiliter salutantium non extol-
luntur: si se homines esse meminerint, si sua
potestate ad dei cultum maxime deputanda
maiestati eius famulatum faciant, si deum ti-
meant, diligant, & colant: si plus amant id re-
gnum, ubi non timent habere consortes: si
tardius uindictam, facile ignoscant. Si uindi-
ctam pro necessitate regendaq; tuendaq;
reipublicae, non pro saturandis inimicitia-
rum odiis exercuerint: si ueniam non ad im-
punitatem iniquitatis, sed ad spem correctio-
nis indulgent: si quod aperte coguntur ple-
runque decernere, misericordiae lenitate be-
neficiorumq; largitate compensant: si lu-
xuria in eis est tanto castigatior quanto pos-

DE OFFICIO PRINC. CHRIST.

fit esse liberior : si malunt cupiditatibus prauis quàm quibushbet gentibus imperare : si hæc omnia faciant non propter ardorem inanis gloriæ , sed propter claritatem felicitatis æternæ : si pro suis peccatis humilitatis & miserationis sacrificium deo uero immolare non negligant .

Secundo, officium principis est ut sit cultor iustitiæ : propter quod per Moysen Deuter. xvii. monuit deus reges quòd postquam federit rex in folio regni sui, describet sibi Deuteronomium legis huius in uolumine accipiens exemplar à sacerdotibus Leuiticæ tribus, & habebit secum, legetq; illud omnibus diebus uitæ suæ, ut discat timore dominum deum suum, & custodire uerba & ceremonias eius, quæ in lege præcepta sunt, nec eleuetur cor eius in superbiam super fratres suos, neque declinet in partem dexteram uel sinistram : ut longo tempore regnet ipse & filii eius.

Hinc psalter cecinit psal. i. Et nunc reges intelligite, erudimini qui iudicatis terram : seruite domino in timore, & exultate ei cum tremore. apprehendite disciplinam, nequando irascatur dominus; & pereatis de uia iusta. quod exposuit Augustinus in epistola ad Bonifacium comitem cum dixit. Quomodo seruiunt domino cum timore,

nisi ea quæ contra domini iussa fuerint, religiosa seueritate prohibendo atque plectendo? aliter enim seruit, quia homo est, aliter etiam quia rex est. quia homo est, seruit uiuendo fideliter, quia rex est seruit leges iusta præcipientes, & contraria prohibentes conuenienti rigore sanciendo. & habetur in c. si ecclesia x x i i i. q. i i i i.

Hinc Esaias cap. x x x i i. uaticinatus est. Ecce in iustitia regnabit rex, & principes in iudicio præerunt.

Hinc Salomon in principio regni sui postulauit a domino sapientiam ad regni directionem, & subditorum utilitatem. ut habetur i i i. regum. subiiciens Moyses: Nec eleuetur cor eius in superfluum super fratres suos, neque declinet in partem dexteram, neque in sinistram.

Hinc sapientiæ vi. habetur: Ad uos reges sunt hi sermones mei, ut discatis sapientiam, & non excidatis: quia qui custodierint iustitiam iuste iudicabunt, & qui didicerint iusta, inuenient quæ respondeant.

Hinc comminatur Salomon, siue quisquis fuerit libri Sapientiæ auctor, eo cap. regibus non custodientibus iustitiam: Audite ergo reges & intelligite, discite iudices finium terræ, præbete aures uos qui continetis multitudines, & placetis uobis in turbis

DE OFFICIO PRINC. CHRIST.

nationum, quoniam data est a domino potestas uobis, & uirtus ab altissimo, qui interrogabit opera uestra, & cogitationes scrutabitur, quoniam cum essetis ministri regni illius, non recte iudicastis, nec custodistis legem iustitiæ, neque secundum uoluntatem dei ambulastis; horrende, & cito apparebit uobis: quoniam iudicium durissimum in his qui præsumunt fieri. exiguo enim conceditur misericordia, potentes autem potenter tormenta sustinebunt. Et de his regibus habetur Osee cap. v 111. Ipsi regnauerunt, & non ex me: principes extiterunt, & non cognoui.

Hinc dixit Hieronymus in librum Numer. & habetur in c. Si ergo. xviii. q. i. Gubernatio populi illi tradatur, quem deus elegit, homini scilicet qui habeat (sicut scriptum audisti) spiritum dei in semetipso, & præcepta dei in conspectu eius sint, & qui Moyse ualde notus & familiaris sit, id est, in quo sit claritas eius legis & scientia, ut possint eum audire filii israel.

Tertio, sicut deus, qui est rex regum, & dominus dominantium, cuius uirtute principes imperant; non regit & gubernat nos propter seipsum, sed propter nostram salutem: sic ad officium principis spectat, bonum subditorum principaliter intendere. qui enim pro-

priam utilitati populi præferunt, non boni principes, sed tyranni habentur: cum regnum imperium sit suapte natura paternum, & patris societas ad filios, cui noti sunt curæ regni præseferat effigiem. Propterea Homerus Iouem patrem appellat, ut dixit Arist. v i i i. ethi. Sed quid ethnicorum utor testimonio? cum Christus saluator & deus noster in dominica oratione docuerit nos deum appellare patrem. Assimilari etiam debet princeps pastori, ut quemadmodum pastor ouium, sic ipse debet subditorum habere curam, ut bene sese habeant, ut bene operentur. Propter quod & Homerus pastorem nuncupauit Agamemnonem. & sanctus Thomas de regi. princip. c. i x. illud Zachar. x i i. quod in illa die beatitudinis, qua erit dominus protector habitantibus in Hierusalem; exponit, id est in iussione pacis æternæ aliorum domus erunt, sicut domus David. s. omnes reges erunt, & regnabunt cum Christo, sicut membra cum capite. Sed domus David erit sicut domus dei, quia sicut regendo dei officium gessit in populo, ita in præmio deo propinquus erit & adhærebit. Hinc illud apostoli ad eph. v. Estote imitatores dei; præ aliis spectat ad principes. Et amplitudo regis maiestatis in eo præcipue conspicitur, quod dei simili-

DE OFFICIO PRINC. CHRIST.

tudinem gerit, cum agit in regno, quod deus in mundo. Vnde Exo. XXII. Iudices multitudinis dñi nuncupantur.

Quarto, principes seculi & si uicarii sint dei in terris, teste apostolo ad Rom. XIII. sunt tamen cōstituti uicarii in his quæ ad humanam spectant societatem. sacerdotes uero & pontifices in his quæ ad diuinum cultum. Proinde ad officium principum seculi pertinet sacerdotes dei et pontifices uenerari, ac agnoscere se illis debere reuerentiam et obedientiam in his quæ ad cultum dei et ad salutem animæ pertinent, ut qui minus digno muneri præsumunt. Nec ad se pertinere putent etiam quæ ad religionem spectant: quod Augustinus lib. III. contra Cresconium grammaticum dixerit, reges deo seruire, si in regno suo bona iubeant, & mala prohibeant non solum quæ ad communem societatem, uerum etiã quæ pertinent ad religionem. Quoniam id ad principem seculi pertinet minus principaliter, in quantũ scilicet politiæ deseruit & populi concordia. Ad sacerdotes uero præcipue pertinet, quia homines ad æternam salutem dirigunt, uel minus principaliter, idest in subsidium. quoniam princeps tenetur curam gerere ecclesiarum, & eorum ministros ab iniuria tutari & defendere. cum ad hoc sint instituti, ut ecclesiasticã disciplinam de-

fendant . ut scilicet quos sacerdotalis sermo non corrigit, coherceat secularis potestas : ut habetur in . c. principes. XXIII. q. v. Res enim aliter tutæ esse non possunt, nisi quæ ad diuinam confessionem pertinent & regia & sacerdotalis defendat auctoritas , ut habetur in . c. aut. ea. ca. & q.

Hinc est quòd episcopus licite impetrat suæ ecclesiæ auxiliū principis seculi non tam causa ulciscendi, quàm tuendæ ecclesiæ suæ. c. Maximilianus. XXIII. q. III. exemplo Gregorii et Leonis pontificum : de quibus in c. si uobis §. licet ergo. XXIII. q. ult.

Hinc pertinet ad reges seculi christianos , ut temporibus suis pacatam uelint matrem suam ecclesiam, unde spiritualiter nati sunt : ex sententia Augustini super Io . subiicientis : Nabuchodonosor rex decreuit dicens , Quicumque dixerit blasphemiam in deum Sydrach Misach & Abdenago , in interitu erunt , & domus eorum in dispersione. Ecce quomodo rex alienigena sæuit , ne blasphemetur deus Israel , qui potuit tres pueros liberare . Sæuiant reges Christiani, quia Christus exufflatur , à quo non tres pueri , sed totus orbis terrarum cum ipsis regibus a geennarum ignibus liberantur . & habetur in c. quando XXIII. q. III.

Hinc in quinto Carthaginiē . concilio

DE OFFICIO PRINC. CHRIST.

decernitur, ab imperatoribus iustum auxilium postulandum propter afflictionem pauperum, quorum molestiis sine intermissione fatigatur ecclesia, ut defensores eius aduersus potestates diuitum cum episcoporum prouisione deligantur: & habetur in c. ab imperatoribus ea. ca. & q.

Hinc Pelagius ad Narsetem patritium scripsit: De Liguribus, Veneticis, & Histris episcopis quid dicam? quos idonea est excellentia uestra, & ratione et potestate reprimere: et eos dimittere in contemptum apostolicarum sedium de sua rusticitate gloriari. et habetur in c. de Liguribus xxi. q. v.

Quinto, ad officium principis seculi spectat abstinere a iudicio in sacerdotes: et non nisi in subsidium se immiscere ecclesiasticis tractatibus, exemplo magni Constantini; de quo legitur in c. i. libro ii. ecclesiasticæ historiæ, et in c. futuram xii. q. ii. quod oblatos sibi in Nicena synodo accusationis episcoporum libellos (renuens in eos iudicium sumere) igni tradidit. nec uerum ea ratione igni dedisse, ne ea disceptatio impedimento foret rebus de fide pertractandis, ut quidam somniant. Quoniam ipse facti sui rationem quam diximus, reddidit, cum subiecit, Ite, et inter uos disponite: quia dignum non est, ut nos iudicemus deos.

Extat

Extat & exemplum Theodosii iunioris, qui in prima Ephesiñ. synodo dixit: Illicitum nanque est eum qui non est in ordine sanctissimorum episcoporum, ecclesiasticis se immiscere tractatibus. & habetur in c. Nos ad fidem. xcvi. dist.

Martianus etiam imperator in Chalcedonen. concilio testatus est, se ad confirmandam fidem, non ad ostendendum potentiam synodum intrasse. & habetur eo. c. Nos ad fidem.

Quod confirmatur Ambrosii auctoritate, epistola lxxv. ad Valentinianum, contra Auxentium, cum dixit: Si scripturarum seriem diuinarum, uel ueterum tempora retractamus, quis est qui abnuat in causa fidei episcopos solere de Christianis imperatoribus, non imperatores de episcopis iudicare? Et ex eo, quod scripsit ad eundem Valentinianum, registratum in c. Conuenior xxiiii. q. viii. cum dixit: Noli te grauari, imperator, ut putes te in ea quæ diuina sunt, imperiale aliquod ius habere: noli te extollere, sed si uis diutius imperare, esto deo subiectus. Scriptum est enim: Quæ dei deo, quæ Cæsaris Cæsari. Ad imperatorem palatia pertinent, ad sacerdotes ecclesiæ. publicorum tibi moenium ius commissum est, non sacrorum.

Q

DE OFFICIO PRINC. CHRIST.

Hinc Theodoricus rex in synodo Romæ habita contra Symachum ingenue professus est, nihil ad se præter reuerentiam de ecclesiasticis negociis pertinere. & habetur in c. Concilia §. hinc etiam. xvi. dist.

Hinc Constantinus IIII. sextæ synodo subscripsit, Legimus & consentimus; non autem, Decernimus & statuimus. licet aliqui arbitrati fuerint, Constantinum in ea synodo proponendo, rogando, monendo, & decernendo, præfidentis officium usurpasse.

Hinc Basilius imperator in sermone ad sanctam octauam synodum dixit: De nobis autem laicis, tam qui in dignitatibus, quàm qui absolute conuersamini, quid amplius dicam non habeo, quàm quia nobis nullo modo licet de ecclesiasticis causis sermonem mouere, neque resistere integritati ecclesiæ, & uniuersali synodo. hæc enim inuestigare, patriarcharum, pontificum, & sacerdotum est: qui regiminis officium sortiti sunt, qui sanctificandi, qui soluendi atque ligandi potestatem habent: qui coelestes adepti sunt clauis: non nostrum, qui pasci debemus, qui sanctificari, qui ligari, uel à ligamento solui egemus.

Hinc ex Felicis Papæ sententia habemus in c. Certum. x. dist. Certum est rebus

maestris esse salutare, ut cum de causis dei agitur, iuxta ipsius constitutionem regiam uoluntatem sacerdotibus Christi studeatis subdere, non præferre, & sacrosancta per earum præsules potius discere, quàm docere: ecclesiasticam formam sequi, non huic humanitus obsequendi iura præfigere, neque in eius sanctionibus uelle dominari, cuius deus uoluit clementia sua piæ deuotionis colla submitti: ne dum mensura cœlestis dispensationis exceditur, eatur in contumeliam disponentis.

Hinc Valentinianus imperator, ut refert Sedulius in libello de rectoribus Christianis; dum a sanctis episcopis rogaretur, quatenus dignaretur ad emendationem sacri dogmatis interesse synodo, dixit: Mihi, cum minimus sim de populo, fas non est talia perscrutari; uerum sacerdotes, quorum hæc cura est, apud semetipsos congregentur, ubi uoluerint.

Hinc à Ioan. eius nominis octauo, decretum fuit: Si imperator catholicus est (quod salua pace dicimus) filius est, non præsul ecclesiæ: quoad religionem discere ei comperit, non docere: habet priuilegia suæ potestatis, quæ administrandis legibus publicis diuinitus consecutus est, & cuius beneficiis non ingratus contra dispositionem cœlestis

Q ii

DE OFFICIO PRINC. CHRIST.

ordinis nil usurpet. ad sacerdotes enim deus uoluit, quæ ecclesiæ disponenda sunt, pertinere, non ad seculi potestates. et habetur in c. Si imperator. xcvi. dist. Et Nicolaus primus ad Michaelē imperatorem rescripsit: Imperium uestrum suis reipub. quotidianis administrationibus debet esse contentum, non usurpare quæ sacerdotibus domini solum conueniunt. et habetur in c. Imperium. x dist. & in c. Denique. xcvi. distinct. dixit: Denique his, quibus tantum humanis rebus non diuinis præesse permissum est, quomodo de his, per quæ diuina ministrantur, iudicare præsumunt, penitus ignoramus. imo grauius deliquit iurisdictionem domini usurpando, & ei uidetur iniuriam facere. ii. q. i. c. Deus omnipotens. et cauere debet, ne à domino flagelletur, sicut rex Ozias. qui lepra percussus est, quòd officium sacerdotis usurpauerit: Paralip. xxvi. et habetur ii. q. vii. §. Notandum. Priuilegium enim ordinis clericalis est, quòd non possit coram iudice seculari conueniri. c. Inolita. c. Placuit. xi. q. i. et priuilegium fori clericorum est de iure diuino. glo. not. in c. Si imperator. xcvi. distin. Cardinalis in repet. c. Perpendimus de sentent. excommun. propter quod Rot. decis.

Sexto

CCLXXX. in antiquis dixit, quod ex nulla consuetudine quanquam uetustissima potuit rex Angliæ acquirere iurisdictionem in clericos. de quo uidetur text. in c. 1. & 11. XI. q. 1. & in c. Clerici. de iudic.

Sexto, officium principis indicauit nobis Hieremias c. XXXII. cum dixit: Audite uerbum domini, qui sedetis super folium Dauid, tu, & serui tui, & populus tuus. Hæc dicit dominus: Facite iudicium et iustitiam, & liberate oppressum de manu calumniatoris, & aduenam & pupillum & uiduam nolite contristare. et habetur in c. Regum. XXIII. q. v. Et sapientiæ VI. comminatur dominus horrendum iudicium regibus, quoniam non fecerunt iudicium secundum iustitiam legis.

Hinc statuit Ioan. VIII. in c. Administratores ead. cau. & q. Administratores plane secularium dignitatum, qui ad ecclesiarum tuitionem, pupillorum ac uiduarum protectionem, rapaciumq; refrenationem constituti esse proculdubio debent, quoties ab episcopis & ecclesiasticis uiris conuenti fuerint, eorum querimonias attentius audiant, & secundum quod necessitas exspectierit, absque negligentia examinent, & diligenti studio corrigant. quod si dei timorem præ oculis non habentes, negligere

Q. iiii

DE OFFICIO PRINC. CHRIST.

post secundam & tertiam admonitionem inuenti fuerint, omni se nouerint communionē usque ad condignam satisfactionem priuatos.

Hinc Cyprianus, libro de nouo genere abusionis. & habetur in c. Rex. ead. cau. & quæst. inquit: Rex debet furta cohibere, punire impios, perdere parricidas, & periuros non sinere uiuere, filios suos non sinere impie agere.

Hinc Hieronymus ad Macedonium non exhorruit scribere: Non frustra sunt instituta potestas regis, & cognitoris ius, ungulæ carnificis, militis disciplina, dominantis feueritas etiam boni patris. habent omnia ista modos suos, causas, rationes, utilitates. hæc cum timentur; & mali coercentur, & boni quiete inter malos uiuunt. et habetur in c. Non frustra x x i i i. q. v. 4

Septimo, ad officium principis spectat & pertinet, illatas sacerdotibus iniurias, uelut crimen publicum, persequi, & de reis ultionem suscipere: ut rescripsere Arcadius et Honorius imperatores in l. Si quis in hoc genus. C. de episc. et cler.

Octauo, ad officium principis pertinet, nec agere, nec permittere episcopos, aut sacerdotes coram se ad iudicium trahi, siue ciuilis sit causa, siue criminalis. Veritum enim fuit

a sacris canonibus in c. Christianis, et in c. Silvester. XI. q. I. ubi Gelasius inquit, contra diuinas et publicas leges fore, clericis forum suum auferri. Vetitum à legibus imperatorum. l. statuimus. C. de episc. & cler. et Marcellus Papa in c. Nullus. ead. ca. & q. decreuit quòd magistratus, qui hoc iubere ausus fuerit, amissione rerum & cinguli condemnatione plectatur.

Nono, Similiter officii principis est, nec etiam laicos cogere, aut permittere in spiritualibus causis coram se litigare, siue ciuiles sint, siue criminales. ciuiles, ut cum agitur de decimis, de primitiis, de oblationibus, de ordinibus, de matrimoniis, de censuris ecclesiasticis, de electionibus; & similibus: de quibus in Clement. Dispendiosam. & per illius interpretes, de iudic. criminales, quales sunt de sacrilegio, usura, periurio, hæresi, & adulterio, si ad tori separationem agatur: ut habetur VI. q. II. c. I. & XII. q. II. c. Nulli liceat. & aliæ plures causæ etiam iuris patronatus ratione connexitatis ad spiritualia inter spirituales computantur: ut statuitur in c. Quanto. de iudic.

Decimo, Ad principis officium spectat, non grauari nouis tributis ecclesiarum prædia; iuxta sanctionem Ludouici imperatoris,

Q iiii

DE OFFICIO PRINC. CHRIST.

de qua in concilio Parisien. & in c. Secundum canonicam XXIII. q. VIII. his uerbis: Secundum canonicam auctoritatem, & constitutionem domini Imperatoris Ludouici, de ecclesiastico agro, & manso, & de mancipiis, quæ ipse suis capitulis constituit, uel si quilibet pro loco sepultura aliquid largitus ecclesiæ fuerit. De decimis etiam, & oblationibus fidelium nullus quenquam presbyterorum aliquem censum persolvere cogat. imposita tamen bonis immobilibus, antequam emptionis, donationis, aut alio quouis titulo ad ecclesias peruenerint, cum ad ecclesias cum onere suo transferint, ecclesia persolvere tenetur. et de illis interpretandum c. Tributum. & c. Sancitum XXIII. q. VIII. & c. Tributum XI. q. I. quod fuit Ambrosii.

Vndecimo, Licet princeps solutus sit legibus l. Princeps. ff. de legi. tamen ad eius officium pertinet, se legibus obnoxium profiteri. l. Digna uox. C. de legi. cum re uera maius imperio sit, submittere legibus principatum.

Duodecimo, Boni principis est, ac religiosi, ecclesias contritas atque concisas restaurare, nouasq; ædificare, & dei sacerdotes honorare ac tueri. Vnde sanctos apostolos, eorumq; successores, sub diuina contestatio-

ne constitutos, præcepisse legimus, non debere fieri persecutiones, nec inferri fluctuationes, nec inuidere laborantibus in agro dominico, nec expelli æterni regis dispensatores: ut rescripsit Marcellus Papa ad Maxentium episcopum. & habetur in c. fi. xcv. dist.

Decimotertio, Officium principis est, provide-
re, ne hi qui lites coram iudice habent, siue
ciuiles, siue criminales sint, ad arma deue-
niant, ut statuitur in l. æquissimum. §. ubi
decretum ff. de usuf. & not. doct. cano. in
c. in præsentia in fi. de proba. & per Bar. in
l. nequicquam §. ubi decretum. ff. de offic.
procon.

Quartodecimo, Ad officium principis spectat, si
lis & controuersia antiqua fuerit, & difficilis
discussionis, partes ad concordiam cogere,
ut not. doct. in. c. i. de mut. peti. per c. pla-
cuit. & glo. eius x c. di. & potissimum in cri-
minali causa: ut not. Abb. in rubrica de
treug. & pace. & Bar. in l. congruit. §. fi. ff.
de offic. præsid. antequam tamen scandala
eueniant, aut delictum: ut est tex. in l. De-
nuntiamus. C. de his qui ad eccl. confug. &
in l. illicitas. §. ne potentiores. & ibi Bart. ff.
de offi. præsi. & Bal. in l. æquissimum. ff.
de usuf. per l. Si quis ingenuam. §. ciuilibus
ff. de capt. licet aliàs in causa ciuili concordia

DE OFFICIO PRINC. CHRIST.

suaderi possit, non imperari, secundum
Bal. in l. ex stipulatione. C. de senten.

Decimoquinto, Cum imperialibus & Rom. pon-
tificum legibus sancitum sit, ut confugien-
tes ad ecclesias tuti sint, nec inde ui extrahi
possint l. fidei & l. præsenti C. de his qui ad
eccl. confug. c. reum & c. si quis contumax
XVI. q. I. c. inter alia & c. si. de immu.
eccl. nisi in casibus in dictis iuribus exce-
ptis; ad officium principis spectat, non per-
mittere huiusmodi immunitatem uiolari,
quæ data est nedum ecclesiis, sed etiam ea-
rum atriis c. quicquid. c. diffinitiva & c. id
constituimus ea. ca. & q.

Decimosexto, Ad officium principis spectat, in
capitulis conciliatæ pacis cum hostibus ab
omni dolo & fraude cauere. quoniam non
est pax, ubi latent insidiæ, secundum Bald.
in c. i. in princip. de pace iur. fir. ex senten-
tia Aug. & ideo dixit sanctus Tho. in Mat.
cap. x. & in euangelium Io. cap. XIIII.
quod pax, quæ est causa peccati, simulata
et imperfecta pax est: imo nequaquam pax.
& Bal. in consilio CCC. LXXI. cuius initium
est, Visis, in III. uolu. inquit, quod pax
nec bona, nec pax censenda, ex qua iniusti-
tia subsequitur, aut magnum detrimentum.
Decimosextimo, Similiter ad principis officium
spectat, quod eius scripturæ, quæcunque

sint, omni prorsus dolo careant, ut recte not. glo. in l. probatorias. C. de diuer. re-
scriptis lib. xii. hinc dixit Ambro. lib. iiii.
de officiis: Nec enim est regula iustitiæ, a
qua non decet principem declinare, ut non
afficiat quem damno iniusto, nec doli ali-
quid annectere, fraudisq; componere. quia
debet principem omnem fallentiæ materiam
remouere. l. quoties C. de pond. & au. illa.

Decimooctauo, Ad officium principis spectat,
adhærentes suos securos reddere, cum pa-
cem facit cum hostibus. c. ad apostolicæ. de
re iudi. libro vi. & not. Ange. consilio
ccccxxxix. cuius initium est, Inter ca-
pitula pacis.

Decimonono, Ad officium principis spectat, co-
gere ciuitates, & alios principes inferiores,
ad seruandam pacem inter se contractam. c.
nouit. de iudi. ubi But. & alii notant, pacta
etiam hostibus seruanda, & eo magis cum
ciuitatibus subditis inita. Bal. in l. fi. C. de
transact. & debet princeps diligere pacem,
& omnia dirigere ad summæ prouidentiam
trinitatis. l. i. in princip. C. de uet. iure
enuclear.

Vigesimo, Ad principis officium spectat, ciuita-
tes sub eius dominio, aut protectione susce-
ptas etiam armis defendere. l. i. C. de dome-
sti. & protect. Ray. & alii in l. non omnes

DE OFFICIO PRINC. CHRIST.

ff. de re milita.

Vigesimalmo primo, Ad officium principis spectat, pacta etiam nulla stipulatione uestita seruare. l. i. C. de donat. inter uir. & uxor. quia principis praesentia omnem supplet solennitatem. l. omnium. C. de testa. nam si pactum nudum si in iudicio fiat, effectum habet agendi, secundum glo. in auten. generaliter. C. de epis. & cleri. quanto magis si coram principe, aut a principe?

Vigesimalmo secundo, Ad officium principis spectat, conferre dignitates, propter labores & merita uirtutum, non ambiosis aut adulatoribus l. & uirtutum praemia. C. de statu. & imag. l. contra publicam. in fi. C. de re mili.

Vigesimalmo tertio, Ad officium principis spectat, noua uectigalia aut tributa non nisi ex causa imponere: alias deum offendit, & peccat. Inno. in c. innouamus. de censu. Imminens autem bellum licitum, si princeps aliunde non habet, quo bellum sustinere possit, una est ex causis imponendi noua uectigalia. Bartol. in l. neminem. C. de sacrosan. eccle. Bald. in c. conquerente. de offi. ordi. & archi. in c. quia. x. q. iiii.

Vigesimalmo quarto, Ad officium principis spectat, inferre aut propulsare bellum cum modamine inculpatae tutelae, secundum Bald. & Inno. in c. sicut. de iur. iura. per tex. in cap.

olim. de resti. spolia.

Vigesimoquinto, Quoniam cassa & irrita sunt quæcunque statuta & consuetudines contra libertatem ecclesiæ, eiusq; personas, auten. cassa. C. de sacrosan. eccle. ad officium principis spectat, ea nec obseruare, nec a suis magistratibus, & ius dicentibus obseruari permittere, quin potius declarare illa fore irrita & inania. & propterea, si ex statuto, uel consuetudine minor poena imponatur interficienti clericum aut sacerdotem, quàm interficienti laicum, abrogandum est huiusmodi statutum, & tollenda consuetudo: quòd his pauentes & timidiores reddantur clerici.

Vigesimo sexto, Similiter abrogare debet legem, statutum, aut consuetudinem, non solum cum principaliter disponunt, sed etiam si subtrahantur commodum, quod prius dederant, glo. in c. de puellis, in uerbo nullatenus xxxvi. q. ii. Federi. consilio xxxvi. cuius initium, Casus talis est, Maritus uxori. Abb. & alii in c. cum M. de consti.

Vigesimo septimo, Eodem modo abroganda statuta, & decreta nulli licere apprehendere possessionem ecclesiæ sibi collatæ sine eius permisso aut licentia, quin potius declarare illa nulla fore, ut sunt, nec obseruanda. quoniam priuant clericos priuilegio, per quod

DE OFFICIO PRINC. CHRIST.

sola ecclesia ecclesiastica administrat. c. si im-
perator. x c v i. di. c. si. de reb. eccl. non alie.
& priuilegio dato clericis, quod in suis actis
minime teneantur uti secularibus legibus. c.
i i. de iudi. quinimo statuentes sunt ipso iu-
re extra ecclesiam, & ut impii censentur. per
c. nouerint. & c. graue. de sent. excom. nec
eos excuset timor scandali, propter quod ali-
ter sensit Angel. consilio x x i i i. cuius ini-
tium, Sola persona. quoniam in statuenti-
bus non sufficit, quod rationabilis & æqua
causa eos moueat, sed auctoritas & ius sta-
tuendi exquiritur, secundum Io. an. in c. sta-
tutum. de hære. lib. v i.

Vigesimo octauo, Eadem ratione ad principis of-
ficiū pertinet, statuta reuocare poenam im-
ponentia clericorum consanguineis, ut cleri-
ci statuto coerceantur, cum nullam habeant
firmitatem: ut differuit Bar. in l. i. in fin. ff.
de his qui poenæ nomi. per illum tex. et in l.
is pene. C. de agrico. et censi. lib. x i i. cum
ex illo tex. colligit, non ualere statutum gra-
uans colonos clericorum pro actis a clericis:
quod prorsus iniquum est, et iniustum.

Vigesimo nono, Idem iudicium est de legibus aut
statutis prohibentibus matrimonium his,
quibus ecclesiæ decreta permittunt: qualia
sunt matrimonia inter tutorem et pupillam,
inter rectorem prouinciæ et prouinciales. ut

not. Abb. in c. cum M. de consti. et Fede. de
Seni. consil. x x x v i.

Trigesimo, Idem de legibus exigentibus instru-
menta dotalia, ut suscepta proles legitima
censeatur. quod sancitum fuit l. i i i. C. de
natu. libe. nec enim seruandæ sunt, ut not.
doct. in c. i. de sponsa. et in c. tanta. qui filii
sint legi. His similia sunt statuta prohiben-
tia matrimonium cum alienigenis: aut impo-
nentia poenam amissionis dotis mulieri nu-
benti uiro indigno, et disparis conditionis;
et de aliis similibus enumeratis per Felin. in
d. c. cum M. de his enim officium principis
est, ea pro nullis et irritis habere, nec per-
mittere secundum ea iudicium fieri.

Trigesimoprimo, Ex præmissorum ratione, et ne
offendatur libertas ecclesiastica, et ne princi-
pes rebus ecclesiæ sese immisceant; subse-
quitur, officium principis, magistratum,
et officialium suorum fore, non ius dicere,
nec forum habere in ecclesiis: ut statuitur c.
cum ecclesia. et c. decet §. cessit. de immu.
eccle. lib. v i. non hospitium sibi in ædibus
episcoporum, aut ecclesiarum uendicare. c.
i. de immu. eccle. et l. i. C. de epis. et cleri.
Non clericos ad sumendas tutelas laicorum
compellere c. generaliter. x v i. q. i. non ui
aut metu absolutionem a censuris aut inter-
dicti ecclesiastici a iudicibus extorquere, c. i.

DE OFFICIO PRINC. CHRIST.

quod met. cau. lib. v i. non bona ecclesia-
rum inuadere c. qui Christi. c. nulli liceat. c.
quicumque x i i. q. i i. et c. conquestus. de
foro compet. nec episcoporum, aut clerico-
rum bona c. similiter et c. qui iuxta x v i.
q. i i i i. non donationes ecclesiis factas reuo-
care c. Sunt qui opes. et c. sacrilegium xvi.
q. i i i i. non priuilegia ecclesiarum, aut cle-
ricorum auferre c. omnes. x x i i. di. non ga-
bellas, collectas, aut pedagia a clericis exige-
re c. non minus. c. aduersus. de immu. eccle.
c. i. eo. ti. lib. v i. c. quanquam de censi. eo.
lib. et in clem. præsenti. eo. ti. non pensio-
nes, procuraciones, aut poenas a clericis, et
personis ecclesiasticis sub protectionis, aut
alio quouis titulo extorquere c. quicumque
xv. q. i i. aliàs tenentur actione iniuriarum
c. olim. de iur. iur. c. quamuis x x i i i i. q.
v i i i. non recipere ab episcopis, aut his
maioribus homagium, uel fidelitatis iura-
mentum, cum nil temporale ab eis recogno-
scunt c. ex diligenti. de simo. c. nimis graue
cum seq. de iur. iur. et c. fi. de reg. iur. non
iubere, aut statuere, sed potius decreta re-
uocare, quòd ecclesiæ infra annum, aut a-
liud quoduis tempus uendere, aut aliàs di-
strahere teneantur bona immobilia, quæ eis
donari aut legari in posterum contigerit,
contra indultum a l. generali. & l. iubemus.

C. de

C. de sacrosan. eccle. & l. Decernimus eo. ti.
& l. Omnia priuilegia. C. de epis. & cler.

Trigesimosecundo, Eadem ratione boni principis officium est, non cogere sacerdotes missarum solennia, aut alia diuina officia interdicti tempore celebrare. non episcopos, aut alios collatores cogere, sibi gratis & acceptis personis conferre beneficia. non se beneficiorum patronos, cum non sint, constituere. non cogere patronos, quos ipsi uoluerint, præsentare. non inhibere impetrationem beneficiorum a Rom. pontifice: non rescRIPTA, aut alias quasuis literas gratiæ uel iustitiæ a sede apostolica impetrari. non prohibere clericos in Romana curia litigare, non laicos in spiritualibus causis; non literarum apostolicæ sedis, aut legatorum executionem: non sub custodiæ prætextu, ne distrahantur, uacantium beneficiorum redditus usurpare. non laicos cogere diebus festis operari in murorum reparatione, aut arcis seu palatii sui reparatione, aut constructione. non applicare fisco suo multam, quam operantes diebus festis ex synodalibus constitutionibus incurrunt. non cogere monasteriorum, & aliorum regularium locorum rectores, aut recipere, aut dimittere quos uoluerint: nec regulares suis monasteriis, aut domibus extrudere, prætextu quòd con-

R

DE OFFICIO PRINC. CHRIST.

uentuales sint , & quos obseruantes uocant ,
introducere . non moniales ad eligendum ,
quem ipsi uoluerint , confessorem : non re-
gulares cogere , capellanos ad ipsorum ædes
pro diuinis celebrandis destinare , quos sæ-
pius ultra meridiem se præstolari permit-
tunt . non inquisitioni hæreticæ prauitatis se
immiscere . non admittere qui iurarunt ad
iudicium sine absolutione à iuramento . non
impedire qui absolutionem à iuramento pe-
tunt pro contractus rescissione . non impedi-
re laicos a prorogatione iurisdictionis eccle-
siasticæ . non usurpare iudicium , an quis cle-
ricali caractere insignitus sit . nō prohibere no-
tarios contrahentium iuramenta recipere , si
suscipere uoluerint pro firmiori contractus
robore . non cogere clericos , coram se præ-
stare testimonium . non abuti priuilegio pu-
niendi etiam clericos pro latrocinio , aut alio
enormi aut atroci crimine , in his quæ atro-
cia & enormia non fuerint , usurpando pri-
uilegii pretextu quocunque casu in clericos
cohercionem . non se iudicem prætere
clerici , si coram se causam contra laicum
prosequendo falsis testibus aut instrumentis
usus fuerit , sed ad suum iudicium remittere .
non prætere se iudicem clericis , si eccle-
siasticus negligens fuerit contra eum laico
iustitiam ministrare . non in causa delatio-

nis armorum . non si clericus officio laici fungens in officio deliquerit , etiam si clericus iudicio seculari se submiserit , quod nequaquam potest . non sub prætextu , quod clericus adscriptus sit collegiis licitis . non se iudicem constituere appellationis a sententia laici delegati ab episcopo , cum ad delegantem deuoluatur appellatio . non sub prætextu uiolentiæ aut turbatæ possessionis beneficii ecclesiastici executionem reprensaliarum in clericorum personis permittere . non prohibere publicationem censurarum , aut interdicti ecclesiastici in executionem literarum apostolicarum . non committere cognitionem nullitatis censurarum iudicibus laicis . non impedire locorum ordinarios , quin exigant a laicis rectoribus hospitalium , aut his qui præsunt fabricis ecclesiarum , rationem administrationis . & ut hæc , & alia plæraq; uno uerbo claudantur , in uniuersum ad officium boni principis pertinet , ab his omnibus abstinere , quibus læditur iurisdicção et libertas ecclesiastica . Nec sibi ipsis blandiantur , quod actio sit realis , quod bona sint temporalia , quod ecclesiastici negligentes sint administrare iustitiam , aut sic obseruatum a maioribus , cum hæc non tribuant iurisdictionem magistratibus laicis in causis ad ecclesiam pertinentibus .

R ii

DE OFFICIO PRINC. CHRIST.

Hæc collegeram ex sanctis scripturis, ex sacris pontificum decretis, ex imperialibus legibus, cum incidit in manus meas libellus Isocratis de institutione principis, quem cū auidissime legissem, dignus uisus est, qui continue a principibus legeretur: nec a proposito alienum existimaui, eius præcepta colligere, & opusculo nostro pro coronide inferere.

Ex Isocrate, de institutione principis.

Eorum, qui tecum uiuunt, prudentissimis temet adiunge, & alios, quoscunque uales, accerere: nec ullius poetæ celebris, aut sophistæ puta te rudem esse oportere: sed istorum quidem auscultatorem te præbe, illorum uero discipulum.

Ita temetipsum compares, ut inferiorum sis iudex, & superiorum æmulus.

Ipse temetipsum in consilium adhibeto: siquidem absurdum existimas, deteriores imperare præstatoribus, & stultiores præire prudentioribus. nam quo uehementius cæterorum amentiam contempseris, hoc diligentius tuam ipsius mentem excoles.

Ciuium & ciuitatis amantem oportet esse principem. neque enim equis, neque canibus, neque uiris, neque ulli denique rei quisquam recte possit imperare, nisi gau-

deat & delectetur his, quorum curam agere debet.

Curæ sit tibi multitudo : & illud super omnia spectes, ut ita imperes, ut charus & gratus sis tuis ; haud ignorans, & inter oligarchias, id est respublicas in quibus penes paucos est rerum potestas, ut inter alias respublicas, eas maxime diuturnas esse, in quibus maxime habetur ratio multitudinis. porro hanc ita recte moderaberis, si nec fines, ut quis faciat iniuriam alicui, nec patieris iniuria affici quenquam. uerum illud agas, ut optimis quidem honores tribuantur & præmia, cæteri uero nulla in re per iniuriam lædantur.

Si quæ erunt leges aut consuetudines ciuitatis parum rectæ, eas tolle atque immuta. ac in primis da operam, ut eas quàm optimas excogites : quo minus poteris, quæ apud alios constituta sunt imitare.

In uniuersum leges conquire, quæ et iustæ sint, & reipublicæ conducibiles, & inter se consentientes : deinde quæ & lites quàm paucissimas pariant, & exortas quàm potest ocissime finiant.

In controuersis ciuium inter se dissidentium ita iudicis officio fungere, ut nec ad gratiam alicuius, nec secum pugnantes feras sententias. nam ut decet pariter & expedit leges

DE OFFICIO PRINC. CHRIST.

bene conditas, ita regum quoque de iure sententiam certam & immutabilem esse.

Ciuitatem, tanquam paternam domum, gubernato, in apparatu quidem splendidus ac regalis, cæterum in muniis obeundis accuratus & diligens: quo pariter & laudem consequaris, & facultates suppetant.

Magnificentiam ostentes, non in ullis hisce sumptibus, qui protinus euanescent, sed in his, qui tum pulchritudine & in amicos beneficentia: propterea quòd huiusmodi sumptus non solum tibi manent, uerum etiam posteris tuis utilitatem relinquent his, quæ insumpsisti, potiore.

Existimes nullum sacrificium pulchrius, nullum esse cultum maiorem, quàm si te ipsum uirum optimum iustissimumq; præstiteris.

Primos honores tribue coniunctissimis, uerissimis, amicissimis.

Eam putato tutissimam corporis tui custodiam, si & amicos habueris uirtute præditos, & ciues tibi beneuolentes, & si ipse prudentia polleas. nam hisce potissimum rebus & parare tibi regnum, & tueri poteris.

Adeo per omnem uitam appareas obseruans & amans ueri, ut tuis dictis citius habeatur fides, quam cæterorum iurando.

Cunctis hospitibus tutam præbeto ciuita

tem, & in contractibus legum obseruantem.

Adimito metum ciuibus, neque uelis admodum formidabilis esse his, qui nihil peccant.

Nequid omnino feceris per iracundiam: uidearis id facere, quoties ita postulabit tempus.

Ita seuerus appareas, ut nihil te lateat eorum quæ fiunt: mitis autem, ut poenas irroges commissis minores.

Ita principis dignitatem ostendere studeas, non sæuitia, & atrociter puniendo, sed hoc agens, ut omnes ingenio tuo superentur, & te rectius, quàm ipsi possent, suæ salutis consulere putent.

Esto bellicosus rei militaris scientia, ac belli apparatu; pacificus autem, nihil præter ius & æquum usurpando.

Sic cum inferioribus ciuitatibus commercium agito, ut superiores tecum agere uelles.

Felices & imitandos puta, non hos qui imperium parauerunt amplissimum, sed eos, qui quod contigit quàm optime gesserunt.

Amicos facito non quoslibet id ambientes, sed qui tua digni sunt indole, nec eos, cum quibus iucundissime sis uicturus, sed quibus adiutantibus quàm optime remp. gubernaturus.

R iiii

DE OFFICIO PRINC. CHRIST.

Diligentissimus esto in explorandis his, quos in familiaritatem allegis tuam, memor futurum, ut omnes qui tecum non habent consuetudinem, te similem arbitrentur his, quorum uteris familiaritate.

Negotiis, quæ per te non geruntur, uiros eiusmodi præfice, tanquam omnium, quæ illi commiserint, culpa sit tibi imputanda.

Fidos existima, non qui quicquid dixeris feceris, ue, laudant, sed qui errantem admonent.

Permitte prudentibus habere loquendi facultatem, ut si quid extiterit, de quo ambigas, habeas cum quibus rem expendere possis.

Qui tibi arte adulantur, discerne ab his, qui te cum beneuolentia colunt: nec potior sit malorum, quàm bonorum conditio.

Tibi ipsi non minus, atque aliis imperato: idq; maxime rege dignum esse ducito, si nulli seruiaris uoluptati, sed cupiditatibus tuis magis, quàm ciuibus, domineris.

Ne postules, ut cæteri quidem compositi uiuant, reges autem incompositi: quin magis tuam temperantiam aliis exemplum facito, gnarus totius ciuitatis mores principis imitari uitam.

Magis enitere, ut honestam famam libe

ris tuis relinquo, quàm ingentes opes. quippe mortales sunt hæ, illa immortalis: & per famam pecunia parari potest, fama uero nummis emi non potest.

Simul & urbanus esse stude, & grauis: propterea quòd hoc quidem regem decet, illud uero ad uitæ consuetudinem est accommodum: quanquam id est omnium difficilissimum. Reperies enim plerunque fieri, ut qui graues uideri affectant, frigidi sint: & rursus, qui student urbani esse, humiles uideantur & abiecti. Proinde utrisque his rebus sic utendum est, ut quod mali utrique adiunctum est, euites.

Imagines tuas ita stude relinquere, ut uirtutis tuæ magis, quàm corporis sint monumenta.

Curæ tibi sit de rebus honestis loqui, ut assuefactus eadem & sentias, quæ dixeris.

Quorum æmuleris gloriam, horum imiteris & facta.

Quæ liberis tuis consuleres, ea uelis ipse sequi.

Sapientes existima, non istos, qui de rebus minutis exacte contendunt, sed qui de maximis recte differunt: neque hos qui felicitatem pollicentur aliis, cum ipsi multarum inopia rerum urgeantur, sed qui modestè de seipsis uerba facientes, & in rebus

DE OFFICIO PRINC. CHRIST.

gerendis & cum hominibus uersari pos-
sunt, neque uitæ commutatione perturban-
tur, uerum aduersam iuxta & secundam for-
tunam ferre norunt.

LICERE SACERDOTI- BUS TEMPORALIA

BONA POSSIDERE.



ETERIS & noui Testa-
menti testimoniis, pluri-
busq; rationibus probare
intendimus, licere sacerdo-
tibus temporalia bona pos-
sidere. & primo, quoniam
in lege naturæ primogeniti sacerdotio fun-
gebantur, & iure primogenituræ cum pari
portione sibi cum fratribus debita aliam ha-
bebant paternæ hæreditatis portionem: Ge-
ne. x v. Et Nume. x v. per Moſen man-
dauit dominus filiis Israel, darent Leuitis
de possessionibus ſuis urbes ad habitandum,
& suburbana; pro ipſis urbes, pro pecori-
bus & arimentis suburbana. quod executus
eſt Ioſue x x i. in quo ſtatu Moſaicæ le-
gis Leuitica tribus aliis erat opulentior, & di-
tior, ut quæ præter oblationes & primitias,
decimas recipiebat omnium quæ terra na-
ſcerentur. Leui. x x v i i. Legimus etiam
Hierem. x x x i i. Hieremiam ipſum, qui
de tribu Leuitica erat, agrum emiſſe, ſoluto
pretio, & ſtipulato emptionis instrumento.

LICERE SACERDOTIBVS

& Gene. XLVII. quòd in uniuersa terra Aegypti quinta pars fructuum soluebatur regi, absque terra sacerdotali, quæ terra libera ab hac conditione fuit. possidebant igitur terram & possessiones sacerdotes.

Colligitur etiam, sacerdotes bona temporalia possedisse, ex eo quòd habetur nume. XXXV. cum dicitur: Locutus est dominus ad Moysem: Præcipe filiis Israel, ut dent Leuitis de possessionibus suis urbes ad habitandum, & suburbana eorum per circuitum, ut ipsi in oppidis maneant. & infra: Et de ipsis oppidis Leuitarum sex erunt ciuitates refugii: & exceptis his, alia quadraginta duo oppida &c. Item Iosue XXI. post expressionem numeri ciuitatum, quas habuerunt Leuitæ ab his tribubus; subiicitur: Dederunt filii Israel Leuitis ciuitates, & suburbana eorum, sicut præcepit dominus. Item ex eo quod habetur Leui. XX. Aedes Leuitarum, quæ in urbibus sunt, semper possunt redimi. si redemptæ non fuerint, in iubileo reuertentur ad dominos: quia domus urbium Leuitarum pro possessionibus sunt inter filios Israel: suburbana autem eorum non ueniunt, quia possessio sempiterna est.

Et licet in priori terræ diuisione non habuerint sacerdotes partem agrorum, post-

modum tamen ex uotis habuerunt. habetur enim Leui. ult. Si statim ab anno incipientis iubilei quis agrum uouerit, quantum ualere potest, tanti æstimabitur. si autem post aliquantulum supputabit sacerdos pecuniarum iuxta annorum, qui reliqui sunt, numerum usque ad iubileum, & detrahatur ex pretio. quod si uoluerit redimere agrum ille qui uouerat, addet quintam partem æstimatæ pecuniæ, & possidebit eum. si autem noluerit redimere, sed alteri cuiuslibet fuerit uenundatus, ultra eum qui uouerat, redimere non poterit: quia cum iubilei uenerit dies, sanctificatus erit domino: & possessio consecrata ad ius pertinet sacerdotum.

In posteriori autem diuisione terræ, quæ fieri debebat post captiuitatem; datam portionem Leuitis, habetur Ezechiel. ult.

In noua autem lege sacerdotes bona temporalia possedisse ex eo deducitur, quod iubentur episcopi hospitales esse. at hospitalitas sine facultatibus seruari non potest.

Item in primitiua ecclesia in episcopos assumebantur habentes uxorem. quis autem & diuino & naturali iure tenetur & uxorem & filios alere: quod sine facultatibus fieri non potest.

Accedit, quod in canonibus apostolo-

LICERE SACERDOTIBVS

rum habetur: Sint manifestæ res propriæ episcopi, si tamen habet proprias: & manifestæ dominicæ, ut potestatem habeat de propriis moriens episcopus, sicut uoluerit, & quibus uoluerit, derelinquere: ne sub occasione ecclesiasticarum rerum, ea quæ episcopi esse probantur, interdican- tur. Fortassis enim aut uxorem habet, aut filios, aut propinquos, aut seruos: ut iustum est apud deum & homines, ut nec ecclesia patiatur detrimentum ignorantia rerum pontificis, nec episcopus, uel eius propinqui sub ob- tentu ecclesiæ proscribantur. & habetur in c. Sint manifestæ XXII. q. I.

Item fatetur Augustinus, dominum lo- culos habuisse, à fidelibus oblata conseruan- tem, & suorum necessitatibus & aliis indi- gentibus tribuentem: & tunc primum eccle- siasticæ pecuniæ formam institutam, ut in- telligeremus, quod præcepit non esse cogi- tandum de crastino, non ad hoc fuisse, ut nihil pecuniæ seruarietur à sanctis, sed ne deo propter ista seruiatur, & propter ino- piæ timorem iustitia deferatur: & habetur in c. Habebat. XII. q. II.

Multis autem ex causis Iesus Christus, dominus noster, uoluit loculos habere. Pri- mo, ad pauperum sustentationem: ut dicit Hierony. super illud Io. XIII. Dominus

non peram, nec uirgam, nec æs, inquit, iubens deferri, marsupium ferebat ad inopum ministerium. hoc existimarunt discipuli, ut aliquam pauperibus eleemosynam daret.

Secundo, habuisse loculos, ut haberet unde necessaria emeret ad suorum usum, propter imminuentem necessitatem, qualis fuit, cum per Samariam transiit: Io. iiii. Erant enim Samaritani inhospitales Iudeis. nam habetur Luc. xix. quod cum Iesus uenit in Hierusalem, Samaritani noluerunt eum recipere. Vnde Luc. xxiii. habetur: Quando dimisi uos sine baculo & pera, nunquid aliquid defuit uobis? Et illis respondentibus, Nihil; dixit, Nunc qui habet sacculum, tollat similiter & peram. ubi glosa inquit, dari nobis exemplum, ut non nunquam, causa instante, de nostri propositi rigore recedere ualeamus. §. Exigunt. i. q. vii.

Tertio, dicitur loculos habuisse, condescendens infirmis, exemplo dato, ut sibi prouideant. Si enim loculos non habuisset, forte putassent aliqui, ueritum sibi esse necessaria prouidere. propterea dicit Aug. in sermone domini in monte: Vehementer cauendum est, ne forte cum uideris aliquem dei seruum prouidere, ne ista necessaria de-

sint, uel sibi, uel eis, quorum cura sibi commissa est; iudicemus eum contra praeceptum domini facere, & de craftino esse sollicitum. nam dominus, cui ministrant angeli, propter exemplum, ne quis postea scandalizetur, cum aliquem seruorum animaduertisset ista necessaria procurare, loculos habere dignatus est, ut usibus necessariis, quicquid opus fuerit, praeberetur.

Quarto, loculos habuit Christus, ut dicit Aug. super Io. quia ecclesia loculos habitura esset. & habetur in c. Exemplum..xii. q. i. Propterea explodendi, qui damnare ausi sunt constitutionem Io. xii. de Christi paupertate; asserentes nusquam in sacra scriptura haberi, quod Christus & apostoli in loculis pecunias habuerint pro suis usibus necessariis, & pauperum; sed mulierum aliquas, & alios, qui non erant ex discipulorum numero; innixi dicto Chrysostomi, super illud Io. xii. Loculos habebat Iudas; cum dixit, quod nimirum nullus discipulorum pecunias afferebat. Sed per hoc quod dicitur, Loculos habebat Iudas; insinuat, quod eum quaedam mulieres de suis facultatibus nutriebant. Sed quod dixit Chryso. intelligendum est pro eo tempore, quo missi fuerant ad praedicandum Iudaeis.

Nec improbanda eorum sententia, qui
asserunt,

asserunt, Christum, condescendendo infirmis, aliquid imperfectionis, aut imperfectioni simile egisse: ex eo quod habetur in c. Exiit qui seminat. de uerbo. sign. lib. v i. cum dicitur: Sic enim humanam naturam assumpsit, quod cum suis operibus perfectus existens, in nostris factis humilis, in propriis permanfit excelsus. Sic & summæ charitatis dignatione, ad actus quosdam nostræ imperfectionis conformes inducitur, & a summæ perfectionis rectitudine non curuatur. Egit nanque Christus, & docuit perfectionis opera: egit etiam infirma. Sicut & interdum & in fuga patet, & in oculis: sed utrumque perfecte perfectus existēs, ut perfectis & imperfectis se uiam salutis ostēdens, qui utrosque saluare, qui tandem mori uoluit pro utrisque.

Ex eo autem, quod dixit Hierony. super illud Mat. x v i i. de statere capiendo ex ore piscis; quod tantæ fuit paupertatis dominus, ut, unde tributa solueret, non haberet: Iudam quidem communia in oculis habuisse: sed res pauperum conuertere in suum usum dominum nefas duxisse; perperam colligunt aliqui, quæ in oculis erant, non fuisse Christi. quoniam id fuit, quod nefas putabat, quæ pauperibus debebantur, conuertere in usum, ad quem non teneban-

S

tur, tributum scilicet soluere: sed propter scandalum euitandum soluere uoluit.

Non repugnat his quæ dicta sunt, licere sacerdotibus possidere temporalia bona; prohibitio quæ habetur Mat. x. Nolite possidere aurum, neque argentum, neque pecuniam in zonis uestris: neque duas tunicas habeatis. & Mar. vi. & Luc. ix. ante passionem facta; auctore Chrysostomo. quoniam reuocata fuit, cum secundo mitterentur ad prædicandum gentibus, dicente domino: Quando misi uos sine baculo, & pera, & calciamento, nunquid aliquid defuit uobis? & dicentibus, Nihil; subdidit: Sed nunc, qui habet sacculum, tollat eum, similiter & peram: & qui non habet, uendat tunicam suam, & emat gladium: Luc. xxii. Sicut etiam & ante tempus dominicæ passionis fuit apostolis uetita prædicatio ad gentes, & Samaritanos, cum eis a domino dictum fuit: In uiam gentium ne abieritis, & in ciuitates Samaritanorum ne intraueritis: sed tantum ite ad oues, quæ perierunt Israel. Mat. x. reuocata est post resurrectionem, cum mandauit: Euntes docete omnes gentes, baptizantes eos in nomine patris, &cæ. Mat. xviii.

At dici etiam potest, hoc uocabulo, Nolite, non semper prohibitionem induci, quæ

peccatum faciat, si quis uoluerit. sicut cum
 Luc. xiiii. dicitur: Cum facis prandium,
 aut coenam, noli uocare amicos tuos, nec fra-
 tres, aut cognatos; non propterea uetitum,
 ne quis amicos inuitet: ibidem testante Beda,
 id prohiberi, non quasi scelus aut uitium,
 sed ut intelligamus, id modicum ualere ad
 promerendum uitæ cœlestis præmia. quem
 admodum nec alia uitæ humanæ commer-
 cia. Item scriptum est Mar. x. Nolite time-
 re eos, qui corpus occidunt. nec tamen inhi-
 betur omnis timor eorum, qui corpus occi-
 dere possunt. Ex eo autem, quod habetur,
 Nolite solliciti esse de crastino; non est abii-
 cienda omnis sollicitudo: cum futuras præui-
 dentes necessitates apostoli Paulo & Barna-
 bæ præceperint collectiones fieri in usus san-
 ctorum, qui erant in Hierusalem: Act. xv.
 & ipse Paulus pro faciendo itinere talem ha-
 buit prouidentiam: secundæ Cor. ix. & ad
 Philip. i. i. i. Item cum Christus dicit: No-
 lite cogitare, quid, aut quomodo loquami-
 ni; non prohibitio, sed monitio fuit, ne ti-
 morem aut formidinem haberet. sic & Chri-
 stus cum Luc. vi. dixit, Nolite iudicare;
 non omne iudicium prohibuit. nec aposto-
 lus cum dixit, Nolite iurare; omne iuramen-
 tum inhibuit. Item cum dicitur Mat. xxiii.
 Nolite uocari rabbi, & patres nolite uocari

LICERE SACERDOTIBVS

in terra ; non hæc nomina, aut officia prohibere uoluit dominus : sed superioritatis & excellentiæ ambitum . Sic cum dixit, Nolite possidere aurum, & argentum ; prohibetur eorum nimia cupiditas, & desiderium quod officiat saluti .

Secundo, non repugnat quod habetur Luc. XIII.

Omnis ex uobis, qui non renunciauerit omnibus quæ possidet, non potest meus esse discipulus . quoniam interpretari debet, quoad affectum : iuxta illud psal. XL I. Diuitiæ si affluant, nolite cor apponere . plures enim fuere discipuli domini, diuitiis affluentes : & alii, si non diuites, immobilium tamen bonorum possessores .

Tertio, non repugnat quod habetur Mat. XVI.

Siquis uult uenire post me, abneget semetipsum, & tollat crucem suam, & sequatur me . quoniam intelligendum est, quod abneget secundum affectum, cum scilicet præfert dei amorem suipsius dilectioni, & suorum . quo affectu dicitur se & sua abnegare . Sic & illius quod habetur Io. XII. Qui amat animam suam, perdet eam : & qui odit animam suam in hoc mundo, in uitam æternam custodit eam ; sensus est : Qui præfert se & sui amorem amoris dei, perdet animæ suæ salutem : & qui postponit se & sui amorem amoris dei, saluam faciet animam suam.

Simili modo quòd habetur Luc. xiiii. Si quis uenit ad me, & non odit patrem suum, & matrem, uxorem, & filios, adhuc autem & animam suam, non potest meus esse discipulus. ubi, odisse, tantum ualet, atque, minus quàm Christum diligere: designaturq; , amorem dei dilectioni parentum, uxoris, & filiorum, imo & sui ipsius etiam præferendum.

Quarto, non repugnat quòd Christi imitatores esse debeamus, qui paupertatem coluit, iuxta illud Mat. v. i. i. Vulpes foueas habent, & uolucres coeli nidos: filius autem hominis non habet, ubi caput reclinet. quamuis ipsius sit terra & plenitudo eius. quoniam imitatores Christi esse debemus in his, quæ ad salutem sunt necessaria: non in iis, quæ consilii sunt & perfectionis; saltem ex obligatione. quo modo accipi debet quod Petrus uice omnium dixit domino: Mat. x. i. x. Ecce nos reliquimus omnia, & secuti sumus te. & quod ibidem dixit dominus: Si uis esse perfectus, uade, & uende omnia quæ habes, & da pauperibus.

Quinto, non repugnat quod habetur primæ Timo. cap. v. i. Habentes alimenta, & quibus tegamur, his contenti simus. quoniam superfluitas duntaxat diuitiarum, & nimia diligentia, seu affectus prohibetur, tendens

ad thesauros cōgerendos ultra necessitatem .

Sexto , non obstat quod habetur Mat. v i. Nolite solliciti esse , quid manducetis , aut bibatis . non potestis deo seruire , & mamonæ . & quod habetur , Nolite thesaurizare uobis thesauros in terra . quoniam nimia diuitiarum sollicitudo , & nimius ad eas affectus duntaxat inhibetur . quia , ut ibi inquit glo. non labor & prouidentia damnatur , sed sollicitudo mentem suffocans .

Septimo , non repugnat quod dicitur a domino ,
Vende omnia quæ habes . quoniam id non est essenziale perfectionis , sed instrumentum , sine quo potest esse perfectio . Gene. enim x v i i habetur , dictum fuisse Abraham a domino : Ambula coram me , & esto perfectus : cum tamen diues foret . Et quod habetur , Facilius est camelum per foramen acus transire , quàm diuitem intrare in regnum coelorum ; generaliter ad omnes attinet , tam laicos , quàm clericos . nec eo dicto damnantur diuitiæ , sed earum abusus . quod ipsemet Christus declarauit Mar. x. cum dixit : !Difficile qui pecuniam habent in regnum dei introibunt . & cum obstupuissent discipuli , quasi declarando subdidit : Filioli , quàm difficile est confidentes in diuitiis intrare in regnum dei . ex quo constat de eo loqui diuite , qui spem suam in pecuniis ponit .

Sicut etiam Aug. super psal. Qui gloriaris, dicit, eo dicto, Difficilius est &c. non diuitias, sed cupiditates & auaritiam condemnari. Similiter quod habetur Luc. xvi. de diuite, & Lazaro; intelligendum est de diuite, qui non posuit deum adiutorem suum, sed sperauit in multitudine diuitiarum suarum, & qui male diuitiis utebatur. dicitur enim, quod Lazarus iacebat ad ianuam eius, plenus ulceribus, cupiens saturari de micis, quæ cadebant de mensa diuitis: & nemo illi dabat.

Octauo, non repugnat quod deus pars sit hæreditatis sacerdotum. quoniam non pugnant hæc inuicem, quod quis temporalia bona possideat, & dominus dicatur pars hæreditatis eius: cum Dauid Rex, multis pollens diuitiis, psal. xv. dixerit, Dominus pars hæreditatis meæ.

Nono, non repugnat quod in exordio nascentis ecclesiæ omnia uenderentur, & ponerentur pretia ante pedes apostolorum. quoniam præuidebant apostoli, ecclesiam in gentibus futuram, nec permanfuram in Iudæa. propterea in primitiua ecclesia omnia uendebantur. c. Futuram xvi. q. i. Alia etiam ratione oriens ecclesia de immobilibus habendis sibi non prospexit, quia apud Iudæos facilius erat uiuendi modus ex eleemosynis:

S iiii

cum , more gentis , prædicatoribus submini-
strarentur necessaria . non sic autem apud
gentiles . propterea Christus mittens aposto-
los ad Iudæos , iussit nil deferrent , nec bacu-
lum , neque peram . mittens autem ad præ-
dicandum gentibus , iussit ut sacculum & ne-
cessaria ferrent .

Decimo , non repugnat quòd iure naturæ omnia
essent communia: quod ius sacerdotes in pri-
mis seruare deberent, sicut & diuinum . quo-
niam si iure naturæ omnia essent commu-
nia , eo sensu , ut nullus dicere posset , Hoc
meum est , hoc tuum ; leges disponentes ,
quòd quis proprium habeat , iniquæ forent ,
damnatiq; essent nedum clerici , sed & laici ,
qui bona possiderent : damnati Abraham ,
David , qui diuites fuere , & alii plures tam
nouæ , quàm antiquæ legis . sed eo sensu ac-
cipiendum , omnia communia , ut quæ pro-
pria sunt , communia sint aliis , pro loco ,
tempore , & necessitate : cum quis naturali
iure teneatur id facere , quod sibi fieri uult :
Luc. vi . Quisque autem indigens uult sibi
dari de bonis alterius , a quo petit . Tenebi-
tur igitur iure naturæ dare alteri indigenti &
petenti . Hinc indigenti furari permissum est .
c. ii . de furtis ; tanquam eo casu non aliena ,
sed quæ communia sunt capiat . Quod uero
habetur in epistola iiii . Clementis primi

c. Dilectissimis. xii. q. i. Per iniquitatem alius dixit hoc esse suum, & alius istud; non est accipiendum, quod possidere aliquam rem, ut propriam, sit peccatum: sed quod communis usus omnium, qui fuissent in statu innocentiae, introeunte peccato sit interruptus.

Vt autem clarius pateat, quidnam secundum uarietatem temporum obseruatum sit in ecclesia, de bonis a sacerdotibus possidentibus; pro coronide huius disceptationis operæpretium existimauimus, quæ subsequuntur adicere. quod sicut initio humani generis omnia erant communia c. Ius naturale. i. dist. deinde iure gentium distincta sunt dominia. l. Ex hoc iure. ff. de iust. & iur. & postea iure scripto modi acquirendi melius distincti. Insti. de rerum diui. per tot. l. Traditionibus C. de pact. sic euenit ecclesiæ dei. Primum enim omnia Christianorum bona erant communia, qui uenditis rebus pretia ponebant ante pedes apostolorum: ut habetur in c. Dilectissimis. xii. q. i. deinde facta fuit distinctio, ut singuli sua retinebant. c. Manifeste xii. q. i. successiue facta distinctio clericorum a laicis: ut laici separatim habitarent, & singuli propria possiderent: clerici uero simul habitantes, necessaria ab episcopis recipiebant, qui apostolorum loco successerant. c. Duo sunt. c. Quia tua. & c.

LICERE SACERDOTIBVS

Cui portio XI I. q. I. Tertium fuit tēpus, quo clericorum alii uiuebant in cōmuni. c. Nolo. c. Nō dicatis. c. Scimus. c. Nullus eorum. XII. q. I. proprietatem autem et usumfructum habebat solus prælatus: dictis iuribus. Aliqui etiam ex clericis secularibus uiuebāt in cōmuni, habentes suas præbendas: nec tamen ex eo erant regulares. c. Quoniam ubi. tex. & glosa, secundum unum intellectum communiter approbatum. de uita & honest. cleri. & tex. cum not. ab Vgone & Archi. in c. Omnis ætas XII. q. I. Alii uero non uiuebant in cōmuni, cum tamen essent clerici: et his licitum erat proprium possidere. c. Certe ego. c. Episcopi. c. Manifesta. c. Præcipimus. c. Futuram. XI I. q. I. Successit quartum tempus, quo, refrigescēte charitate, non facile propriis renuntiabant, nolentes uiuere pauperes. ideo statutum, ut diuersæ essent administrationes, & diuersi tituli in ecclesia Dei. & regulares deinde distincti sunt, ut aliqui in cōmuni bona possiderent, alii non, quos mendicantes nuncuparunt, de quibus toto titulo de statu monacho. & Clem. Exiui. de uerb. sig. qui arroganti forsan nomine se uocarunt apostolicos, in suam communionem non recipientes utentes coniugio, & res proprias possidentes. de quibus in. c. Quod quidam apostolici. XXIII q. III.

LICERE EPISCOPIS ET SACERDOTIBVS

DOMINIVM HABERE

TEMPORALE.



ETSI dominus noster Iesus
Christus, rex fuerit, & is
de quo cecinit psaltes, Do-
mini est terra, & plenitudo
eius. & de quo Ecclesiast.
XVII. Dedit illi deus pote-
statem eorum, quæ supra terrâ. & Zachariæ
XI. Potestas eius a mari usque ad mare. et
Apoc. XIX. In cuius uestimêto et femore scri-
ptum est, Rex regum, & Dominus domi-
nantium. & proinde permiserit se a Magis
regibus adorari; sibiq; decentia regi mune-
ra offerri: Mat. I. & de se ipso asserere vo-
luerit, Data est mihi omnis potestas in cœ-
lo, & in terra. uoluit tamen in paupertate &
humilitate nasci, crescere, & uitam ducere:
ut sui exemplo nos doceret ad operandum
secundum uirtutem: & quam aptior uia est,
humilitas, & mundi contemptus: quod e-
tiam stoicis placuit. utq; de cordibus homi-
num omnem euelleret suspensionem, se ad
hoc uenisse, ut mundo dominaretur: cum

LICERE EPISCOP. ET SACERD.

ad hoc uenerit, ut cœlestis regni uiam nobis aperiret: & ea bona condonaret, quæ uere bona sunt, non hæc caduca & fragilia, despicienda potius, quàm optanda. Nec propterea interdixit suis dominia, aut diuitias: cum hæc humilitas & paupertas consilii fuerit, non præcepti. alioqui & Reges, & principes, & omnes sub eo militantes onerasset: & quæ, etsi deceret & expediret in exordio nascentis ecclesiæ; propagato tamen euangelio, & constituta ecclesia, refrigescente iam charitate, & fidei feruore, minime expediebat: cum uix fieri possit, ut quisquam, etiam si Petri sanctimoniam haberet, sola uitæ integritate ecclesiæ auctoritatem tueretur. Et quemadmodum apostoli futuram ecclesiam in gentibus præuidentes, prædia in Iudæa minime sunt adepti: sed pretia ante eorum pedes posita egenis distribuebant: deinceps tamen ecclesia retentis prædiis redditus dumtaxat distribuebat. sic etsi apostoli nulla uisi fuerint temporali potestate, & uere dixerit Bernardus ad Eugenium, Stetisse lego apostolos iudicandos, sedisse iudicantes non lego: indecens non fuit, & forte necessarium fuit, multiplicatam ecclesiam, eamq; in gentes diffusam, non solum prædia, sed etiam temporale dominium possidere. Quòd si sacerdotes ueteris legis (ut de Moyse &

Machabæis legitur) non solum sacerdotes, sed principes fuere populi: quis prohibet sacerdotes nouæ legis, illis maiores, & digniores, principatum & temporale dominium obtinere? Item dixit dominus Petro, & in Petro successoribus suis: Quodcunque ligaueris &c. nihil excipiendo, nec temporalia, nec spiritualia. Igitur nec nos excipere debemus: & fateri cogimur, etiam in his quæ seculi sunt, quæ temporalia appellamus, potestatem & auctoritatem tributam. Præterea si seculi potestas incompatibilis foret ecclesiasticæ, subsequeretur, quòd si rex, uel qui uis alius princeps seculi, ad sacerdotium aut episcopatum assumeretur, eo principatu priuaretur: ad quem forte alius æque idoneus non reperiretur; metuq; amittendi regni aut principatus retraherentur reges & principes a sacerdotio. Insupér sicut spiritus & corpus non repugnant, quin hominem constituent, imo alterius ab altero separatio interitus sit hominis: sic nec inuicem incompatibiles sunt spiritualis auctoritas, & temporalis: nec subsequitur: seculi potestas, & spiritualis ex opposito distinguuntur: ergo insimul esse non possunt. quoniam intellectualis uirtus, & moralis ex opposito distinguuntur: & tamen in eodem esse possunt.

Quod autem legimus Io. vi. Christum

LICERE EPISCOP. ET SACERD.

Iesum fugisse, cum cognosceret Iudæos uen-
turos, qui eum regem facerent; ideo fuit,
quia uenerat mundum redempturus, non
regia potestate (etsi rex foret) sed proprio
sanguine, humilem & pauperem uitam ui-
uens. uel forte fugit, cum eum regem face-
re uoluerunt, ne derogaret dignitati regni
sui, de quo dicitur, Prouer. v i i i. Per me
reges regnant. Visus enim fuisset derogare,
regnum ab hominibus accipiendo, prout
alii reges; qui testatus fuerat Io. v. claritatem
ab hominibus non accipio.

Pari modo intelligendum est quod dixit,
Regnum meum non est de hoc mundo; id
est, non ex humana electione, aut successio-
ne. uel aliter, regnum meum, id est fideles
mei: iuxta illud Apocal. v. Fecisti nos deo
nostro regnum; non est de hoc mundo, id
est per affectum & imitationem: sed erepti
sumus è tenebris mundi per gratiæ suæ col-
lationem. uel aliàs, regnum meum, id est
potestas mea, uel auctoritas, non est ex hoc
mundo, id est ex causis mundanis, sed ab
ipso patre, iuxta illud Daniel. v i i i. Pote-
stas eius, quæ non auferetur, et regnum eius,
quod non corrumpetur. ideo subiicitur infe-
rius: Regnum meum non est hinc, id est
principium non habeo ex mundo.

Ex eo, quòd dominus noster, Iesus Chri

stus, solui iusserit tributum Cæsari; non subsequitur, ipsum, qui sacerdos & pontifex erat, se Cæsaris subditum ostendisse. quoniam non dixit Iesus, quòd dare deberent tributum Cæsari, nec ut dari liceret; sed, Reddite, inquit, illi quod suum est. si quid ab eo accepistis, æquum est ut quid eidem iucissim reddatis. quinimo ex ea interrogatione, quam fecit saluator Petro, Quid tibi uidetur, Simon: reges terræ a quibus recipiunt tributum, uel censum? a filiis suis, an ab alienis? & quod respondentem, Alienis; dixit, Ergo liberi sunt filii. ut autem non scandalizemus eos, uade ad mare &c. clare constat Christum et Petrum a tributo soluendo ipso iure fuisse liberos: tamen exactum pro tempore soluendum ad euitanda scandala.

Nec ex illis uerbis apostoli ad Gala. ult. Vbi uenit plenitudo temporis, misit deus filium suum, factum sub lege; subsequitur, ergo existenti sub iudice non licet iudicare, præcipere, aut temporale dominium obtinere. cum ex illis uerbis, & ex his quæ subsequuntur, potius conetur apostolus euacuare seruitutem legis Mosaicæ, quàm principatum inhibere.

Minus etiam per illa uerba, quæ dixit Christus discipulis de primatu contendentibus, Reges gentium dominantur eorum:

LICERE EPISCOP. ET SACERD.

uos autem non sic ; interdixit principatum
& superioritatem , quam Petro dederat ,
cum pascendas oues commisit : sed tyranni-
cum principatum , quo gentium principes
utuntur ad suam , non suorum utilitatem ,
ex Origenis sententia , cum illa uerba inter-
pretatus est , Scitis quia principes gentium
dominantur ipsorum : & qui maiores sunt
potestatem exercent in eos . inquit enim ,
Non sunt contenti , regere tantum subditos ,
ad unam uidelicet ipsorum utilitatem , sed
uiolenter eis dominari nituntur . & Chrysof.
Principes mundi ita gerunt principatum ,
ut dominantur minoribus , et seruituti eos
subiciant , ut expolient , et ad mortem usque
eis utantur , ad sui utilitatem et gloriam . sed
hæc principes gentium , qui ignorant deum :
qui non cogitant se communi domino ser-
uire , atque illi distinctam omnium rationem
reddere debere . Vos autem non sic . uos ,
inquit , qui mei estis , non instar eorum , qui
deum ignorant , sed ueluti in oculis commu-
nis domini , super conseruos et fratres ue-
stros , non ad uestram (quæ tyrannis est)
sed ad eorum tantum commoditatem , et
communis domini gloriam principatum et
primatum exercebitis .

Quòd uero uetat apostolus deo militan-
ti , secularibus se implicare negotiis ; mone-

re

re uoluit, ita se adiicere secularibus negociis, ut non obliuiscerentur spiritualium, in tantum ut illorum nullam susciperent curam, sed Dei & animæ suæ obliuiscerentur. Vtrūque enim importat, uerbum Implicare, nempe uoluntatem ultro se immergentis secularibus negociis, atque ita se immergentis, ut ab illis penè obruatur: & usque adeo implicitus, ut ueluti illaqueatus, pro arbitrio explicari non possit. quomodo interpretari debet Canon septimus apostolorum, seu apostolicorum, Quo habetur, Episcopus, aut presbyter, aut diaconus nequaquam seculares curas assumant: sin autem, deiciantur. Et lxxxviii. dist. c. Episcopus. Et quod habetur in epistola Clementis, aut quæ Clementi inscribitur in. c. Te quidem. xi. q. i. cum Petrus inquit: Te quidem oportet irreprehensibiliter uiuere, & summo studio niti, ut omnes occupationes huius mundi abiicias: ne fideiussor existas: ne aduocatus litium fias; ne ue in ulla aliqua occupatione prorsus inueniaris mundialis officii occasione perplexus, neque enim iudicem, neque cognitorem secularium negociorum hodie te ordinare uult Christus; ne præfocatus præsentibus hominum curis, non possis uerbo Dei uacare. Si enim uoces illas, Occupatione perplexus, & præfocatus, per-

T

LICERE EPISCOP. ET SACERD.

penderimus; apparebit non inhibitum temporale dominium, aut temporalium administrationem: sed adeo in his fore occupatos, ut perplexi & suffocati secularibus curis, obliuiscamur & negligamus quæ spiritualia fuerint.

Ex eo, quòd dominus noster, Iesus Christus, interpellanti de turba, ut fratri suo hæreditatem diuideret; respondit: O homo, quis me constituit iudicem & diuisorem super uos? non recte infertur, eum caruisse omni seculari iurisdictione: sed tantum innuere uoluisse, non ad hoc missum, ut lites iudicio dirimeret, sed ut humanum genus redimeret, & patri reconciliaret.

Quod uero ait Chryso. lib. dialogorum, qui de sacerdotali dignitate inscribitur lib. I I. cap. I I I. super illud Apo. I I. & Cor. primæ. Non dominantur fidei nostræ hi qui foris sunt iudices: malignos quoscunque eos subdiderint, ostendunt in eis plurimam potestatem in eos, inuitos a priorum morum grauitate compescunt: in ecclesia uero, non coactum, sed acquiescentem oportet ad meliora conuerti: quia nec nobis a legibus data est talis potestas, ut auctoritate sententiæ cohibeamus homines a delictis; intelligendum est de ea auctoritate, qua utitur sacerdos in peccatorem, cum eum peccata confitentem

a peccatis cohercere uoluerit: nec enim tunc aliquam coactiuam potestatem exercere poterit, aut debet.

Similiter ex eo, quod habetur Io. xvi. Consummaui onus, quod dedisti mihi ut facerem; non recte quidam colligunt, Iesum Christum nullam habuisse coactiuam iurisdictionem. quia si habuisset, ea usus fuisset, ut onus datum a patre consummaret. cum magis sequatur, non ea usum fuisse, quia non hoc mandauit pater, ut ea uteretur: quia in humilitate & paupertate missus est saluare nos.

Fatemur tamen quod dixit Chryso. in dialogo, & habetur xxiii. q. viii. c. Petrus; Petrum, qui Tabitam defunctam orando suscitauit, Ananiam & Zaphiram mentientes morti increpando tradidit, non usum coactiuam iurisdictione, nec officii potestatem: quoniam iudex sanguinis extitisset: sed id fecisse ex potestate faciendi miracula ei data, ut Petro, non ut apostolorum principi, & summo Pontifici.

Fatemur etiam, quod ex eo, quod habetur Cor. vi. Nescitis quoniam angelos iudicabitis? quanto magis secularia? non colligitur sacerdotes, aut summum Pontificem in spiritualibus & temporalibus habere plenitudinem potestatis: quoniam noluit Pau-

DE LICERE SACERDOTIBVS

lus eximere christianos a iurisdictione infidelium principum : sed hortari uoluit Corinthios , quod priusquam ad iudicium accederent infidelium , per arbitros christianos causas inter se terminarent : quod postea ab ecclesia decretum fuit , iuxta c. Primates . i. q. 11. c. Studendum xcv. dist. c. Si illis xxiii. q. 1111. c. Quædam . de fimo .

DE RESIDENTIA EPISCOPORVM.



RESIDENTIAM Episcoporum in suis ecclesiis necessariam esse & opportunam, illos uero magna dignos reprehensione, qui non resident; comprobatur quamplurimis sacrae scripturae testimoniis, & sanctissimorum conciliorum decretis. & primo, Hier. x i i. Pastores multi demoliti sunt uineam meam, conculcauerunt partem meam, dederunt portionem meam desiderabilem in desertum desolationis, posuerunt eam in dissipationem, luxerunt super me desolatione: desolata est omnis terra, quia nullus est, qui cogitet corde. & capite x x i i i. Vos dispersistis gregem meum, & eiecistis eos, & non uisitastis eos. ecce ego uisitabo super uos malitiam studiorum uestrorum, dicit dominus.

His concordat Ezech. cap. i i i. Fili hominis, speculatorem dedi te de ore meo, uerbum ut annuncietis eis ex me. si dicente me ad impium, Morte morieris; non annunciauero ei, neque locutus fueris, ut auertatur a uia sua impia, & uiuat; ipse impius in

T i i i

DE RESIDENTIA

iniquitate sua morietur: sanguinem autem eius requiram de manu tua. & cap. XXXIIII. Vñ pastoribus Israel, qui pascebant semet ipsos. nonne greges a pastoribus pascuntur? lac comedebatis, & lanis operiebamini, & quod crassum erat occidebatis: gregem autem meum non pascebatis: quod infirmum fuit, non consolidastis: & quod ægrotum, non sanastis: quod confractum, non alligastis: & quod abiectum est, non reduxistis: & quod perierat, non quesuistis: sed cum asperitate imperabatis, & cum potentia. & dispersæ sunt oves meæ, eo quod non esset pastor: & factæ sunt in deuoracionem omnium bestiarum agri, & dispersæ sunt. errauerunt greges mei in cunctis montibus, & in uniuerso colle excelso, & super omnem faciem terræ dispersi sunt greges mei: & non erat qui requireret. propterea, pastores, audite uerbum domini. Viuo ego, dicit dominus Deus uester, quia pro eo quod facti sunt greges mei in rapinam, & oves meæ in deuoracionem omnium bestiarum agri, eo quod non esset pastor: neque enim quæsiuerunt pastores mei gregem meum, sed pascebant pastores semetipsos, & greges meos non pascebant. propterea, pastores, audite uerbum domini. hæc dicit dominus Deus: Ecce ego ipse super pastores

requiram gregem meum de manu eorum,
& cessare eos faciam, ut ultra non pascant
gregem meum, nec pascant amplius pasto-
res semetipsos, & liberabo gregem meum de
ore ipsorum.

Satis foret hoc Ezechielis testimonium,
ut resipiscerent Episcopi, & alii pastores,
qui deserunt gregem suum, sed magis illos
deterreat quod dixit saluator noster: Io. x.
cum dixit: Qui non intrat per ostium in oui-
le ouium, sed ascendit aliunde, ille fur est,
& latro: qui autem intrat per ostium, pastor
est ouium: huic ostiarius aperit, & oues vo-
cem eius audiunt, & proprias oues uocat no-
minatim, & educit eas: & cum proprias oues
emiserit, ante eas uadit: & oues illum sequun-
tur: quia sciunt uocem eius: alienum autem
non sequuntur, sed fugiunt ab eo, quia non
nouerunt uocem alienorum. Et ex post: Ego
sum pastor bonus. bonus pastor animam
suam dat pro ouibus suis: mercenarius au-
tem, & qui non est pastor, cuius non sunt
oues propriæ, uidet lupum uenientem, &
dimittit oues, & fugit: & lupus rapit, & di-
spergit oues: mercenarius autem fugit, quia
mercenarius est, & non pertinet ad eum de
ouibus. Ego sum pastor bonus, & cogno-
sco oues meas, & cognoscunt me meæ.

Secutus magistrum suum Petrus, Pasci-

T iiii

DE RESIDENTIA

te, inquit, qui in uobis est gregem Dei, non coacte, sed spontanee, secundum Deum: neque turpis lucri gratia, sed uoluntarie: neque ut dominantes in cleris, sed forma facti gregis ex animo. & habetur primæ Petri cap. v.

Eosdem monuit Paulus act. xx. cum dixit: Attendite uobis, & uniuerso gregi, in quo spiritus sanctus posuit uos Episcopos, regere ecclesiam Dei, quam acquisiuit sanguine suo.

Hinc Nicenum concilium statuit Cano. xv. nulli Episcopo licere, ecclesiam suam deferere, et ad aliam transire. et habetur in c. Non oportet. vii. q. i.

Item Cano. xv. Antiochen. concilii decernitur, quod si quis Episcopus per manus impositionem Episcopatum acceperit, & præesse populo constitutus ministerium subire neglexerit, nec acquieuerit ire ad ecclesiam sibi commissam, hunc oportet communionem priuari. & habetur in c. Siquis Episcopus. xcii. dist. propterea Sardicen. concilii Cano. viii. inhibetur Episcopis, ne ad comitatum accedant, nisi hi qui religiosi Imperatoris literis uel inuitati, uel uocati fuerint. & Cano. xiiii. Episcopo nec licere, nec decere, si nulla sit tam grauis necessitas, quæ detineat, ut ultra tres dominicos dies

absens sit ab ecclesia sua. & Cano. XXIII. Calcedoneñ. concilii cauetur, quod si quis Episcoporum intra menses tres munus consecrationis non acceperit, debeat ecclesie condemnationi subiaceret: redditus uero eiusdem uiduatæ ecclesie integros reservari apud oconomum ecclesie.

Ex concilio Agatē. habetur quod legitur in c. Siquis in clero. VII. q. I. quod si quis in clero constitutus ab ecclesia sua, diebus solennibus defuerit, id est natiuitate domini, Epiphania, Pascha, uel Pentecoste, dum potius secularibus lucris studet, quam seruitio Dei parere; conuenit ut triennio a communione priuetur. Similiter Diaconus uel presbyter si per tres ebdomadas ab ecclesia sua defuerit, huic damnationi subiaceat.

Canone etiam XXIII. octauæ synodi habetur, Diuina scriptura dicente, Maledictus homo qui facit opus negligenter. & ex post: Quisquis igitur Metropolitanorum post hanc sanctæ uniuersalis synodi definitionem eadem audacia, uel superbia, & contemptu abusus, non per se cum timore et alacritate, seu conscientia bona debita ministeria in propria ciuitate, sed per suffraganeos Episcopos suos efficere tentauerit, poenas exoluat coram proprio Patriarcha; aut corrigatur.

DE RESIDENTIA

Extant etiam sanctissimorum Pontificum quamplura monita, & decreta. inter quæ memoria excidere non deberet quod dixit Damasus epistola 1111. de Episcopis, qui curas suas aliis delegant; cum dixit, quod similes sunt meretricibus, quæ statim ut pariunt infantes suos, aliis nutricibus tradunt, ut suam citius libidinem explere ualeant. Sic & isti infantes suos, id est populos sibi commissos aliis educandos tradunt, ut suas libidines expleant, id est pro suo libitu secularibus curis inhient, & quod unicuique uisum fuerit, liberior agant. pro talibus enim animæ negliguntur, oues pereunt, morbi crescunt, hæreses & schismata prodeunt, ecclesiæ destruuntur, sacerdotes uitiuntur, & reliqua mala proueniunt. non taliter dominus, nec apostoli instituerunt. Sed ipsi qui curam suscipiunt, ipsi peragant, & ipsi proprios manipulos domino repræsentent. nam ipse ouem perditam diligenter quæsiuit, ipse inuenit, ipse propriis humeris reportauit, nosq; id ipsum facere perdocuit.

Post eum, legamus Gregorium in pastoralis: qui ostendens qualis esse debeat Episcopus, Sit, inquit, Episcopus in cogitatione mundus, in actione præcipuus, in silentio discretus, in uerbo utilis, in operatione singularis, in contemplatione suspensus, ætate

antiquus, fide integer, pressura probatus: qui magis uelit rerum suarum proscriptio- nem, quàm ecclesiam & subditos deserere. Proinde Nicolaus Papa, & habetur in c. Pontifices. v. i. q. i. dixit: Episcopi qui do- minici gregis suscipiunt curam atque solici- tudinem, ab administratione eorum disce- dere non oportet: ut accepti talenti pulchri- tudo non deleatur, sed certamen eorum sa- lubriter augeatur, & triplicetur fructus.

Et usque adeo damnandus Episcopus est, in sua non residens ecclesia, quod in mona- sterium detrudendus sit, ex epistola Grego- rii ad Antimum Subdiaconum, registrata v. i. q. i. c. Peruenit. & Anastasius tituli san- cti Marcelli Cardinalis dignitate priuatus fuerit c. i. i. de cleri. non resi. & Inno. iii. de- creuit, alium deligendum Archiepiscopum Ragusiñ. quod Archiepiscopus per trien- nium expectatus, & per literas reuocatus, ad ecclesiam suam non redierat. c. Qualiter. de cleri. non resi. quod idem mandauit Cele- sti. i. i. de Decano, qui per decem annorum spatium abfuerat: ut habetur in c. Ex parte. eod. titu.

In tantum autem necessaria est Episco- porum residentia, ut propter aduersitatem, aut persecutionem, nisi certis casibus infra exponendis, Episcopus deserere non possit

DE RESIDENTIA

ecclesiam suam.c. Suggestum.c. Aduersitas.
vii.q.i. ex sententia Liberii & Greg. Pon-
tificum.

Si quis autem quaesiverit, an Episcoporum residentia iuris sit diuini; respondebimus, eo modo posse de iure diuino dici, quo Romani Pontificis & sacrorum conciliorum decreta de iure diuino dici possunt: quia scilicet instinctu spiritus sancti unanimi patrum consensu fuere sancita.c. Nimis. de iur. iur. cum not. ab Inno. Osti. & aliis. & in c. Quo iure. vii. di. cum dicitur: Iura humana per Imperatores & rectores seculi Deus instituit humano generi. & c. fi. xv. q. iiii. & l. fi. C. de praescrip. longi tempo. dicuntur leges diuinitus per ora principum promulgatae. Potest & alio modo dici de iure diuino, inquantum illa dici potest lex diuina, quae principaliter instituitur ad dirigendum hominem in Deum, sicut humana ordinat homines ad inuicem. praecipuum enim Episcoporum munus est, animarum cura, qua funguntur in doctrina, iuxta illud apostoli: Oportet Episcopum esse doctorem. & id quod dicitur in ordinatione Episcopi: Vade, praedica populo tibi commissio. administratione sacramentorum, eorum praecipue, quae administrare solus Episcopus potest. & in uisitatione, quam nisi ipse praestaret, non

esset pastor custodiens gregem, & uisitans singulas oues, ut unicuique tribuat quod conuenit: quæ recensuit Ezechiel loco supra citato.

At sumendo ius diuinum in suo proprio significato, quod scilicet institutum sit a Deo, & Salvatore nostro, in ueteri aut noua lege, cuiusmodi sunt articuli fidei, sacramenta ecclesiæ, & decem legis præcepta; Episcoporum residentia nequaquam de iure diuino dici debet. quoniã etsi Episcopatus sit de iure diuino, & Saluator noster instituerit apostolos suos, Episcopos, siue in cœna (ut est communior opinio) siue quando misit eos ad baptizandum, & prædicandum: tamen prout habet præminentiam super alios clericos, fuit ad tollenda schismata postea institutum c. Olim. xc v. di. c. Legimus. xciiii. di. utrunque ex epistola Hieronymi ad Eua-
grium. Et licet in singulis ciuitatibus ab apostolis & eorum successoribus constituti fuerint Episcopi, & hac etiam fortasse ratione dici posset, Episcopos iure diuino institutos, c. i. & ii. lxxx di. non erant tamen Episcopatus distincti. propterea, quem unus excommunicabat, alius absoluebat: ex sententia Inno. Osti. & Abb. in c. Cum causam. in fi. de probat. Sed postea Dionysius Pontifex, qui fuit post Christum annis

DE RESIDENTIA

CC LXX. uel circa, in urbe presbyteris eccle-
 fias & coemiteria diuisit, foris autem paro-
 chias & dioeceses distribuit, constituitq; , ut
 quisque suis finibus contentus esset, ut habe-
 tur in c. Ecclesias X I I I. q. I. & hoc modo in-
 terpretandum quod habetur in c. I. XXII. di.
 Omnes Metropoles, & omnium Episcopa-
 tuum cathedras Romanam ecclesiam consti-
 tuisse. Et ideo, quod Episcopus in hoc uel
 illo loco residere teneatur, harum ouium uel
 illarum curam gerat; nec a Salvatore, nec
 ab Apostolis institutum fuit. propterea ne-
 quaquam iuris diuini esse potest, quod quis
 magis in uno, quam alio loco resideat. Item
 Canones puniunt non residentem, tanquam
 sacrorum Canonum, non autem tanquam
 iuris diuini transgressorem c. I I. de cleri. non
 resi. Igitur residentia non est iuris diuini.

Præterea quod propter sui mutabilitatem
 & uarietatem recipit determinationem ab
 ecclesia, in eo quod recipit mutationem non
 est iuris diuini: quemadmodum confessio,
 licet sit iuris diuini, non tamen quod tali tem-
 pore, tali modo, huic uel illi sacerdoti fiat:
 in quibus recipit mutationem. Proinde licet
 Episcopatus sit iuris diuini, a Christo ipso
 institutus: modus tamen residentiae, qui
 subiectus est mutabilitati propter multipli-
 ces casus, quibus quis residere non tenetur;

nequaquam iuris diuini censendus erit.

Comprobantur præmissa & alia ratione, quoniam si residentia foret de iure diuino, cum nemo in duobus locis residere possit, nequaquam potuissent Romani Pontifices uni duas ecclesias committere: quod tamen D. Gregorius fecit, qui Fundano Episcopo Terraciñ. commendauit, ut habetur in c. Relatio x x i. q. i. qui etiam, ut unus duabus præficeretur ecclesiis, duas simul uniuert. c. Et temporis qualitas. x v i. q. i. nec potuisset beatus Paulinus, Nolañ. Episcopus (ut refert Gregorius libro i i i. dialogorum) pro uiduæ filio se in seruitutem dedisse, & tot annis, quibus Vandalorum Regis seruus fuit, ab ecclesia sua abesse: de quo tamen summis laudibus extollitur. nec etiam D. Remigius cum Remensi ecclesia Lugdunensem regere: quod tamen fecit. Habetur enim in Galliarum annalibus, & refert Archiepiscopus Florentiñ. tertia parte summæ ti. primo cap. x x i. quòd cum Genebaldus Archiepiscopus Lugduneñ. prius cum uxore sua communi cōsensu regularem uitam professi fuissent, deinde uoti reus ex uxore filium, quem latronem nominauit, suscepisset, confessus reatum suum beato Remigio, interim quo Genebaldus poenitentiam ageret, beatus ipse Remigius Lugduneñ. ecclesiam gubernauit;

DE RESIDENTIA

uit; quem deinde peracta poenitentia, renuncianteq; angelo peccatum remissum, pristinae restituit administrationi.

Hoc idem confirmatur ex his, quæ tradit sanctus Thomas. secunda secundæ. quæst. CLXXXV. dum differens, quando liceat Episcopo abesse a sua ecclesia, inquit, quod in qualibet obligatione attendi debet obligationis finis. & cum Episcopi sese astringant ad exequendum pastorale officium, propter subditorum salutem; ubi subditorum salus exigit pastoris præsentiam, non debet pastor gregem suum deferere, nec propter aliquod commodum temporale, neque etiam propter aliquod personale periculum: cum bonus pastor animam suam ponere teneatur pro ouibus suis. Si uero subditorum saluti possit sufficienter per aliū prouideri in absentia pastoris, tunc licet pastori uel propter aliquod commodum ecclesiæ, uel personæ periculum, personaliter gregem suum deferere. Si igitur casu aliquo permittitur Episcopo gregem suum deferere, non erit residentia iuris diuini, quod nullam admittit mutationem & uarietatem. propterea inuicem pugnare uidentur quæ dixit Cardinalis Caietanus, primus assertor residentiam Episcoporum fore iuris diuini; cum fateretur, quod etsi residentia sit iuris diuini,

uini, est tamen aliqua personæ conditio, quæ ipsum a residentia excusat, quando scilicet eiusmodi sit, ut melius aut saltem æque bene regatur ab alio ecclesia, eo absente. imo ex assertione sua colligitur, non esse iuris diuini, cum admittit, quòd quando negotium exigens absentiam Episcopi, ad uniuersalis ecclesiæ bonum spectat, ut cum interest generali concilio, aut legatione fungitur pro pace inter principes concilianda, licite per alium deferuire potest ecclesiæ: & ab ea abesse, ex eo quòd bonum partis ordinatur ad bonum totius, ut finem: cum debeat pars exponi pro totius bono: etiam si oporteat ipsam detrimentum pati: ut cum inciditur manus pro totius corporis salute. nec etiam negauit, quòd Episcopus salua conscientiæ puritate ex rationabili causa potest abstinere ab aliquo proprio sibi actu, & per alium illum exercere, puta per alium se magis idoneum populo prædicare uerbum Dei, exemplo Valerii Hiponen. Episcopi, qui per Augustinum prædicabat. ex quibus ipsiusmet uerbis contrarium suæ assertionis colligitur, non esse iuris diuini residentiam Episcoporum, & posse quem per alium fungi officio suo. nec enim omittere posset id, ad quod iure diuino tenetur, ut quid aliud faceret, ad quod nec diuino nec humano iure tenetur.

DE RESIDENTIA

Nec præmissis repugnat, si dicatur, Sicut saluator dixit Petro, Pasce oues meas, non, Pascere facias: & Petrus ex præcepto domini tenebatur illas pascere: sic & Episcopus commissas sibi oues pascere debet, non aliis pascendas committere: licet, q̄ hæ non illæ commissæ sint, iuris sit humani. quoniam etiam si concedatur, pascere oues sibi commissas fore diuini iuris, non tamen per seipsum pascere: modo ex legitima absit causa. aliàs Apostoli uiolatores fuissent diuini iuris, cum ipsis etiam particulares ecclesiæ forent commissæ, ut Iacobo Hierosolimitana, Ioanni Ephesina, & aliæ aliis: & tamen ad diuersas prouincias diuertebant, annunciantes uerbum domini: & cum Episcopatus munere fungebantur Apostolatus officio.

Secundo non obstat præmissis, quòd qui aliquid præcipit, & illud præcipere uidetur, sine quo prius mandatum fieri non potest. pastoralis autem cura uerbo domini mandata, Pasce oues meas; præstari non potest sine personali residentia: quoniam dictum fuit, Pasce oues; non, Pasci facias. ergo & personalis residentia uerbo domini mandata censebitur. respondetur enim, quòd licet admitteremus residentiam uerbo domini mandatam, non tamen in hoc uel illo loco residere est à domino, sed à Rom. Pontifi-

ce demandatum . is enim est , qui diuisit parrochias & dioceses , & Episcopos in partem sollicitudinis uocauit . Præterea nec uerum est , quòd non possit pastoralis cura adhiberi sine assidua residentia : quia esse potest , quòd absentia utilior sit uel particulari uel uniuersali ecclesiæ , quàm præsentia . particulari quidem , quia contingere potest , ut quis absens utilior sit suæ ecclesiæ , quàm præsens . quemadmodum bonus pastor , relicto etiam imbecilli fene ad custodiam gregis , ipse per saltus & siluas lupos persequens , eos facilius arcet ab ouili suo : nec propterea dicitur illud deferere . uniuersali autem quis utilior esse potest in absentia , quàm si præsens sit , ut de Timotheo legitur , quòd quamuis esset Ephesinus Episcopus , tamen mandante Paulo aliis inferuiuit ecclesiis .

Tertio non obstat , quòd dominus cum uocat bonum pastorem , qui intrat per ostium , qui oues uocat nominatim , & ante illas uadit : quæ præsentiam requirunt pastoris . quoniam etsi illæ conditiones sint boni pastoris , non propterea requiritur assidua & perpetua præsentia & residentia . uel forte admonitiones sunt , non præcepta .

Quarto non obstat , quòd Episcopi dicantur succedere in locum Apostolorum : Apostolis autem ita fuisse demandatam curam euange

lii prædicandi, ut hoc ipsum per seipfos facerent, dicente Apostolo, Veni mihi, si non euangelizauero: necessitas enim mihi incumbit. quia respondetur, Episcopos non fore Apostolorum successores in officio Apostolatus: ratione cuius non licebat eis non euangelizare. in quo officio nullum habuerunt successorem. uel forte dici potest, non iniungi necessitatem per seipfos euangelizandi, sed potuisse & id munus per alios impartiri: quemadmodum Paulus misit Timotheum, & Petrus alios, sicut & Petrus, & si ei dictum fuisset, Pasce oues meas; non tamen mandatam, quod per seipsum: quod etiam impossibile fuisset, pascere uidelicet per uniuersum orbem oues domini: sed alios etiam assumpsit in partem sollicitudinis.

Quinto non obstat, quod in consecratione Episcopi dicatur, Vade, prædica populo Dei; non autem, Mitte alios ad prædicandum. quia respondetur uerba illa, Vade, prædica populo Dei; non esse uocem Dei, sed ecclesiæ: & propterea ex hoc potius colligi, residentiam fore mandatum ecclesiæ, non autem Dei. Quin nec etiam ex illis uerbis constat, quod per seipsum prædicare debeat: aliàs peccasset Valerius, qui Augustinum ad prædicandum substituit.

Sexto, non obstat quod dixit Apostolus, oportet

re Episcopum fore doctorem ; quasi frustra id requiri , si hoc munus per alium implere potest : & ad residentiam ex eo præcepto teneri . sic de uisitatione , de præcepto quòd agnoscant uultum ouium suarum : quæ uidentur non posse per alium expleri . quia respondetur , quòd etsi oporteat Episcopum esse doctorem , idest docere quæ ad fidem & religionem spectant : non tamen subsequitur , quòd perpetuo residere teneatur : quoniam per alium docere potest : quin etiam per epistolam docere potest , sicut Apostolus per epistolas absens docebat ; beatus Cyprianus , & alii : imo quandoque per alium prædicare cogitur , ut cum dioceses amplæ sint , nec omnes eodem loco conuenire possunt : & , ut coadiutores assumant , eis mandatur , ut in c. Inter cætera . de off. ord.

Septimo , non obstat , quòd si iure diuino debetur sacerdotibus uictus , & necessaria , & propterea Dei mandato præceptum , dari decimas Leuitis : & Christus mercede dignos pronunciat sacerdotes ; præcipiatq; Paulus primæ Cor. ix. ne nobis os alligetur ; subsequi , q̄ cum hoc nobis debeatur iure diuino , sacerdotes debitores sint officii sui , quod non nisi præsentibus præstare possunt : cum non uideatur rationi consonum , deberi decimas sacerdotibus , & eodem iure non de-

beri ministerium & seruitium tabernaculo .
 quoniam respondetur , id non recte colli-
 gi . si enim ex hoc , quod de iure diuino de-
 beatur merces Episcopo ; colligatur , ergo
 ipse de iure diuino tenetur impendere offi-
 cium suum ; itidem quoduis officium mer-
 cenarii deberetur iure diuino , & diuini iu-
 ris esset prædicatio uerbi Dei à religiosis &
 aliis , quod eis iure diuino debeatur merces .

Octauo , non obstat quod actus Episcopatus ab
 Ezechiele enumerati aut assiduum aut fre-
 quens tempus exigere uideantur : & licet
 omne tempus non assumatur in officio pa-
 storali , nullum tamen est tempus , quo non
 opus sit Episcopum fore paratum ad illud
 præstandum . quodq ; licet præceptum af-
 firmatiuum non obliget ad semper , hoc ta-
 men obligare uidetur , saltem ut assidue .
 quoniam respondetur male colligi : ad ea
 assidue tenentur : ergo per seipsos præstare
 tenentur .

Nono , nec obstat quod si residentia non esset iu-
 re diuino debita , tolli posset contraria con-
 suetudine . quoniam tolli non potest con-
 traria consuetudine , non quia sit iuris diui-
 ni ; sed quia iniustum est , quem perpetuo
 abesse ab ecclesia sua : sicut nec lex iusta tol-
 li potest contraria consuetudine , permanen-
 te ratione legis .

Decimo, non obstat, si dicatur, Si tolleretur præcepta residentia, adhuc debita foret, & non iure humano, ergo diuino. quoniam si id recte colligeretur, plura alia humana præcepta forent diuini iuris, ex eo quòd sublato iuris præcepto, cum de se bona sint, adhuc essent facienda. quoniam iustus etiam nulla lege mandante, faceret quod iustum est: & inde dicatur, Lex non est imposita iusto. ipse enim est sibi lex.

Si quis autem scire concupiscat, quando liceat Episcopo abesse ab ecclesia sua, legat sanctum Thomam secunda secundæ quæst.

CLXXXV. art. IIII. cum dixit, quòd in qualibet obligatione præcipue attendi debet obligationis finis: & cum Episcopi se obligent ad exequendum pastorale officium propter subditorum salutem; ubi subditorum salus exigit pastoris præsentiam, non debet pastor gregem suum deferere, nec propter commodum aliquod temporale, neque propter aliquod personæ periculum. at si saluti subditorum potest in absentia pastoris prouideri, tunc licet pastori uel propter aliquod ecclesiæ commodum, uel propter personæ periculum gregem deferere: ut Paulus fugiens Damasci persecutionem Iudæorum, & Athanasius Constantii. Vnde Augustinus in epistola ad

V iiii

DE RESIDENTIA

Honoratum dixit: Fugiant de ciuitate in ciuitatem serui Christi, cum eorum quisque à persecutoribus quæritur, ut ab aliis, qui non ita quærentur, non deferatur ecclesia. Cum autem omnium commune est periculum, hi, qui aliis indigent, non deferantur ab his, quibus indiget. Si enim est periculosum, in tranquillitate nauem deferre, quanto magis in fluctibus? ut dixit Nicolaus in c. Sciscitaris. VII. q. I.

Intemperies etiam aeris licita causa est absentiae Episcopi à sua ecclesia, cum scilicet ad recuperandam ualeitudinem medicorum consilio ad salutem conferret aeris mutatio. Item ut interesse possit concilio siue uniuersali, siue prouinciali. quoniam bonum totius ecclesiae præferendum est bono particularis ecclesiae. Similiter ratione legationis pro concilianda pace: eadem ratione uocatus à Romano Pontifice pro commodo uniuersalis ecclesiae: uel si accesserit ad regis curiam pro defendendis iuribus ecclesiae suae.

DE BENEFICIORVM PLVRALITATE.



BENEFICIORVM eccle-
siasticorum pluralitas to-
ties uetita nunquam satis
potuit cohiberi, quin sem-
per erumperet: incertum
nimia ne Romani Pontifi-
cis in dispensando facilitate, an impudenti
petentium importunitate, uel potius utra-
que ex causa. Ecclesiæ probe quidem consu-
leretur, si illi modus adhiberetur: quod par-
uo negotio fieret, si solius necessitatis aut uti-
litatis ecclesiarum recto iudicio, non autem
personarum ratio haberetur: de qua plurali-
tate audiamus Chrysostomum dicentem:
Quod tenebra erubuit, lumen erubescat:
quod figuræ non fuit concessum, rei reor
fuisse illicitum. Figuræ autem non fuit con-
cessum, quòd qui inter Leuitas capiebat in
Bethleem, caperet in Hierusalem. Audia-
mus & Bernardum dicentem: Qui plura ha-
bet beneficia, non unus sed plures erit in sup-
pliciis. Execranda autem, quia de iis est, quæ
sui natura mala sunt, & quorum comites
sunt animarum periculum, & turpitudine.
De animarum periculo attestatur Lateran.

DE BENEFICIORVM

concilium in c. Quia . de præben. cum dicitur : Quia in tantum quorundam processit ambitio , ut non duas uel tres, sed plures ecclesias perhibeantur habere, cum nec duabus possint debitam prouisionem impendere, per fratres & Coepiscopos nostros hæc emendari præcipimus : & de multitudine præbendarum canonibus inimica, quæ dissolutionis materiam & euagationis inducit, certumq; continet periculum animarum, eorum qui ecclesiis deseruire ualeant indigentiam uolumus subleuari. Turpitudinem uero illius designat canon septimæ synodi : qui habetur in c. Clericus ab instati. x x i. q. i. cum dicitur : Clericus ab instanti tempore non connumeretur in duabus ecclesiis . negotiationis enim est hoc, & turpis lucri commodum . Et quod dixit Gregor. in epistola ad omnes Episcopos, & habetur in c. Singula l x x i x. dist. Sicut indecorum est in corpore humano, ut alterum membrum alterius fungatur officio, ita nimirum noxium, simulq; turpissimum est, si singula rerum ministeria personis totidem non fuerint distributa . Hinc inhibitum fuit, ne quis duo retineret curata . c. Dudum . de elect. quod non possit habere plures personatus, aut dignitates. d. c. Dudum . & in c. i. x i i i. q. i. & c. Episcopi l x x x. di. c. in Apibus v i i. q.

i. quòd nemo possit retinere plura beneficia
requirantia residentiam. c. Clericos. c. Relatū
c. Nonnulli, de cleri. non residen. c. Presbyte
ros. xvi. q. i. quòd nullus possit habere duo
beneficia quantumcunque modica in eadem
ecclesia. c. Consuetudinem. de consue. lib. vi.
Hinc successiue ecclesia nouum addidit uin
culum plura habenti beneficia. Ante enim
Lateranen. concilium habitum ab Alex. iii.
anno MC LXXIX. obtinens plura benefi
cia curata, non priuabatur secundo, sed ha
bebat optionem retinendi primum, uel se
cundum. c. Referente. c. Præterea. de præ
ben. in dicto Lateranen. concilio decretum
fuit, quòd secundo priuaretur: non quòd
foret ipso iure priuatus. c. Quia nonnulli. de
cleri. non resi. Successiue per c. de Multa. de
præben. fuit inductum, quòd per affecutio
nem secundi uacaret primum: & si retinere
contenderet, etiam secundo spoliaretur. No
uissime per extrauag. Execrabilis, fuit statu
tum, quòd si post habitam possessionem se
cundi primum retineret, aut per eum stare,et,
quo minus secundi possessionem haberet. c.
Commisssa. de elect. c. Licet Episcopos. de
præben. in vi. etiam secundo sit ipso iure priua
tus: cum secundum dispositionem. c. De mul
ta, fuisset priuandus, non ipso iure priuatus,
quæ quatuor tempora collegit Abb. in. d. c.

Nonnulli . de præben. *1110 q. 1. m. 1. p. 1.*

Pro ampliore tamen præmissorum explanatione , aduertendum uidetur , quod licet ius naturale , quantum ad prima & communia eius principia , omnino immutabile sit , & apud nos eadem semper ratio rectitudinis : longe tamen distare quæ ad praxim & externos actus spectant , a speculabilibus . quoniam in speculabilibus etiam ueritas deductarum ex principiis conclusionum immutabilis est , & eadem apud omnes ueritas , sicut & principiorum : licet forte ipsa non sit omnibus nota : quia non omnes nouerunt conclusiones ex principiis colligere . Secus in practicis , in quibus rectitudo conclusionum , quæ ex principiis colliguntur , non sunt omnino immutabiles , nõ eadem apud omnes , non æque omnibus notæ . propterea descendente ad particularia iubet Plato quiescere . Cuius ratio in promptu est , quoniam ratio speculatiua circa necessaria uersatur : quam impossibile est aliter se habere : & ideo infallibilis est conclusionum ueritas , sicut & principiorum . At ratio practica circa particularia & contingentia uersatur , quæ sunt humanæ operationes . propter quod licet in communibus principiis sit immutabilis necessitas , & eadem semper rectitudo , in particularibus tamen propter parti-

culares aliquas circumstantias potest defectus contingere, propter quem sit a rectitudine declinandum. Quemadmodum apud omnes rectum est & iustum, ut ueritas seruetur, & secundum rationem agatur. Ex quo principio colligitur conclusio, quod bona fide deposita sunt reddenda: quæ mutabilitatem recipit, si furiosus enssem repetat, quem sanus deposuerat. Hinc deducimus, quod licet naturalis æquitas & iustitia dicter, quod habens beneficium ad sui sustentationem sufficiens, non occupet plura beneficia ad plurimum sustentationem ordinata: quia absurdum est, si promiscuis actibus rerum turbentur officia. l. Quisquis C. de postul. & glo. in. d. c. Singula LXXIX. di. nihilominus propter aliquas particulares circumstantias ex parte beneficiorum, ecclesiarum, aut personarum, quarum regimen ecclesiæ utilitas, aut necessitas exposcat, contingere potest bonum & expediens fore, unum plura obtinere beneficia, propter quod licitum reddatur & honestum, quod alio casu, & ut in pluribus foret iniquum. maxime si id arbitretur is qui præest multitudini, & ad cuius id spectat officium: qualis est Rom. Pontifex. Proinde licet habere plura beneficia sit de genere malorum, tamen ex iis malis est, quæ aliquo casu possunt bona esse.

DE BENEFICIORVM

nec quando bonum redditur ex particulari
circumstantia, tollitur ad quem ordinata sunt
beneficia, ut diuersi ministri diuersis deser-
uiant officiis. quoniam eo casu, quo est bo-
num, potest superioris auctoritate habens
plura beneficia per alium deseruire. quem-
admodum Paulus per ministros suo fungēs
officio absens procuraciones ut debitas reci-
piebat: ad Philip. cap. 1111. Eo enim casu
quis ecclesiæ deseruire censetur, qui per a-
lium suo fungitur officio. c. Extirpandæ. §.
Quia uero. de præben. c. Peruenit. de appel.
Nec his repugnat, quòd habens plura bene-
ficia cogatur pluribus dominis inseruire: qui
si contraria mandauerint, ambobus non po-
test obedire. quoniam talem ambiguitatem
fustulit superioris cum eo dispensantis aucto-
ritas: ut ipse scilicet dispensatus eligat cui uo-
luerit obedire, cui beneficio deseruire, & a
quo uoluerit ordinari. Vel melius dici po-
test, quis maiore necessitate ducatur: quis
prius mandauerit: cui prius fuerit astrictus,
& quis eorum maior, secundum Inno. in. c.
Cum parati. de appel. & in c. Cum iamdu-
dum. de præben. exemplum ponens in be-
neficiato in duabus ecclesiis: cuius unus su-
perior Episcopus præcipit, ut fiat sacerdos:
alter quòd in Diaconatu maneat: uel unus
mandat prosequatur ecclesiæ negocia in cu-

ria Regis, alter in curia Papæ: uel unus uocat ad electionem faciendam, alter ne discedat a seruitio ecclesiæ: ex quo non potest duobus dominis seruire c. l. xxi. q. i. quibus casibus dixit, quod in his perplexitatibus prius obediendum primo: quia secundus ea conditione censetur illum recepisse, ut illæsum maneat ius primi c. Tua. de iur. iur. c. Quia monasterium de relig. domi.

Nec sibi dispensati blandiantur propter superioris auctoritatem: quoniam etsi tuti sint quo ad militantem ecclesiam, ne scilicet desuper molestantur, & ne pœnas incidunt iuris positiui: non tamen ipsi, nec dispensans, tanquam infidelis dispensator, tuti sunt in foro conscientiæ. Quod sane colligitur ex libro Bernardi secundo de consideratione ad Eugenium, cum dixit: Non sum tam rudis, ut ignorem positos uos dispensatores, sed in ædificationem, non in destructionem: ubi necessitas urget, excusabilis est dispensatio: ubi utilitas prouocat, dispensatio laudabilis est: utilitas dico communis, non propria. nam cum nihil horum est, non plane fidelis dispensatio, sed crudelis dissipatio est. Huius ratio esse potest, quia licet in malis, quia prohibita, dispensatio nihil faciat, nisi quod ipsam aufert prohibitionem, rem suæ relinquens naturæ: quæ cum indifferens sit, fieri

DE BENEFICIORVM

poterit sine reprehensione . at in prohibitis,
quia mala , de quorum numero est (ut dixi-
mus) pluralitas beneficiorum , sublata per
dispensationem prohibitionem , & suæ per-
missum naturæ , remanet malum: propterea
nec etiam faciendum ; cum prohibitionis a-
motio non faciat , ut quod de se malum sit ,
bonum reddatur : propterea iure improban-
da uidetur Inno. opinio. in c. Cum ad mo-
nasterium de sta. reg. cum dixit , Papam in
his, quæ iuris positiui sunt, sine causa dispen-
sare posse, ponens exemplum de retentione
duarum parochialium .

Plures tamen sunt casus, quibus iura per-
mittunt quempiam obtinere plura benefi-
cia , modo careant animarum cura . Potest
enim quis de iure communi duo obtinere ,
quorum neutrum ad unius sit sustentatio-
nem sufficiens. c. Vnio. x. q. i. i. c. Quia. de
reli. domi. imo ex eo , quod simplicia sunt ,
potest insimul retinere. c. Gratia. de rescriptis
lib. vi. Clem. Gratia. eo. ti. Potest unū in ti-
tulum , aliud in commendam. c. Dudum. de
elect. c. possessiones xv. q. i. Potest , cum
unū ab alio pendet. c. Eam te. de eta. & quali.
ordi. Item propter clericorum raritatem. c.
Clericus. xx. q. i. Item cum ecclesia anne-
xa est præbendæ , uel dignitati c. Extirpan-
dæ . de præben. c. Super eo. eodem ti. li. vi.

De

De consuetudine etiam potest quis obtinere dignitatem, uel personatum cum Canonatu in eadem ecclesia c. Consuetudinem. de consuet. li. v. i. proinde ualet consuetudo aut statutum quod nemo possit dignitatem consequi, nisi sit Canonicus, adeo quod excipi potest contra impetrantem: Domi. post Io. an. in d. c. Super eo. Insuper ratione consuetudinis, quam scit & tolerat Papa; & ideo eam approbare uidetur; derogatum est c. Sanctorum LXX. di. quod quis plures praebedas & plura beneficia sine cura obtinere posset, secundum glo. Bartho. brixien. In d. c. Sanctorum. & Ber. in c. Dudum. de elect. cum tamen uni dantur plura beneficia, ubi quam multi uix unum obtinere possunt, non dicitur, qui dederit habere personarum acceptionem, si id fecerit nobilitatis, doctrinae, aut iusta alia de causa, quam ecclesiae subsequatur utilitas. Quoniam non est acceptio personarum, si non seruentur aequalia in personis inaequalibus: & eadem ratione non laeditur distributiua iustitia.

AN PAPA LABEM
SIMONIAE INCVR-
RERE POSSIT.



VM in his, quæ ad salu-
tem animarum pertinent,
tutior semper uia ample-
ctenda sit, ut abstineamus
etiam ab his, de quibus in-
certi sumus, quod pecca-
tum sit, aut reprehensibile. c. Iuuenis. de
sponsa. c. Ad audientiam. de homi. c. Sicut
XIIII. di. glo. In c. i. De scruti. dissen-
tiantq; inter se tam sacrae theologiae profes-
sores, quam Canonum interpretes, an pro
beneficiis carentibus cura animarum liceat
aliquod temporale recipere, cum de curatis
sint concordēs; tutiorem sententiam ample-
ctendam duximus, non licere. Nec placet
distinctio glosatoris in c. Ex parte de offi. de
leg. aliqua esse prohibita, quia simoniaca,
et alia simoniaca, quia prohibita: quam plu-
res plus nimio fauentes, ne dicamus adulan-
tes Rom. Pontifici, sequuntur. idq; plu-
ribus rationibus.

Primo, in ueteri lege prohibitum fuit, pecunia
fieri altaris ministros: III. reg. c. XIIII. qui
deputabantur ad Dei cultum in ceremoniis,

X ii

AN PAPA LABEM SIMO.

nec aliquod sacrum habebant . erit itaque mandato Dei prohibitum , assequi pecunia aliquod ecclesiasticum beneficium , etiam si nullum sacrum ordinem annexum habuerit . cum & hi ad aliquod altaris , & diuini cultus ministerium deputentur .

Secundo , idem deducitur ex eo quod habetur Mat. xxi. & Io. i. quod dominus eiecit de templo uendentes columbas , & menfas numulariorum euerit , iuncto c. In multis i. q. i. ubi habetur , quod sicut per columbarum uenditores illi denotantur , qui sacram manus impositionem uendere conantur , sic per numularios ecclesiastici beneficii uenditores designantur . Verita igitur beneficiorum uenditio & emptio , quia a Christo , non ab homine , improbatæ .

Tertio , Mat. x. prohibentur uendi omnes actus spirituales , ad quorum aliquos deputantur & Canonici , & simplicia obtinentes beneficia : omnibusq; mandatum , Gratis accepistis , gratis date . Commutatio enim spiritualis reicum temporali , simonia est .

Quarto , id decreuit Chalcedonen. concilium : in cuius Canone ii habetur , consimili poena damnandos eos : qui interuentu pecuniæ ecclesiasticum beneficium acquirunt , & eos qui sacram manus impositionem , per quam spiritus sanctus confertur , mercari digno-

scuntur. utrosque enim auctoritate inexpugnabili illos a beneficio, istos a sacro ordine iubet expelli.

Quinto, Urbanus Papa rescribens Præposito sancti Vincentii, & habetur in c. Saluator 1. q. 111. inquit: Simon magus, qui ad fidem fidei accessit, non ipsum spiritum sanctum, quo ipse erat indignus (quoniam ut scriptum est, spiritus sanctus effugit fictum) sed donum eius emere uoluit, ut ex uenditione signorum, quæ per eundem fierent, multiplicatam pecuniam lucraretur. nec Apostolus emptionem spiritus sancti, quam bene fieri non posse nouerat, sed ambitionem quæstus talis, & auaritiam, quæ est idolorum seruitus, in eodem Simone exhorruit, & eum maledictionis iaculo percussit. & cum Simon pecuniam obtulerit Petro, qui summus erat Pontifex; non pro spiritu, sed pro signis, quæ faciebant recipientes spiritum sanctum; subsequitur & cum Papa committi simoniam, & pro temporalibus, nedum pro receptione spiritus sancti.

Sexto, cum simonia sit uenditio & emptio rei spiritualis pro temporali, & iuris dispositio efficere non possit, ut quod est temporale efficiatur spirituale, cum non possit immutare naturam rerum: subsequitur iuris dispositione fieri non posse, aliquod fore simonia-

AN PAPA LABEM SIMO.

cum, quod aliàs non foret, nisi adesset prohibitio : ex consequenti nulla simoniaca, quia prohibita : sed quæcunque simoniaca sunt, ideo prohibita, quia simoniaca.

Septimo, sicut clericus recipiens pecunias a uicariis suis, ut eos permittat celebrare in uicariis suis, dicitur uendere executionem ordinis, & est simoniacus, secundum glo. in c. Licet. de poeni. ita uendens beneficia, cum accessorie uendat executionem ordinis, erit simoniacus. quod etiam in canonicatibus, & simplicibus beneficiis locum obtinet : cum is qui ea consequitur, qui aliàs absque titulo ad sacros ordines promoueri non potest, promoueretur, si illos suscipere uellet : & etiam, quia huiusmodi beneficia instituta sunt ad aliquod spirituale obsequium.

Octauo, cum de iure diuino sit, quod qui altario seruit, de altario uiuere debeat : primæ Cor. cap. i x. contrarius diuinum esset, si quod pro officio habere debet, pecunia consequeretur : etiam si solum inseruiat altari in recitandis horis canonicis, & orationibus. Cum enim Apostolus non distinxerit, nec nos distinguere debemus.

Nono, si Papa, aut quiuis alius Prælatus sic diceret, Do tibi gratis canonicatum, sed pro præbenda dabis decem ; iniuste ageret : quia uenderet semel datum & debitum : &

simoniam committeret . quia uenderet non solum temporale , sed etiam spirituale , ius scilicet percipiendi . non itaque simonia , quia agat quod inhibitum est , sed potius inhibitum , quia res iniusta .

Decimo , contra eos , qui audent dicere , simoniam committi in susceptione sacrorum ordinum , non pro assequendo beneficium ecclesiasticum , maxime a Papa ; proponitur hæc ratio . Quando quis ordinatur , recipit potestatem ligandi & soluendi tantum in habitu , non in actu . xviii . q . i . c . Ecce sufficienter . & c . seq . Hinc est , quod nemo soluere potest , aut ligare , quantumcunq ; sit sacerdos : sed tunc demum , cum sibi datur beneficium curatum . Tunc enim sibi confertur ordinis executio : quæ executio mere spiritualis est , & uetita de iure diuino comparari pretio : pro quo est glo . in c . Ex diligenti . de simo . Clem . i . de priuil . fuit ratio Abb . in c . Extirpandæ . § . Si uero . de præben .

Magno itaque applausu recipienda est sententia Petri de Anca . in c . i . de consti . in ii . oppositione , quod facere beneficia ecclesiastica uenalia , est denigrare uniuersalem statum ecclesiæ . allegat l . Si quemquam C . de epi . & cleri . cum dicitur : Profecto enim quis locus tutus , & quæ causa poterit esse excusata , si ueneranda dei templa pecuniis ex

AN PAPA LABEM SIMO.

pugnentur? Quòd si denigratur status universalis ecclesiæ, nec Rom. Pontifici erit permessa per ea, quæ habentur in c. Sunt quidam XXV. q. 1.

Nec sibi blandiantur simoniacæ labis fautores, quòd spirituale gratis, pro temporali pretium recipiatur. quoniam hæc adeo connexa sunt, ut uendito uno aliud uenditum censeatur. c. Siquis obiecerit l. q. 111. imo etiam quando per pecuniam confertur beneficium iam ordinato ad sacros ordines, aut ex dispensatione habenti aliud beneficium, censetur uendita executio ordinis in loco, in quo prius non habebat huiusmodi potestatem.

Nec præmissis obstat, quòd ex statuto ecclesiæ sint tituli dignitatum & beneficiorum. non enim erant tempore Apostolorum. igitur ab eo uendi possunt, in cuius potestate sunt omnia iura positiua. Quoniam cum spiritualium uenditio iure diuino prohibita sit, cuicunque spirituale inseparabiliter adhærebit, incapax erit uenditionis; imo utrunque: licet quòd hoc spirituale temporali adhæreat, sit iuris positiui. Sicut nec sequitur: hæc bona alienari poterant, antequam essent ecclesiæ donata: ergo & ex post alienari poterunt. Et si quis urgeat, Nonne Papa ex plenitudine potestatis ex causa pote

Secu

rit rem ecclesiæ dicatam ab ecclesia separare & uendere? igitur poterit beneficia pretio conferre, habita ratione ad temporalia annexa. Respondetur, hæc inter se longe distare. quoniam primo casu cum bona iam ab ecclesia separata uendit, aut uendendi facultatem concedit; ementi nullum onus spirituale annexum incumbit, quod uēdi censeripotest. secus secundo casu, quo, dato beneficio, datum est ius spirituale, siue sit animarum cura, siue quoduis aliud spirituale obsequium, quod etiam uenditione uenit. d. c. Siquis obiecerit.

Secundo, non obstat quòd sicut ex uenditione rei secularis transfertur ius patronatus, quod est spirituale. c. Cum secundum. de iurepatro. Sic in quocunq; beneficio uidetur cum temporalitate per connexionem uendi posse beneficium. Quoniam respondetur, quòd uendita uilla, in qua est ius patronatus, licet ius patronatus transeat in uenditione, non tamen est simonia: quia principaliter uenditur temporale, in cuius consequentiam uenit ius patronatus: non quòd spirituale uendatur. Secus in ecclesiastico beneficio: cum ipsum quod principaliter confertur: temporale uero per quandam consequentiam. Ex quo infert Abb. in c. Querelam. de iurepatro. quòd si uendatur uilla, & ius patrona-

AN PAPA LABEM SIMO.

tus, non ualet contractus: quia eo casu ius patronatus ut principale uenditur, quod fieri non potest. Secus si uilla uendatur cum iure patronatus, quia tunc uenit consecutiuē. & hoc modo intelligendum quod dixit Io. an. in c. 1. de iure patro. lib. vi.

Dici etiam potest cum beato Thoma, secunda secundæ. q. centesima, ar. 1111. aliquid dici posse annexum spiritualibus dupliciter. uno modo, sicut ex spiritualibus descendens: sicut habere beneficia ecclesiastica dicitur spiritualibus annexum, quia non competit nisi habenti officium clericale. & quia huiusmodi nullo modo esse possunt sine temporalibus, nullo modo uendi possunt. & allegat d. c. Siquis obiecerit. quædam autem sunt annexa spiritualibus, in quantum ad spiritualia ordinantur. sicut ius patronatus, quod ordinatur ad præsentandum clericos ad ecclesiastica beneficia: & uasa sacra, quæ ordinantur ad sacramentorum usum. unde huiusmodi non præsupponunt spiritualia, sed potius ea temporis ordine præcedunt. & hæc aliquo modo uendi possunt, non autem in quantum sunt spiritualibus annexa.

Non obstat tertio, quod sicut Imperator in temporalibus dominus, potest uendere dignitates seculares: ita uideatur, quod

Papa dominus spiritualium, uendere possit spiritualia; & sicut l. Julia de ambitu non habet locum in curia Imperatoris l. i. et ibi not. Doct. ff. ad l. Iuliam de ambi. Sic nec in curia Roma. simonia, ut ibi not. Bar. Quoniam respondetur quod longe distant spiritualia à temporalibus. quoniam dignitates, seu officia secularia, ordinata sunt ad gubernationem seu dispositionem eorum, quorum naturæ non repugnat quod uendantur, & sub sunt soli dispositioni principis. Secus in spiritualibus, quæ in nullius sunt dominio, nec æstimationem recipiunt.

Non obstat quarto, quod licet Iacob non commiserit simoniam emendo ius primogenituræ, quod sibi ex concessione diuina debebatur: tamen Esau commisit, qui hoc alio modo dare noluit. c. quàm periculosum. vii. q. i. Sic omnia, quæ sunt ecclesiarum, cum credita sint Papæ, uidetur non committere simoniam recipiendo pro spiritualibus temporalia ab ecclesiasticis uiris, qui aliàs daturi non forent. Quoniam respondetur non esse simile, ex quo ius primogenituræ datum fuerat a Domino ipsi Iacob: & ideo redemptio potius fuit uexationis: quæ licita est aliàs habenti titulum. Sed bona ecclesiarum non sunt Papæ, nisi quo ad curam & dispensationem ad necessitatem ecclesia-

AN PAPA LABEM SIMO.

rum, deseruientium eis, & pauperum. Ideo ea uendere non potest.

Siquis autem hæsitaret: sicut nemini licet dare spirituale debitori nolenti soluere, ut reciperet debitum, & dando committeret simoniam, ex sententia Sancti Thomæ, in 1111. di. xxvi. & not. in c. Qui studet. i. q. i. & in c. Dilectus. de simo. Sic non uideatur licuisse Iacob, dare temporale pro spirituali, licet sibi debito. Respondetur, non esse simile. nec sequitur: non licet dare spirituale, ut quis reciperet temporale: ergo non licet dare temporale, ut reciperet spirituale, quod suum est. Et ratio diuersitatis est, quia is recipit quod suum est, & dat quod suum est: ille dat quod suum non est, & recipit quod suum non erat.

Non obstat quinto, quod si simonia in beneficio esset pari modo de iure prohibita, sicut in ordine, pari modo puniretur: quod falsum est, ut not. in c. Presbyter. i. q. i. & in §. uerum. & in §. ad hæc. xxi. dist. & non fieret distinctio, ut cum simonia eo in ordine non dispensetur, ut not. in c. Qui studet & in §. in summa. i. q. i. & probatur in c. Quicumque, & in c. Eos, in principio. & in c. In presentium i. q. v. Quoniam respondetur, non recte colligi: non pari modo plectuntur: ergo non sunt utraq;

prohibita iure diuino : non enim pari modo puniuntur quicumque transgressores iuris diuini : sicut nec æqualiter peccant.

Non obstat sexto , quòd ubicunque accessorium est talis naturæ , quòd per se habet subsistentiam sine eo quod sibi principale censetur , tunc accessorium non sequitur naturam sui principalis . l. fi. §. Lucius. ff. de condi. inde not. Ancha. per illum tex. in regula Accessorium. de reg. iur. in v l. sed beneficia subsistere possunt sine hoc , quòd transferant aliquod ius spiritualis ordinis , & de se considerata nihil potestatis clauium habent , sed meræ administrationes sunt , nec sequuntur naturam sui principalis , scilicet ordinis ecclesiastici . pro quo etiam uidetur tex. & ibi not. Abb. in c. Tuas . el. 3. de simo. ubi simonia in præambulis ad ordines , & sic ad spiritualia non iudicatur ad paria cum simonia in ordinibus ; & facilius dispensatur . Quoniam respondetur , assumptum non uerum , beneficia ecclesiastica posse subsistere sine hoc quòd aliquid non transferant spiritualis muneris , licet non semper spirituale sacri ordinis . Quoniam nullum est beneficium quantuncunque simplex , ratione cuius non debeat aliquod spirituale obsequium domino : quod etsi nihil participet de potestate clauium , non pro

AN PAPA LABEM SIMO.

pterea fit, quòd non committatur simonia, quæ semper committitur, cum spirituale pro temporali datur aut recipitur. nec quòd una facilius, alia difficilius dispensetur, efficit quòd non fit simonia prohibita, quia simonia & de mandato dei, aut quòd fit aliquod simonia solo iure positiuo prohibita.

Non obstat septimo. c. Constitutus de re li. domi. ubi Episcopus concessit illi Abbati, & confirmavit sedes Apostolica, omne ius quod habebat tam in ipso monasterio, quàm in ecclesiis pertinentibus ad monasterium situatis in diocesi Episcopi pro certa annua pensione: nec committitur simonia. Quoniam responderetur, quòd concessio Episcopi fuit gratuita: & monachi etiam gratuito, non ex pacto præcedenti pensionem dederant in quandam recognitionem: & pensio octo denariorum erat tam modica, quòd non haberet mouere animum nec dantis, nec recipientis ar. c. Etsi quæstiones. de simo. & c. Iudices. i. q. i. uel melius dicendū, ex sententia gl. in d. c. Constitutus. in uer. recompensatione, quòd eo casu nec in consimilibus exemptionibus committitur simonia, quia plus commodi temporalis percipiebat Episcopus, quàm erant illi octo denarii, & illos recipiebat non in recompensationem, sed potius in signum recognitionis

ut in c. 11. de censu.

Octauo, non obstat, quod nemo habet ius in bonis ecclesiasticis, nisi per iurisdictionem Papæ. igitur potest Papa illa etiam precio concedere. Quoniam respondetur, quod non recipiunt à Papa, sicut à domino, sed sicut a dispensatore, cum non habeat dominium, sed patrociniū & defensionem: sicut omnia dicuntur Imperatoris, ad defensionem & tuitionem.

Nono non obstat, quod sicut si Papa aut Episcopus antequam alicui beneficium aut præbendam conferat, ordinavit aliquid subtrahere de fructibus ex aliqua iusta causa, non est simonia, ex sententia sancti Thomæ secunda secundæ q. centesima. arti. 1111. not. Abb. & alii per illū tex. in c. 1. ut ecclesiast. bene. & habetur in c. Si propter tua debita. de rescrip. in v. 1. ita uideatur posse recipere ab eo, cui confertur beneficium. Quia respondetur, non esse simile. quoniam non recipit ab eo cui dat beneficium, nec ut magis huic, quam illi conferat. Quapropter dixit idem sanctus Thomas, loco citato, quod si ab eo, cui confert beneficium, peteret aliquid sibi dare de fructibus, aut aliquod munus reciperet, non careret scrupulo simoniæ. Hinc est quod in receptione mediorum fructuum, quas annatas uocant, non committitur simonia, ut

infra declarabitur.

Quamuis autem tam in collatione ordinum, quàm beneficiorum, siue curata, siue simplicia fuerint, iure diuino committatur simonia, siquid etiam a sponte dante recipiatur: non tamen Papa incurrit poenas a iure posituo inflictas: quia est supra ius, & illius poenis non astringitur. Cardinalis tamen in c. i. de simo. asseruit, quòd Papa ex iusta causa possit quandoque in collatione beneficiorum aliquod recipere, licet non passim, ne scandalizet ecclesiam. ad quod allegat glo. in c. fi. q. i i i. quia etiam in prohibitionibus iure diuino Papa ex causa illas relaxare potest, ut plenius aliàs declarabimus. Sed hæc assertio reiicienda est, & prorsus abominanda.

Quòd etsi Papa non incurrat poenas iuris positui, incurrit tamen is qui recipit beneficium, nisi expressim secum dispensetur, secundum Abb. in d. c. Extirpandæ §. Si uero. nec dissonum est, unum correlatiuorum incurrare poenam, & non aliud. sicut Esau commisit simoniam, non Iacob: & Giezi, non Naaman Syrus: & sicut Episcopus non est excommunicatus a sua sententia, siue Canone, aut statuto, ut late disseruit Io. an. in regula, Cui licet. de reg. iur. lib. v i. & hæc uidetur æquior opinio: licet Cardina. Alexan.

xand. in c. Latorem l. q. i. in hoc improba-
uerit Abbatem ex eo quòd Papa faciendo
ex certa scientia actum illicitum siue prohi-
bitum, super quo potest dispensare cum in-
habili, uidetur tacite dispensare ar. l. Idem
Vlpianus. ff. de excus. tut. l. Quidam consu-
lebat ff. de re iudi. Inno. & alii in c. Diuersis
fallaciis. de cleri. coniug. & quia per actum
contrarium uidetur suspensa iurisdictio. sed
hæc ad materiam dispensationum pertinent:
de qua aliàs erit differendum.

170

DE ANNATARVM
INSTITVTIONE, ET
EARVM DEFENSIONE.



ANNATARVM institutionem, si ad ius diuinum referre nolumus, ut sint decimæ decimarum summo sacerdoti debitæ, eam tamen non adeo nouam asserimus, ut Io. XXII. quod plerique faciunt, tribuamus: quandoquidem illarum institutionem Viennens. concilium receperit, quod habitum fuit anno MCCCXI. & Ostien. ac Io. an. qui Ioannis XXI tempora præcessere, de his mentionem fecerint. cuius Io. an. uerba referenda duximus, cum dixit in c. Inter cætera. de off. ord. in glo. ult. in fi. Dicit hic Ostien. quod Rom. ecclesiam in annatis exigendis, ubi alioqui nullum ius haberet, excusaret necessitas: quia nec de suo posset omnibus providere. & subiicit: est id de antiquissima consuetudine iam obtentum, in quo Episcopi particulares putant se posse imitari Rom. ecclesiam, cum non possint. & infra: Pluries clamaui in tantum, quod de hoc fuit sermo in concilio Viennens. quod optarem, quod curia re-

Y ii

DE ANNATA. INSTITV.

peteret & caperet uigesimam reddituum clericorum totius orbis ad sustentationem Papæ, & Cardinalium, & nihil exigi & recipi pro seruitiis in promotione prælatorum, exceptis salariis laborantium, puta scriptorum, & similium. & tunc prouideret legatis, & nunciis, quos mittit, de prædicta quota: & abstineret ab exactione fructuum primi anni.

Non defuere qui assererent annatarum solutionem ortum habuisse ex eo, quod refert Damasus Papa in chronica summorum Pontificum, quod sicut Papa in sua ordinatione contribuebat Imperatori, nec id uitio dabatur: & forte id est, de quo mentio fit in c. Agatho. LXIII. di. & in c. Tributum XXXIII. q. VIII. sic & suscipientes modo ordinationes a Papa, aliquod ei persolunt, tanquam in alterius ius successerit.

Arbitrantur alii, sponte quidem ab initio promotos annatas soluisse: idque in scriptis redactum obligationem induxisse: sicut ad oblationes modo tenentur fideles; quæ ab initio ex arbitrio & sponte fiebant. c. Omnis Christianus. de conse. di. i. c. Statuimus. XV. q. i.

Nec defuere qui dixerint, hunc etiam fuisse antiquum morem gentilium sacerdotum. Ioannes enim grammaticus (ut refert Ferdinandus Cordubensis, in suo tractatu de

annatis) in illud Aristot. primo metaphy. sacerdotum genus apud Aegyptios uacare permissum est; inquit: Aegyptii primi, de inde omnium gentium sacerdotes, fuerunt locupletes, praesertim maximi sacerdotes: nam inferiores sacerdotes, in ingressu sacerdotii mediā partem reddituum summo sacerdoti ministrabant. sed quācumq; habuerint originem, satis constat iam diu omnium nationum consensu receptas, usu comprobatas, per Constantien. concilium post Vienne. admissas, quas etsi inhibuerit Basilien. concilium, irriti tamen & inanes fuerunt eorum patrum conatus: qui odio magis in Eugenium 1111. Rom. Pontificem, quā aequitatis & iustitiae zelo de annatis & aliis pluribus ausi fuere noua edere decreta, quae irrita fuere, nec usu recepta.

Potest autem annatarum institutio pluribus rationibus defendi, & in primis, quia sicut ex Philosophorū & Diui Thomae sententia, secunda secundae q. LXXXVIII. ar. 1. principibus & militibus ex publico uitae necessaria ministrari debent: ita & sacerdotibus, qui diuino cultui ad communem populi salutem inseruiunt. Propterea super Iosue cap. XXI. dixit, apud omnes gentes obseruatum fuisse, quod qui diuino cultui intendunt, a populo sustententur, aut ab

DE ANNA TA. INSTITV.

his, qui curam gerunt uniuerſitatis. propter quod Aegyptios ſacerdotes famis tempore nulla, ut alii, neceſſitate adductos poſſeſſiones uendere. quòd alimenta eis de publicis horreis præſtarentur: Gene. XLII. Quanto magis igitur Rom. Pontifici, qui omnium Chriſtianorum curam gerit & ſolicitudinem, debentur a ſuis ſacerdotibus uitæ ſubſidia? cuius occasione inductæ ſunt annatæ, & aliæ pleræque contributiones.

Præterea poteſt Rom. Pontifex decimas, fructuum etiam, quæ aliis debentur, laicis concedere c. A nobis. de deci. c. Adrianus. LXIII. di. c. In ſynodo XVI. q. I. ſicut regibus Hiſpaniarum, & aliis plerique conceſſit. Poteſt ſtatuto, conſuetudine, aut priuilegio induci, ut primi anni fructus, & quandoque duorum aut trium, fabricæ, Epifcopo, aut ad alium quempiam uſum reſeruentur, idq; præcipue Rom. Pontificis auctoritate. c. Si propter tua debita. de reſcrip. lib. VI. & in extrauag. Io. XXII. quæ incipit, Suſcepti. & non poterunt mediū fructus primi anni ſummo ſacerdoti reſeruari? Poteſt pater corripere filium ſibi alimenta negantem, & ad ea præſtanda compellere. l. qui filios. C. quæ res pigno. oblig. poſ. & l. I. & II. C. de patri. qui fil. diſtra. ipſos etiam uendendo. & non poterit ſpiritalis

pater, cui non minus obsequii debemus, quam carnali, quotam partem fructuum ecclesiasticorum pro suis necessitatibus reservare?

Quod si quis diceret: non tenentur filii patribus thesaurizare, sed pater filiis, secundæ Corin. c. XII. nec etiam necessitatis tempore. habet ecclesia Romana propriam diocesim, cuius sacerdotes suo tenentur Episcopo subuenire: habet ecclesia amplum temporale dominium: huius subditi suo subueniant domino: non grauentur alii, qui suis dominis & suis Episcopis providere tenentur: ne multiplicitate prægrauentur onere. Respondemus, non teneri filios patribus thesaurizare: teneri tamen patri subuenire, cum eger. sic Rom. Pontifici omnium parenti & pastori: pro qua subuentione adinuentæ sunt annatæ.

Quod uero Rom. Pontifex propriam habet diocesim: habet quidem propriam, quæ scilicet alterius non sit, sed non propriam, quæ Romanis finibus coarctetur. Cum enim sit uniuersalis ecclesiæ Episcopus, uniuersus orbis sua est diocesis c. Per principalem c. Cuncta per mundum. IX. q. I. nec minore onere grauantur ecclesiæ subditi, quod aliis teneantur subuenire principibus. quandoquidem & præter annatas, quæ

DE ANNATA. INSTITV.

cum aliis communes sunt, ad ea tenentur Pontifici uestigalia, quæ & alii suis principibus contribuunt.

Obiiciunt alii, non soluendos medios fructus, quòd Numc. xviij. habeatur: Nihil aliud possideant Aaron, & filii eius, decimarum oblatione contenti: quas in usus eorum & necessaria præparavi. & infra: Locutus est dominus ad Moysen: Præcipe leuitis, atque denuncia, Cum acceperitis a filiis Israel decimas, quas dedi uobis, primitias earum offerte domino, hoc est decimam partem decimæ: ut reputetur uobis in oblatione primitiarum tam de areis, quàm de torcularibus, & de uniuersis: quorum accipitis primitias offerte domino, & date ea Aaron sacerdoti; quasi summo sacerdoti debeantur decimæ decimarum, non autem medii fructus uacantium beneficiorum. Quorum obiecta refellemus ex eo, quòd mediorum fructuum solutio loco decimæ decimarum aliqua ex parte surrogatur. & si summo sacerdoti decimæ decimarum singulis annis debebatur, multo magis annorum quinque debebitur: nec tam grauis esse debet paucorum annorum anticipatio, quàm grata plurium remissio.

Maius nobis negotium est cum his, qui obstinate asserunt, simoniacam sapere pra-

uitatem mediorum fructuum exactionem, quòd non nisi his datis dentur literæ collationis beneficiorum, sine quibus nemo possessionem assequi potest: cum qui pretio dat id, sine quo alterum non prouenit, neutrum inuenditum relinquat. c. Siquis obiecerit. l. q. i i i. Sed falluntur hi, suumq; agnoscant errorem, si formulam constitutionis, qua mediorum fructuum solutio debetur, inspicerent. Constat enim non prælatus, aut ecclesiæ rectorem, sed ecclesiam ipsam, antequam ei aliquis præficiatur, ad solutionem obligari, cum cauetur, quòd de uacantibus ecclesiis medii fructus cameræ apostolicæ debeantur: quo constat ex ipso uacationis die ius quæsitum apostolicæ cameræ. propterea qui ecclesiæ præficitur, medios soluit fructus, ut æs alienum prius ab ecclesia debitum, ad quem tenetur nouus rector: quemadmodum teneretur ad debita prædecessoris, si uersa fuissent in ecclesiæ utilitatem.

Cessat etiam omnis simoniæ suspicio, quòd ex mediorum fructuum solutione non uni magis, quàm alteri confertur beneficium: cum quicumque præficiatur, ad eandem solutionem tenentur.

Item in simoniaca prauitate non sola pecuniæ datio, aut muneris, imputanda sunt

DE ANNATA. INSTITV.

pro crimine , sed quo animo , qua occasione detur:& qua mente recipiatur.c. Etsi quæstiones . de simon. & propterea simoniam non committunt , qui , ut horis canonicis interfint , quotidianas recipiunt distributiones , modo prima eorum intentio sit ecclesiæ in diuinis deseruire:consecutiue autem pecuniam pro uitæ sustentatione recipere . Idem de sacerdote missas celebrante , aut pauperibus Deum orantibus pro eo , qui elemosynas erogauerit : quibus non imputatur simonia , quòd pecuniam consecutiue pro stipendio , aut uitæ sustentatione recipiant .

Præterea cum ecclesia cœpit oblata immobilia apud se retinere , illorum redditibus duntaxat distributis , nulli certi redditus debebantur , sed pro necessitate & dispensatoris arbitrio . nulla igitur uidetur fieri iniuria , cum iure positiuo distributio certa sit inducta , si is qui suprema fungitur auctoritate , & cui dispensatio est commissa , id agit quod prius licebat , minus scilicet pro primo anno dando , et aliquid pro sua sustentatione retinendo . nec propterea dici potest gratis non dare , quod minus det , cum gratuita uoluntate det:etsi aliquid retineat quod dare potuisset . nec minus uidetur summo Pontifici licere pro sui necessitate , quod

pro aliena licet: et sicut omni caret reprehensione, si Pontifex, dando uni beneficium, partem reddituum clerico indigenti, loco annuæ pensionis, referuet, sic licebit modestius agendo medietatem fructuum primi anni pro se retinere. Maxime quod pensio singulis annis, annata autem primo duntaxat, quo quis recipit beneficium, debeat. & quia onus perpetuum non est, non dicitur beneficium cum diminutione conferri contra dispositionem, c. i. ut eccle. bene. sine dimi. conferantur,

Præterea cum alligari non debeat os bovi trituranti; & qui altario seruit, de altario uiuere debeat, & proinde possit bonus dispensator, pro sua necessitate & sustentatione, ex his, quæ suæ credita sunt dispensationi, aliquid retinere, si ea fiat intentione, non ut pretium gratiæ recipiat, sed subsidium uitæ: nihil est quod dignum sit reprehensione; cum de genere malorum non sit retinere, quod commode potest, & sine scandalo, pro uitæ subsidio, & incumben-
bus oneribus. Nec simile est quod dicunt plerique, non fœnerandum, ut detur elemosyna: & non sufficere, aliquid bona intentione fieri, si quod fit, malum sit. Quoniam fœnerari de se malum est, subsidium uitæ malum non fit.

DE ANNATA. INSTITV.

Nec obstat, quòd ex sententia sancti Thomæ in 1111. sent. di. XXVI. habetur, & not. in c. Qui studet 1. q. 1. & in c. Dilectus. de simo. non licere sine simoniæ labe aliquid spirituale debitori dare, ut quod suum est quis consequatur. Quoniam aliud est a debitore quod suum est recipere, data re spiritali: aliud, debitum retinere ex temporali dando debitori, etsi muneri spiritali annexum sit: non minus quàm si conductor reddituum beneficii pro compensatione eius, quod sibi a locatore debetur, partem retineat locatorum fructuum, qui etsi annexi sint beneficio, nulla tamen committitur simonia.

175

DE RESERVATIONI-
BUS BENEFICIORVM
A ROM. PONTIFICE.



RESERVATIONES be-
neficiorum ecclesiastico-
rum, quæ fiunt a Roma-
no Pontifice, iam annis
c c c l receptæ sunt ab ec-
clesia, & approbatæ. Cle-
mente enim i i i Pontifice, qui ad munus Pon-
tificium assumptus fuit anno M C L X X X V I I I .
edita fuit constitutio, quæ habetur in c. i i .
de præben. lib. v i . per quam Rom. Ponti-
fici reservatur dispositio uacantium benefi-
ciorum in Romana curia. & in c. Cum di-
lectus, de iure patro. fit mentio reservatio-
num etiam per legatos Apostolicæ sedis fa-
ctarum, quæ fuit constitutio Innocentii i i i ,
qui erat Pontifex, anno M C X C V I I I . &
eiusdem fuit decretalis, Proposuit. de con-
ces. præben. ex qua constat, eo tempore con-
cessa mandata de providendo, de quibus
etiam per Bonifacium v i i i . in c. Manda-
to. de præben. lib. v i . ut prætereamus alias
constitutiones eiusdem Bonifacii in c. Si eo
tempore. de elect. in c. Præsenti. de offi. dele.
lib. v i . & extrauagan. Ad regimen. & forte

DE RESERVAT. BENEFI.

etiam uetustiore habuere originem, & usum. Legimus enim in c. Porro LXIII dist. Nicolaum primum reseruasse Treueren. & Colonien. ecclesias, cum mandauit nullum eligi, antequam relatio fieret Apostolatui suo. Idem uidetur factum de Salonitana ecclesia a Gregorio, ut colligitur ex c. Salonitanæ. ea. dist.

Comprobantur reservationes ex eo, quod Imperator habet priuilegium ab Apostolica sede, quod in qualibet Germaniæ ecclesia, eius intuitu, unus recipiatur. Quod Specu. asserit se uidisse bullatum in 111. parte tit. de præben. in fi. Quæ gratiæ primariæ preces nuncupantur. & nos legimus literas primariarum precum Rodulphi Imperatoris, qui electus fuit anno MCC LXXIII, huiusmodi tenoris: Rodolphus, Dei gratia Rex, & semper Augustus, honorabili in Christo deuoto N. Abbati gratiam, & omne bonum. Cum & antiqua & approbata, ac a Diuis Imperatorum & Regum inclitæ recordationis nostris antecessoribus usque ad nos producta consuetudine quælibet ecclesia in nostro Rom. Imperio constituta, ad quam beneficiorum ecclesiasticorum pertinet collatio, super unius collatione beneficii preces nostras primarias admittere teneatur; deuotionem tuam rogamus, quatenus N. clerico de be-

neficio ecclesiastico, quod ad tuam collationem spectat, ob reuerentiam sacri Imperii et nostram, si quod uacat ad presens, uel quàm primum uacauerit, dilecto nostro N. studeas liberaliter providere, taliter faciēs, quòd deuotionem tuam nostra serenitas debeat merito commendare.

Quòd si Imperatores, si legati de latere ex concessione Ro. Pontificis possunt literas dare ad uacatura; & contra, eas ordinario- rum collationes irritas facere: quanto magis Rom. Pontifex poterit id agere, quod aliis faciendi tribuit facultatem?

Et quòd improbandæ non sint reseruationes apostolicæ, deducitur ex eo quòd Rom. Pontifex uocatus est in plenitudinem potestatis, alii uero in partem solitudinis. c. Ad honorem. de aucto. & usu pallii. c. Decreto II. q. VI. c. Multum III. q. VI. & ex eo quòd Rom. Pontifex plenam habet potestatem in dandis beneficiorum titulis, etiam antequam uacent. c. II. de preben. li. VI. Clem. I. in fi. ut lit. penden. glo. III. in c. Si ratio- se de rescript. libro VI. glos. in c. Pastoralis V. q. III.

Propterea miramur Basilien. concilii patres admisisse reseruationes in corpore iuris clausas, necnon locum esse præuentioni, & tamen ausos fuisse abolere quantum in eis

fuit, reservationes alias quascunque siue generales siue speciales etiam extrauagantium & regularum cancelariae, quasi illae non sint constitutiones Apostolicae, nec ius faciant, uoluerintque ipsi inferiores auctoritatem superioris sui certis finibus cohercere.

Accedit ad comprobationem reservationum quod dixit Io. an. ex mente Inno. in c. Ex eo. de poenit. dum inquit, quod ideo potuit Rom. Pontifex coarctare potestatem inferiorum in dandis indulgentiis, prout fecit in dicta decretali, quia omnes minores praelati potestatem habent ab eo, ipse autem a Deo solo. c. Quauis x x i. di. c. i. x x i i. di. Item hoc potuisse ratione principatus & iurisdictionis quam habet super omnes c. in nouo x x i. dist. simili igitur modo potuit adimere inferioribus auctoritatem dandi beneficia antequam uacent c. i i. de concess. praeben. & sibi ipsi reservare hanc auctoritatem, priusquam uacent c. i i. de preben. li. v i.

Plures autem causas propter quas Potifex moti sint ad faciendas huiusmodi reservationes, posuit Glosator extrauag. Ad regimen; qui dicit se credere ea ratione adinuentas reservationes, quod cum sollicitudo pastoralis officii multis indigeat ministris, cum messis multa sit, operarii uero pauci. x x x i distinct. c. In nouo, uocandi sunt plures in partem

partem sollicitudinis . c. Qui se. II. q. VI. c. Ad honorem. de usu palii. quos remunerare tenetur, necnon & eos qui suis seruiuerunt prædecessoribus XII. q. II. c. Hoc huiusmodi c. Charitatem. & c. Ecclesiasticis. & ad eius sedem confluant clerici indigentes, quibus paterna dilectione subuenire tenetur. XCIII. di. c. Diaconi. & c. Ad renuntiationem. de renunt. non alienum ab æquitate fuit, inuenire modum, quo summus Pontifex posset pluribus providere, ut per eum fieret iusta beneficiorum distributio. & si Io. an. in addit. spec. ti. de institutionibus, dixerit, quòd olim Rom. Pontifices raro faciebant gratias beneficiales. Vnde in uolumine decretorum. non fatigamur in his. Inceperunt demum illas dare, sed curialiter: primum rogando, demum præcipiendo, et executores dando: nec facile grauabat unus Papa, eandem ecclesiam, nisi de uno. Vnde ponebat clausulam, si pro alio non scripserimus, uel æquipollentem: ut in c. Statuimus. c. Capitulum c. Ex insinuatione, cum tribus seq. de rescript. procedente tempore factæ sunt gratiæ, datis executoribus: ut in c. Pro illorum. c. Dilectus. II. & III. de præben. postea, Innocentio IIII. Pontifice, dabatur impetranti beneficium acceptandi. c. Quia cunctis. de præben. lib. VI.

Z

DE RESERVAT. BENEFI.

& successiue addita clausula mensis cum inhibitione & decreto.

Si quis uero improbet reservationes ex eo, quòd ordinarii grauari censentur. c. Mandatum Apostolicum. de rescrip. cum enim collatio beneficiorum, quædam dici possit donatio, quòd ordinarius liberalitate utatur uni magis, quàm alteri conferendo, ut not. in c. Relatum. de præben. & ex hoc collatio beneficiorum inter fructus computetur: ut in c. Cum olim. de maio. & obe. merito dici potest grauari ordinarios, quòd hoc fructu, & hac donandi liberalitate priuentur. Respondebimus, grauari quidem, sed non graui onere. Quoniam quando agitur de collatione beneficiorum, est quæstio de modico præiudicio collatorum, aut eligentium, cum nullam utilitatem aut commodum in conferendo uel eligendo conferri possint. c. i. ut eccle. benef. sine dimi. confer. doct. in c. Quæ in ecclesiarum. de constitu. proinde dixit Abbas in c. i. col. fi. de in integ. restit. quòd Canonici si grauati fuerint in non eligendo, nequaquam ueniunt restituendi, quia agitur de modico eorum præiudicio & interesse.

Ingenue tamen fatemur, ex frequenti & multiplici usu reservationum conqueri posse ordinarios, quòd ius conferendi benefi-

cia maiori ex parte auferatur. quod est contra c. Ecce. XCIX. dist. & ecclesiasticus ordo confundatur, si sua iurisdictio cuiq; Episcopo non seruetur, contra decretum c. Peruenit XI. q. I.

Modus igitur adhibendus, ut usus sit, non abusus: & grauentur quidem ordinarii, sed ne nimium grauentur. Meminerint itaque Romani Pontifices, priscos illos Pontifices, prædecessores suos, tam moderate reservationes fecisse, ut non nisi tempore Innocentii III. adinuentæ fuerint expectatiuarum formulæ: quibus etiam tam parce utebantur, ut pro magno munere & lætitiæ signo per tres dies dūtaxat date fuerint expectatiue in forma pauperū, cum Ioannes, francorum Rex, officii causa et uisitationis se contulit ad Clementem VI. Pontificem. et quamuis ipse Rom. Pontifex, etiam si nulla adsit ordinariorum negligentia, nullaq; facta sit deuolutio, conferre possit uniuersi orbis beneficia, ut not. Abb. in c. Quia diuersitatem per illum tex. ponderando uerbum, præter dissidia. de conces. præben. per c. I. de præben. in VI. & concurrere possit in beneficiorum collatione cum quibuscumq; ordinariis, quia est ipse ordinarius uniuersi orbis. c. Per principalem. c. Cuncta per mundum. IX. q. III. non tamen honestati congruit,

tam frequenter suprema uti potestate, quòd tota fere absorbeatur Episcoporum auctoritas, & iurisdicção, usque adeo quòd plures Episcopi conquerantur, sibi duntaxat relicta Mitram & Baculum Episcopalia insignia, reliqua fore inania & uacua. Sed maxime abstinendum uideretur ab his reservationibus & mandatis, quibus mandatur, ut unum, duo, tria, & quotquot uacare contingeret, usque ad designatam summam uni conferantur: quæ quandoque non in una tantum aut duabus diocesibus, sed ad universam provinciam aut regnum extensæ sunt; cum his reservationibus innumera beneficia etiam incompatibilia quis assequatur: quæ cum retinere non possit, cogitur aliis renunciare pensione sibi reservata: quo fit ut inhabiles, & minus idonei, maiorem offerentes pensionem, melioribus & magis idoneis præferantur. Habenda etiam esset ratio minorum beneficiorum, & eorum maxime, quæ Germani choralia uocant, ut scilicet a reservationibus excluderentur: ut minus ordinarii grauentur, & ne tam exilia beneficia pensionibus grauentur.

DE PENSIONIBVS.



PENSIONVM super ecclesiarum fructibus reservatio nequaquam uidetur improbanda, cum pro bono pacis ad lites componendas constituuntur. c. Nili. de præben. & alteri egenti prouidetur de eo, quod uni superabundat. ut not. doct. in c. Ad audientiam 11. de rescrip. in c. Extirpanda. de præben. in c. Conquerente. de cleri. non resi. & in clem. 1. §. Eadem. de cleri. non resi. Ratione etiam inæqualitatis fructuum in beneficiorum permutatione licita est pensionis reservatio. c. Ad quæstiones. de rerum permuta. Quod si qui per collusionem aut aliàs legi fraudem fecerint, beneficiis sunt spoliandi, ut cum aliqui super beneficiis quæ obtinent, sustinent se a quocumque molestari, ut postea quæstioni cedant, & quasi nomine transactionis constituatur pensio. c. Audiuimus. de collusio. detegen.

Decretum autem Inno. 111. in c. 1. ut ecclesia. bene. sine diminutione confer. non prohibet pensionum reservationem, sed ne collator reddituum partem quasi paciscendo sibi reseruet, & eius ratione beneficia cum di-

Z iii

minutione conferantur.

Pensiones autem reseruasse ueteres patres nostros, colligitur ex actis, quæ colligi præcepit Xystus Valentiniano & Anatolio consul. c. i x. & habentur primo tomo conciliorum fol. c c c x x v. ubi legitur quòd damnato in concilio L x x v i i Episcoporum, Polichronio, Episcopo Hierosolymitano, propter nonnullos perpetratos excessus; patres concilii constituerunt eidem tria ecclesiæ prædia, ut sibi fructus cederent pro eius sustentatione.

In historia ecclesiastica Nicephori lib. x i. etiam habetur epistola Athanasii, Episcopi Constantinopolitani, ad Episcopum Cretæ: in qua præter cætera legitur, quòd synodiciis literis, & Imperatoris decreto factum est, ut ex Episcopatu Metropoli Monobasceñ. subiecto, c c aurei annis singulis sibi Episcopo Cretæ redderentur.

Habenda tamen uideretur ratio, ne idem beneficium pluribus grauaretur pensionibus: & antiquandus usus & gratia transferendi pensiones, ne tam diu eo onere beneficia maneant obnoxia, & diuisa.

180
DE OMNIVM FRV-

CTVVM RESERVATIONE.



MAIOR hæsitatio remanet de omnium fructuum, loco annuæ pensionis, reservatione: quia habens titulum, onus sine fructu subire cogitur, contra illud Apostoli, primæ Corin. c. ix. Nos plantauimus uineam, & uos uultis fructus illius edere. & illud: Qui altario seruiunt, de altario uiuant: & qui in sacrario operantur, cum sacrario participant. unus seruit altari, & alius uacuum illum dimittit & inanem. unus est agricola, & alius uult percipere fructus. & illud: Quis militat unquam suis stipendiis? quis pascit gregem, & de lacte ouis non edit? Nos militamus, & uos stipendia nostræ militiæ uobis quæritis. Nos gregem pascimus, & uos lac & lanam accipere uobis uultis: & habetur in c. Ecclesiæ. 9. Quia ergo xiii. q. i. Sed ad hæc respondetur, hoc licere illius auctoritate, qui bonorum huiusmodi dispensator est, & arbiter; Romani. s. Pontificis: & non licere inuito eo, qui plantauit uineam; renitente eo, qui altario seruit, aut agricola. Volenti autem

Z iiii

DE OMN. FRVCT. RESERV.

& consentienti nulla fit iniuria. Quis enim prohibet, si quis operam suam gratis impendere uelit? si quis uoluerit propriis impensis militare? etiam si id fecerit sub spe successio- nis. Nonne Paulus potuisset uictum a Co- rinthiis exigere, quibus seminabat spiritua- lia? & tamen abstinuit, nec exegit.

181

DE RESERVATIONE
REGRESSVVM.



E regressibus, fatemur eos nuper inuentos, & eorum usum ignorasse maiores nostros. dicimus tamen ex antiquorum Canonum ratione susceptos, ex tex.

scilicet in c. Cum pridem de pact. cum enim prior, & fratres monasterii de Acra non paruissent mandato Apostolico, quo Alex. III. mandauerat illis, qui eius monitu cesserant iuri suo, prouideri de aliquo beneficio ecclesiastico; mandauit eisdem restitui ecclesiam, & cappellam quibus cesserant: quod erat regredi ad beneficia, quæ renuntiauerant.

Siquis uero obiiceret, reservationes & regressus secum habere uotum captandæ mortis, & propterea magno illo Lateran. concilio statutum, nulla ecclesiastica ministeria aut beneficia cuiquam danda, antequam uacent, ne desiderare quis mortem proximi uideatur, in cuius locum & beneficium se putat successurum, & habetur in c. I. de concess. præben. Quod etiam imperialibus legibus uetitum fuit l. Ex eo testamento. C. de

DE RESERVATIONE

inuti. stipul. l. fi. C. de pact. ubi statuitur, his, quibus erat spes alienæ hæreditatis ex cognitione forte ad eos deducendæ, non licere quidquam de aduentura hæreditate pasci; subiicitq; legislator, omnes huiusmodi pactiones odiosas uideri, & plenas tristissimi & periculosi euentus, & propterea tanquam contra bonos mores reiiciendas. Quod etiam deducitur ex ratione l. Hæreditatem. ff. de acquir. hæredi. l. Quidam. ff. de donat. l. Stipulatio hoc modo cōcepta. de uerb. oblig. & not. glo. in. d. c. Proposuit. de concess. præben. Respondemus, quòd etsi pactiones de uentura hæreditate, antequam hæreditas deferatur, odiosæ sint, contra bonos mores, & plenæ tristissimi & periculosissimi euentus, uiuente eo & ignorante, de cuius rebus paciscentes conuenerint; & propterea detestandæ, & legibus uetitæ: si tamen ipse, de cuius hæreditate pactio fuerit, uoluntatem suam accommodauerit, licebit illo sciante huiusmodi pactiones seruare. & habetur in. d. l. fi. C. De pactis. eadem itaque ratione uidetur tolerari posse & debere de consensu obtinentis beneficium, & eius auctoritate, qui ius dare potest, ad uacatura successorum dari, cum maxime per regressum, si prius decesserit is, in cuius fauorem facta fuerit beneficii resignatio, ille de-

nuo præficiatur beneficio, qui semel ad idem munus ut idoneus admissus fuerat: & propter aliquam causam utilem & honestam quis etiam ea conditione, ut sibi detur regressus beneficio quod obtinet, uoluerit renunciare ar. c. Nisi cum pridem. in fi. de renunt. ut quia sit senex, aut is, in cuius fauorem fieret resignatio, esset magis idoneus, & ut uno uerbo concludamus, nec passim, nec omnibus uiderentur dandi regressus, sed tunc demum, cum adest ecclesiarum utilitas, aut necessitas, nulla personarum habita acceptione. Quæ tamen non censeretur haberi, si uiris probis, deum timentibus, & religiosis fieret gratia, in quibus cessaret omnis suspicio uoti captandæ mortis. aliis uero minus idoneis negaretur.

DE COMMENDIS BENEFICIORVM.



COMMENDARVM duo sunt genera: unum, quod fit pro ecclesiarum utilitate: alterum, quod ad recipientis utilitatem. Maiores nostri priori commendarum genere quandoque utebantur, nulla utilitatis personarum habita ratione, & hos commendatarios quandoque uisitatores appellabant: qui etiam de rebus ecclesiae alimenta sumebant, quod supererat, ecclesiae, uel successori reservato, ut in c. Charitatem. & in c. Ecclesiasticis XII. q. II. Nam Gregorius, uacante Panormitana ecclesia, uni uisitori commisit, ut omnia monasteria, sub Panormitana constituta ecclesia, eius dispositione regerentur, quoadusque proprius Episcopus fuisset ordinatus. Quod nihil aliud erat, quam dicta monasteria eidem commendare. & habetur in c. Obitum. LXI. dist. & idem Gregorius Neapolitana ecclesiam Paulo cuidam commendauit, quem clerus cum populo in Episcopum elegerant, quousque deliberare posset, quae illi facienda postulabant. & ha-

DE COMMENDIS

betur libro II epistolarum, epistola VII.
Sic idem Gregorius Fundensi Episcopo
Terracinen. commendauit ecclesiam, adeo
ut modis omnibus quæcunque ad Episco-
pum pertinent faciendi haberet potestatem:
& habetur in c. Relatio, & in c. Illud XXI.
q. I. Sic ante Gregorium pelagius eius præ-
decessor Catinensem ecclesiam pastore desti-
tutam Eucarpo Messanen. Episcopo com-
mendauit quousque proprius eligeretur Epi-
scopus, & habetur in c. Catinensis LXI dist.

Legitur in historia ecclesiastica Nicepho-
ri Callixti lib. XI epistola Athanasii Constan-
tinopolitani. Episcopi ad Episcopum Apa-
meæ, additam sibi & commendatam eccle-
siam, ut præffet.

Minora etiam beneficia sub commenda-
tione concedebantur, ut habetur in c. Qui
plures. XXI. q. I. quod fuit Leonis III
decretum, qui factus est Pontifex anno octin-
gentesimo quadragésimo octauo, ubi inquit:
Qui plures ecclesias retinet, unam quidem
titulatam, aliam uero sub commendatione re-
tinere debet. licet Aqueñ. concilium per-
mittere uidetur iure speciali unum eundem,
tāquam titulatam duobus monasteriis præ-
esse posse: quamuis regulariter interdixerit
unum Abbatem duobus monasteriis præsi-
dere, & habetur in c. Vnum. XXI. q. I. &

de commendatione ad tempus, & quæ fiat pro ecclesiæ utilitate extat decretalis, Nemo de electio. lib. v. i. ubi commenda, quæ ab Episcopis ad menses sex fiebat, maiorem requirit perfectionem, quàm beneficii ordinaria collatio. hæc enim solum exposcit, ut is qui beneficium, cui cura imminet animarum, suscipit, infra annum adeptæ possessionis se faciat promouere ad sacerdotium: illa uero, quòd tempore quo beneficium sibi commendetur, sit sacerdos. Quod colligitur ex duabus decretalibus si simul iungantur uidelicet c. Nemo. & c. Licet canon. de elect. li. v. i. nec commenda huiusmodi titulus est beneficii, nec ullam tribuit dignitatem. c. Dudum i. i. de elect. quapropter glossæ in c. Nemo. de elect. li. v. i. & in c. Si constiterit. de accusa. uocant commendatarium non prelatum sed administratorem. quibus glossis consentit Archi. in c. Is cui. de elect. li. v. i. Hinc est quòd per mortem commendatarii noua beneficii uacatio non inducitur, cum eo uiuente eius beneficium uacauerit, & uacaret, si denuo commendaretur, donec Papa ecclesiæ prouideret de prelato, secundum Ostien. in c. Ne pro defectu de elect. & glo. in clem. i. ut lit. penden. & ideo dicitur eo modo uacare, quo ante commendam uacabat.

Hinc est quòd commendatarius deposita

DE COMMENDIS

rius cēsendus est ad utilitatem ecclesiæ depu-
tatus . qualis est de quo loquitur iureconsul-
tus in l. Commendare ff. de uerb. signi. & in
l. Lucius. ff. depo. & decretalis , Ne quis ar-
bitretur x x i i . q . i i . & propterea pro arbi-
tro fructus dispensare non potest , sed eos
conseruare debet futuro prælato , retentis so-
lum quæ pro alimentis fuerint necessaria , ut
decernitur in c. fi. l x i . di. in c. Quia frater
v i i . q . i . in c. Charitatem x i i . q . i i . & glo.
in c. Nemo , de elect. li. v i .

Occasionem etiam commendarum dede-
runt religiosorum lapsi mores , & prelato-
rum infirmum & negligens regimen . Cum
enim labentibus in deterius religiosorum
moribus , & ipsi ordinis sui instituta non
seruarent , conuiuentibus eorum prelatis ,
quin & ipsis rebus ecclesiæ male utentibus ;
factum est pro ecclesiarum utilitate , pro ani-
marum salute , utq; lapsi mores restitueren-
tur a maiori dignitate præditis , ut his com-
mendarentur in depositionem scilicet & cu-
stodiam quandam : qui tanquàm tutores &
curatores ecclesiarum curam susciperent , di-
mitterentq; , cum emendati forent collapsi
mores . Sed proh dolor crescente hominum
malitia & insatiabili auaritia , quæ est idolo-
rum seruitus , atque etiam deficerent , qui ad
regularem uitam cōfugerent ob huiusmodi
religiosorum

religiosorum collapsos mores Roma. Pontifices, qui ut Christi in terris uicarii constituti sunt dispensatores bonorum ecclesiasticorum, & ipsarum ecclesiarum commendas, quæ ad tempus dabantur ad uitam obtinentium prorogarunt. & iamdiu receptum ut quæ commendari consueuerant sine difficultate commendentur, quasi statum mutauerint, quæ tolerandæ uiderentur, modo commendatarii curam haberent, ne regularibus ministris ecclesiæ destituerentur, & ne ædificia collaberentur.

Hoc secundum commendarum genus, quod maiores illi nostri ignorabant, titulo æquiperatur, hoc solo distante, quod titulus dignitas foret, commenda nequaquam. & cum commendæ huiusmodi ad utilitatem recipientis, ut scilicet se commodius sustentare possit, quod ostendunt diplomata concessionis, concedantur, censentur commendatarii dati procuratores in rem suam qui re integra amoueri non possunt. glo. in l. Sicut. §. Si procurator. ff. de procura. per l. i. i. C. de donat. sicut etiam si cui recipientis gratia & ad sui utilitatem res aliqua ad certum usum fruenda conceditur, quoad perdurat usus reuocari non potest. l. Commodato §. Sicut ff. cōmo. & glo. in c. Bona fides. de depōsi. Hinc dixit Alexandri. in c. Cum autem

XLIII. di. quòd si commendatarius is perpetuus in malos usus fructus ecclesiæ consummat, & si grauius peccet, non tamen tenetur ad restitutionem, ad quam tamen tenetur commendatarius ad tempus pro utilitate ecclesiæ datus, qui non facit fructus suos, sed similis est tutori & curatori.

Sed sicut uidentur tolerari posse commendæ huiusmodi perpetuæ non minus quàm toleratur ut regularia beneficia quæ secularibus conferri consueuerunt secularibus conferantur, & ea ratione censentur mutasse statum, & de regularibus effecta secularia & itidem econtra; ita improbandæ commendæ quæ in fraudem incompatibilitatis & defectus ætatis quandoque uidimus fieri, ut cum incompatibilitatem non faciant commende, innumera beneficia eidem commendentur, & cum quis per ætatem inhabilis est ad beneficium in titulum recipiendum, eidem commenderetur. De quo sæpius in concilio Tridentin. reclamauimus, id approbantibus patribus: & sancitum, ut incompatibilitatem faciant. Quod sanctissimum foret decretum, modo usu comprobetur.

DE VNIONIBVS

ECCLESIA RV M.



MAIORES nostros pro utilitate, aut necessitate ecclesiarum, illas inuicem, aut unam alteri uniuisse, exemplum habemus Magni Gregorii, qui Cumanam & Musitanam ecclesias simul uniuuit. Quoniam nec longo a se itineris interuallo seiunctæ erant, nec tanta populi multitudo erat, ut, sicut olim fuerat, duos habere deberent sacerdotes. & habetur in c. Et temporis qualitas. & c. seq. xv i. q. i. Sumptum ex illius epistola xxx i, libri ii ad Benenatum Episcopum.

Aliud exemplum habemus eiusdem Gregorii, epistola xxx ix, lib. vii i. ad Adeodatum Abbatem Neapolitañ. ubi monasterium Puteolis constitutum, quod falcedis dicebatur, adeo a monachis destitutum, ut nullum Dei opus illic celebraretur, monasterio eiusdem Adeodati perpetuo duxit unniendum, & eidem monasterio Neapolitañ. uniuuit Gazereñ. monasterium: licet de monasterio Gazereñ. subiecerit, quòd utrum in perpetuum hæc unio extendi, an tempo-

DE VNIONIBVS

ralis esse deberet, se maturius ac solidius pertractaturum, cum propitiante domino Neapoli fuisset Episcopus ordinatus.

Idem Gregorius epistola LXVII. li. IX. ad Agapitum Abbatem, monasterium, quod in fundo Martiano situm erat, quod ab hostibus desolatum fuerat, monasterio ipsius Agapiti cum omnibus rebus suis & ei competentibus actionibus uniuit, ea tamen ratione, ut iurisdictionem illic non Episcopus Surrentin. in cuius ciuitate erat Agapiti monasterium situm, sed Nucerinus, cuius erat diocesis, haberet, ut iura sua singulis Episcopis seruarentur. & habetur in c. II. de religi. domi. Romanum autem Pontificem posse duos Episcopatus in unum redigere, & unum diuidere, etiam inuito Metropolitano, decreuit Paschalis II. in c. Decimas XV. q. I. De inferioribus etiam beneficiis inuicem uniendis extat decretum Honorii III. in c. Exposuisti. de praben. ubi plures capellæ propter paupertatem ministrorum uni ecclesiæ uniuntur. & sic unitæ ecclesiæ dicuntur inuicem dependere, & plures licet retinere. Quod tamen aliàs prohibent sacri canones c. Eam te. de æta. & quali. Propter paupertatem ecclesiarum itaque licet illas unire, quod etiam licet Episcopo c. Sicut unire. de exces. præla. quod fuit decretum

Celestini. iiii. & propterea decretum idem in prioratibus, & regularibus beneficiis, quando adeo tenues sunt redditus, quod duobus non suppetant, cum uetitum sit, ne monachi singuli in singulis sibi commissis administrationibus uel prioratibus habitare presument. Clem. ne in agro. §. Ad hæc. de statu mona. Quod refert Clemens v. decretum fuisse a prædecessoribus suis, scilicet ab Alex. iiii. in Lateranens. concilio in c. ii. eo. ti. & ab Honorio iii. in c. penul. & ult. de capel. mona. & Episcopus unire potest unam ecclesiam alteri, etiam non uocato rectore, aut defensore, si uacabat, licet unire non possit suæ mensæ, aut capituli sui Clem. i. de reb. eccle. non alie.

Tribus autem modis fit ecclesiarum unio. Primo, cum una alteri subiicitur: quo casu sedes apud illam erit, cui alterius facta est subiectio. Secundo, si ex duabus dignitatibus una fiat: quo casu unius ecclesiæ Canonici, erunt & alterius Canonici, intereruntq; utriusque ecclesiæ Canonici electioni Episcopi, & aliis negociis. si tamen una alteri unitur, unitæ communicantur priuilegia alterius c. Recolentes. §. ult. de statu mona. quod si adinuicem uniuntur, consuetudines & priuilegia potiora, & benigniora uniuntur & retinentur in utraque ar. c. Me-

a iii

dicamentum. de poeni. di. i. & c. Non est culpandus x x x i i. q. i. sicut Imperator cum unit actionem bonæ fidei, & stricti iuris, istud unitum retinet ea quæ meliora fuerunt in altera actione. l. Vnica. in princi. C. de rei ux. actio. similiter cum legata, & fideicommissa uniuntur; quod humanius est, retinetur unitum in utraque l. i i. C. communia de leg. Tertio modo fit unio, quod utraque maneat Episcopalis: quo casu duæ erunt Episcopales sedes, sed unus Episcopus præerit utriq; ut in c. Et temporis qualitas. x v i. q. i. & si illæ duæ ecclesiæ duobus suberant metropolitanis, neutri fiet præiudicium: sed quisque eorum suum retinebit ius c. Quia monasterium. de reli. domi. hæc glo. in c. primo in uer. uniendo. ne sede uacan. quæ memoria retinenda.

Causæ autem, propter quas fieri debeat ecclesiarum unio, colliguntur ex iuribus prius citatis. Quando scilicet deest & imminutus est parochianorum numerus, habitatione prioris temporis, ut in d. c. Et temporis qualitas x v i. q. i. quando redactæ sunt ad paupertatem d. c. Exposuisti. de præben. Clem. Ne in agro. §. Ad hæc. propter euidentem utilitatem uel necessitatem ecclesiarum. d. c. Exposuisti c. i. ne sede uacan.

Necessitas autem, propter quam fit ne-

cessarium fieri unionem, est, quando nulli aut admodum pauci sunt deseruientes ecclesie c. pe. de cleri. non resi. c. Cum ecclesia. de elect. Vtilitas autem, ut quando adsunt quidem deseruientes, sed adeo inopes, pauperes, & literarum ignari, quod ecclesia eget idoneis ministris: ut cum propter hostiles incursiones ecclesia est desolata, & depauperata, & propterea non inueniuntur idonei ministri, qui deseruiant ecclesie, ut not. Ostien. & Io. an. in c. Quia monasterium. de reli. domi.

Reuocari autem potest, & forte debet, unio, cessante causa propter quam facta fuerit, ar. c. Post translationem de renunt. & glo. eiusdem in uer. cessante. quæ plura allegat, quod cessante causa cessare debet effectus. & c. Suggestum in ratione sui. de decimis. & not. in regula, Decet. de reg. iuris li. vi. Ideo si propter paupertatem ecclesie fieret unio, ut in clem. i. §. Ad hæc. de statu mona. auctis facultatibus, reuocari posset unio, sicut ex crescentibus facultatibus ecclesie augetur numerus Canonicorum. c. Cum M. de consti. sic si propter defectum populi facta est unio, aucto populo posset reuocari; si propter hostiles incursiones aufugerint monachi, & facta fuerit unio; cessante hostilitate, & redeuntibus monachis, reuocari

ri poterit unio. Idem si unio facta fuerit ex eo, quod monasterium situm erat in medio nationis peruersæ, ut in casu c. Officii. de elect. si desinat natio esse peruersa, reuocari poterit unio. similiter, si capto loco ab infidelibus, ut in casu c. si. de paro. fieret unio, aut deserto loco, eo modo, quo desertus dicitur in c. i. de uerbo. signi. li. vi. cessante desertione, reuocari poterit unio. Item si facta uiente persecutionis rabie, ut in casu. c. Post translationem. de renunt. fieret unio, uel propter malitiam plebis, quæ adeo foret duræ ceruicis, quod nequiret prælatus proficere, ut in casu c. Nisi cum pridem. §. Propter malitiam. de renunt. cessante plebis malitia, aut persecutione, reuocari posset unio. Similiter, si ob rebellionem ciuitatis erga Rom. sedem, fieret unio ecclesiæ loci rebellis, ecclesiæ sitæ in loco non rebellis, reuocari poterit cessante rebellionem. Similiter, si propter unionem ecclesia unita uergeret in deteriores statum, reuocanda uideretur unio. Quod probari uidetur in d. c. i. ne sede uacant. dum dicitur: Cum per ipsam (unionem. f.) dissolueretur religio, fraudaretur eleemosyna, & hospitalitas tolleretur. debet enim eo casu superior providere indemnitati ecclesiæ. c. Ne pro defectu. c. Nihil. de elect. c. Cupientes. & c. Indemnitatibus eo.

ti. li. v i. & ut plura uno uerbo concludamus, sicut propter necessitatem aut utilitatem ecclesiæ fieri debet unio, sic propter necessitatem aut utilitatem ecclesiæ fieri debet dissolutio: sicut reuocantur statuta, quæ uer-
gunt in detrimentum ecclesiarum. c. Quæ in ecclesiarum. de consti. c. Ecclesia. de rebus eccle. non alie. c. fi. de immuni. eccles. & c. i. eo. ti. lib. v i.

Sicut tamen approbandæ, & retinendæ sunt uniones, quæ fiunt pro utilitate & necessitate ecclesiarum, quæ perpetuæ ut plurimum existunt: sic detestandæ & reiiciendæ, quæ ad uitam in fraudem incompatibilitatis aut defectus ætatis recentiores adinuenere: quibus fit ut etiam obtinens beneficium, cui cura imminet animarum, non teneatur ad sacros ordines promoueri. quoniam unita beneficia incompatibilitatē non faciunt. c. Super eo. de præben. lib. v i. Item ex unione plurium beneficiorum canonici cathedralis ecclesiæ, efficitur ut unus absque alia dispensatione plura obtineat incompatibilia. Item efficitur, ut si canonicus non eius sit ætatis, quæ ad curatum obtinendum requiritur, illud in minori ætate uigore unionis assequatur, qui nec etiam ad sacros ordines, nisi cum libuerit, promouetur. Vidimus enim quamplures prætextu huiusmo-

281 DE VNIONIB. ECCLES.

di unionum, quas ad uitam uocant, parochiales ecclesias, quoad uixerint, nullis fuisseptis sacris ordinibus retinuisse: & alios, postquam ad decem aut uiginti annos parochiales ecclesias possederint, uxorem duxisse, nullo prapediente sacro ordine.

DE COADIUTORE EPISCOPORVM.



COADIUTORVM constitutio non est recentiorum inuentum, sed a maioribus nostris ante annos MCC recepta. legitur enim in ecclesiastica historia Eusebii lib. VI. c. IX.

quòd cum Narcisus Hierosolymorum Episcopus, iam senio fessus, Pontificatus ministerio sufficere non posset; Alexandrum, confessionis titulo clarum, qui iam esset Capadocum Episcopus, diuina dispensatio in adiutorium Narcisi senis euidentissimis reuelationibus euocauit: deinde subiiciens, eundem Alexandrum in epistolis ad Antinoitas meminisse Narcisi, tanquam focii & confortis in Episcopatu, his ipsis uerbis: Salutat uos Narcisus, qui ante me Episcopatum huius ecclesiæ regere cœpit, quiq; mecum positus, orationibus uestris centum iam & sedecim annos uitæ suæ gerit: qui & ipse uos mecum pariter deprecatur esse concordēs.

Idem Eusebius lib. VII. cap. XXVIII. post laudes Anatolii, Episcopi Laodiceæ, refert, quòd huic primus Theotecnus sacer

DE COADIUTORE

dotium Cæsareæ tenens in Episcopatu manus imposuit, & uiuens ipse cum successorem suæ cathedræ statuit, unde & aliquanto tempore pariter cum ipso Theoteco Cæsariensi ecclesiæ præfuit.

De Gregorio Nazianzeno legitur li. XI. ecclesiasticæ historiæ, auctore Rufino, quòd quoniam iam fessâ ætate, & corpore inualidus erat, successorem sibi ipse delegit, quò ecclesiam gubernante, debilitatis & senectutis ocio frueretur.

Legitur in Epistola Paulini ad Romanum, & habetur in c. Non autem. VII. q. I. Non autem hoc tantum scripsimus, gratulandum, quòd Episcopatum Augustinus accepit, sed quòd hanc curam Dei gratia meruerit Africana ecclesia, ut uerba coelestia Augustini ore perciperet: qui ad maiorem dominici muneris gratiam nouo more prouectus, ita consecratus est, ut non succederet in cathedra Episcopo, sed accederet. nam incolumi Valerio Hipponensis ecclesiæ Episcopo coepiscopus Augustinus est. de quo idem Augu. Epistola CX. ad Theodosium & Valentinianum Augu. inquit: Adhuc in corpore posito beatæ memoriæ patre & coepiscopo meo, sene, Valerio, Episcopus ordinatus sum, & sedi cum illo. Quod concilio Niceno prohibitum fuisse nesciebam,

nec ipse sciebat . qui & ipse hoc exemplo
 Eradum sibi successorem elegit . inquit enim
 eadem epistola : Scio post obitus Episcopo-
 rum per ambitiosos , aut contentiosos solere
 ecclesias perturbari , & quod sæpe expertus
 sum , & dolui , debeo , quantum ad me atti-
 net , ne contingat , huic prospicere ciuitati :
 sicut nouit charitas uestra , in Mileuitan. ec-
 clesia modo fui . petierunt enim me fratres
 (maxime serui Dei, qui ibi sunt) ut uenirem,
 quia post obitum beatæ memoriæ fratris , &
 coepiscopi mei , Seueri , nonnulla ibi per-
 turbatio timebatur , Veni , & quomodo uo-
 luit , dominus adiuuit nos , pro sua miseri-
 cordia , ut cum pace Episcopum acciperent ,
 quem uiuus designauerat Episcopus eorum .
 hoc enim eis cum innotuisset , uoluntatem
 præcedentis & decedentis Episcopi sui liben-
 ter amplexi sunt . Minus tamen aliquid fa-
 ctum erat , unde nonnulli contristabantur ,
 quia frater Seuerus putauerat sufficere , ut
 successorem suum apud clericos designaret ,
 apud populum inde non locutus est . erat in-
 de aliquorum nonnulla tristitia . Quid plu-
 ra ? Deo placuit , tristitia fugata est , gaudium
 successit . ordinatus est Episcopus , quem
 præcedens Episcopus designauit . ego , ne ali-
 qui de me querantur , uoluntatem meam ,
 quam credo Dei esse , in omnium uestrum

DE COADIUTORE

notitiam profero. presbyterū Erardum mihi successorem uolo. A populo acclamatum est, Deo gratias, Deo laudes. & quæ sequuntur.

Ante Valerium & Augustinum, Athanasius sibi delegerat successorem: ut legitur libro undecimo ecclesiasticæ historiæ, auctore Rufino, cap. 111. his uerbis: Ea tempestate (fuit autem anno CCC LXXIII) cum quadragesimo & sexto anno sacerdotii sui Athanasius, post multos agones, multasq; patientiæ coronas, quieuisset in pace, sciscitatus de successore, Petrum tribulationum suarum participem & socium delegit.

Bonifacius etiam Maguntiñ. Archiepiscopus, ex concessione Zachariæ Papæ habuit facultatem designandi sibi successorem. c. Petisti. VII. q. I.

Nemo tamen existimet his exemplis licere cuiquam Episcopo, aut sacerdoti, deligere sibi successorem. quod, teste Augustino, prohibitum fuit in Niceno concilio: licet is canon inter uiginti, qui extant, non inueniatur: nisi uelimus dicere, id præcipi quarto canone, cum decernitur, a quibus Episcopi debeant ordinari. Prohibitum etiam fuit in concilio Antiocheno, ut habetur in c. Episcopo VII. q. I. a concilio Martini Papæ, de quo in c. Episcopo, ab Hila-

rio Papa, in c. Pleriq; & ab Inno. II. in c. Apostolica ea. ca. & q. Quod etsi id fecerint sancti illi patres, de quibus meminimus, quia tamen teste Hieronymo, in epistolam ad Titum, & habetur in c. Moyfes. VII. q. I. plurimi hanc rem beneficio faciebant, non quarentes eos in ecclesia columnas erigere, quos plus cognoscerent ecclesie prodesse, sed quos uel ipsi amarent, uel quorum forent obsequiis deliniti, uel pro quibus maiorum quispiam rogauerit, uel qui, ut fierent clerici, muneribus impetrarunt; ab his, quos diximus, conciliis & Romanis Pontificibus prohibitum fuit. Permittitur tamen & Rom. Pontifici, & aliis Episcopis, de sui successoris electione cum fratribus consilium sumere: ut decreuit Symmachus Papa in c. Si transitus. LXXIX. dist.

De coadiutore nouissime decretum fuit a Bonifacio VIII. in c. unico. de cleri. ægro. li. VI. Dationem coadiutorum Episcopis, aut eius superioribus, tanquam de maioribus causis, pertinere ad Rom. Pontificem. posse tamen Episcopum, senio uel perpetua infirmitate impeditum, de capituli sui consensu auctoritate Apostolica unum uel duos coadiutores assumere: quod faciet capitulum, si Episcopus demens fuerit. is tamen non erit in ecclesia successor, nisi id expres-

DE COADIUTORE

sim indulgeat Rom. Pontifex, qui solus dare potest ius ad uacatura. c. 11. de præben. li. v. i. in inferioribus autem sacerdotiis, ad eos pertinet, subsistente causa, dare coadiutorem unum uel plures, ad quos spectat institutio, aut cessionis admissio: ut habetur c. 111. & c. ultimo. de cleri. ægro.

Coadiutorem opus est talem fore, qualis esse deberet is, cui datur. propterea in ea debet esse ætate, quæ in executione dati officii exposcitur. ut, si detur curato, esse annorum x x v. c. Nemo deinceps de elect. li. v. i. si datur Episcopo, x x x annorum. hanc enim requirit ordo Episcopalis. c. Cum in cunctis. de elect. de quo tamen dixit Io. an. se dubitare. Abb. autem distinguit casus. Cum scilicet datur coadiutor Episcopo, in temporalibus solum, sufficere annos x x v. quod ea ætas idonea censeatur ad temporalium administrationem, cum in ea tutor, curator, & procurator esse possit. l. fina. ff. de legi. tuto. cap. Qui generaliter. de procurato. lib. v. i. Cum uero dandus sit in spiritualibus, requiri x x x, quod ea ætas matura censeatur & idonea ad officium Episcopale.

Secundum autem exigentiam aut necessitatem ecclesiæ, dandus est coadiutor in temporalibus: ut in c. Venerabili. de offic. delega. aut super utroque in spiritualibus, scilicet

scilicet & temporalibus c. Quamuis. c. Peti-
sti. vii. q. i.

Regulariter autem inuito & recusanti da-
ri non debet coadiutor c. Scripsi. c. Qualiter.
c. Quamuis. §. ecce. vii. q. i. c. unico. de
cleri. agro. lib. v. Aliquo tamen casu, etiam
inuito & non petenti dari potest, ut in c. Ad
audientiam. in fi. de ecclesi. adifi. & not. in c.
Ex parte. de cleri. agro.

Coadiutor non est prælatus, sed exerci-
tium curæ tantummodo habet; iure præla-
tionis, cura penes infirmum remanente. d. c.
unico. de cleri. agro. & quia ex redditibus
portionem habet, non integros fructus, non
est prælatus, cum prælatus liberam habeat
reddituum administrationem. c. Cum no-
bis. in fi. de elect. quicquid dixerit glo. in. c.
ii. in uer. curam. vii. q. i. quod dicimus
de coadiutore dato Episcopo, aut aliis eccle-
siasticis uiris. Secus tamen de coadiutore da-
to seculari principi, aut Regi, quoniam is
liberam habet administrationem. Vnde po-
terit administrare non solum ea quæ sunt pa-
trimonii, sed ea etiam quæ sunt iurisdictio-
nis: & ei plenarie responderi debent, & si-
ne diminutione, omnes regni prouentus. c.
Grandi. de supplen. neg. præla. de quo forte
sensit glo. in. d. c. ii. vii. q. i. cum dixit, co-
adiutorem habere liberam & generalem ad-

b

ministrationem.

Non poterit ea ratione coadiutor conferre beneficia, secundum Archid. & Io. and. in. d. c. de cleri. ægro. Alexā. tamen in c. 11. v. 11. q. 1. tenet, quòd datus seni uel dementi poterit beneficia conferre, ne contingat beneficia diutius uacare, nec obstare c. ulti. de offi. uica. lib. v. 1. quoniam loquitur in procuratore & uicario, & quoniam eo casu non differtur collatio, et beneficii prouisio, quam principalis facere poterit. nec etiam obstare c. fi. de supp. negli. præla. li. v. 1. ubi negligente uel malitiose administrante capitulo, datur administratio uisitatori, qui non confert beneficia. Quoniam eo casu sicut non transit in capitulum beneficiorum dispositio, sic nec in administratorem loco capituli datum. & quia præsumitur, quòd propter tempora à iure statuta prouidebitur celeriter ecclesiæ uacanti; quod non præsumitur in senne aut demente: quæ sententia æquior uidetur.

Si coadiutor Episcopus fuerit, exercere poterit pontificalia, sicut uisitator datus a Papa, si non sit Episcopus, exercebit solum Episcopalem iurisdictionem, comprouinciales autem Episcopi supplebunt ea quæ sunt ordinis. c. Pontifices v. 11. q. 1. Causa autem, cur coadiutor prohibetur consecrari

Episcopus, est, quia eius officium expirat, mortuo eo, cui datus est coadiutor. c. Grandi. de supplen. neg. præla. & idem in morte ciuili. Cum enim non succedat in Episcopatu, esset consecratus Episcopus sine Episcopatu. & quod dixit Greg. in epistola ad Eleutherium Episcopum, quæ est septima li. x i. quod si, qui loco ægroti ordinatus est, superstes fuerit ægroto, loco eius debet consecrari; non est intelligendum de coadiutore dato ægroto, sed de eo, qui loco illius ordinatus est, infirmo renunciente. Quod de notant uerba illius epistolæ, Si ipse, data petitione, non se ulterius ad hoc ministerium subuer tente infirmitate posse fateatur assurgere, & alium loco sui expetat ordinandum: quo facto omnium solenniter electione, alter qui dignus fuerit Episcopus ordinetur: & habetur in c. Quamuis v i i. q. i. Quod uero eodem loco subiicitur: Si nullo tempore ad sanæ mentis redit officium, persona fidelis ac probabilis uitæ est eligenda, quæ ad regimen ecclesiæ idonea possit existere. Qui etiam Episcopo, qui ægrotat, superstes loco eius debeat consecrari. glo. interpretatur factam Episcopi electionem sub conditione, nisi ille conualuerit: quo conualescente, irrita fuisset electio, eo mortuo confirmata. ex quo loco colligunt plures,

DE COADIUTORE

dari posse coadiutorem cum successione. ex quo textu etiam colligitur, quod Episcopo uiuente alius potest eligi, sed eo uiuente non potest consecrari, ar. c. Petistis. & c. Sicut uir. ea. ca. & q. ubi Archi. & alii notat, quod sicut Papa concedit eligi, ita potest concedere consecrari, sed non uult.

Ex his ortum habuere coadiutoria nostri temporis, quas quandoque uidimus a Rom. Pontificibus passim concedi: quandoque intermitteri, & omnibus denegari. earum usus non omnino uideretur improbandus, dummodo non solius successionis & sanguinis, sed meritorum, & probatae uitae habitata ratione utilitatis ecclesiae darentur; hisq; animi dotibus, & his moribus praediti forent, quod digni & idonei essent ad Episcopale onus subeundum. & ne sola nuncupatione, & propter successionem forent coadiutores, forte deceret & expediret, ut consecrarentur Episcopi. Quod posse concedere Rom. Pontificem fatentur interpretes canonum ante citati. Et id magis expediret, & pro maiori ecclesiae dignitate foret, quam uti ministerio eorum, qui titulo tenus Episcopi sunt, portatiles a Gallis nuncupati.

195
DE RESERVATIONE

CASVVM ABSOLV-

tionis a Rom. Pontifice,
& Episcopis.



ON improbandū, quòd Rom. Pontifex et Episcopi casus aliquot suæ referuent absolutioni. Quoniam sicut Episcopus, qui suæ diocesis curam gerit, illam inter plures partitur sacerdotes, nec oneri tribuitur, quòd uni uniuersam non commiserit: sic non est quod quis grauetur, si sibi quædam reseruat Episcopus, aut summus Pontifex, quorum curam putant maiorem, quam quæ cuius committatur sacerdoti, uniuersamq; eorum auctoritatem singulis non committant sacerdotibus. Quod etiam optima factum est ratione, ne scilicet peccatores, nimis facili proposita remissionis spe, procliuiiores ad scelera reddantur: ut maiore erubescencia, quam sacri canones uoluere esse partem non contemnendam poenitentia, crimina detegantur: ut quæ grauiora sunt, & maiore indigent examine, ad magis peritum & maioris auctoritatis deferantur Antistitem: sicut in grauiori-

b iii

DE RES. CAS. A ROM. PONT.

bus morbis peritiores adhibemus medicos.
ut etiam maior sit peccantibus abstinendi cu-
ra, & delinquendi uerecundia. Quod au-
tem ad summum attinet sacerdotem, iamdiu
fancitum est, et omnium cōsensu receptum,
maiores causas ad Apostolicam sedem defe-
rendas: ut aliàs plene exposuimus. Quod
etiam ab eo deductum est, quod habetur
Exo. XVIII. cum mandatum fuit Moyfi,
ut prouideret de omni plebe uiros sapientes,
& Deum timentes, in quibus esset ueritas,
& qui odissent auaritiam, & constitueret ex
eis tribunos, centuriones, & quinquagena-
rios, & decanos, qui iudicarent populum
omni tempore. Quicquid autem maius fo-
ret, referretur ad Moysem, perinde ac ma-
iorem: & ipsi minora tantum iudicarent. &
Deutero. primo, ubi inquit Moyfes: Si dif-
ficile uobis uisum aliquid fuerit, referte ad
me, & ego audiam.

DE EXEMPTIONIBVS.



QUODINARIORVM excessus causam dedere exemptionibus. Dum enim se ipsos pascunt, subditos grauant, non admonent, non corrigunt, nec per eorum uisitationem quod infirmum est consolidatur; quod egrotum est, non sanatur; quod contractum est, non alligatur; quod abiectum est, non reducitur; & quod perditum est, non requiritur; merentur audire quod dicit dominus Ezechiel. XXXIII. Ecce ego ipse super pastores requiram gregem meum de manu eorum, ne pascant amplius semetipsos: sed & ego ipse requiram oues meas, & uisitabo ipsas. Quod etiam si nulla adsit eorum culpa, non est quod delectantur locorum ordinarii, aut pro onere putent, si multiplicata messe etiam plures operarii transmittantur a domino; qui eorum leuent laborem, non minus, quam si partito prouinciæ administrandæ onere princeps, quò unus destinabatur rector, plures præficiat; nemo ex his qui ad regendam partem prouinciæ destinatur, conqueri potest, quòd ei uniuersa prouincia commissa non

b iiii

DE EXEMPTIONIBVS.

fuerit. Quemadmodum etiam nec diuifa diocesi, nouisq; erectis cathedralibus, quod sæpius fecit Ioannes X X I I. & alii Pontifices fecere: aut cum cathedralis ecclesia in Metropolitana. erigitur, ea a suo Metropolitano euulsa, aut collegiata in cathedralem, non est quod summum incusent Pontificem, siquid pro subditorum commodo & necessitate Metropolitae aut Episcopis subtrahitur: cum subditorum maior habenda sit ratio, quam præsentium.

Nec propterea monasteria, aliaq; exempta collegia, censenda sunt acephala, quod suis non subsint Episcopis: quæ detestatur Parisien. concilium de quo in c. Nulla. X C I I I. dist. cum dicitur: Nulla ratione clericos aut sacerdotes habendos, qui sub nullius Episcopi disciplina & prudentia gubernantur. Quoniam de uagabundis & proteruis clericis loquitur, ut colligitur ex eo quod sequitur: Qui suis Episcopis non obediunt, indubitanter reprobi & rei habentur: religiosi autem, qui suis subsunt prælati, & qui immediate Rom. Pontifici subsunt, caput habent, & proprium prælatum Rom. Pontificem. c. Auctoritate. §. i. de priuilegiis. li. v i. & not. glo. in Clem. i. de rebus ecclesiæ non alie. in uer. propriam. Quapropter ei soli, non autem ordinariis, fidelita-

tis & obedientiæ præstant iuramentum .c.
dilecti de maio. & obe. c. Olim. el. 11. de
priuil.

Minus etiam detestandæ sunt Rom. Pon-
tificis exemptiones : quòd etiam Imperiales
leges statuere , iustis de causis superioris
arbitrio examinandis eximendos quandoq;
subditos a minorum magistratuum iurisdic-
tione l. Officium Helleponti .C. d. offi.
procons. l. 1. § . Dicimus. ff. de his qui sunt
suar uel alie. iurisd. per quem textum ibi di-
cit Bal. quòd nimia sæuitia superioris iusta
est causa exemptionis. & Insti. eo. ti. § . Hoc
tempore. uer. sed & maior .

[Faint, mirrored text visible through the paper, likely bleed-through from the reverse side. The text is mostly illegible due to fading and the nature of the scan.]

[Partial view of text from the adjacent page on the right. The text is mostly cut off.]
ma
fiat
& p
cur
pri
niu
Co
tern
tha
tus
is q
cate
led
me
Th
bo
no
m
T

DE SENTENTIA EX- COMMUNICATIONIS.



VICTORITATEM fe-
rendæ excommunicatio-
nis tradidit Dominus ,
Mat. x v i i i . ubi post fra-
ternam monitionem , si
monitus non audierit ,
mandat eum denunciari ecclesiæ , & si eccle-
siam non audierit , habendum pro ethnico
& publicano . & ex eo quod subiicitur , Quæ-
cunque alligaueritis super terram &c. Quod
prius cap. x v i . dictum fuerat Petro . Ple-
nius autem illam explicauit Paulus , primæ
Cor. cap. i . dum Corinthium illum , qui , pa-
terno uiolato toro , adhærebat nouercæ , sa-
thanæ tradidit in interitum carnis , ut spiri-
tus eius saluus fieret . & cap. v . cum dixit , Si
is qui frater nominatur inter uos , est forni-
cator , & auarus , aut idolis seruiens , & ma-
ledictus , aut ebriosus , aut rapax , cum eiuf-
modi nec cibum sumite . & secundæ ad
Theffalo. cap. i i i . Siquis non obedierit uer-
bo nostro per epistolam , hunc notate , &
non communicetis cum eo . & primæ ad Ti-
mot. cap. i . Hoc præceptum commendo tibi
Timothee , secundum præcedentes in te pro-

DE SENTENTIA

phetias, ut milites in illis bonam militiam, habens fidem bonam, & bonam conscientiam, quam quidam repellentes circa fidem naufragauerunt, ex quibus est Himenæus, & Alexander, quos tradidi Sathanæ, ut discant non blasphemare. Et Io. epistola I. capit. primo: Siquis uenit ad uos, & hanc doctrinam non affert, nolite accipere eum in domum, nec, Aue, ei dixeritis. qui enim dixerit illi, Aue, cōmunicat operibus illius malignis. ecce prædixi uobis, ut in die domini non confundamini. Ex quibus satis constat nedum pro hæresi, sed & pro aliis excessibus, quem segregandum a participatione sacramentorum, quam minorem excommunicationem uocant c. Qui celebrat. de cleri. excom. minis & c. Elgedrudam. I. I. q. I. I. & a communione fidelium, quæ maior est excommunicatio. c. Nuper. de sent. excom.

At obiiciunt nonnulli: cum excommunicatione nulla maior sit poena in ecclesia. c. Corripiantur XXIIII. q. III. & infligi non debeat pro leuibus culpis. XI. q. III. c. Episcopi. c. Nemo Episcoporum. & c. Non afferamus XXIIII. q. I. in fi. cur ob causas prophanas, ob pecuniæ & turpis quæstus amorem plures excommunicantur? Sed respondemus, neminem propere aut

præpostere, nec ex leui causa, sed præmo-
nitum prius, à fidelium cœtu excludi. c. De
illicita. XXIIII. q. III. c. Sacro. de sent.
excom. nec ex leui causa, sed ex inobedien-
tia, aut contumacia, quæ non leues sunt cul-
pæ, iuxta illud primi Reg. cap. XV. & ha-
betur VII. q. I. c. Sciendum: Quasi pecca-
tum ariolandi est, repugnare; & quasi sce-
lus idolatriæ, non acquiescere. & adeo de-
testanda erat in ueteri lege inobedientia (ut
habetur Deutero. XVII.) quòd quicun-
que sacerdotibus non obtemperasset, aut ex-
tra castra positus lapidabatur a populo, aut
gladio ceruice subiecta contemptum expia-
bat cruore: Quid ergo mirum? & habetur
in c. Absit. XI. q. III. si nunc inobediens,
spirituali animaduersione truncatus, aut eie-
ctus ab ecclesia, rabido ore dæmonum de-
cerpitur? uerba sunt Anteri Papæ. Qua de
re non ob pecuniæ & turpis lucri amorem
quis a fidelium cœtu excluditur, sed ob con-
tumaciam & inobedientiam: quæ graues
sunt culpæ.

Obiiciunt alii: Inhibitum est fidelibus
maledicere, ex eo quod habetur epistola Pe-
tri cap. I. Qui cum malediceretur, non male-
dicebat; & cum pateretur, non commina-
batur. & c. III. Non reddentes malum pro
maledicto, sed e contrario benedicentes:

DE SENTENTIA

quia in hoc uocati estis, ut benedictione hereditatem possideatis. Et primæ ad Corin. cap. i i i i. Maledicimur, & benedicimus. Cum itaque maledictio quædam & execratio sit, excommunicatio, non licebit quempiam excommunicare. Sed respondemus cum Aug. li. Nume. Apostolus, ne maledicta maledictis, & conuitia conuitiis prouocet, mandatum ponit, ut benedicamus, quo conuitiandi uitium refecetur, non quo iudicandi ueritas, quæ homines latet, ut pronunciandi auctoritas perimatur. Licebit ergo correctionis & iustitiæ causa quem excommunicare: licet ad uindictam inhibeatur. Constat etiam sæpius permissum maledicere, quin etiam præceptum, ut ex eo quod habetur Deutero. x x v i i. ubi Moses quosdam constituit ad benedicendum, alios uero ad maledicendum. Et Act. x i i i. Paulus intuens Elymam magum, dixit: O plene omni dolo & omni fallacia, fili diaboli, inimice omni iustitiæ, nõ desinis subuertere uias domini rectas, & ecce nunc manus domini super te: & eris cæcus, non uidens solem usque ad tempus. Et idem ca. x x i i i. Ananiæ, qui mandauerat eum percuti, dixit, Paries dealbate &c. & psalmo c v i i i. Sit domus eius deserta, & reliqua.

Nec propterea censenda ecclesia impia

mater, aut nouerca, quòd excommunica-
tos a fidelium separet consortio, eosq; om-
ni nudatos auxilio quasi hostibus exponat.
Quoniam, utcumque potest, fidelium procu-
rat salutem: primo per benignam cohorta-
tionem & monitionem: post, si negligatur,
per asperam correctionem. Ideo legi chari-
tatis non repugnat, quòd excommunicatis
ecclesiæ sacramenta, suffragia, & fidelium
communio subtrahantur. Quoniam hæc fa-
cit ecclesia, ut ignominia confusus ad cor re-
deat, & poenitens ecclesiæ reconcilietur:
quo modo excommunicatio salubris reddi-
tur, & medicinalis.

Excommunicatos autem nedum euitan-
dos, sed fugiendos, docuit Ioannes euange-
lista: de quo narrat eius auditor uir sanctis-
simus Polycarpus Smyrnæorum Episco-
pus, quòd cum apud Ephesum lauandi gra-
tia balneum ingressus fuisset, & uidisset ibi
Cherintum, continuo discessit non lotus, di-
cens, Fugiamus hinc, ne & balneæ ipsæ nos
corrumpant, in quibus Cherintus lauatur,
inimicus ueritatis. Quin & ipse Polycarpus
Martioni dicenti, Agnosce nos; respondit,
Agnosco primogenitum sathanæ. Refert
Beda super Io. epistolam. & habetur in c.
Omnes. XXIIII. q. I.

DE

201
DE INTERDICTO
ECCLESIASTICO.



Ni v s sceleris poenam ad
alios quandoque transfer
ri, constat ex eo, quod ha
betur 111. Reg. xxi.
Vnum enim scelus & A-
chab & Iesabel commise-
rant: sed tamen conuerso Achab ad poeni-
tentiam, poena differtur in posteros: & Ie-
sabel in scelere perseuerans, praesenti con-
demnatur iudicio. Et habetur de poeni. di.
111. c. Achab. Sicut & Nume. xxv. uno
peccante, uenit ira dei super omnem popu-
lum. Et Iosue xvii. & habetur xl. v. di.
c. Sed illud. & xxiii. q. i. 111. c. Si ea; in-
quit Augustinus: Nonne Achor, filius Za-
rae, praeteriit mandatum domini, & super
omnem populum Israel ira eius incubuit? &
ille erat unus homo: atque utinam solus pe-
riisset in scelere suo. Ambrosius etiam su-
per Marcum, & habetur in c. Non turba-
tur. xxiii. q. i. inquit: Qui suis meritis fir-
mus est, turbatur alienis. imo etiam corporali-
ter filius pro patre punitur, ut deducitur ex
uerbis euangelii, quando Apostoli de caeco na-
to dominum interrogarunt, Rabi quis pec-

c

DE

DE INTERDIC. ECCLES.

cavit, hic, aut parentes eius, ut cæcus nasce-
retur? in quibus etiam completur quod do-
minus ait ad Moysem, Ego sum Deus zelo-
tes, uisitans peccata parentum in filios usq;
ad tertiam & quartam generationem. licet
æterna pœna alius pro alio minime punia-
tur. Quo modo intelligendum est illud,
quod dominus ait per Ezechielem: cap.
XVIII. Anima quæ peccauerit, ipsa mo-
rietur. filius non portabit iniquitatem pa-
tris, neque pater iniquitatem filii: iustitia
iusti super eum erit: & impietas impii super
eum: & habetur XXIIII. q. III. §. His ita.
Et illud ad Gal. cap. VI. Vnus quisque onus
suum portabit. Proinde quod ad interdicti
censuram attinet, licet pro unius delicto
etiam non cooperanti & non consentienti
pœna inferatur, id tamen non sine causa fit,
Multi enim plectuntur sine culpa, licet non
sine causa. Quemadmodum bigami, corpo-
re uitiati, & alii plures, arcentur a sacris or-
dinibus sine culpa, sed non sine causa. c. Qui
in aliquo. LI. dist. Causa autem, cur alii in-
noxii ex interdicto sacris priuentur, & ut
excommunicatum uel eiiciant, uel ante eum
insurgentes ad parendum compellant. quod
si facere neglexerint, nec ipsi culpa carebunt.

DE OBSERVATIONE DIERVM FESTORVM.



PRÆCEPTVM diuinum
obseruationis diei festi nō
tantum ceremoniale fuit,
in signum creationis mun-
di (sic enim abolitum fo-
ret) sed etiā morale, pro-
ut significat cessationem ab omni peccato,
& quietem mētis in Deum. Qui enim diem
festum, ut ceremoniale præceptum, & a le-
ge Mosaica promulgatum obseruaret, im-
munis non foret a peccato, & iudaizare cen-
seretur. c. Peruenit. de conse. di. i. i. i. obser-
uantia autem sabbati in noua lege successit
dominici diei obseruatio, ex ecclesiæ consti-
tutione, & populi consuetudine c. i. de con-
se. di. i. i. i. Et quia hæc obseruatio figuralis
non est, quemadmodum erat illa diei sabba-
ti, ideo non tam arcta & seuera est prohibi-
tio operandi dominico die, qualis erat illa
diei sabbati, in quo ciborum decoctiones &
alia huiusmodi prohibebantur: faciliusq; in
noua lege super hoc præcepto dispensetur,
quàm in ueteri lege, quòd figura ad prote-
stationem ueritatis pertineat, quam nec in
modico præterire oporteat. opera autem

c ii

pro loco & tempore immutentur: ut recte censuit sanctus Thomas secunda secundæ q. CXXII.

Et licet festiuis diebus a seruii opere cessandum sit, non tamen ab his operibus, quæ ad dei seruitium pertinent. Ideo dicitur Io. VII. Circumcisionem accipit homo in sabbato, ut non soluatur lex Moyfi. Et Mat. XII. dicitur. sacerdotes in templo sabbatum uiolant, cum scilicet sacrificant, & sine crimine sunt. Sicut & sacerdotes ferentes arcam domini circum Hierico septem diebus. Vnde & die sabbati Iosue VI. non transgrediebantur præceptum de sanctificatione sabbati. Idem de spiritualibus actibus, qui festum diem non uiolant. Vnde Nume. XXVIII. dicit glo. quod fabri & artifices ociantur die sabbati: lector autem diuinæ legis, & doctor, ab opere suo non desinit. & tamen non contaminatur sabbatum. Quinimo diebus festis tenetur quis nedum sibi providere, sed & proximo, in his præcipue, quæ ad salutem corporis pertinent, iuxta illud prouer. XXVIII. Non uidebis ouem & bouem fratris tui errantem, & præteribis, redimes fratri tuo: ac multo magis pro salute sua. sicut Machabæi non uiolauerunt sabbatum pugnantes eo die: primi Machab. cap. I. Nec Helias fugiens a facie Iesa-

bel in die sabbati . Propter quod etiam dominus excusauit discipulos suos , qui colligebant spicas , & manibus fricabant , necessitate adducti . & Io. v i. dixit dominus : Mihi indignamini , quia totum hominem saluum feci in sabbato . & Mat. x i i . Quis ex uobis habet unam ouem , & si ceciderit in foueam die sabbati , nonne tenebit & leuabit eam ? Propterea non prohibuerunt sacri canones , si aqua pluuiæ aut immodico æstu fruges periclitentur , quin in area aut sub tecto conferri possint . Qui nedum pro uitando damno id permisere , sed etiam pro captando lucro c. Licet. de feriis. ubi diebus festis preterquam in maioribus anni solennitatibus si aleciæ terræ se inclinauerint , eorum captioni ingruente necessitate intendere licet , ne labatur occasio eas capiendi.

AN ELECTVS, ET CON- SECRATVS A SCHIS- maticis, sit uere Episcopus.



T exponamus, an schismaticus electus in Episcopum ab electoribus schismaticis, nulla habita confirmatione a sede Apostolica, & qui a Metropolitana schismatico manus consecrationis accepit, sit Episcopus, & ordinati ab eo receperint ordines; in primis præmittendum est, apud hæreticos & schismaticos esse sacramenta: quod docuit Augustinus libro III. de baptismo, contra Donati. his uerbis: Non interest, cum de sacramenti integritate & sanctitate tractatur, quid credat, & quali fide imbutus sit ille, qui accipit sacramentum: interest quidem plurimum ad salutis uiam, sed ad sacramenti rationem nihil interest. Fieri enim potest, ut integrum homo habeat sacramentum, & peruersam fidem. & contra Cresconium, libro septimo, inquit: Christiana ecclesia careris, christianam charitatem non habetis: christiana sane in uobis sacramenta agnosco. Idem astipulatur ad Parmenia. de hæreticis & damnatis, cum

c iiii

AN ELE. ET CONSE. A SCHIS.

dixit: Quod quidam dicunt, Baptisma quod accipit, non amittit qui recedit ab ecclesia: ius tamen dandi, quod accepit, amittit; multis modis apparet frustra & inaniter dici. primo, quia nulla ostenditur causa, cur ille, qui ipsum baptismum amittere non potest, ius dandi amittere possit. utrumque enim sacramentum est, & quadam consecratione utrumque homini datur, istud cum baptizatur, illud cum ordinatur. & habetur in c. Quod quidam 1. q. 1.

Propterea Pelagius in c. Ostenditur. de consecr. di. 1111. dixit: Sicut baptizatus si ab unitate ecclesie recedit, sacramentum baptismi non amittit: sic & ordinatus si ab unitate recesserit, sacramentum dandi baptismi non amittit. nulli enim sacramento iniuria est facienda.

Hinc sanctus Bonaventura secutus sanctum Thomam in 1111. sent. di. xxv. inquit: Quæstio, an Episcopus hæreticus possit dare ordines, aliquando fuit multum dubia apud hæreticos. tamen per illustrissimum doctorem Augustinum aperte est nobis hæc questio patefacta, quod sacramenta ecclesiastica apud hæreticos, qui formam ecclesie servant, & intentionem habent faciendi quod facit ecclesia, sunt quantum ad veritatem: quamvis non sint quantum ad

utilitatem : quia sacramenta dispensant , sed tamen fructum sacramentorum non reportant , pro eo quod spiritus sanctus non confert gratiam extra catholicam ecclesiam . Et ideo in omnibus sacramentis , quæ habent ueritatem differentem ab utilitate , generaliter uerum est , quòd apud hæreticos possunt esse . Omnia autem sacramenta sunt talia , præter sacramentum poenitentiae , cuius uis est interior contritio : sine qua nulla est uera absolutio , etiam cum qua nulla absolutio est uana , uel inutilis . Ideo omnia possunt dispensare , & dispensant ueraciter , præter solam absolutionem poenitentiae . Ideo nulla iterantur , præter illam , nisi forte unctio extrema . & sic cum ordo habeat characterem , qui præter spiritus sancti gratiam , qua peccata delentur , existit ; dicendum est , quòd per eos possunt ueraciter dispensari . Quod plenius explicans subdit , quòd quadruplex potestas reperitur in ecclesiae ministris . quædam enim est fundata super ordinem principaliter , ut potestas conficiendi : quædam super iurisdictionem canonicam principaliter , ut potestas excommunicandi : quædam super ordinem & eminentiam , ut potestas ordinandi : quædam super ordinem & iurisdictionem , ut potestas absoluedi uel ligandi in foro poenitentiali . &

AN ELE. ET CONSE. A SCHIS.

quoniam caracter auferri non potest, ideo potestas quæ consequitur caracterem, de facto auferri non potest. Et quia iurisdictio descendit ordinate a superiori ad inferius, ita quod plenitudo est in summo Pontifice, ideo potest eam auferre, & potestatem, quæ eam consequitur minuere: unde potest excommunicando auferre potestatem absol uendi, & excommunicandi, sed non ordinandi.

His consentit glo. in summa. i. x. q. i. cum inquit: Siue quis recipiat ultimam manus impositionem in ecclesia, siue extra, modo forma ecclesiæ seruetur in ordinando, semper ordo confertur: citat c. Conuenientibus i. q. vii. ubi quarta synodus sine noua ordinatione recepit in ordinem Episcoporum Anatolium a Dioscoro hæretico ordinatum. & c. Ordinationes. i. x. q. i. ubi ab Urbano i. i. decretum fuit, quod qui ab Episcopis quondam quidem catholice ordinatis, sed in schismate a Rom. ecclesia separatis, consecrati sunt, eos, cum ad ecclesiæ unitatem redierint, seruiatis propriis ordinibus misericorditer suscipiendos. his concordat c. Secundum x i x. di.

Præterea si degradatus sacerdos conficere potest sanctissimum Eucharistiæ sacramentum, ut docuit sanctus Thom. i. i. par-

te summæ q. LXXXII. ar. VIII. quoniam
 conficiendi potestas ad caracterem pertinet
 (qui indelebilis est, nec auferri potest. quem
 admodum aliarum rerum consecrationes
 perpetuæ sunt, nec reiterari possunt) eadem
 ratione schismaticus, aut hæreticus retinens
 caracterem, ordines conferre poterit. Ideo
 dixit Augustinus in l. i. ad Parmenia. Vtrum
 que baptismus & ordo sacramentum, &
 quadam consecratione dantur: illud cum
 baptizatur, istud cum ordinatur. Ideo neu-
 trum licet reiterari. cui etiam astipulatur
 spec. ti. de dispen. §. Nunc de Episcoporum
 uer. L X V.

Ne his repugnat, quod in Constantino-
 politano concilio statutum fuerit, ne Maxi-
 mus, qui ordinatus fuerat ab hæreticis, repu-
 taretur Episcopus: neque hi, qui ab eo fue-
 rant ordinati, qualemunque gradum cleri-
 catus obtinerent, omnibus scilicet, quæ circa
 eum uel ab eo gesta sunt, in irritum reuoca-
 tis. & habetur in c. Propter. x i x. di. Quo-
 niam id intelligi debet, uel quod Maximus
 ordinatus fuerat, non seruata ecclesiæ forma:
 quo casu cum ipse ordine caruerit Episcopa-
 li, ab eo ordinati ordines non receperunt,
 propterea ordinandi: uel ordinatus fuerat ser-
 uata ecclesiæ forma, sed suis demeritis suspen-
 sus uel priuatus: quo casu interpretari po-

AN ELE. ET CONSE. A SCHIS.

test, quòd non erat Episcopus, scilicet merito carens ordinis executione: quod & de ordinatis ab eo censendum fuerat; ueruntamen caracterem & ordinem susceperunt. Hæc Turrecre.in.d.c. Propter.

Et secundum hæc interpretandum est illud Augustini, de quo in c. Extra. i. quæst. i. quòd extra ecclesiam catholicam non est locus ueri sacrificii. & illud Urbani ii. de quo in c. Diabertum. i. q. vii. quòd Nezelon hæreticus, quem constabat ab hæreticis ordinatum, quia nihil habuit, nihil dare potuit: quia scilicet ordinatus non fuerat secundum formam ecclesiæ.

Minus etiam obstat quod dixit D. Gregorius, & habetur in c. i. i. x. q. i. Nos consecrationem dicere nullo modo possumus, quæ ab excommunicatis hominibus est illicitè celebrata. Quoniam ex sententia Cardinalis Alexandrii. in expositione d.c. si Episcopus excommunicatus nō posset ueros ordines conferre; uel hoc esset, quia foret priuatus potestate & executione, uel etiam facti, non solum iuris: quod dici non potest, quia quæ dantur per consecrationem, semper manent manente re consecrata. Sed potestas conferendi ordines datur Episcopo in sua consecratione. ergo semper manet, nec amitti potest. c. Quod quidam. i. q. i. Item

nec priuatur executione facti, quia executio facti correspondet potestati, quia potestas est, per quam possumus. Executio autem iuris ultra potestatem requirit licitum usum, cum per excommunicationem uel degradationem non priuetur Episcopus potestate conferendi ordines: nec priuatur executione facti, quin ueros ordines conferat. est tamen priuatus executione iuris, quia illicite confert ad sui damnationem. Ideo dixit Gregorius eam nullo modo dici posse consecrationem.

Quòd si obiciatur: In nulla communitate, qui ab ea repellitur, illius officia exercere potest. igitur hæretici, qui extra ecclesiam sunt, ordines conferre non poterunt, qui ecclesiæ sunt officia. Respondetur, quòd sicut non omnino hæretici extra ecclesiam sunt, cum retineant sacramentum baptismi, sic non excluduntur ab ecclesia, quoad hoc: sed sicut carent gratia, nec illam dare possunt, in quo exercere non possunt ecclesiæ officia.

Similiter responderi potest, si dicatur: In ordinis collatione benedictio exigitur, quam dare non potest hæreticus, cuius benedictio in maledictionem uertitur, quòd scilicet eius benedictio effectui caret, & propterea inanis dici potest, & in maledictio-

AN ELE. ET CONSE. A SCHIS.

nem uerti : nec mirum si ab eo ordinati dicuntur caput habere uulneratum : & qui nihil habuit , nihil dare potuisse . & quo ad hæc , consentiendum Cypriano , cum dixit , Quæcunque faciunt hæretici , carnalia , inania , & sacrilega esse eorum altaria , falsa & illicita sacerdotia , & sacrificia sacrilega . qui more simiarum , quæ cum homines non sint , formam imitantur , uultum ecclesiæ catholicæ & auctoritatem sibi uendicant , cum ipsi in ecclesia non sint , non tamen ei assentiendum , in quantum ea ratione uoluit rebaptizandos , qui ab hæreticis baptismum susceperunt . Id enim improbavit subsequens Africana synodus .

Si uero ulterius obiiciatur : Sacramenta habent efficaciam ex passione Christi : hæreticus autem non continuatur passioni Christi , neque per propriam fidem , cum sit infidelis , neque per fidem ecclesiæ , cum sit ab ea separatus , ergo non poterit sacramenta ordinis conferre . Respondetur , quod hæretici non omnino sunt extra ecclesiam , nec excluduntur , quin continentur passioni Christi , quia sunt in ecclesia ratione sacramenti baptismi , quod retinent , & ratione formæ ecclesiæ , quam seruant , & qua continuari censentur passioni Christi . & his sublatam est ratio africani concilii illius , quod

hoc decreuit . ideo rebaptizandos ab hæreticis ordinatos, quòd cum unum sit baptisma in ecclesia, Ephe. I I I I. & extra ecclesiam nullum sit baptisma, hæreticorum etiam nullum sit baptisma .

Sed alia eiusdem concilii, & Cypriani ratio urget, cum dominus in euangelio dixerit, Mat. v. Vos estis sal terræ : si autem sal infatuatus fuerit, ad nihilum ualebit, nisi ut proiciatur foras, & conculcetur ab hominibus . & Mat. x x v I I I. mandauerit discipulis suis dicens : Data est mihi omnis potestas in cœlo, & in terra . Ite ergo, & docete omnes gentes, baptizantes eos in nomine patris & filii & spiritus sancti . Cum ergo manifestum est, hæreticos non integram sacramenti confessionem habere, nec posse condire sapientia spirituali, cum ipsi ab ecclesia, quæ una est, recedendo infatuati, contrarii facti sunt, ad nihilum ualebunt eorum sacramenta, nisi ut reiiciantur, & conculcentur . Item habetur Io. I I I. Nisi quis renatus fuerit ex aqua & spiritu sancto, non potest introire in regnum Dei . hic est spiritus, qui ab initio ferebatur super aquas . Neque enim spiritus sine aqua operari potest, neque aqua sine spiritu . Si hæretici non tribuunt effectum sacramenti, & spiritum sanctum, cum utrumque requiri uideatur, non

AN ELE. ET CONSE. A SCHIS.

videntur dare sacramentum. Sed responde-
ri potest, quòd quia Christus est qui bap-
tizat, Christus est qui sacramenta & eorum
gratiam tribuit, non coinquantur sacra-
menta malitia tribuentis. Ideo qui ignoran-
tes ministri malitiam, aut scientes ex neces-
sitate ab hæreticis baptizantur, baptizati cen-
sentur ex aqua & spiritu sancto: quòd si su-
scipiens particeps sit erroris, recipit quidem
sacramentum, sed non sacramenti effectum:
nec ad susceptionem baptismi necesse est,
quòd suscipiat spiritum sanctum: licet salua-
tor dixerit: Nisi quis renatus fuerit ex aqua
& spiritu sancto, non ingreditur in regnum
coelorum: sed ad hoc, ut effectum & gra-
tiam baptismi suscipiat, quam sine noua a-
quæ ablutione recipiet, si ecclesiæ reconci-
liatus errorem abiecerit.

Secundo præmittitur, quòd si electi confirma-
tio nulla fuerit, a carente potestate confir-
mandi facta, & huiusmodi confirmationis
iugore consecratus fuerit in Episcopum, is
nequaquam de nouo consecrabitur, cum
caracter impressus sit animæ, ad instar Epi-
scopi ordinantis. glo. not. in c. Prouida. de
elect. li. v. i. quòd etsi in ea decretali habea-
tur, quòd consecrationes huiusmodi nullius
prorsus sint firmitatis; intelligendum est
consecrationem fore nullius firmitatis, quo-
ad

ad executionem, ut interpretata est glo. & alia glo. in c. i. ix. q. i. & quemadmodum ex sententia Augustini habetur in c. Sicut eunuchus. i. q. i. cum dicitur: Sacramenta simoniacorum, sicut & cæterorum hæreticorum, licet sint uera, quantum ad formam, inania tamen & falsa sunt quantum ad effectum, cum non possint in cordibus hominum gignere uel accendere cœlestem gratiam.

Tertio præmittitur, confirmationem electi in Episcopum per Apostolicam sedem, non esse de forma ordinis Episcopalis, adeo quod Episcopus non sit, qui ea careat: quoniam non essent Episcopi in orientali ecclesia, non agnoscentes superioritatem Apostolicæ sedis; nec fuissent Episcopi, qui confirmationem consequerentur a suis Metropolitanis & Patriarchis, etiam agnoscentibus superioritatem Apostolicæ sedis, quod eius mandatis parerent: prout aliàs pluribus disseruimus.

Quod plane confirmatur a Clem. v. in decretali In plerisque. de elect. edita in concilio Viennensi. qua decernitur, quod nemo quantacunque præfulgeat dignitate, nisi speciali super hoc auctoritate sedis Apostolicæ fulciatur, de pastore provideat cathedrali ecclesie sibi qualitercunque subiectæ, quæ cle-

d

AN ELE. ET CONSE. A SCHIS.

ro careat & subditis Christianis. Quod indicat, illud licere habentibus clerum & populum Christianum, si id ex priuilegio aut consuetudine habeat: si tamen quis de facto assumeretur & consecraretur, uerus esset Episcopus. Et quod dixit prædicta decretalis, quod is qui se fecerit aut permiserit consecrari, in Episcopali nullatenus recipiatur honore, exposuit glo. quod non admittetur quoad executionem pontificalis officii, nec permittetur pôtificalibus insigniis uti. quod autem inferiores Roma. Pontifice provideant cathedralibus ecclesiis de Episcopis, & illis sine confirmatione sedis Apostolicæ munus consecrationis impartiantur, exemplum habemus etiam in occidentali ecclesia de Saltzburgeñ. Archiepiscopo, qui provideat de Gurgeñ. Segobieñ. & duabus aliis ecclesiis, quarum Episcopi consecrantur nulla Apostolicæ sedis confirmatione præcedente, minusq; subsequente.

Ex his corelarie subsequitur, a schismaticis electum, a Metropolitano etiam schismatico confirmatum, & sine ulla sedis Apostolicæ confirmatione consecratum, quin potius expressis uerbis illam negantem & abiurantem, esse uere Episcopum, & uere sacerdotes ab eo promotos, quod caracterem indelebilem susceperit, & aliis impres-

ferit, & si fructu & executione ordinum careant, & pro eorum usu absolutione & dispensatione egeant, quæ an impartiri debeat, & quonam modo plenius aliàs differuimus.

Sed non paruam affert difficultatem, si, secundum communem theologorum sententiam, Episcopatus non est ordo, cum nullum proprium habeat ministerium circa confectionem ueri corporis Christi, licet habeat circa corpus Christi mysticum: propterea cum nullum caracterem imprimat, uideatur quòd amitti & reiterari poterit, quòd quædam sit dignitas & iurisdictio, quemadmodum absoluendi a peccatis & excommunicandi auctoritas, quæ amitti potest, cum excommunicatus alium excommunicare nō ualeat, ut rescripsit Alex. 11. Valeriano Episcopo & martyri, & habetur in c. Audiui-
mus. xxiiii. q. 1. sed respondetur, quòd etiam posito, Episcopatum non esse ordinem, Episcopatus tamen adeo habet annexum sacerdotalem ordinem, ut pontificale officium adimpleri nequeat absque altaris ministerio. c. Ex literis. de exces. præla. usque adeo quòd si non sacerdos consecratur in Episcopum, non erit Episcopus; & ratio ni ordinis necessario annexi, habere dicitur caracterem indelebilem, qui amitti non po-

○ AN ELE. ET CONSE. A SCHIS.

test. quemadmodum sacerdotalis caracter,
qui eum necessario concomitatur. Hinc est,
quòd Episcopus confirmatus ante consecra-
tionem exercere non potest ea, quæ ordi-
nis dicuntur Episcopalis, scilicet ordinare
clericos, chrismare, deponere, benedicere
uirgines, consecrare ecclesiam & altaria:
quæ proueniunt ex consecratione, secun-
dum glo. in c. Ex transmissa. & in c. Sicut. §.
Præterea. de elect. c. Inter corporalia. de
translat.

His astipulatur D. Bonauentura in IIII.
sent. di. X X IIII. ar. IIII. cum dixit: Cum or-
dinis potestas principaliter sit ordinata ad di-
spensationem sacramentorum, & maxime
illius sacramenti nobilissimi, scilicet corpo-
ris domini, quia ibi est status graduum, &
ordinum ascendentium: & ita ultra sacer-
dotium non est gradus ordinis, sed tantum
intra hunc gradum & ordinem contingit ef-
se distinctionem dignitatum & officiorum:
qui tamen non addunt ordinem nec gra-
dum nouum, sed solum dignitatem & offi-
cium: sed Episcopatus prout concernit or-
dinem sacerdotii, bene potest dici ordo: sed
prout distinguitur contra sacerdotium, dicit
dignitatem quandam uel officium ipsi anne-
xum: & non est proprie nomen ordinis,
nec noua potestas datur, sed data ampliatur.

Vnde ficut non recipit nouas claues, fic nec alium ordinem. Et hoc refert fenfiffe Vgonem, magiftrum fent. & alios plures, quòd fcilicet non funt nomina ordinum, fed dignitatum. quam dicit efle communem opinionem.

Nobis tamen magis applaudit Canoniftarum opinio, quòd Epifcopatus ordo fit a facerdotio diftinctus, hac ratione (ut alias omittamus) quoniam uidetur dici ordo diftinctus, quando habet difiunctum minifterium circa diuinum cultum altaris, etiam fi non immediate circa confectionem euchariftiæ, & tamen funt ordines diftincti, ut not. in c. Perlectis. di. x x v. Hæc Alexandrin. in c. Decretis. x x i. di. Proinde quis negabit, quin plus conferat Epifcopus ordines conferendo, & plus coadiuuet, quoad minifterium euchariftiæ, habilitando miniftros per ordinationem, uel perfectiores reddendo in facramentis ecclefie per confirmationem fingulos fideles, qui habent fufcipere euchariftiæ facramentum, quàm operetur lector cathecumenos inftituendo, uel oftarius infideles arcendo ab ecclefia?

Nec his quæ prius diximus obftat, quòd Rom. Pontifex huiusmodi fchismaticos ad Epifcopatum inhabilitauerit, quod uidetur potuiffe: quemadmodum ecclefia plures in-

AN ELE. ET CONSE. AVSCHIS.

habilitauit ad matrimonium, usque adeo quòd sicut Deus non coniungit eos, qui iunguntur contra præceptum diuinum, sic nec iungit illos qui iunguntur contra ecclesiæ præceptum. aliàs nullus gradus ab ecclesia prohibitus dirimeret matrimonium contractum, etsi præpediret contrahendum. Quoniam infirma est hæc ratiocinatio, quòd locus sit de minori ad maius. minus enim est inhabilitare quempiam ad matrimonium, quod nullum habet caracterem, & reiterabile est, quàm inhabilitare ad Episcopatum, quod saltem ratione annexi sacerdotii habet caracterem, & dignius est sacramentum: & si id subsequeretur, etiam eadem ratione posset ecclesia inhabilitare ad baptismum: quod nullus uel stupidi ingenii fateretur.

Causam autem diuersitatis posuit sanctus Thomas in IIII sent. di. XXXIIII. ar. I. cum dixit: Personæ illegitimæ ad matrimonium contrahendum dicuntur ex eo, quòd sunt contra legem, qua matrimonium constituitur: matrimonium autem, inquantum est officium naturæ, statuitur lege naturæ: inquantum est sacramentum, statuitur lege diuina: inquantum est officium communis, statuitur lege ciuili. Et ideo ex qualibet dictarum legum potest aliqua persona

effici ad matrimonium illegitima. Nec est simile de aliis sacramentis, quæ sunt sacramenta tantum. Et quia lex naturalis secundum diuersos status recipit determinationes diuersas: & ius posituum etiam uariatur secundum diuersas hominum constitutiones, ideo in diuersis temporibus diuersæ personæ factæ fuerunt illegitimæ.

Superest non minor difficultas, quòd cū in dubio quis potius præsumatur non ordinatus, quàm ordinatus c. Presbyteri. LXVIII. dist. qualis est ordinatus ab eo, de quo est dubium, an sit Episcopus: & in dubio præsumatur quis potius non baptizatus, quàm baptizatus c. Paruulos. de consec. di. I I I I. & in dubio præsumatur ecclesia non consecrata c. Solennitates de conse. di. I. eodem modo, cum dubium sit, an electus & consecratus a schismaticis, Episcopus sit uel non, & ordinati ab eo in sacerdotes, sint sacerdotes; præsumere debemus non ordinatos, sed ordinandos.

Sed Respondetur, id uerum, quando est dubium facti, non iuris. cum autem est dubium iuris, sequi debemus communiorē opinionem, qualis est B. Thomæ, & aliorum, qui eum sequuntur. At casu nostro non est dubium facti, quia præsupponitur Episcopum, licet schismaticum, ele-

d iiii

AN ELE. ET CONSE. AVSCHIS.

ctum a schismaticis sine auctoritate sedis Apostolicæ, imo eam expresse abiurando, fuisse servata ecclesiæ forma a suo Metropolitano & duobus Episcopis consecratum: quo casu censendum est, sacerdotem ab eo ordinatum, non reordinandum: sed solum egere absolutione a censuris propterea incurfis, & rehabilitatione, cum suspensus sit, & careat executione ordinis suscepti.

213
AN ROM. PONTIFEX
POSSIT DIRIMERE

matrimonium contractum
ab hæreticis.



R o responsione ad quæ-
situm, An summus Pon-
tifex possit dissolvere ma-
trimonium inter hæreti-
cos, uno ad catholicam fi-
dem reuerso, altero ue-
rò in hæresi persistente; præmittendum du-
xi, posse summum Pontificem dissolvere
matrimonium contractum per uerba de
præsenti, non autem carnali commixtione
consummatum: cuius differentię plures sunt
causæ.

Prima, quia ante carnalem commixtio-
nem solum adest spirituale uinculum: &
quemadmodum per interitum carnis solui-
tur matrimonium consummatum, ita per re-
ligionis ingressum, qui mors est spiritualis,
dissoluitur matrimonium non consumma-
tum. c. Ex parte tua. de conuer. coniug. not.
Turrecrem. in c. Sunt qui dicunt. XXVII.
q. II.

Secunda, quoniam matrimonium non
consummatum ex constitutione ecclesię ro-

AN RO. PONT. POSSIT DIRIM.

bur suscipit . quod enim conceptis uerbis
præsentis uel futuri temporis fiat matrimo-
nium aut sponsalia , ecclesiæ est constitutio,
quam potest summus Pontifex tollere: cum
etiam sine uerborum expressione contraha-
tur , ut de mutis admittit ecclesia . c. Cum
apud . de sponsa . & de sponsalibus , quæ in
matrimonium transeunt per carnalem copu-
lam, sine ulla præsentis temporis uerborum
prolatione . c. Veniens . de sponsa . At con-
summatum robur suscipit diuina constitu-
tione, cum dixit dominus , Quos Deus con-
iunxit , homo non separet . et , Erunt duo
in carne una . Quod non fit nisi per carna-
lem copulam . ut per glo. & doct. in c. Ex pu-
blico . de conuer. coniug. quod in tantum as-
seruit Ostien. ut etiam censuerit posse Ponti-
ficem, ex utriusque coniugum consensu, ex
absoluta potestate dirimere matrimonium
contractum uerbis de præsenti , non tamen
nisi ex causa .

Tertia ratio assignatur , quod per matri-
monium consummatum repræsenteretur unio ,
quæ est inter Christum & ecclesiam , inter
diuinitatem & humanitatem , quæ indissolu-
biles sunt . at non consummatum designat
unionem animæ fidelis cum Deo , quæ dis-
solubilis est per peccatum , quo quis a Deo
recedit . c. ut debitum . de biga. Repræsenteretur

autem per matrimonium corporum commixtione consummatum, unionem, quæ est inter Christum & ecclesiam per incarnationis mysterium; deducitur ab Innoc. III. in eo canone, ex eo quod Paulus exponens illud, quod dixit protoplastes: Hoc nunc os ex ossibus meis, & caro de carne mea: & propter hoc relinquet homo patrem & matrem, & adhærebit uxori suæ: & erunt duo in carne una; statim subiungit: Hoc autem dico, magnum sacramentum, in Christo & ecclesia. nec dicit ante commixtionem, quod essent duo in carne una, sed erunt duo &c. & designans representationem, subiicit: Hoc autem dico, magnum sacramentum, in Christo & ecclesia.

Secundo præmittendum est, inter infideles esse uerum & legitimum matrimonium, non tamen perfectum & indissolubile. Quod deducitur ex eo, quod Apostolus primæ Corin. V. III. consilium dedit, quod si quis frater habet uxorem infidelem, & hæc consentiat habitare cum eo, non dimittat illam: quæ si non fuisset uxor, permisisset fornicationem.

Comprobatur ex eo, quod dominus, cum interrogaretur à Iudæis, an liceret dimittere uxorem suam, atque exponere fieri non debere; addidit: Quod Deus cōiunxit,

AN RO. PONT. POSSIT DIRIM.
homo non separet. quod dicens Iudæis, qui
nondum fidem ipsius mediatoris acceperāt,
designauit inter eos esse uerū matrimonium.

Quòd si obieceris, Si Deus eos coniun-
xit, & homo separare non debet, erit igi-
tur inter eos nedum legitimum, sed perfe-
ctum & indissolubile coniugium. Respon-
demus: erat quidem dissolubile ante legem
gratiæ, indissolubile post, propter sacra-
mentum additum, quod si in utroque non adsit,
redditur indissolubile: propter quod sacra-
mentum nec ex causā fornicationis licet eam
dimittere, ut desinat esse uxor: licet tempo-
re legis permetteretur libellus repudiū etiam
quoad uinculum, quod dissolui credebatur.
Deo permittēte ob duritiem cordis eorum,
non autem ab homine: tempore uero gra-
tiæ ob sacramentum additum non fuit per-
missum, licet quoad mutuiam cohabitatio-
nem dirimi possint.

Deducitur etiam inter infideles esse ue-
rum matrimonium ex eo, quòd si infidelis
secundum ritum suum legitimam repudia-
uit uxorem, ea uiuente non potest aliam ha-
bere, nisi post illius conuersionem illa re-
nuerit cohabitare: aut si consenserit, non
absque contumelia creatoris, uel ut eam per-
trahat ad peccatum: & si in infidelitate repu-
diata uxor conuertatur ad fidem, antequam

MA
ille
pell
esse
Tertio p
cui
id n
cont
Mo
temp
el,
auer
ter cu
li. Et
popu
filiab
cerent
dras f
dra x
scilicet
Vnd
ctum
uider
uoru
doru
T
alica
illu
Sic
na

MATR. CONTRAC. AB HER. 213

ille legitimam ducat uxorem, recipere compelletur. c. Gaudemus. de diuort. quod non esset, nisi foret uera uxor.

Tertio præmittendum, ante legem scriptam licuisse fideli coniugi accipere infidelem, quod id nulla lege prohiberetur. Proinde Ioseph contraxit cum Aegyptia: Genes. 1111. & Moyses cum Aethiopissa: Nume. XII. at tempore legis scriptæ fuit uetitum filiis Israel, cum Cananeis, maxime obstinatis & auersis a Deo, inire coniugia. & generaliter cum adesset timor præuaricationis populi. Et propterea Exo. XXIIII. mandatum populo Israelitico, ne acciperent uxores de filiabus alienigenarum, filiis suis, ne traderent eos post Deos suos. iuxta quod Esdras separauit connubia cum alienigenis: Esdræ X. quandoque tamen permissum, cum scilicet abesset præuaricationis periculum. Vnde Ester nupsit Assuero: Hester 11. & dictum Deutero. XX1. Si egressus ad pugnam uideris mulierem pulchram in medio captiuorum, & amaueris eam, introeas ad eam, dormiesq; cum ea, & erit tibi uxor.

Tempore autem gratiæ nullatenus licet alicui fideli contrahere cum infideli, iuxta illud Aug. ad Pollentium. & habetur in c. Sic enim. XXVIII. q. 1. Ne nubat foemina nisi suæ religionis uiro, uel ne uir talem

ANRO. PONT. POSSIT DIRIM.

ducat uxorem. Id enim iubet dominus, docet Apostolus, utrumque præcipit testamentum. & illud Ambro. libro de patriarchis & habetur in c. Caue. xxiii. q. i. Caue Christiane gentilem, uel Iudæam, uel alienigenam, idest hæreticam, & omnem alienam a fide tua, uxorem accersas tibi. Quapropter statuit concilium Toletan. iiii. & habetur in. c. Iudæi ea. ca. & q. quòd si Iudæus, cuius uxor facta est Christiana, accesserit ad fidem, separentur. Sed hæsitabit aliquis: quoniam hoc decretum aduersari uidetur Paulo, qui dat consilium, ne dimittat. Respondet Vgo, quem sequitur Turcre. dictum Apostoli intelligi de gentili infideli, non autem Iudæo. quod non multum applaudit: quoniam ratio a Paulo data utrobique militat, cum dixit: Sanctificata est enim uxor infidelis per uirum fidelem. & ex post: Vnde enim scis mulier, si uirum saluum facies? quapropter melius responderi posset, decretum Toletan. intelligendum iuxta interpretationem Apostoli, cum scilicet non uult infidelis cohabitare sine contumelia creatoris. uel intelligendum dictum Pauli de matrimonio inter gentiles seu Hebræos, & fideles, in exordio nascentis ecclesiæ: quo tempore, ne amore coniugum retraherentur qui uellent fi-

dem suscipere, permissum est cohabitare cum infideli. Et consilium Apostoli expediens fuerat tempori, & infantiae ecclesiae: nec mirum pro qualitate temporum ecclesiam quandoque uariare. Quemadmodum Apostoli, etsi mandatum fuerit a domino, ut baptizarent in nomine patris & filii & spiritus sancti, baptizabant tamen in nomine domini Iesu, ut amabile & gloriosum redderetur nomen Iesu. At cum creuisset numerus fidelium, & iam ubique esset gloriosum & amabile nomen Iesu, reassumpsit ecclesia formam baptizandi a domino traditam, usque adeo quod amplius non liceat baptizare in nomine Iesu. & multi sint in hac sententia, quod si quis his uerbis baptizaretur, Baptizo te in nomine Iesu, non esset baptizatus.

Siquis autem dubitauerit, quare Apostolus suadet matrimonium inter infideles contractum minime dirimendum fore, si uelint sine creatoris contumelia cohabitare, propter spem illam conuersionis infidelis, non licet ob eandem causam fidei uxorem ducere infidelem, ut eam pertrahat ad fidem. Respondet Io. Scotus, qui merito doctoris subtilis agnomen sortitus est in IIII. di. XXXI. ar. II. quod non adest eo casu spes futurae conuersionis. quoniam (ut il-

AN RO. PONT. POSSIT DIRIM.

lius uerba referamus) multum amans coniu-
gium multa & magna faceret, ut illud attin-
geret, quæ non esset facturum eo adepto. Et
ideo si iste non uult conuerti, dum ardet de
fiderio coniugii, non est probabile, quod
ista postea lucretur, sed magis e conuerso,
quia illa uidetur abducere istum. & ideo ces-
sat ratio tantæ familiaritatis ad infidelem, &
manet ratio fugiendi illam familiaritatem.
quapropter idem Apostolus, qui consuluit
manere conuersum cum non conuersa, dis-
suasit contrahere fidelem cum infideli.

Causæ autem, cur tempore euangelicæ
legis prohibitum est matrimonium fidelis
cum infideli, in primis sunt, quoniam de-
sunt in eo matrimonii bona, bonum scilicet
prolis, quod non est solum procreandæ &
educandæ prolis, sed educandæ ad diuinum
cultum; quod fieri minime posset, parenti-
bus ad diuersa & contraria distrahentibus:
deinde quod desit fidei bonum, quod non
solum est, quod homini fides seruetur dicta
mine quodam naturæ, sed etiam propter
Deum, quia timore & amore Dei seruan-
da est fides coniugi: postremo deest etiam
bonum sacramenti, quia deest inibi perfe-
cta significatio unionis Christi ad ecclesiam.
hæc Turrecre. in c. Siquis xxviii. q. i. qui
secutus est sententiam sancti Thomæ in
iiii. sent.

IIII. sent. di. XXXIX. ad III. cum dixit,
quòd matrimonium principaliter institu-
tum est ad bonum prolis non tantum gene-
randæ, quia hoc sine matrimonio fieri pos-
set, sed etiam promouendæ ad perfectum
statum. Est autem in prole duplex perfectio
consideranda, scilicet perfectio naturæ non
solum quantum ad corpus, sed etiam quan-
tum ad animam per ea quæ sunt de lege na-
turæ, & perfectio gratiæ. & prima perfe-
ctio est materialis & imperfecta respectu se-
cundæ. & ideo cum res, quæ sunt propter
finem, sint proportionatæ fini, matrimo-
nium, quod tendit ad primam perfectio-
nem, est imperfectum, & materiale, respe-
ctu illius, quod tendit ad perfectionem se-
cundam. Et quia prima perfectio est com-
munis fidelibus & infidelibus, secunda au-
tem solis fidelibus, ideo solum inter fideles
est perfectum matrimonium.

Quarto præmittendum, quòd si fidelis & catholi-
cus uxorem duxerit in hæresim lapsam,
modo baptizata sit secundum ritum eccle-
siæ, uerum est inter eos matrimonium,
etiam ut matrimonium est sacramentum.
quoniam matrimonium, quantum spectat
ad sacramenti necessitatem, paritatem expo-
scit; quantum ad sacramentum fidei, scili-
cet baptismum, magis quam quātum ad in-

ANRO. PONT. POSSIT DIRIM.
teriolem fidem, cuius defectus non dicitur
fidei, sed cultus disparitas, qui respicit exte-
rius seruitium. Propterea si fidelis cum hæ-
retica rite baptizata contrahat, uerum est ma-
trimonium, etsi peccatum committat, si
eam esse hæreticam non ignorauerit. Quem
admodum contrahens cum excommunica-
ta, cum adsit ianua omnium sacramento-
rum, baptismus: cuius defectu infirmum
est coniugium cathecumeni etiam habentis
rectam fidem: sanctus Thomas dist. supe-
rius citata. Et quamuis Ambrosius, ut ha-
betur in d.c. Caue. prohibuerit, ne quis cum
his contrahat, non tamen eo canone decre-
tum est, ut separentur. Quemadmodum &
in aliis pluribus casibus ecclesia prohibet
contrahi matrimonia, non tamen irritat con-
tracta. Propterea recte dixit Ricardus de
media uilla, insignis theologus dist. xxxix.
q. i. i. i. i. sent. quod non redditur fidelis per-
sona illegitima ad contrahendum cum infi-
deli, propter infidelitatis peccatum, quia
tunc esset persona illegitima ad contrahen-
dum cum fidei non baptizato, quod est fal-
sum. sed ratio est quia non suscepit sacra-
mentum baptismi, qui est ianua omnium sa-
cramentorum.

Ex præmissis subsequitur, quod cum in-
ter hæresi infectos siue unus tantum, siue

ambo sint a recta fide deuui, coniugium non sit lege humana inuentum, quale illud quod de præsenti uel sponsalia nuncupantur, nec imperfectum sit, quale infidelium, sed habens fundamētum fidei & baptis-
 tis, quod est ianua omnium sacramento-
 rum: propter cuius defectum, imperfectum est infidelium coniugium, & dissolubile: quod indissolubile est hæreticorum matri-
 monium, siue post siue ante contractum in hæresim lapsi sint. ex consequenti summum Pontificem non posse ulla dispensatione di-
 rimere eorum coniugium, ut rescripsit In-
 no. III. & habetur in c. Quanto. de diuor.
 his uerbis: Si alter fidelium coniugum uel la-
 batur in hæresim, uel transeat ad gentilita-
 tis errorem, non credimus quòd in hoc ca-
 su is qui relinquitur, uiuente altero possit ad
 secundas nuptias conuolare: licet in hoc ca-
 su maior appareat contumelia creatoris.
 nam etsi matrimonium uerum inter infide-
 les existat, non tamen est ratum: inter fide-
 les autem uerum & ratum existit. Quòd si-
 quis dubitauerit Inno. usum fuisse uerbo,
 Non credimus, quod dubitantis est, non
 decernentis. respondemus, quòd etsi In-
 no. cum rescripsit Ferrariē. Episcopo, non
 eo animo scripsit, ut legem conderet, &
 forte hæsitaret. quia tamen Greg. IX. qui col

AN RO. PONT. POSSIT DIRIM.

legit canones prædecessorum pontificum ; nonnullis receptis , aliis reiectis , qui infirmiori ratione innitebantur , & cum aliis pugnant , decretalem Inno. inter eas redegit , quas pro legibus recipi decreuit ; dubium Inno. sustulit , quòd pro ecclesiæ declaratione indubie recipiendum est : prout etiam dubium uidetur ipsemet Inno. sustulisse , cum respondens quorundam hæsitati , subiecit : Nec obstat , quòd a quibusdam forsan obiicitur , quòd fidelis relictus non debeat iure suo sine culpa priuari , cum in multis casibus hoc contingat , ut si alter coniugum incidatur . Per hanc enim responsionem quorundam malitiæ obuiatur , qui in odium coniugum , uel quando sibi inuicem displicerent , si eas possent in tali casu dimittere , simularent hæresim , ut ab ipsa nubentibus coniugibus resilirent .

Quod tamen Inno. sub aliqua dixit hæsitati , Alex. III. affirmatiue decreuerat , & habetur in c. II. de diuor. his uerbis : Nos itaque tibi respondemus , quòd mulier pro furto aut alio crimine uiri sui , nisi fidei suæ religionem corrumpere uelit , ab eo separari non debet : uerum si coniugem suam ad infidelitatis maleficium traxerit , a uiro poterit separari : ita quòd ei alii nubere non licebit : quia licet separentur , semper tamen

coniuges erunt. in uiris quoque præsentis
sententiæ forma seruetur.

Quòd etsi non possit summus Pontifex
coniugia hæreticorum dirimere, posset ta-
men decernere eos de cetero inhabiles fore
ad matrimonium contrahendum, quemad-
modum posset eos, qui coniuncti forent
quinto consanguinitatis uel affinitatis gra-
du, inhabiles reddere ad matrimonium, si-
cut et eos habiles reddidit ecclesia, cum prius
essent inhabiles usq; ad septimum gradum.
c. Non debet. de consang. & affi. non tamen
posset dirimere coniugia eorum, qui ante le-
gem nupsissent. an autem expediret id decer-
nere, altioris est disceptationis, & ex his,
quæ in sacro concilio forent in deliberatio-
nem deducenda.

Quòd si quis dubitauerit: potest summus
Pontifex dirimere matrimonium spirituale
religiosi, faciendo de monacho non mona-
chum, & eum habilem ad coniugium, ut no-
tant doct. in c. Cum ad monasterium. de sta-
tu reg. & aliàs nos plenè disseruimus. Cur
ergo non poterit dirimere coniugia hæretico-
rum, fauore fidei, ne sanus inficiatur ab ægro
to? Respondetur, diuersam esse utriusque
rationem. Quoniam in matrimonio quis
non solum obligatur Deo, sed etiam homi-
ni, quia non habent coniuges sui corporis

AN RO. PONT. POSSIT DIRIM.

potestatem. In uoto autem quis obligatur solum Deo, quā obligationem eius uicarius, cuius idem est tribunal cum Christo, remittere potest. c. 11. c. Quanto. de transl. præla. Hinc est, quod etiam transfert Episcopum, alligatum spiritualiter suæ ecclesiæ, de una ecclesia ad aliam, & sine translatione absoluit a uinculo, quo tenebatur, ecclesiæ illi providendo de alio pastore, illo in ecclesia Dei sine ullo uinculo particularis ecclesiæ Episcopum dimittendo c. Inter corporalia. de transla. episco. Quod si dixeris: Etiam religiosus obligatur Deo & homini, in professione sua promittendo obedientiam superiori suo, tradens se ei quodammodo in seruitutem. Respondetur, quod religiosus se tradit in seruitutem, non huius uel illius hominis, sed superioris sui recipientis uice Dei eam obligationem. hinc est, quod Abbate, seu superiore defuncto, aut dignitate amoto, non soluitur eius uinculum, sed durat quousque uiuit, aut is, qui uices Dei in terris gerit, eum absoluerit: quod potest, cum in ea obligatione censeatur excepta superioris auctoritas. c. Veniens. qui cleri. uel uouen. quemadmodum in iuramento: ut not. doct. in c. Constitutus. de rescri. Quibus casibus quod summus Pontifex agit, ipse Deus non homo facere censeatur d.c. Inter corporalia. &

MATR. CONTRAC. AB HER. 220

c. Quanto. de translat. prælat. not. Io. and. & alii doct. in c. Rursus. qui cleri. uel uouen. Maritus autem, uel uxor huic uel illi homini particulari alligatur: quam obligationem nec Deus soluit altero uiuente, nec eius uicarius soluere potest, nec debet, si posset.

Quod si postremo obiiciatur: Per matrimonium per uerba de præsentis contractum quis obligatur huic uel illi particulari homini, non gerenti uices Dei recipienti obligationem: & tamen ea obligatio tollitur per summum Pontificem, cum dirimit matrimonia per uerba de præsentis contracta. Respondetur ex his quæ supra deducta sunt, uirum quidem aut mulierem obligari uerbis de præsentis, non tamen fieri traditionem, qua efficiuntur una caro, & qui uere dicuntur a Deo coniuncti. Sicut in simili, cum quis uendit rem suam uni, & deinde ante traditionem alteri, non adeo firmiter primo obligatur, quin ualeat secunda uenditio l. Quotiens. C. de rei uendica. l. Sicut autem. §. Si duobus. ff. de publicia. cuius ratio est, quia uenditor mansit dominus etiam post uenditionem, ideo erit dominus is, cui prius tradita est. l. penult. C. de rei uendica. Quod si adhuc uir acuti ingenii dubitaret: Secundum hoc igitur matrimonium carnis commixtione consummatum solueret ma-

c. iiii

AN RO. PONT. POSSIT DIRIM.

rimonium per uerba de præsenti, cum in secundo fiat traditio, & effecti una caro non habeant coniuges sui corporis potestatem, sed alter alterius: quod non admittunt canones. c. Si inter uirum. de sponsa. Respondetur, quòd similitudines non semper pari passu ambulant: nec (ut dici solet) idem est, quod & simile. Et ratio diuersitatis est, quoniam inter corporalia & spiritualia hoc interest, quòd corporalia facilius destruuntur, quàm construuntur, ut rescripsit Inno. III. decano & capitulo Andegauens. Propterea quamuis secundus emptor, cui facta est rei traditio, præferatur primo emptori, ex eo quòd temporalia facilius destruuntur, quàm construuntur: non tamen matrimonium carnali commixtione consummatum, cum spiritualia difficilior destruuntur, quàm construuntur.

Sed adhuc non quiescit animus, & dubitari potest, Si spiritualia facilius construuntur, quàm destruuntur, & ideo fortius sit spirituale uinculum, quàm carnale, ut dixit Inno. in d. c. Inter corporalia; cur summus Pontifex sæpius dirimit coniugium spirituale, quod est inter Episcopum & ecclesiam, in translatione, renunciatione, aut depositione, illum a uinculo, quo ecclesiæ tenebatur, absoluendo; non autem potest dissol

uere coniugium carnale, & absolvere coniuges a mutua obligatione? Huic dubitationi occurrit Inno. cum subiicit: Cum ergo fortius sit spirituale uinculum, quàm carnale. dubitari non debet, quin omnipotens Deus spirituale coniugium, quod est inter Episcopum & ecclesiam, suo tantum iudicio reseruauerit, præcipiens ut quod Deus coniunxit, homo non separet. non enim humana, sed potius diuina potestate coniugium spirituale dissoluitur, cum per translationem, depositionem, aut cessionem, auctoritate Rom. Pontificis, quem constat esse uicariū Iesu Christi, Episcopus ab ecclesia remouetur. Sed hæc responsio dubium auger, non tollit. quoniam si Deus suo iudicio reseruauit dissolutionem tam carnalis, quàm spiritualis coniugii, & Rom. Pontifex, quia uices Dei gerit in terris, potest dissolvere matrimoniū spirituale inter Episcopum & ecclesiam, quod fortius est uinculum, poterit etiam dissolvere matrimonium carnale, quod debilius est. Et licet si bene aduertatur hæc responsio satisfaciat, quòd solus Rom. Pontifex potest dissolvere matrimonium spirituale inter Episcopum & ecclesiam, tamen relinquit in dubio, quæ sit ratio, quòd non possit dissolvere carnale, Quod ad illud propositum translationis

AN RO. PONT. POSSIT DIRIM.

Episcopi, de quo erat sermo, non attinebat. Ex dictis doct. in d. c. Inter corporalia. colligi potest, quod licet uinculum spirituale, quoad plura quæ ab eis enumerantur, fortius dici possit, & dignius, quam carnale, non tamen quod difficilius dissoluatur, cum carnale præceptum domini habeat, Quos Deus coniunxit, homo non separet: non autem spirituale. Quod etsi dicatur ab Inno. diuina potestate dissolui coniugium spirituale, cum a Rom. Pontifice per translationem, depositionem, aut cessionem dissoluitur, quã Deus sibi reseruauerat: non tamen dixit, nec usquã habetur de spirituali Coniugio dictum a domino, Quod Deus coniunxit, homo non separet. nec ex hoc, quod diuina auctoritate separetur coniugium spirituale, cum separatur a Rom. Pontifice, subsequitur diuina auctoritate mandatum non separari: quod tamen præceptum habetur de carnali coniugio. Vel dicatur, quod spirituale uinculum difficilius soluitur, quoniam non ab eodem soluitur, a quo datur, in pluribus casibus, de quibus ponit exempla Inno. in d. c. Inter corporalia. Quoniam iuxta canonicas sanctiones Episcopus solus honorem dare potest, solus auferre non potest. Episcopi quoque a Metropolitanis suis munus consecrationis,

adiunctis sibi aliis tribus Episcopis , accipiunt: qui tamen non possunt nisi per Rom. Pontificem condemnari .

Dici etiam potest , & forte uerius , quòd quia Rom. Pontifex , licet possit absolvere Episcopum ab ecclesia , cui alligatur , quoniam , quòd quis sit Episcopus huius uel illius ecclesiæ , est ab homine & a iure positiuo introductum , cum ab initio nascentis ecclesiæ usque ad tempora Dionysii , qui erat Pontifex anno CCLXX. non erat distinctio Episcopatuū & diocesum , quibus specialiter alligarentur Episcopi : sed habita ratione ordinis Episcopalis , uel alterius ordinis sacri , indissolubile est uinculum , propter caracterem in anima impressum , usque adeo quòd ex plurimorum sententia maneat post interitum carnis , cum tamen soluitur morte matrimonium carnale . Propterea nil mirum , si Episcopus aut presbyter depositus , & etiam actu degradatus , sacramenta uere conficit , adeo quòd uerum est Eucharistiæ sacramentum , quod conficit uerè in sacris constitutus , qui ab eo suscepit sacros ordines : proinde non minus dissolui potest spirituale coniugium a Rom. Pontifice , quàm carnale .

Si quis autem ulterius perquirat : Si ingressu religionis soluitur matrimonium uer

AN RO. PONT. POSSIT DIRIM.

bis de præfenti conceptum, modo consummatum non fit. c. Verum c. Ex publico. de conuer. coniug. cur non idem susceptione sacri ordinis? cum tamen in c. i. de uoto. lib. vi. decernatur pari ratione susceptionem ordinis sacri, & ingressum religionis, fore uota solennia, impediencia contrahi matrimonium, & dirimentia contractum? Respondetur de hoc dubitasse glo. in d. c. i. de uoto. & dubium sustulisse Ioannem xxii. in extrauag. cuius initium est, Antiqua: qui declarat ordines sacros minime soluere huiusmodi matrimonium: quoniam si solueret, non esset æqualitas inter uirum & uxorem. Duplici enim remedio posset uir dissoluere coniugium, ingressu scilicet religionis, & susceptione sacri ordinis: mulier uero, quæ propter sexus fragilitatem incapax est sacri ordinis, unico, ingressu scilicet religionis.

At quoniam relatum est, esse nonnullos non parvæ auctoritatis & doctrinæ, sacræ theologiæ professores, in hac esse sententia, posse Rom. Pontificem dissoluere coniugia hæreticorum, si uno ad fidem catholicam conuerso alter in hæresi pertinax & obstinatus fuerit, duabus potissimum innixos rationibus. Primum, quoniam, ex sententia D. Thomæ, ad suscipiendum sacramentum baptismi oportet eum, qui baptizatur, habe-

re rectam fidem circa baptismum, licet forte ea careat in aliis fidei articulis: hæreticos autem nostri temporis, a quibus postulatur a Pontifice diuortii dispensatio, non habere rectam fidem circa sacramentum matrimonii, cum non credant fuisse sacramentum a Christo, sed ab ecclesia institutum: propterea deficiente fide, quæ basis est & fundamentum sacramentorum, deficere & sacramentum: & ea de causa fore dissolubile, quemadmodum & infidelium uno ad fidem conuerso, altero nolente cohabitare sine contumelia creatoris. Deinde hoc idem astruentes ex eo, quod Roma. Pontifex dispensat cum religioso, ut possit ex aliqua urgente causa uxorem ducere, prout dispensatum fuit cum Rege Aragonum, & Constantia regis Rogerii filia: posse itidē dissoluere coniugia hæreticorum, fidei fauore. Profecto hi, quicunque sint, egregie falluntur: & pugnat eorum sententia cum declaratione ecclesiæ, Alexandri. s. iiii. de qua in c. ii. & Inno. iiii. de qua in c. Gaudemus. de diuor. de quibus supra plenius disseruimus. Eorum etiam rationes infirmæ sunt, nec carent fallacia. Quoniam longe diuersum est dicere. Oportet eum, qui baptizatur, habere rectam fidem circa sacramentum baptismi: & dicere, Oportet eum, qui contrahit matri-

AN RO. PONT. POSSIT DIRIM.
monium, habere rectam fidem, quòd ma-
trimonium sit sacramentum a Christo insti-
tutum. Quoniam ad indissolubilitatem con-
iugii requiritur fides, quæ profiteretur in ba-
ptismo, propter quam dicitur ianua sacra-
mentorum; non fides, qua quis credat con-
iugium esse sacramentum a Christo institu-
tum. Propterea qui in ea fuerunt sententia,
laborant in æquiuoco: & eorum argumen-
tum (ut dicunt dialectici) est in quatuor ter-
minis, fumens unum pro alio. Secunda
autem eorum ratio sublata est ex his, quæ
supra differuimus. Propterea concludimus
non minus ratum fore matrimonium hære-
ticorum, & indissolubile, quoad uinculum,
quàm cuiusvis catholici: ex consequenti mi-
nime dispensandum cum eo, qui ab hæresi
reuersus, coniuge in hæresi persistente, cu-
pit ad alia uota transire.

FINIS.



005266408

